







من کتب احمدی





*** بسم الله الرحمن الرحيم ***

ای کوکل تاج سر سر سخن بسمله حرف خدادار تحقیق شبه وارد در دیمک جهاندر اهل کشف صحیح بویله دیدی خط خوبيله یازسه کاتب اتی بسمله بحر بادرانده صدف نقطه نک نامی الفدر زبرا اولسیدی بومده بسم الله دوریم اولدی سری کردونک الفک صورتیدر لفظ جلال فیض واحد در اشوب بحر وجود هائ الله در دوره ماه عکس خورشید تجلیدر هب قلزم رحمتک قطره سیدر فیضنه اولدی انس و جن غریق طالیدی شاه و کدا بورخته هم	حسن عنوا ندرر بسمله دن کافر اولور اتی انکار ایدن وار ایکن انده دلیل روشن ایلیوب قول حقه فتح دهن طوته فردوس برین ایچره وطن نقطه سی اولدی انده درعدن مدنه باعث اولدی شهر یم قصر اولوردی عدمه روح و بدن سرنه اولدی انک چون کردن ذاتی مخفی واسمیدر کوریتن موج پر موجنه نظر قبل سن یدی اسمایه مظهر اولدی برن دانه لدر که جمع ایدر خرمن وقیانوس مهابت افکن جسم و جان تازه لندی همچو چمن الدی اندن نصب مر دوزن
---	--

ایکی عالم پر اولدی رحمت ایله یا الهی کهر احسانک دائم ایله بزه فیض کرمک	قنده قالدی نتیجه سی سن بن بذل ایدرسن بزه مخزن مخزن اوله لم تا کل کلشن کبی شن
--	--

اچی ویر چشم دل و جانمزه
روضه حسنکه قرشوروزن

بعذا حد و ثنا ایلیم مولی نعمت اولدی چون مولی دلز کلشن مدحنده انک جمله ارکانمزه هر شب و روز قصر نعت مقرنس ذاتن کنهنه چونکه ایرشمن ادراک کوره لم کلشن تجلیسن بله لم حدیمزی معناده ویره لم روح رسوله صلوات اوله لم بلکه عازم درگاه اچلورسه بزه کر باب قبول کیده لم شرع مظهر یولنه تیر عزم ایرمک ایچون منزلنه جان و دل عشقنه اولوب مرهون دخی هم دست بدرگاه ایدوب کند مزجاده معناده ترقیلوب لبریمز مدحندن دوستنه دوست اوله لم دنیاده چون احبای خدادر بوکرام حقیا هر سحر مناجاته ایده تا کیم دعامزی مقبول الله الله نه بار کهدر اول	دلی پر ضوء و سنا ایلیم نعمتک شکرین ادا ایلیم لم بلبل نعمه سرا ایلیم لم خدمت بار خدا ایلیم لم دست همتله ینا ایلیم لم اگانه چون و چرا ایلیم لم اتی پر نشو و نما ایلیم لم ادب لفظی روا ایلیم لم همره باد صبا ایلیم لم خاک درگاهده رجا ایلیم لم اوتوروب ذوق و صفا ایلیم لم طوره لم عهده وفا ایلیم لم قدمز در دله یا ایلیم لم واریمز اکافدا ایلیم لم آل واصحابه دعا ایلیم لم پیر و اهل هدی ایلیم لم جانمز فیضه سزا ایلیم لم میل دشمندن ابا ایلیم لم دلز طرف ولا ایلیم لم در که حقه ندا ایلیم لم قرع ابواب عطا ایلیم لم بارگاهنده حیا ایلیم لم
--	---

بویله ذوالکبریا شهنشاهه	نه ایچون کبروریا ایلیم لم
ایتموب فیض خدای امساک	یزده بذل فقرا ایلیم لم

خلف الصدق سلف اولغیچون

خدمت میرو کدا ایلیم لم

اما بعد بو محتاج ترقی شیخ اسمعیل حتی غفر الله ذنب وجوده
بفیض فضله وجوده * وایده بالتأیید الملکوتی الالهی وافاض
علیه سجال عطائه واحسانه الکللی * کلک بدایع نکارله صحیفه
تحریره بو وجهله نقشبند اولور * وزبان سنجیده کویدن تقریر
حاله بویله راه بولور که بفضل الله تعالی علوم رسمیه و معارف
حقیقیه دن بقدر الاستعداد بهره ور و کبسه فال و حالم نقود
ملکات و الهاماتدن پرسم و زرا و ولدن بری کشیده سلاک بیان
قلمدیغم جواهر آثار و زرافشان حکم و حقایق اولدیغم صحائف
اسرار علم الله عدد اسماء حسنایه رسیده اولوب * ولکن دائره
مبایعه مه دخول ایدوب و پایه محبت و متابعتیه وصول بولان
اصحاب و احبابم ایچون کلیات علم حاله دائر بر کتاب جامع تألیف
ولطایف ظواهر و بواطنه ناظر بر اثر لامع تصنیف ایتک اتفاق
دوشموب بومعنی بو قدر یاد داشتم ایکن کثرت اشتغال و علقدن
ناشی و سهام قضا و قدر قوس حکمتدن انداخته هدف حالمه
اصابت ایتمه دن فاشی عقده تأخیره قالمش * واوراق وجودین
ریح نکباء حوادث آلمش * و صحرای پهناور عدمه صالمش ایدی
تا که دفعه رابعه ده جریمه پولاد هجره سوار * و مرکب باد پای
هجرت اوزره برقرار اولوب * زبان غیبیدن مأمور * و دست برد
قدر ایلله نهفته مجبور اولدیغم اوزره اوتوز بش سنه دن بری
دارالقارام اولان بلده بروسه دن یک یوز یکرمی طقوز سالی
مشتمل اولدیغم شهر رجبک او اخرنده اهل و اولاد ایلله خروج
و توفیق ملک علام * و دیدبانی خضر علیه السلام ایلله نصف
شهر رمضانده شام جنت مشامه و لوج مقدر * و خط رحل ایتک

میسر اولدقده سال مزبور ذی الحجه سی اوائلنده فیض جدید
الهی متوارد * و قاصد پیام رس غیبی وارد اولغنه باشلیوب
صفای بلم رشک آور آینه اسکندر * و سرشاری جام غبطه
انکیز جم نامور اولوب نتیجه هجرت وجود و عمره ابتلا و محنت
ظهور * و صورت حال دیگر شهود بولدی * بعض آثار حقایق
شعار که عقده نقصانده قالمش ایدی * شیرازه بند تکمیل اولدقدن
صکره بیک یوز اوتوزنجی شهر ربیع الاخرک غره سی جغه کیجه سی
خاطره سابقه درونه مرور و قلبه عبور ایتدکده استخاره به توجه
و کتاب مصممک اسمی درگاه والای کبریادن درخواست اولدقده
چشم دیدبانه در ریجه خیالدن صحرای عالم مثال مطالعه به هنوز
رخصت داده اولدن الهام الهی مسارعت و القاء رحمانی
مسابقت ایدوب اولنکابک نامی * کتاب الخطاب * و یکرمی نوع
احکام ربانیه و حکم سبحانیه بی حاوی بر اثر مستطابدر دینلندی *
فاما عنوان کلامده اثر مذکورک ابواب و فصولی بطریق الفهرس
تعیین اولندیغمی مخلنده بحسب انجرار الکلام بیان ملک علامه
منوط و اختیار قادر مطلقه مر بوط اولندیغیدر * بناء علی هذا
غره مسطوره ده کشیده بیاض اولغنه بدأ اولنوب لسان ترکی
اوزره مسرود اولق ترجیح قلندیغمی منفعت عامه و فائده تامه سی
ملاحظه سیله در تا که امی اولنرفهم ایده لر * و عمل ایدوب منهاج
شریعت و حقیقته کیده لر * و اعتقاد اتده زیغ و ضلالدن مصون
و انحراف سمتدن محفوظ و طریق استقامتدن متوجه درگاه
ملکوت اولوب بزم خاص الهیده مائده قبولدن ملذوذ و محظوظ
اوله لر * کلشن سرای قریبه تمام نشاط و سرور بوله لر * والله
الموفق لکل محقق * الباب الاول فی الاعتقادات * معلوم اولنکه
اعتقاد پاک ارباب الحاد و بدعتی اهل سنت و جماعتدن تمیز
و تشخیص و احدهمای مذمت و آخری محمدته تخصیص ایتدو کیچون
سائر ابواب اوزرینه تقدیم و مبنای دین قویم قلندی * و بو مقامده *

وضع قلم اولند قدده ابتدا وارد الهی بواولدی که * مبتداء المنتهی
 منتهی المبتداء * بو کلام غریبک لسان تصوف اوزره معنای
 عجیبی بود که * سالک الی الله اولان کسسه قرب نوافل مرتبه سنده
 مقام فنایه دخول و قرب فرائضده سیر فنای تکمیل و طور
 انسانیده تحلیل بعد التعقیددن صکره کمال الهی ظهور و معراج
 اول ایله اصله وصول و معاد مبداء اولدقدن صکره عالم بقایه
 رجوع و طور الهیده تعقید بعد التحیلدن صکره کمال انسانی
 بروز و معراج ثانی ایله مبداء معاد اولدوغک اشعاردر که دائرة
 سیرک ابتدا و انتها سنک بری برینه التقاسی نعمت جلیله الهی
 اولدوغک فهم و ذوق ایتکله شکره تحریض و ملازمت عبودیتیه
 ترغیدر * و معراج رسول الله صلی الله علیه وسلم اهل شرکه
 کوره منکر و منتقد و ارباب توحیده نسبت ایله مسلم و معتقد
 اولدیغی کبی ذکر اولسان معنی دخی اهل عقیده طریقت یاننده
 مسلمات و معتقدان اولمغه عنوان کلامده تخصیص بالذکر اولندی
 تا که بونالیفک صحته دلیل و اهل دلت مذاکره و صحبتنه سبیل اوله
 و اعتقاد برنسنه قلبنده عقد و ربط ایتکه دیرلر * پس اول معقود
 و مربوط اولان معنی معتقد اولمش اولور معتقدات عشره کبی که ذات
 احدییه و صفات کمالیه و تقدیس ذات و شمول علم و احاطه قدرت و تعلق
 ارادت و سمع و بصر و کلام ازلی و افعال عدلیه و یوم آخر و نبوت کبی
 و سایر لری دخی بونلره قیاس اولنه اگر چه که عشره کلیات و غیر یلر
 انده مندر جدر خصوصاً اعتقاد نبوت انزال کتبی مشتمل و امور معادی
 جامعدر عذاب و تنعیم و قبر و سؤال ملکین و حشر اجساد و وزن
 و کتاب و حساب و کور و صراط و جنت و نار و شهادت اعضا
 و شفاعت اهل کبار و امثالی کبی که کتب کلامیه بیان و تفصیلنه
 متکفلدر و اعتقاد مجرد علم و نظردن آشغه مرتبه در زیر عامه
 خلقک صفتی عقائددر علوم دکل اگر چه که بعضی عقائده تحقیق
 رایحه سی وارددر که اصحابی اعتقاد لری اوزره راسخلدر و بعضی

علومده تقلید شمه سی وارددر که اربابی تزلزل و مناقصه دن خالی
 دکلدر و مؤمنه کرکدر که درت مرتبه ده اهل سنت و جماعت
 اعتقادی اوزره اوله و اولدرت مرتبه شریعت و طریقت و معرفت
 و حقیقتدر اگر بودرت مرتبه ده و یا خود بعضنده اعتقادنده
 خلل بولنور سه الحاد دن خالی اولماز و عوام ناسک
 اعتقاد لری اهل ظواهر دن اولان علماء شریعتک اعتقاد لری نه تابعدر
 فهم ایتدک لری اوزره و خواص عبادک اعتقاد لری اهل بواطندن
 اولان علماء حقیقتک اعتقاد لری نه تابعدر انلرک دخی فهم و ذوق
 ایتدک لری نه کوره زیرا خلقک مدارک علوم و اذواقده تفاوت لری وارددر
 پس برکسه نک ادراکی قاصر اولسه ادراکی تام اولنلره تابع اولمق
 کرکدر تا که کنندی عقلی قیدندن خلاص اوله آنکچون دیرلر که
 آمنت بالله علی مراد الله خصوصاً متشابهاتده که تأویل عقلی
 انده جاری دکلدر زیرا تعریف الهی اولدقجه مقصود ندر بلنر
 و بعض معانی مستوره اولدیغی عقول ضعیفه اهلنه عنایت حقدر
 تنکم اهلنه معلومدر و بعض کلماتده کلور که * ان عرفت فاتبع
 وان جهلت فسلم * یعنی مجهول اولان مواضعده اقل الامر تصدیقدر
 مکر که ظاهر شرع ردایتش اوله و قابل تأویل اولیه بوصورته
 بلا توقف رد اولنور و خیر اولان امورده اصل اولان اعتقاد
 و شرده انتقاددر یعنی اعتراض و عدم تسلیمدر پس حسن ظن
 و سوء ظندن هر برینک موقع مخصوصی وارددر و شبهه طاری اولان
 یرده اهل علمدن استکشاف لازمدر تنکم قرآنده کلور (فاسئلوا
 اهل الذکر ان کنتم لاتعلمون) و اهل علمدن مراد محققدر مقلد دکل
 زیرا علماء اعصارک اکثری فتوایی تأویلات زایغه اوزرینه بنا
 ایدوب هوالرینه تابع اولورلر نفس الامرده ایسه مخالفدر و بو
 مقوله ره ائمه مصلون دیرلر رسول الله صلی الله علیه وسلم امتی
 اوزرینه انلردن خوف ایلشدر و اهل بدع و اهواء که معتقد لری
 اهل سنتک معتقد لری نه مخالفدر اگر چه جمله سی اهل قبله در

اصلنده التي فرقه در كه خارجيه و رافضيه و قدريه و جبريه
و معطله و مرجئه در هر بری اون ایکبش فرقه اولوب جمله سی
یتش ایکی اولور که جمله سی فرقه هالکه در زیر اهل سنت
والجماعت دن خار جلردر و فرقه ناجیه بونلرک ماعداسیدر و اگر
فرق مذکوره اعتقادلرنده موجب کفر و منافی ایمان واریسه
مخلد فی النار اولورلر والا اهل کبائر اولوب شفاعت ایله نجات بولورلر
و خارجیه اول طائفه در که عثمان و علی و طلحه و زبیر و عایشه
و معاویه بی اکفار ایدرلر و رافضیه ابو بکر و عمره شتم و لعن
ایدرلر و بونلردن بر طائفه کافرلر در که دابة الارض دن
مراد علی و اصحاب ایدر که قیامت دن اول دنیایه رجوع اید و ب
اعدادن انتقام الورلر وجه ارضی عدله طولدورلر دیوا اعتقاد
ایدرلر بو ایسه نصه مخالفدر تنکم سورة یسنده کلور
(الم یروا کم اهلکنا قبلهم من القرون انهم الیهم لایرجعون)
و ابن عباس رضی الله عنهما یه قول مذکور عرض اولند قد
بئس القوم نحن اذا نکحنانسانه و قسمنا میراثه دیدی یعنی علی دنیایه
رجوع ایدیدی حی اولوردی حی که ایسه خاتونلری نکاح و میراثی
قسمت اولنماز تنکم فقهده کلور که بر خاتونه زوجی وفات اتدی
دیو خبر ویرسه ل اولدخی بعد العده اخره تزویج اید و ب اندن
اولاد دخی کتورسه صکره زوج اولی قدوم اتسه اول خاتونینه
زوج اولک منکوحه سیدر که نکاح سابق اوزره باقیدر پس نکاح
ثانی فاسد اولمش اولور و نکاح فاسده عدت لازم اولغله بعد العده
ینه زوج اوله عقد اولنور و قدریه خیر و شر الله تعالی نیک تقدیر یله
اولدغک نفی ایدرلر و هر عبد کندی فعلنی خالقدر و امام مطرزی
بونک خلافتنه ذاهب اولوب قدریه هر نسنه الله تعالی نیک
تقدیر یله اولدوغک اثبات ایدوب قبایحی حقه نسبت ایدنلردر
دیمشدر و جبریه فعل عبدی الله تعالی یه نسبت ایدوب عبد
ایچون قدرت یوقدر فاعل و محرک الله در دیمشدر و اهل سنت

قنده جبر اختیار ی منافی دکلدر تنکم بر استاد کاغد اوزرینه
بر نسنه رسم ایدوب نقش ایچون شا کردی انبه ویرسه اول شا کرد
اختیارنده مجبوردر و بوندن غیری دخی کلام دقیق وارد در که
سر قدره متعلق اولغله ایراد و افشاسی حرامدر * و معطله کسر طاء
مشده ایله ذات حق صفات دن خالیدر دیرلر و اهل سنت دیمشدر در که
صفات الهیه بی نفی ایتک تعطیل و اثبات مکان و اعضا ایتک تشبیه
و اثبات کمال ایدوب غیری بی نفی ایتک عدلدر و نفی صفاتده فلاسفه
و معتزله و صوفیه نک قوللری وارد در که بو محل ایرادی صددندن
خارجدر و بر معطله دخی وارد در که نفی اله ایدوب صانع عالم یوقدر دیرلر
فاما بعض کار بیورمشدر در که مطلقا تعطیل اعتقاد ایدر کهسه
عالمده متصور دکلدر بلکه تعطیل اثبات اله ایدنه نک اعتقاد ایتدوکی
صفتی تعطیلدر پس جائزدر که مثبتک اعتقاد ایتدوکی صورتدن
غیری وجهله اعتقادی اوله و لکن سؤال وارد اولور که حکماء
اقدامین دن بر طائفه وارد در که صانع عالمی انکار ایلوب زندیق
اولمشدر در که انلره دهریه دیرلر و قرآنده کلور (وما یملکنا الا الدهر)
جواب بودر که دهره اسناد حوادث ایتدکدن بالکلیه تعطیل صانع
لازم کلز مع هذا دهره اسناد حوادث ایتدکری اعتقاد تعطیل ایله
بیله اولسه دهر اسماء الله دن اولغله اول اسناد حق تعالی یه اسنادی
متضمن اولوب بالا اعتبار تعطیلدن خالی اولور * و مرجئه انلردر که ایمان
و ارایکن کاهک ضرری اولماز دیرلر و اهل تصوف دخی اون ایکی
فرقه اولوب بر فرقه سی سنیه و باقبسی بدعیه در سنیه اولان اعمال
و عقاید جهندن منفی علیه و محمد و ح اولنلردر * و بدعیه انلرک
خلافتدر که حلولیه و حلیه و اولیائیه و شمر اخیه
وحبیه و حوریه و اباحیه و منکاسله و متجاسله و وفاقیه
والهامیه در * حلولیه انلردر که وجه جیلده صفت حق اولغله
کوزلره نظر ایتک جائزدر دیرلر زن اولسون و جوان اولسون
و حلیه انلردر که رقص و ضرب ید حلالدر و بعض حالات

وارد که انده شرع اعتبار اولمز دیرل * و اولیائیه انلردر که مرتبه ولایت قدم بسان کسندن تکلیف شرع ساقط اولور دیرل و شمر اخیه مناهی و ملاهی حلالدر دیرل * و حبیه درجه مجتبه احکام شرعیه ساقط اولور دیرل انکچون ارالرنده ستر عورت ایتمزل * و حوریه غلبه حالد و طی حور دعواسن ایدرل انک ایچون افاقت بولدقلرنده اغنسال ایدرل * و اباحیه امر و نهی ترک ایدوب حرامد حلالدر دیرل * و متکاسله کسب رزق ایتمکدن قعود ایدوب ابواب ناسدن سؤال ایدرل * و متجاهله ظاهرده لباس عشاق کیوب باطنلری حلیه تقوی و اخلاقدن عاری اولنلردر * و وافییه انلردر که معرفه الله طلبند و اولمازلر حتی انجق حق یلور دیرل * و الهامیه انلردر که قرآن مجابدر و قرآن طریقت اشعاردر دیو قرآنی کیوب اکابدل اشعار و غزل تعلم ایدرل * و بونلرانسه کوره اولان فرق مختلفه در که عقیده لرنده زیغ و ضلال وارد و دیمشلردر که جن دخی انس کیدر یعنی انلرده دخی مسلم و یهود و نصاری و عبده اوثان و مجوسی و رافضی و سائر مبتدعه و فرق ضاله وارد بلکه انلر مارچ ناردن مخلوق اولغله وجود لرنده خفت و هوی غالبدر انکچون انسک کمالی مرتبه سنه بالغ اولمازلر بوسبیدن جنه دخول ایتمیوب اعرا فده قالورلر زیرا اهل برزخدر اعراف کبی انس ایسه ذوالجنحاحین در که جمال و جلالی جامعدر بویله ایکن انلرک دخی اکثری غواشی بشریه و طبیعیه ایله ملتبس اولدقلری جهندن برزخده قالمشلر و معرفه الله ده قصور لری اولدوغی یوزدن اعتقار لرنده زیغ و ضلال اهلی اولمشلردر و دنیا آخرنه دک اهواء ناس افزون اولوب درلو بدعت شعبه لری یتش و دعاوی خواص و عوام نه درجه لره یتشدر پس طریق سداد استین هدایه تابع اولوب کاب و سنتی الدن قومز و باطنی عقائد فاسده ایله افساد ایتمز و باب حق کیوب اهل بطلانه او یوب کتمز زیرا زمانک زیاده اختلالی و خواص

هیئند و اولنلرک کمال اوزره سوء حالری وارد پس زنهار فطرت اصلیه سدیدک قیماغنی بوزمه و الا بردخی اولکی صورت وصفتی بولماز و دیمشلردر که عالمک علمی و معتقدک اعتقادی بابا کبی و حضوری و یا استحضاری انا کیدر و بوابوت و اموت اراسنده ارواح اعمال حاصل اولور اگر علم و یا اعتقاد اولسه عمل بلا روح قالب مقام علوی یه حرکت ایده من و الحاصل صور اعمال اعراض مقوله سیدر که انک جواهری مقاصد اعمال و علوم و اعتقادات و متعلقات هم در بولر اولسه صور اعمال بنفسها قائم اولماز بلا روح جسد قائم اولدیغی کبی بو جهندن حدیثه کلور که * یو جر ابن آدم فی نفقته کلها الاشیا وضعه فی الماء والطين * یعنی برکسه بر بنایی تنزه و تفاخر و انفساح و استراحت ایچون و یا بر مسجد و مدرسه و قطره و امثالنی ریا و سمعه طریقیله بنا ایلمسه انک بناسی بو عالم دنیایی تجاوز ایتمز و اخرتده انک اصلا ثمره سی اولماز زیرا اعراض زائله در و اگر بودنیانک اعراضندن یکیوب مطمح نظری بونک وراسنده بر امر محقق ایسه که رضای حق و تقرب رب مطلقدر اول بنا انک نیت و اعتقادینه کوره روح بولور و مقامی اعلا ی علین اولور و انکله اخرتده فائده لنور و سائر اعمال دخی عموما بویله در و مؤمنه کرکدر که مالی و عمرنی یوق یره اسراف ایدوب خسارت اخرت چکمیبه اهل کسب یوزنده و اهل علم و اصحاب وعظ و خطابت و امثالی اولنلر تدریس و تعلیمده زحمتلر چکرلر اقل قلیل وارد که علمندن منتفع اولور زیرا باطنی حقدن خالیدر و معرفتک درجات متفاوته سی وارد که بری برندن اعلادر و ابتداسی حق تعالی بی من حیث المعتقد اصنام و امثالندن تمیزدر که تنکم (قل یا ایها الکافرون الی اخر السوره اول معنایی تبیین و حق ماسوا دن تعیین ایدر و اصنامده جمله هوایه متعلق اولان نسنه ل داخلدر نته کیم قرآنده کلور (افرأیت من اتخذ الهه هواه) و فقهده بر مسئله کلور که

برکسه بر جاریه اشترا و یا خود برخاتون نکاح ایدوب صفت اسلام
 ندر دید کده بیلسه مسلمه اولماز * ولکن بیلکه مکن مراد معتاد
 اوزره جواب ویرمکن عاجزه اولدوغی دکدر بلکه اعتقادنده
 خلل اولقدر * ارسال رسل و انزال کتب و امور مبدأ و معاده
 شک و یا انکار کبی و الا بالکن لا اعرف دیمک تو حید و اقرار
 و اعتقادی مانع دکدر زیر اجأردر که اصطلاح و عبارت ایلله وصفدن
 عجزنی بیان اوله * و کفر صفت باطنه در که دین محمددن اولدوغی
 ضروری اولان نسنه بی انکار در * بویله پرلده احوط اولان
 عبادتده قصوری اولنله تلقین ایدوب سو یلمک و سو یلمکدر که
 الدین النصیحة) وارد اولمشدر انکیچون قلبنده غل و غشی اولنله
 بعض امیری قاضی حضورنده سؤالده تشدید واداده تعمیق ایلله
 ابطال حقه باعث اولدقلرندن ماعداهل دینک دینی جرح
 و اهل سنتی تضلیل ایتش اولورلر سؤال و جواب ایسه هرکسک
 مقامنه کوره اولور (لا یكلف الله نفسا الا وسعها) برکسه نک
 یاننده خبر واحد صحیح اولسه اگر آنک حکمی افعال دنیایه متعلق
 ایسه انکله حکم و عمل ایلله و اگر آخرته دائرنسنه ایسه آنی
 علی اتعین عقیده سنده طوتمیه بلکه دیه که اگر رسولدن بزه
 و اصل اولدیغی کبی فی نفس الامر ثابت ایسه آنی و جهله
 رسول اللهدن و حق تعالی دن وارد و ثابت اولان احکام و اخباری
 کرک بالفعل معلوم اولسون و کرک اولسون مأمور اولدوغم اوزره
 قبول و اعتقاد و عمل ایتدم زیرا برنسنه مقطوع به اولدقسه
 عقائدده طوتمیه بلکه اگر نقلدن ایسه تواتر ایلله ثابت اوله و اگر
 عقلدن ایسه اوراده دلیل عقلی بولنه مادامکه اول دلیل عقلی بی
 نص متواتر قدح اتمیه بوایکسینک بینی جمع ایتک ممکن دخی اولیه
 والا دلیلی ترک ایدوب نصی اعتقاد ایتک کرکدر و دیمشدر که
 برکسه کلمه کفری تلفظ ایلسه و اعتقادی دخی آنک اوزرینه
 اولسه کفری متفق علیه در و اگر اعتقادی اولیوب ولکن

اختیاری ایلله سو یلمدیسسه جهل عذر اولیوب عند عامة العما
 کافر اولور و بعضیلر جهل عذر دزدیوعدم کفرینه قنوا و یردیلر
 والا جهله جهال اکفار اولنق لازم کلوب زیرا انلر الفاظ کفر
 ندر بیلزلر بیلسه لر سو یلمزلر ایدی فاما حق بودر که اگر دین
 محمددن اولدوغی بالضروره معلوم اولان نسنه لردن ایسه اوراده
 جهل عذر اولماز و جهله لازمدر که بی مقوله ضروری اولان
 علم حالی تعالی ایده لر و اعتقاد لر بی صحیح و کلمه لر بی تسدید ایلله لر
 و اعتقاد اتده تفاوت اولمغله یوم قیامتده الله تعالی صور مختلفه ده
 تجلی ایسه کرکدر شویله که هر طائفه کندی معتقد لر اولان
 صورتی قبول و ماعداسنی انکار ایلله لر انسان کاملدن غیری
 زیرا انسان کامل وجه کلی و اسم جامع اهلیدر پس بودنیاده
 اکانسبتله تجلیده تخصیص اولدیغی کبی آخرته دخی اولماز
 و بعض کلیات کارده کلور (عقد الخلائق فی الاله عقائد
 وانا اعتقدت جمیع ما اعتقدوا) بونک معناسی بودر که
 جمیع معتقداته اعتقاد ایتک جزئیات مقیده سی جهندن
 دکدر زیرا کفر محضدر بلکه کلیات مطلقه سی یوزندندر که
 ایمان صرفدر و قرآنده کلور که (وقضى ربك الا تعبدوا الا اياه
 وینه کلور که) ومن یکفر بالطاغوت و یؤمن بالله فقد استمسک
 بالعمرة الوثقی) بوند طاعوتدن مراد جمیع ماسوادر تقدیم
 اولندیغی تخلیه بابتدن اولمغله در زیرا ماسوادن بوشالمدقسه
 نور ایمان و عیان و سر وحدت ایلله طوتمیه یوقدر و ماسوادن مراد
 تعینات خارجیه جزئیده در و وحدت اول تعیناتک حاوی اولدیغی
 وحداتک جمعیدر که حقیقت ایمان و اعتقاد آنکله قائمدر
 و قیامتده اولان اختلاف تجلی یوم میثاقده اولان اختلاف تجلیدندر
 زیرا ایکسیده حضرت التمثیلده در اگر اوله و آخر ابر صفت ایلله
 تجلی واقع اولایدی کسه انکار ایتمز ایدی و بعضیلر دیدیلر که
 یوم میثاقده اولان تجلی صورت واحده اوزرینه ایدی مختلف

دکل ایدی زیرا تمثل ایدن ارواح ایمان و کفر موطنده دکل بلکه
 فطرت اصلیه و قابلیه اولی اوزرینه ایدی پس یکپاره قابلیته یکپاره
 تجلی واقع اولدی اما یوم موقف یوم میثاق کبی دکلدر بلکه
 دنیاده اولان تجلیات مختلفه اختلاف اعتقاداتی اقتضا ایتمکله
 تجلی آخرت دخی اکا بناء اویله اولور حتی مقام کنشیک تجلی سی
 دخی موقفک تجلی سی کبی مختلفدر که اختلاف اعتقاداته تابعدر
 و کشیدن عودتده اهل قصور و ملک اراسنده اولان رؤیت دخی
 بشقه کونه در که مقام کشیده اولانه مغایردر و بونک اصلی
 بودر که الله تعالی ایچون من حیث نفسه احدیه العین ومن
 حیث صفاته کثرت تجلیات واردر که هر بری آخره مخالفدر
 والا تکرار لازم کلور الله تعالی ایسه واسعدر پس مظاهر
 اسمائک حالنه کوره تجلی ایدر الحاصل اکر یوم میثاقده احدیت
 فطرته نظر اولنورسه تجلی الهی صورت واحده اوزرینه اولمق
 کورینور و اکر عالم اجسامده اولان تفاوت حال و اختلاف
 عقائده باقیلورسه تجلی صور کثیره ده اولمق کوستر زیرا ابدانک
 آینه سیدر اکر چه بالقوه و بالفعل اراسنده تفاوت واردر
 انکچون قبل البلوغ وفات ایدن صبیان حقنده ایکی روایت واردر
 بری فطرته تری خالی و بری دخی بعد البلوغ اولان کفر و ایمانلری
 اعتباریدر آنی ایسه انجق الله تعالی بیلور فاعلم ذلك و تجلی
 مذکور نور شمس بکزر که کر چه نوری صفت واحده اوزرینه در
 ولکن زجاج متلون اوزرینه عکس ایسه اوزجاجک حرمت وصفرت
 وزرقتدن لونیه ایسه اول لون ایله متلون اولور پس زجاج قلوب
 والوان اعتقاداتدر و تجلی الهی متغیر اولماز نور شمس کبی ولکن
 محکم تغیرندن متغیر کورینور و جنید بغدادی به قدس سره
 معرفت و عارفدن سؤال اولندقدده لون الماء لون اناء دیوجواب
 و یردی یعنی عارف اولدر که اخلاق الهیه ایله بروجهله متحقق
 اولاکه کویا حق اوله مع هذا حق حق و عبدعبددر فاعرف جدا

و برکسه نک نبوته اعتقادی اولسه ولکن ظواهر اخباری معانی
 نفسیه به حل ایلسه اول کسه جاهل و بلکه کافر در و برکسه ظاهر
 و باطن و حس معنایی جمع ایلیوب ایکی طرفه دخی قائل و مجموعیه عامل
 اولسه اول کسه عالم و مؤمن کاملدر ز بر روح و جسددن هر برینک
 حکمی و یرمش (وان للقرآن ظهرا و بطنا) سرنه یرمش اولور انکچون
 شجره لوزاهل معرفته اشارتدر زیرالوزک لپی معرفت و دهنی حقیقتدر
 چونکه میوه لب و دهنندن خالی دکلدر و انسانکه شجره کاشانک
 میوه سیدر اکا دخی لازمدر که بالفعل شریعت و حقیقتک مجموعیه
 قائم اوله بالکزر جانب شریعتی طوتوب منکر و بالکزر طرف حقیقتی
 طوتوب اشق اولیه بلکه جناحین ایله پرواز ایلیوب ایکی درلو
 جنته داخل و منزل نعیم و مقام قربه واصل اوله و شریعتده
 حدود الله که افعال مکلفینده اولان احکامدر که وجوب و حظر
 و کراهت و ندب و اباحتدر برکسه که یا حرکت و یا سکون ایله
 متصرفدر بوبش حکمدن خالی دکلدر اکر فعلی واجب اولانی
 ترک و یا ترکی لازم کلنی اشلرسه الله تعالی نک تعیین ایلدوکی حدی
 تجا و زایدوب عاصی اولور و اکر قلب احکام ایدوب فعلی و یا ترکی
 واجب دکلدر دیو اعتقاد ایدر سه کافر اولور زیرا هر نه مقوله
 امر که رسول اکرم النبدن و یا وارث رسول یوزندن وارد اولور
 بلا میزان آنی قبول و اعتقاد و مقتضاسیله عمل لازم کلور
 و هر نه که عالم معناده یدالله دن کلور میزان شرع ایله اخذ ایتملوردر
 زیرا رسول امتنه مکرله مبعوث اولماز بلکه امتنه منزل اولان معنایی
 تبیین ایچون کلور الله تعالی دن اخذ اولمان ایسه بویله دکلدر
 زیرا الله تعالی نک عباد مکرری جو قدر و بومکردن خلاص اولمق
 استین طرف رسولدن کلان میزان شرعی دائما النده طوتملوردر
 اکر وارد باطن اکا موافق کلور سه اخذاید و الا ترکاید انکچون
 جنید بغدادی بیورر علما هذا مقید بالکتاب والسنة یعنی کتاب
 و سنت میزان شرعک ایکی کفه سیدر و سر مذکور اوزرینه در

شول چـ ديت شريف كه كلور * من رأني في المنام فقد رأي الحق
 فان الشيطان لا يتل بي * يعني بر كسه رسول اكرم صلى الله
 عليه وسلمي منامده حليه اصليه لري اوزره كور سه رؤيا سي حقد ر
 زير رسول و وارث رسول اسم هادي به مظهر اولمغه شيطان انلرك
 صورتلري اوزرينه كور غمز والا خلط وتلبس لازم كلور
 واكر حق تعالى بي كور سه جائز در كه شيطان كور مش اوله
 و حقد ر ديوا اعتقاد ايتد و كي باطل چقه زير احق تعالى ايچون اصلنده
 صورت يوقدر و مضل و هادي انك اسماسندندر پس احتمالدر كه
 كورن صورت اكا مكر الهی اوله زير اشيطان بين السماء والارض
 كرسى قیوب اوزرينه اوتور و ب و كند و بي تكري اولمق اوزره
 كوستر و اهل خواب و اصحاب كشف خيالنك اكثري مكمور
 اولور لر كمي مصر اولوب اول اعتقاد اوزرينه قالور لر و كي
 اهل علم صحیح و كي اهل كشف صریحه مقارنله رجوع
 واستغفار و بلكه اول اعتقاددن بري اولان صلاتي اعاده وسائر
 اعمالني تكرار ايلر والله تعالى هو الحفيظ و حق تعالى مباهی عوام
 ناسه مشقت تكليفدن تنفيس و خواصه ابتلا و محنت قلمشدر تا كه
 عبوديته ملازم اولوب سيدلرينك اوا مری تحتنده محصور
 اولور لر می یو خسه حقه مخصوص اولان رتبه اطلاقه مه ايدوب
 تحجیری دفع ايدر لر می ظاهر اوله پس خواص اولو العزم دن اولمغه
 انلره ترك مباح اقوی اولدی و قرآنده كلور كه (هو الذي خلق لكم
 ما في الارض جميعا) بوايتده لام اندفاع ايچوندر ديوا كثر علما
 اباحت اشيايه ذاهب اولوب ضال و مضل اولمشدر زير اشياء
 نافعده اصل اولان اباحتدر مطلقا اشيايه دكل حتى كبار محققين
 خواص رديهي مشتمل اولان حلالی بله ترك ايتمشدر فكيف كه
 خواص مضره سي اولان مشبهات مع هذا بوراده لام بله انتفاع
 ايچون اولوب بلكه اجليه اولمق دخی محتملدر پس معنى لاجل
 امتحانكم ديمك اولور و برنسنده كه امتحان الهی اوله

عارف بالله يا ننده اكا تعرض ايتك و يا خود حلی اعتقاد ايتك
 و يا اباحتنه ذاهب اولمق حرامدر انكچون عرفا حرام و مشبهات
 و مباحات دكل بلكه كوني بيله ترك ايدوب ماسودن حر اولديلر
 اكر چه دشمنلري چوقدر زير فقها و محدثون و سائر علما نك
 اكثري عقايد و نقولده طريق مخصوصه سالك و اكثرا مورد
 رخصته ذاهب اولد قلرندن خلا فلرنده بولنان ارباب عزائمى رد و انكار
 ايلديلر و هر كسك اعتقاد و عملنه كوره بر ملك و بر شيطان وارد ر
 اكر استقامت و عزيمت يولنه كيدر سه تأييد و تثبيت ملكدندر
 نتكم قرآنده كلور (فثبتوا الذين آمنوا) و اكر اعوجاج و رخصته
 سالك اولور سه تزبين و تلقين شيطاندر نتكم تنزيلده كلور
 (الشيطان سول لهم و املى لهم) و ملك طريق حلاله
 دعوت ايدر و لكن مباحه دعوت ايتز شيطان ايسه حرامه
 دعوت ايتد و كي كبي مباحه دخی دعوت ايدر زير مباح يوزندن
 مكر ايدوب رعوت طبع قوت بولد قدده محرمانه دوشور مكر
 و حقيقتده ملك و شيطان سنك غرسكدر انكچون حديثده
 كلور كه * ان الله يخلق من الاعمال ملائكة يستغفرون للعامل
 الى قيام الساعة * و قرآنده كلور (فينبئكم بما كنتم تعملون)
 يعنى عمللريك زك صور حسنه و فيحه سن اظهار ايدر و معتقدات
 اهل سنتدن بري دخی نصب امامك دليل سمعى ايله واجب
 و يافرض كفايه اولد و غير و قال الله تعالى (واولى الامر منكم)
 و قال عليه السلام * من مات ولم يعرف امام زمانه مات ميتة
 جاهلية * سبب وجوب بودر كه الله تعالى اقامت دين ايله
 امر ايتدى اقامت دين ايسه امن و امان ايله اولور يعنى خلق كندى
 نفسلري و ماللري و اهللري اوزرينه بري برلرينك تعدى سندن
 امين اوله لر بومعنى ايسه سطوتندن خوف و رجستن رجا اولنور
 بر كسه نك وجودينه موقوفدر كه خلق امورده اكا مراجعت
 ايدو تا كه خوفدن قلبلري فارغ اوليحق مأمور اولد قلري

اقامت دین دخی مبسر اوله وواجبه انکله توسل اولنان
 نسته دخی واجبدر انکچون اتخاذا امام دخی واجبدر وکذلک
 اطاعتی دخی واجبدر الله تعالی اتی کندی منزله سینه تنزیل
 ایلشدر اکا بناء اطاعت ایدن نجات بولور وعاصی اولان
 هلاک اولور وبرعصرده ایکی خلیفه اولماز زیرا وحدت وجوده
 ناظر در قطب الاقطابک وحدتی کبی وسلطان امور دینه دن
 برنسته بی تغییر ایتسه اولوقتک علماسنه لازمدر که آنی انکار ایده لر
 ولکن رفقه طوته لر رفقک سببی نفوس ایهلریدر وانکارک باعشی
 احترام الوهیت ومحافظه شرع وتقویم امور عالمدر زیرا ظلم
 نفس وظلم عبادله نظام دنیا مختل ومشوش اولور بوجهان بالکثر
 سطلنتک صورتیله ومرتبیه سیله نظام بولماز بلکه صاحبک
 عدلی ايله قوام بولور وحدیثده کلور * بالعدل قامت السموات
 والارض * وعدل ايله مشهور اولان انوشروان کرچه شرع
 منزل اوزرینه دکل ایدی فاما عدلی سببیه وراء حجابدن نائب
 حق ایدی وکسری مذکوره عادل دیمک صفت عدلک منقبتی
 بیاندن نتکم مشرکری زکوة ویرمز لر دیو وصف ایتک ترک
 زکوة صفت اهل شرک اولدیغک اعلانه مانع زکوة اولنلرک
 حاللرین تقیجدر اگرچه عند الخفیه کفار فر وعله مخاطب
 دکلدر و انوشروان صفت عدله نائب حق اولیجق ملوک عادله
 حقک ورسولک نوابی اولدقلری بالطریق الاولادر واکر ظالم
 اولورلرایسه اخوان الشیاطین اولورلر وبرکسه صفت عدله
 موصوف ومعنای انصاف ايله قائم اولسه خلق آنی نصب
 ایتسه لده ایتسه لده ینه حکما ملک وخلیفه در نتکم ظالم اولان
 منصوب ایتسه ده معزول حکمنده در وپادشاه عادل اولورایتسه
 فائده سی دنیا و آخرتده هم سکا وهم اکادر واکر ظالم اولورایتسه
 دنیاده فائده اکا آخرتده سکا در زیرا سن صبر ايله مأجور
 اولورسن واول متاع قلیل دنیا ايله متمتع اولوب ظلمی سببیه آخرتده

مؤاخذه اولنور وپادشاهه معصبتک غیریده اطاعت لازمدر
 والا مطیع اولیان مبتدع اولور حتی برکسه بی سلطان دعوت
 ایدوب اجابت ایتسه اهل بدعت اولور زیرا حکم مبیاعه متابعتدر
 واکر بلاد دعوت وارسه جاهلدر شول جهتدنکه علما امناء حقدر
 اکر سلطان ايله مخالطه ایتزلرایسه یعنی کرکدر که مخالطه علما
 طرفندن اولیه بلکه ملوک جانندن اوله زیرا فرائضک غیریده
 حرکت فرائضده کی کبی اضطراری اولورایتسه مقبولدر اختیاری
 اولورایتسه هوأله مخلوط اولمقدن خوف اولنور وسلطانک
 غیابنده دعا لازمدر کرک سکا صله سی اولسون وکرک اولسون زیرا
 مملکتنده آسوده اولدوغک نعمت کافیدر وبعض کار بیورمشلدر که
 اکر حق تعالی بکار بدعوت مستجابیه ویرسه سلطانه صرف
 ایدردم زیرا سلطان قلب عالمدر وقلب صلاح پذیر اولیجق
 سائر اعضا دخی اولور وسلطان باعث حیات عالم وسبب نظام
 امور بنی آدم اولدیغدن ادنی عمل و اقل حال ايله سائرلر دن
 مقبول اولور وجميع اسما اسم اعظمه مرتبط اولدیغی کبی
 جميع عباد دخی سلطان اعظمه متصلدر که خارج اولان ضال
 ومبتدعدر ودمشلدر که * ارباب الدول ملهمون * زیرا ملوک
 وامرا وعلما اسماء کلیه مظاهریدر وسمواتده بونلرایچون افاضل
 ملائکه تعیین اولنمشدر که دائما الهام حق ایدرلر حجابی لطیف
 اولنلره تأثیر ایدوب عمل ایدرلر ومقبول الهی اولورلر وحجابی
 کشف اولنلر حقندن منحرف قالورلر واکر ظاهر شرعه تابع
 اولمازلرایسه مردود حق اولورلر ووجود انسانده روح امری
 سلطان وعقل قدسی وزیر وقرای روحانیه وجسمانیه جنود
 روحدر واصلنده اهل خلافت تنزل روح اولان قلبدر که
 مظهر سیر اکبردر وآنی اسم جامع نصب ایدوب جميع کائنات
 آنک مبیاعه سنه کلورلر وخلافتی تبریک ایدرلر وقطب وجود
 وسائر ورثه اقطاب آنک سربله قائمدر وخلیفه زمانکه مرشد

کاملدر آنک تحت مبايعه سنده اوليان في الحقيقه جاهليت
اوزره در زيرا اسماء الهيه پری برينه مسخر اولديغي **ککبی**
مظاهر دخی بویه در وانبیا واولیا متابعت ایله مأمور لر در
وبلا مرشد راه خدا بولنوب منزل مقصوده ایرلک کو چدر
وقرآنده کلور که (فیهدهم اقتده) وهدا ایکی درلودر هدا ی
شریعتدر که اکا علماء ظاهر متعین در وهدا ی حقیقتدر که
اکا علماء حقیقت متکفلدر و بو آنه کلنجبه سلسله جسمانی
و روحانی مستمر و متصلدر و دولت عثمانیه مهدی به و دولت
خلافت حضرت عباسی به منتهی در و بو خلافت و دولتدن
صکره سنت و الجماعت و بدعت و ضلالت اسمی و مدلولی مرتفع
اولوب صورت عالمه معنای جلال **ککلی** مستولی اولوب نه قیامتدر
قویسه کر کدر (والله العليم الحكيم) و فروغده کلور که سلطانه
و یا قاضی به لایق دکلددر که تسعیر ایلیه لر یعنی بازارده صایلان
قوت و تنقه اوزرینه ثمن تقدیرا یلیوب شو بهایه بیع ایدیگز
زیاده به بیع ایتمکزدیه زيرا رسول الله صلی الله علیه وسلم زمانلرنده
مدینه منوره ده فقط و غلا واقع اولوب یار رسول الله اهل سوقة
نرخ و یرسه کوز مناسب ایدی دیدکلرنده رسول الله پیوردیلر که
المسعر هو الله * یعنی نرخ و یرن اللهدر یعنی خصب ورها
و فقط و غلادن هر بری الله تعالی نک النده در پس هر نه وجهله
تقدیر ایتدیه آنک نرخ و رواجنه کوره در نتکم دیرلر که رزق
کندینی اوجوز ایدر و بهالی ایدر یعنی نرخ و یرمکه حاجت
یوقدر مکر که اهل سوق تعدی فاحش ایدوب مثلا الی ایچیه
الدقلى بغدادی و یاغیری بی یوز ایچیه به صتارلر بو صورتده
بعض علماء قوی اوزرینه ضرر ناسی دفع ایچون بها تقدیر و تعین
ایتمک جائزدر بودخی اهل رأیک مشورتیه اوللودر تا که
حدندن زیاده نقصانته و یرمکه ظلم لازم کلیه بناء علی هذا
برکسه ضرب سلطان و قاضیدن خوفا تعین اولنان نرخ اوزره

بیع ایتسه و لکن اول بهایه صاتمغه کندینک رضاسی اولسه
مشتری به لازمدر که بر نسنه اشترا ایتدوی وقتده بایعی ارضا
و تطیب خاطر ایلیه تا که اکل ایتدوی حلال اوله زيرا حدیثده
کلور که * لا یحل مال امرئ مسلم الا بطیب نفس منه * و بومسئله
امور اعتقادیه دن اولغله نصب سلطان ذیلنده درج اولندی
زیرا فرق اهل بدعتدن طائفه معتزله تسعیر افعال عباد دن
دخی اولور دیدیلر فاما اهل زمانه زیاده بی انصاف اولغله سحرک
لر و می و اصحاب (الباب الثاني فی العقل) * عقل دماغ انسانده
برقوتدر که آنکله ادراک حاصل اولور وجهه تسمیه انسان کاملی
منکر و قبیح اولان نسنه لردن عقل و حبس ایتدوکیدر و عقل
نفس ناطقه دن غیریدر زيرا نفس ناطقه تدبیر و تصرف طریقه
اجسامه تعلق ایتمشدر عقلک ایسه کر چه تعلق واردر و لکن
تدبیر طریقه دن دکلددر بلکه قلبه تابع برقوتدر زيرا قلب ملائکه
و انبیا و کل اولیا نکدر انکچون قلب صاحبی خطا ایتمز و صاحب
القلب اودر که جمیع اسماء الهیه نک احدیتی اولان اسم اعظمه
عارف اوله عقل ایسه ذکر اولنان طوائف جلیله نک غیری ایچوندر
انکچون عقلک صاحبک خطا ایتمک شانندندر زيرا محفوظ
دکلددر بناء علی هذا عقلک قلبه متابعتی عنایت و توفیقدن
و قلبک عقله اقتداسی خذلان و حرماندندر شوقدر واردر که
عقول تفاوت اوزرینه در که اوچ قسمدر بر قسمی عقل اولدر که
انبیا و کل اولیا نک عقلی بو عقلده داخلدر و بر قسمی عقل
اوسطدر که عقول افلاکدر یعنی افلاکده ساکن و متحیر اولنلرک
عقولیدر محرکات افلاک اولسون و غیریلر اولسون و بر قسمی
عقل آخردر که عقول جزئیده در و اکثر ناسک عقلی بونده داخلدر
آنکچون عقل جزئی و عقل معاش دیرلر عقل **ککلی** و عقل
معاد دیمزلر زيرا عقل معاد نفوس ککاک عقلیدر که عقل قدسیدر
شول جهتدیکه معاد یا لکن آخرت دکلددر بلکه مبدأ اولان

معاده دخی شاملدر آنکچون قدسی دنیلیدیکه قدس شوائب
تعیّنات و امثالندن تقدس و تطهردر دیمشدر که حق تعالی
حضرت آدمه نفخ روح ایتدکدن صکره جبرائیلی اکا اوچ
تحفه ایله ارسال ایتدیکه عقل و حیا و علمدر و بواوچ نسنه
اداسنده مخیر ایلدی تا که برین اختیار ایلده آدم دخی عقلی
اختیار ایتدکده جبرائیل علم و حیا به سزایکیکرم مقابلریکزه
کیدیکوز دیو اشارت قلدقده علم و حیا عقلدن مفارفت ایتوب
وزارت مرتبه سیله عقله تابع اولدیلر عقل دماغده و علم قلبده
و حیا کوزده قرار ایلدی پس عقل انسانی به دماغ روح القدسه
سدره المنتهی و جنة النعیم کیدر و برکسه رؤیاسنده جبرائیلی
کوزمک کندی عقلی صورتی کورمکدر زیرا هر نقدر تمثلات
واریسه صفت غالبه انسانیه صوری اولدیغی عند المحققین
بی ریدر اگر چه حقایقه اطلاعی دخی مانع دکلدن متروحن
اولنلرک تمثلاتی کبی که خضر و ملک الموت و سائرلر بونده داخلدر
انکچون برکسه واقعه سنده حلیه اصلیه سی اوزرینه رسول الله
صلی الله علیه و سلمی کورسه حقا کورمش اولور مع هذا
کوردیکی اول نورک طلبدر و لکن ظلمک مظلومانندن مفارفتی
اولدیغندن احدهمای رؤیت آخری رؤیت حکمنده در
بومقام دقائق تصوفدن اولغله ادراکی عقل کامل ویا کشف
شامله محتاجدر و بر عقل دخی وارد که اکا قلم اعلی دخی دیرلر
رسول الله روح مطهر لریدر خلق اولندقده قلم اولدیغی
یوزدن اکا اوچ یوز التمش دندان ویرلدی و عقل اولدیغی
جهتدن اوچ یوز التمش تجلی و یا خود دقیقه احسان اولندیکه
هر دندان و یا هر دقیقه علوم اجمالیه دن اوچ یوز التمش درلو
علم دریاسندن اغتراف ایلدی و بوعلومک جمله سنی علم وجه
الاجال لوح محفوظ اوزرینه تحریر ایلدی و قیامته دکن
بین الخلق متداول و متعارف اولان علوم کونیه بوعلومدر که

اوچ یوز التمش کره اوچ یوز التمش علمدر و بوعلومک تفصیلی
الله تعالی ییلور وکل اولیایه دخی استعدادلری قدر تعریف
اولمشدر و بوعلومک اکمل مظاهری صحابی به کوره حضرت
علی در که سر الانبیا والمرسلیندر و سائرلر نسبت ایله شیخ
محمی الدین العربی در ختم الاولیادر و عقلا انلدر که ریاضات
و مجاهدات و حلوات و سائر سیر مرصیه ایله کندی نفسلرینه
مشغول اوله لر و واردات الهیه به منتها بولنوب علوم جلیله
مذکوره دن حظ اوفی آلا لکه علوم نبویه در انکچون * علمت
علم الاولین والآخرین * دیو یوردی و اثرده کلور که * اکثر
اهل الجنة البله والعقلاء فی علیین * یعنی عقلا اهل جنت
مقابله سنده مذکور اولدوغندن مفهوم اولدیکه علیین دن
مراد مقام جنانیه نک ماوراسنده طبقات قربت و وصلندر که
عقل کل اهلنه مخصوصدر و شول کسه لکه اصحاب لقلقه و کلام
جدلدر انلر مستهزی بالذین در که قلبلری اوزرینه حب دنیا
و طلب جاه و ریاست مستولی اولوب طریق عقل قدسی و جاده
علم الهی دن خارج اولمشدر و انلر علمی نیجه ذلیل ایتدیلرایسه
حق تعالی انلری ذلیل ایتشدر بوجهتدن انلرک عند العقلا
والعلماء اصلا مقدارلری یوقدر و بونلرک عندنده وزنی اولمیلرک
حق عندنده دخی وزنی یوقدر زیرا بونلر مظاهر حقدر و قبول
ورد بونلره مفوضدر انکچون ابو یزید بسطامی اتباعندن بری
ترک ادب ایتدکده * دعوا هذا الساقط عن نظر الله * دیدی
مقصود کندی نظری ایدیکه نظر حقندن عبارتدر و قرأ نده
کلور که بومعنا بی مشعر آیت وارددر (من يطع الرسول فقد اطاع الله)
(و ان الذین یبایعونک انما یبایعون الله) و (و ما رمیت اذ رمیت و لکن الله
رمی) کبی و اهل جدل و رسومدن بر طائفه دخی فراعنه اولیا
و رجاءله عباد الله الصالحین اولوب حق تعالی نک خدمته
مخصوص و عبودیتنه مقرون و تجلی نظرینه مرهون اولنلره اذیت

وجفای التزام ایتشدر (اولئك الذين لعنهم الله فاصمهم واعمى ابصارهم) و دیشدر که عقلک استحاله ایتدوکی نسنه بی طلب ایتک جائز اولماز تجویز ایدر ایسه اولور حضرت موسی نک طلب رؤیتی بوقبیلنددر زیرا قوت استعداد ونظر عقلی رؤیتی استحاله ایتز ورؤیت محال اولیحق ذاتی طلب ایتنه دخی محال اولماز زیرا مقصود فی الحقیقه کالنی ادراکدر وعقل فی نفس الامر عاجز وضیق اولدیغندن حدیثه کلور که * زدنی فیک تحیرا * یعنی بکا اول وجهله تجلی ایلکه عقل آنی من کل الوجوه استبعاد ایلکه وجلالک لایق اولان نعوتی ادراکدن عجزی ظاهر اوله پس برکسه الله تعالی عقل ایلکه ادراک اولنوردیمک زیاده جهلدندر زیرا الله تعالی محسوس دکلدر حواس ظاهره ایلکه کورینه ومعقول دکلدر که قوای باطنه ایلکه ادراک اولنه وعقلک شانی انجق ادراکی تجویزدر غیر دکلدر پس انبیاء مرسلین وشرع مبیندن نه وجهله بالغ اولدیسسه اول وجهله اعتقاد کافیدر مکر که بصیرتی نور کشفله منور اوله اول وقتده تجلی الهی ایلکه حسب الطائفة البشریه ادراک ذات الهیه حاصل اولور زیرا تجلی ایلکه قلبه دخولی ممکن اولان ذاتک ادراکی دخی ممکندر وعلم بالله ایکی طریق اوزره در که بری نظر فکریدر وبونظر اهلی الی آخر العمر حیرتن خلاص اولماز زیرا بر دلیل یوقدر که دخل وشبهه بحالی اولیه شول سببندکه عالم خیالک اتساعی وارددر وقوت مفکره نک تصرفی حضرت خیالیده در وانسان نه وجهله زنده اولورسه اول حالله مرده اولور انکیچون نظر فکری اهلی آخرته حیرت ایلکه کیدر و آخرته کشف حاصل اولدقدده حیرتی زیاده اولور زیرا اورا ده عقل وادراکی مرتبه سندده اختلاف صور بولنسه کرکدر انکیچون آخرته دنیاده اولدیغنی حالدن اضل اولور شول جهندنکه دنیاده کشفله زوال حیرت مرجوایدی اورایه انتقالدن صکره ایسه امکان قالمدی پس

عاقل فرصتی فوت ایتبوب دنیاده تدرك مافات ایلکه (وعلم بالله) ایکیجی طریق ایتددر حق تعالی ایسه ایکی دفعه بر صورتده تجلی ایتز زیرا واسعدر انکیچون بو عملک صاحبی دخی حیرتن خلاص بولماز واختلاف تجلیدن سکون کلز وقرار بولماز نظر فکری اهلنک آخرته حیرتی کی الحاصل نظر فکری اهلنه آخرته حاصل اولان حیرت علم عن التجلی اهلنه دنیاده حاصل اولور شوقدر وارددر که حیرت علماء بالله مدوحه وساری مذمومه در زیرا تجلی ایلکه عقل اراستنده فرق عظیم وارددر وتقلید کرجه اصل مرجوع الیه در که هر علم نظری وکشی وضروری کار جرع ایدر ولکن مقید اولنرمز ات اوزرینه در وبعضیلرب العالمینه تقلید ایتدیلر که اصحاب علم صحیح اولان طائفه علیه در وبعضیلر دخی عقله تقلید ایتدیلر فاما اورایه فکر ایلکه مداخله ایتبوب علم ضروری اهلی اولدیلر سحره فرعون و حضرت عمرک ایمانلری بومرتبهده واقع اولمشدر وبعضیلر دخی عقله تقلید ایتدیلر ولکن فکرلری حسبیه یعنی فکر ونظرلری مساعدده ایتدیکنه تقلید وانی قبول ایتدیلر ومساعدده فکر اولیان مرتبه لری قبول ایتدیلر واهل نظردن اولان جمیع عقلا علمادزدیو تخیل ایتدیلر مع هذا نظر وحس وعقله تقلید ایلدیلر وبوقوی ایسه غلطندن خالی دکلدر پس نیجه عالم اولور لکه علم ایچنده جهل وغلطلری وارددر اگر اهل الله کی حق تعالی به کثرت نوافل ایلکه تقرب ایتسه لری الله تعالی انلرک سمع وبصر وسائر قوای اولوب هر نسنه بی حقله ادراک ایدر لایدی وجهل وشبهه وشکدن نجات بولور لایدی فاما تقوی وطاعتک یرینه جدل نصب ایتمشلر وطاعت وتقوی صددنده اولنلری دخی انکار بولنه کیشلدر در انکیچون حس وفکر ونقل اوزرینه مقصور قالمشلدر وعقل قاصره زبون ومغلوب اولمشلدر ودعوالزنده خطا لایدوب بوللرن یا کیشلدر وعقلک عصمتی افکاردن وقلبک عصمتی خواطر دندر ونفوسی تقدیس ریاضاتله در که تهذیب اخلاقدر وزاجی تقدیس مجاهداتله در که کدورتدن تصفیه در

و عقول تقدیس طاعات و مکاشفاتله در که او مل فتوح در و جوارحی
تقدیس عند الاوامر والنواهی و قوفله در که طریق رضادر
وانوشت که سری عالمه ساریدر طائفه نساذه اظهر در انکیچون
خواص ناسه محب اولمشدر در حتی حضرت موسی علیه السلام
شعیب کریمه سی صافورایه مهر اولق اوزره اون سنه خدمت ایتدی
و حتی اعظم ملوک عند الوقاع میثت ساجد اوزرینه اولور نظر
عقل ایسه بومغنی استبعاد ایدر زیر شهوت طبیعه دن بعد در
مزاج انسانی ایسه حقیقه ناظر در زیر منشاء تناسل حواد و حوا
آدمک جزیه در که ضلع قصیر ایسریدر و ضلع عناصر اوزرینه
مینیدر عناصر دخی طبیعه مستند در که طبیعت اصل الکدر
وانوشت ایله متصفدر پس هر کس ذاتنده اول انوشت صفی
وار در که نساء اول صفتک مظاهریدر زیراکشی کندوسنی سومک
اولماز پناه علی هذا محبت صورت بولغه برآینه لازم کادیکه اول آینه
نسادر زیراسن قوت فاعله و انلر سنک قوت قابله صور تلریدر
و فی الحقیقه سن بو ایکی حقیقتک جامع سن و ملک عقلی و حیوان
شهوت محضه بی وجن و انس شهوت و عقلی جمع ایلمشدر و انسان
کاملک شهوتی نار عشق نصره تولد ایدن حرارتک اثریدر و عقول
انس و جن رد شهوات ایچوندر اقتناء علوم ایچون دکدر بلکه
اقتناء علوم و معارف ایچون قوت مفکره و سایر قوی وضع اولمشدر
و بعضی امراء استشاره فتنه اهل رأی و نظر صحیحدن بعضی جلساسته
امور ناسه کیمی تولیه ایدیم دیو خطاب ایتدکده اول دخی ولی ذلک
رجلا عاقل ایددی زیر بر کیمه عالم ایسه علی ایله حکم ایدر و اگر
عاقل ایسه بلدیکن عالمه سؤال ایدر انکیچون دیدیلر که (ارسل الحکیم
ولا توص) یعنی برکار ایچون مبعوث اولان کیمه اگر عاقل ایسه
وصیت و نصیحه محتاج دکدر بلکه مقتضای عقلی اوزره سنک
سپارشدن زیاده مصلحت کورر و هم ایثی رلی برنده ایدر و بر کیمه
یاصله و یا عقله تابع اولسه اهل شهوت اولور انکیچون بواعصارده

امور خطیره توکل اولان اشخاصدن خیرکمز ز بر شهوات و هولرینه
تابع اولوب مسند امری تجسس و لباس منصبی تدیس ایلمشدر
پس عاقل و کامل کرکدر که فضائل ایله بقید و قبالشدن آزاده اوله
واهل الله بصرایله عقلی جمع ایتدیلر یعنی تعقل ایتدکری نسنه بی
مشاهده به دخی قادر لر در عوام عقلا ایسه مشاهده دن عاجز لر در
و وحدت وجودی نظر اهل محالدر دیدیلر زیر ذاتین ذات واحده
اولق لازم کور جواب بودر که وجودده عین بر در زیر نور تجلی اثریدر
اختلاف نسب وجودده در نسب ایسه اعیان وجودیه دکدر
بلکه عدمیه در پس ذات واحده نسبتین مختلفین جهتدن ضدینی
قبول ایدر الحاصل واقع اولان احوال ذات واحده نک احوالدر ذوات
متعدده نک دکل و شایخ بکار بیورمشدر در که (انت مرآته و هو مرآت
احوالک) و دیدمشدر در که شجره موساده متکلم اولان حق ایدی تنکیم
حق اسان عبد و سمع و بصر اولدی یعنی هویتی ایله بوخسه صفی ایله
دکل تنکیم صور مختلفه به تحول ایدر مع هدا هویت بر در و حق صورت
شجره اولوب اندن تکلم ایدر حق اولدیغی کبی موسادن اول کلامی
اشیدن دخی حق ایدی پس حق صورت موسی اولدی سامع اولدیغی
جهتدن تنکیم شجره اولدی متکلم اولدیغی یوزدن و شجره ایله شجره
و موسی بنه موسادر که اصلا حلول یو قدر و برشی کندی ذاتنه
حلول ایتیز زیر حلولده ایکی ذات لازمدر آب ایله ظرفی صکی
پوراده ایسه ذات برو حکم ایکیبر و مواطن حسبیه حکم مختلف اولور
تنکیم بر کیمه حق تعالی بی خیالده کورسه صورت چسبیده کورر
و اگر خزانه خیالدن چیقوب نظر عقلی مواطنه داخل اولسه منزله
کورر زیر خیال تشبیه و عقل تنزیه اقتضا ایدر شول جهتدن که خیال
حسه مستنددر عقل ایسه بویه دکدر پس ذات حق حقیقی اوزرینه
معلوم و مرئی اولق محالدر زیر عالم و اهل مشاهده اولان کیمه
البتده مواظندن بر موطئده اولمقدن خالی دکدر که حقه علم
و مشاهده سی اول مواطن حسبیه در انکیچون بزم علمن نافذ و حقل

علمی غیر متشابه در موطن بالذات تنوع اوزرینه در والا جمله سی
موطن واحد اولی لازم کلور بطلانی ایسه بدیهه در زیر موطن
صوریه نیجه ایسه موطن مغنویه دخی او یله در تنکیم اسماء الله
اختلاف معنی اوزرینه ایکن اسم واحد اولماز و عریده جاریدر که
اوج او غلنک اسم برنی عبدالله وضع ایدر و لکن برنده دالک ضمی
و برنده فتحی و برنده کسریله و اختلاف حرکاتدن تغایر اسماء بو انور
زید و عمرو و بکرده بولند یعنی کی و مشهور در که دیمشدر
(اولا الاعتبار لبطالت الحقایق) و بر کیمه نظر عقلی ایله تعین
خالق ایدوب اعتقاد ایسه اول کیمه الله مجعوله عبادت ایدر انکیچون
خلق مأمور اولدیلر که حضرت رسولک تلقین و کتابک تبیین ایندیکی
الله عبادت ایدر و بو خصوصده حقه تابع اولار عقله او عیله
والا پوت پرست کی اولورلر که انلرک معبودلری جمعیله در حقیقی دکل
تنکیم قرأند کلور (ان هی الا اسماء سمیتوها انتم و آباؤکم) یعنی
اطلاق ایندیگی اسمانک حقایقی یوقدر بلکه اسماء مجرد فارغه
قیلنددر حبشی به کافور و جبانه اسد دیمک کی و معقولانده قطاع
طریق شبهات و مشر و عاتده تا ویلاتدر خصوصاً متشابهانده
و مسافر حق و ابن السبیل آخرت بو ایکی طریقه ده و یا خود برنده
اولمندن خالی دکلدر و اگر شو یله که اصلاً شبهه و تصرف عقلی ایله
تا ویلی بوغیسه او کیمه مسافر دکلدر بلکه اول قدم منزلده در
و منزلده اولان محل خوف و خطری کذر ایلمشدر و دریای بی امان
سلو کده ضاعنی کار سلانته طرح قلمشدر و نفوس انبیا و کل اولیا
مراتب عقول اولیده و قوفدن عار ایندییلر زیر ارواح عالیله انلره
مسخره در تنکیم قرأند کلور (و سخر لکم مافی السموات و مافی الارض)
بوسیدندر که متروحن اولان کیمه اگر مراتب تجلیاتی استیفا انجریسه
نادم اولور زیر نصف نشسته اوزرینه قالور و اندن ارشاد کلر شول
جهندنکه عقل اولک ارواح همچون مفاقت ایدوب بو عالم ناسونه
مغری تنکیم لفتش و ارشاد نفوس ایچون ایدی متروحن و مجذوب

مغلوب اولنلر ایسه بو کمالدن محروم اولدیلر متروحن اولدر که
ملائکه کی روحانی غلبه اوله و صور مختلفه ده تمثله کند ی نفسنده
اقتدار بوله و مجذوب طی ارض ایدن صاحب خطوه به بکرر پس
ناس مراحل معناده بی مدت معلومه ده علی التفصیل سیر و قطع
ایدرلر مجذوبلر ایسه سرعت ایله مرور ایدوب کیدرلر و لکن مرور
اجالی کفایت ایندیکنندن سلوک مستقله محتاج اولورلر اول وقتده
انلره مجذوب سالک دیرلر تنکیم قبل القبح سلوک ایدنلره سالک مجذوب
دیرلر و یونانی عادت الهیه اوزرینه اولمغله اولدن اعلا و مقبولدر
تنکیم قرأند کلور (لا یستوی مکم من انفق من قبل القبح و قاتل)
* و بر طایفه وارددر که حکم تکلیف انلرین ساقط اولوب ارواح مهمیه کی
بی شعور اولمشدر زیر سکر غالب جنون مطبق حکمنده در الحاصل
بجاذب احکام شرعیله و آداب مرعیه ایله مطالب دکلدر زیر
تجلی عظمت ایله عقللری ذاهب اولمشدر و ذاهب العقل اولان
ذاهب الروح کی امواتدن معدود در فاما طبعنک بقیاسی سیدیه
احیادندر که حیوان حکمنده در انکیچون اکل و شرب ایدرلر
و حیوانات کی انلره برنسته خفی دکلدر زیر سو یلزلر سویلسلر سکر
زائل اولور و مجذوب ایله مجنونک فرقی بودر که مجذوبک عقلی عندالله
باقی و محفوظ و کندی شهود ذاتله منعم علیه در جنون ایسه مطعوم
کونی و یاغیری نسنه سبی و استعالی ایله عقلی ذاهب اولمشدر پس
کرچه ایکیکنندن دخی حکم شرع ساقطدر و لکن مجذوب اهل
شهود اولمغله اهل فضلدر مجنونده ایسه بوشرف یوقدر و عقلاء
مجانین دیوتسمیه اولمغله سبب بودر که بونلرک جنونلری مجنونلر کی
فساد مزاجدن دکلدر تنکیم ذکر اولندی بلکه قلبلرینه فجأة تجلی الهی
حاصل و اوزرلر زنده آثار قدرت ظاهر اولمقدندر بو صورتده انلره مجنون
دیمک تدبیر عقولدن مستور و عالم حسدن مطلق دیمکدر و بونلرک
اوصافنددر که (اذا رؤا ذکر الله) موجبجه مشاهده لری مشاهده
حق ابراث ایدر و قلب انسانه عظمت و تأثیر کتور و رسول الله

بعض حالاتند که وحی الهی وارد اولاد قدس عالم حسدن مأخوذ
و منساخت اولوردی اگر تبلیغ رسالت و سیاست امت اولیایندی مشاهده
ایند یکی امور عظامت هیتدن عقلی زائل اولوردی و لکن الله تعالی
رسل کرامه قوت زنده ویر مشدد که انکله عقللر بنه خلل کلیوب
عالم حسه رجوع بدرلر و خلقه تبلیغ احکام فیلورلر رسول للهک جبل
نورده جبرائیلی صورت اصلیه سی اوزره مشاهده ابتدا کده مغشی علیه
اولدیغی کتب معتبره ده مسطوردر * و مجاذیب بر قاج ذرلوردر اولکچسی
بودر که مغلوب خالدر و اوان وارد انده طور دفعه تدبیر نفس ابدیه مز
و بعضیلر انی آخر العمر اول حال اوزره مستقر اولور ابو عقبال
مغربی کییکه ابتدا مغلوبیتدن درت سنه غایتنه دک اکل و شرب
ایتمیوب انک اوزرینه وفات ایدی و اینکچسی بودر که عقلی عند الله
امسالک اولوب عقل حیوانیسی باقی اولمغله اکل و شرب ایدر
و تصرفنده تدبیر و رؤیت اولماز بونلره عقلاء دیدیلر زیرا عبش
طبیعیلری وارد سائر حیوانات کی و او چچبسی بودر که مغلوبیتی
مستمر اولیوب صحره کلور و تدبیر و تصرفیه رجوع ایدر مرتبه
ارشاده اولان اقطاب و ارباب احوال کی و دردیجسی بودر که
وارد و تجاییسی قوته مساوی اولوب و لکن انی کورن انده نوعا جذبه
استمرار ایدر و بشجیبسی بودر که قوتی واردندن اقوی اولور که
غالب الحال دیرلر شویله که سنکله محاذیه ایدر کن حال وارد اولور
وسنک اکا شعورک اولماز و بونلره به الیل دیرلر بهلول و سعدون
و سمون و ابو وهب و امثالی کی و بو مجاذیبک بعضیلری دائما مسرت
رضیک و انبساط اوزرینه در و بعضیلری دائماً محزون و مغموم
کزیر و انلرک بو حال ایله مرور ایدن عمرلری ضایع اولیوب و قیلری
اعمال صالحه ایله کذر ایدنلرک اجرلرله مأجور اولورلر زیرا جذیلری
حقیدندر کندی اختیارلرله دکدر پس اگر مجذوب اولمسلر
طاعتده قائم اولورلر ایدی شکیم بر کیمسه وضوء اوزرینه یا توبت کییه
ایچنده قافور ناز قنلق نیت ایلمسه و صباچه دک اویانمسه اکا

قیام لیل ثوابی یازیلور زیرا قابض الارواح الله تعالی ایدر شکیم پیورر
(الله یتوفی الانفس) الایه و بونلردن اوقات صلاتدن مردود العقول
اولنلر مقبولدر شیخ شبلی و امثالی کی زیرا طعمندن خلاص بولور
زیرا حقیقت و شریعت بری برینه مطابقی اولد قدس لسان ذنب
جاری اولماز یعنی خلق اکا شول کیمسه نغز قیلدی و امر شرعه او بعدی
دیمزلر و بویله مستور اولنلر حایه الهیه اهلیدر که ذوق عبودیت
اوزرینه مستقرلر در و دور قریده کللرک آیتلری قرک آینی کی محبوه در
انکچون بکار اولیا حق تعالیدن کرامات علیه طلب ایتدیلر که
(وقل رب زدنی علما) آیتده مذکور اولان علم لهدر بو خسه کرامات
کونیسه و تصرفات ملکیه و خرق عوائد استدیلملر زیرا بونده آثار
الو هیت ایله ظهور وارد و دیمشدر که (کن عند الرب ولا تکن
رب العبد) و شیخ اکبردن قدس سره منقولدر که اوائل حالنده جذبه
قویه ایله مبتلی اولوب انی قدر زمان انک اوزرینه مستقر اولدیلملر
و هر وقتده تجدد وضوء ایدرلر و خلقه امامت قبلورلر و نیتده سهو
ایتملردی و لکن نه کندیلر فی ونه خود جاعتی و نمازی اصلا بیلرلردی
اشته بومقرله ولی به محفوظ دیرلر (رزقنا الله شفاعته * و جذبه و اختیارله
اولان عملک فرقنده کلور که (جذبه من جذبات الرحمن توازی عمل
الثقلین) یعنی جذبه ایله بر عمل جذبه سزانس و جنک عملنه مقابل
و بلکه افضلدر زیرا جذبه ده روح وارد عقل کی دکدر انکچون
عشق مد و حذر زیرا عشق عاشقی ایله معشوق اراسنده رابطه در
و عقل ایسه عاقل و معقول اراسنده رابطه دکدر زیرا حقه محبوب
و معشوق دینور معقول دینز زیرا عقلله ادراک اولنلر شکیم بالاده
کذر ایلدی و داود علیه السلام اعبد اهل ارض ایدی و هر کون
اهل ارضک عملی قدر سمایه عملی مرفوع اولوردی دیو خبر نبوی
وارد اولدیغی جذبه مذکوریه بناء در زیرا نص یله خلیفه حقدر
شکیم قرأنده کلور (یا داود انا جعلناک خلیفه فی الارض) الایه
(*) الباب الثالث فی العلم (*)

معلوم اوله که علم حق تعالیٰ صفت ذاتیه سیدرغنی کی و جهل عبدک
صفت ذاتیه سید رفقر کی و جهله عالم حق تعالیٰ به عبددر و عبد مملوک در
و مملوک تعلیم علم ایتک مالکی اوزرینه در انکیچون حق تعالیٰ حضرت تیری
علم ایله تجلی ایلوب هر کسک حاله کوره ذات و صفات و افعالی
تعریف ایلدی و بو علم حق له خلق اراسته رابطه اولدیکه اعظم
نعم مرغوبه در و خزان الرهبه دن عالم باللهه ابتدا مفتوح اولان علم
بالوجود در مطلقا یعنی علم قدیم اولسون و علم حادث اولسون و وجودک
دخی تمیزی بنفسه اولسون و یاخود ضدی اولان عدم ایله اولسون
ولکن وجود حق کوره ظاهر اولان تمیز بنفسه در و وجود خلقه
نسبت ایله بضده در زیر وجود حق مقابله سنده عدم ذکر اولماز ذکر
اولان ساراشبار که ضدیله متین اولور ایل و علمک شرف
ذاتیسی و شرف عارضیسی وارد شرف ذاتیسی اودر که سنی معلومک
حقیقه ایصال ایدر و اول معلومه اولان جهل و ظن و شک و غفلی
ازاله ایدر و شرف عارضیسی متعلق اولان معلومی جهتند در زیر
بعض معلومات بعضندن اشرف اولیچق بعض علم دخی بعضندن
اشرف اولوب اول معلوم اکا شرف کسب ایتدیرر مثلا حق تعالیٰ
اوصافه علم ایله زیدک دارده و عمروک سووقده اولدیغنی بلمک بدکدر
حتی سور قرآنیه نک جمله سی کلام الهی اولمقده برابر ایکن
سوره اخلاص سوره لهبدن افضل و تلاوق انک تلاوتندن اثوب
اولدی زیر سوره اخلاصده ذات و صفات حق ذکر اولمشدر
و علم عرفندن اقوادر زیر عارف اودر که انک همتی برسته به تعلق
ایده یا بنفسه و یا ربه شول معناه نکه معرفت بر مفعوله تعدیه ایدر
بس فائده واحده صاحب اولور و عالم اودر که ربی و نفسنی جیعا
مشاهده ایده که اندن بقاء رسم ایله تعبیر ایدر پس عالم صاحب
الفاشندند زیر علم ایکی مفعوله متعددر و علماء بالله اولنره عرفا
دیدکاری علماء باحکام اللهدن تمیز ایچوند بوخسه شرف معرفندن
اتوری دکدر زیر حقسه عالم دیر عارف دیمزل و کذلک ولی دیر

بی دیمزل بناء علی هذا جهت ولایت و علم جهت نبوت و معرفندن
افضل اولور یعنی نبینک ولایتی نبوتندن افضلدر زیر ولایت جانب
حقه و نبوت جانب خلقه ناظر در بوخسه مطلقا ولایت دکل زیر
آحاد امب هر قدر که اقصای درجات معرفت بالغ اولسه لرینه اول
غایت نبوتک بدایتدیر و تمام معرفت معرفه اللهدر که صحتله در و معرفت
دنیادر که اذای حلقه تأذیدن سلامت ایله در و معرفت شیطاندر که
جوعلله در و معرفت نفسدر که سهر ایله در پس بودرت نسبه به
ملازمت ایدن معرفت کامله اهلی اولور و علم موهوب اودر که
انک تحصیلنده عمل و تکلف اولیه علم مکسوب ایسه بویه دکدر
انکیچون علومک مرتبه جهتند اعلاسی علم باللهدر که علم وراثتدر
و بو علمک حد محصور ی یوقدر بلکه ابدی متزاید اولمقده در
اندکصره علم نظری و استدلالدر که علم دراستدر و بو علم فی الحقیقه
محدوددر زیر نظر ضیقدر و علم وراثتک علامتی اودر که عقول انی
من حیث الافکار استشکال ایلله و ایمان ایله قبول ایده و علم باللهدر که
حضرت رسول علیه السلام حقندن انک زیاده لکنی طلب ایلله مأمور
اولمشدر شکیم قرآنده کلور (وقل رب زدنی علما) و علماء باللهده اولان
یا علماء باحکام الله زعم ایتدیکی کی مجازا لام معنایده دکدر (العلماء
المخلصون لله) معنایده بلکه اصلی اوزرینه در و لکن قید حیثیت
معتبردر تقدیری (العلماء بالله من حیث الارتباط بینه و بین الخلق و انشاء
العالم منه بقدر الطاقه البشريه اذ منه ما لا یغیه الطاقه البشريه
وهو ما وقع فیہ الکمل فی ورطه الحیره و افر و بالعجز عن حق المعرفه در)
پس علم باللهدن کنهه و کلیته علم لازم کلز و علم استدلالی انبیایه
کوره اولماز مکر که قبل النبوه اوله تکیم قصه خلیله مذکوردر که
کواکه نظر ایتدیده افولی حسبیه الوهیه عدم استحقاق لرینه
استدلال ایلدی وجهی بودر که وحیدن حاصل اولان علم ضروری
نظر دن مغنیدر و بر کیمسه ده عدم طلب و یاخودری که قائمقدر
نا قابل اولمقندن زیر قایلک استعدادی علم محدودده و وقت معینه

تخصیص کورتور من انکیچون ابدی طلبدن و مطلوب دخی زیاده لکدن
 خالی دکلدر بوسیدن دیشلردر که مؤمنک جنتده اون ایکی ارماغی
 وارد دردی جنت اختصاصده و دردی جنت میرانده و دردی
 جنت اعمالده در اول عملار کرک کندینک دنیاده کسب ایتدیکی عملار
 اولسون و کرک غیرک اهدا ایتدیکی اعمال اولسون زیرا غیرک اهدا
 ایتدیکی عمل ایله انتفاع ایتک ار باب حقایق و ظواهر اراسنده
 متفق علیهمدر که مذهب اهل سنتدر و جنتده بر اعاج واردر که کا
 شجره مونسه دیرلر هر مؤمنک خانه سنه اندن حصه واردر که اولور که
 اهل جنت اول شجره نك سایه سنده جمعیت ایدوب جلال حقه متعلق
 مذاکره ایدرلر و مرتبه لری قدر بری برلرینه افاده علوم ایدرلر
 بوجهتدن حاصل اولان علومک علوی سبیلله مرتبه لری اولکیدن
 عالی اولور و مقاملرینه عودتدرنده منازل زائده و درجات عالیله
 بولوب تعجب ایدرلر و سببی نه اولدیغن بیلزلر صکره نفس رجاندن
 ریح مبشره اسوب اول درجات و منازل شجره مونسه تحتده اکنتساب
 ایتدیگری علوم الهیه نك ثمراتی اولدیغن اعلام ایده و انلره اول
 درجاندن اولقدر لذت حاصل اوله که کنهنی الله تعالی بیلله زیرا علم
 لذتدن حاصل اولان ثمره دخی لذت اولور و رسول الله صلی الله
 تعالی علیه وسلم شرب لبن ایتدیگرنده (اللهم بارک لی فیهِ و زدن منهُ)
 دیودعا ایدرلر دی یعنی لبن علم فطرت صورتی اولمغله زیاده لکین
 طلب ایدردی سائر اطعمه و اشربه دنایسه دعاء برکت اوزرینه
 اقتصار قیلرلر دی و علم فطری جنتده نهر اللبن و علم کسبی نهر الماء و علم
 ذوقی نهر العسل و علم سکرو احوال نهر الخمر صورتده جریان ایتسدر
 کرکدر که قرآنده مذکور اولان انهارار بعده در علم بر اعتبار بیلله دخی
 اوج قسمدر که علم الیقین و عین الیقین و حق الیقین زیرا آخرین
 علم یقیننک مرآتندن اولمغله علمدن معدود در درجه احسان
 ایماندن اولدیغی کی مع هذا ایمان غیبیه و احسان مشاهده به
 تعلق ایدر و علم الیقین دلیل ایله حاصل اولان علمدر که دخل و شبهه

قبول ایتیه والا علم دینلر انکیچون یقینه مضاف اولدی زیرا یقین
 علمک قلبده رسوخ و استقرارینه دیرلر نفس علمه دیمزلر علماء رسوم
 و هم ایتدیکی کی و عین الیقین مشاهده و کشفله حاصل اولان
 علمدر و هر عینده رسوخ اولمدیغندن بو دخی یقینه مضاف اولدی
 و حق الیقین عین الیقین مرتبه سنک سری و حقیقتدر مثلاً بر کیمسه
 مکه شهرنده کعبه اولدیغن بیلور و بو خصوصده اصلاً شبهه سی
 یوقدر اکا علم الیقین دیرلر صکره واروب کعبه بی مشاهده ایدر
 و یقینی وضوح بولور اکا عین الیقین دیرلر بعده عین بصیره تی
 آچیلوب کعبه نك حقه مضاف اولوب بیت الله اولدیغی سرن بیلسه
 و معنای احدیت اذا تیه کعبه ایله صورت بولدیغن اذعان قیلسه
 و سائر اسرار کلیه و جزئییه سنه مطلع اولسه اکا حق الیقین دیرلر
 و عینیتده رسوخ لازم کلدیکی کی حقیقتده دخی اقتضا ایتکین
 لفظ حق دخی یقینه مضاف اولدی زیرا بعض حقیقت واردر که
 مرتبه صفاتده اولمغله اضطراب قبول ایدر مرتبه ذات ایسه بویله
 دکلدر و حقیقت حق الیقین دخی واردر که رسول الله مخصوصدر
 پس اول مرتبه به دخوله کیمسه قادر دکلدر ابو یزید بسطامی اول
 مرتبه به دخول مراد ایتدکده اورادن بر نور شعشعاتی ظاهر اولوب
 ابو یزیدی احراق ایلدی شوقدر واردر که اهل کمالک مرتبه لرینه
 وصول و دخول ممکن اولمدیغی صورتده ابراقدن اولسون سیرا و لنور
 یردن کورکده اولان یلدزلر سیران اولمدیغی کی و دنیاده رعیت
 پادشاهک تخته جلوسن اکوررلر و سیراین مطالعه قیلورلر فاما
 اول مقامک لذتی نه ایدیکن ادراک ایده منزل تنکیم بال دیمکدن آغز
 طنلو اولماز بلکه یمکدن اولور و حدیثده کلور که (واسئلك لذة
 النظر الی وجهک الکریم ابداداً دائماً سرمدا دون ضراء مضرة
 و لافتة مضلة) بونده ضراء و مضرة دن مراد بعد التحلی حصول
 حجاب و یارب صفات ایله تجلیدر که سدل حجبی مستلزمدر و فتنه
 مضله دن مراد هر شبهه در که غم و شهوده خلل کنوره و یا خود

نقصانی ایجاد آید پس کر کدر که دوام شهود و کمال قبض وجود
اوزر بنه اوله و عالم اولان کیمسه نك صفتی خستیدر که بر نسته نك
نقیصه سنه اطلاعدن حاصل اولور غیرك حالی خوفدر که مطلقا
شارعی و عیدنده تصدیقندن کلور پس عالم طیب حاذقه بکزر که
مضر اولان نسته لری تناول ایتمز و غیر یسی مریضه بکزر که
طیبك دیدیکنده اعتماد ایدوب عمل ایدر کر کسه اول نسته نك حقیقتن
تعلسون و حق تعالینك خلق ابتدیکی نسته زدن و تنزیل ایتدیکی
علومدن مرادی عبادی کندی طرفه ارشاددر انکیچون بر کیمسه
علومی جمع ایدوب و لکن حقه دلالتی نه یوزدن اولدیغن بنسه اول
کیمسه نفس نسته زجت مجرده و بروب مقصود اعظمندن محروم اولور
و قدر علوم و ارایسه حتی هندسه و حساب و منطق و امثال جمله سنده
وجه حقه دلالت وارد و عارفلك بو مقوله علوم اربابنی ذم
ایتد کیری جهت دلالتدن غافل اولوب مجرد رسمده قالدقلمچوندر
وامام غزالی قبل السلوك هر علمك مبادی و مقاصدینه نظر ایدوب
علم تصوفی حقه ایصالده سائر علومدن را جمع بولمغله اهلنه
مقارنت ایچون بغداد ده جمعین پریشان و تدریسی تأخیر ایدوب
عجمه کیندی و اوراده سلوك ایتدی تا که رؤسای شریعتدن اولدیغی کبی
عظماء طریقندن دخی اولدی و بعد السلوك دمشق الشامه کلوب
مناره پیضاده اون برسنه قدر عزات ایدوب کتب جلیله تألیف ایلدی
بعده بغداد و اربوب کلاول تدریسه مشغول اولدی آخر عجمه
طوسده متواری خاک اولدی و دیملردر که حال مرصدر و مقام صحتدر
و علم بالله حالدن اشرفدر زیرا حالک صحتی عمل ایله مقیم و متقرر
اولور که میر اندر و صاحب الحال حالندن تقدر خوشنود ایسه ده
وقت انتقالده تیری ایدوب تولیدی اولمبایدی دیسه کر کدر و حال
حقه امر مقرب دکلدر دنیا ایسه محل تقرب و آخرت محل قربدر
و حالک حکمی آخرتده در هلك ایسه دارینده در و جسته انسانه
منصب اولان علم ذوقی و ایمان فطریدر ماعداسی خروج روحه

زائل اولور و عالم کر کدر که علم رسمی به مغرور اولمبسه انکیچون
دیملردر که فتنه علم فتنه مالدر اشددر زیرا علم فقر و غنا حائنده
صاحبندن مفارقت ایتمز مال ایسه یالض و یا احراق و یا غرق و یا اهدام
و یا غضب و یا خود غیری آفت ایله زائل اولور و علم حجابدر دید کیری
صاحبنك پندارنه کوره در و یا خود جهلدر حجابدر دید کیر و یا خود
علم صفاتدر صفات ایسه ذاته حجابدر تکیم عند الصوفیه معلومدر
پس جمیع ملاحظاتدن فسا کر کدر کمال حقکدر که کیمسه انك کمالنه
مزاجه ایتمز و نقصان عید کدر که حقه تجاوز قیلز مع هذا علم حق
قدیم و علم خلق حادثدر و علم حق غیر منتهی و علم خلق منتهیدر
مکر که رسول اللهك علم واسعی و کلم جامعی اوله بودخی فی الحقیقه
خالقه کوره در حقه کوره دکلدر انکیچون قرآنده کلور (وما اوتیم
من العلم الاقلیلا) مقصود هر کسك استعدادی قدر حامل علم اولدیغن
پینادر و سؤال ایدوب الله تعالی مالاهایه اولان معلوماتی بیلور می و اهل
جنتك عدد انفسانه علمی محیط میدر دیمك ابو سوز دکلدر زیرا
الله تعالی بیلور که ذات و صفاتنه و معلومات و مقدوراتنه و عدد
انفسانه نهایت یوقدر پس سؤال مذکور حق تعالی کندی کبی خلق
ایتمکه قادر میدر دیمك کبی اولور زیرا قادر دینسه مخلوق خالقه
نظیر اولماز مثلا آدم صورت الهیه اوزر بنه مخلوق اولمقدن نظر حق
اولماز زیرا آدم اصلنده مقدوردر مقدور ایسه معدومدر انکیچون
صورت وجود بولمغله حقه معادل اولماز زیرا آدمك وجودی حقندن
مستفاددر و قادر دکلدر دینسه نظیری متعلق قدرت اولماز دیمك
معناسنه اولسه دخی ظاهرا نفی قدرت ایتك ترك ادبدر کرچه که عرفی
شعرنده کلور (ذات تو قادرست بایجاد هر محال) (الا بافریدن چون
تو بیکانه) و ذات حق متعلق قدرت اولمدیغندن اهل تفسیر (والله علی
کل شیء قدير) نظمنده شیء لفظنی مقدوره تخصیص ایدر که
اشیاددر و دیملردر که بر کیمسه نك علمی نظر و استدلال طریقله
اولسه اندن مخالفات صادر اولور زیرا حقندن محجوبدر علم ذوقی

و کشفی ایسه بویله دکلدر زیر مقام هیبت و جلال انی سوء مقال
و فعالدن منع ایدرمکر که قضاء مبهم اوله بوصورته تنفیذ امر ایچون
عقل مسلوب و مکاشف دخی محبوب اولور فافهم جدا نظر ایله
بر کیمسه سلطانه غائبانه سب ایدر حضورینه وارد قده ترک ادب ایده مز
مکر اعمی اوله الحاصل اهل دلیل عضائله سالک اولان اعمی کبیر
و بو مقوله سلوک بصیرک حائنه قنده بکرز وجیبیدن اخذ ایدن ایله
غیبیدن اخذ ایدن نیجه برابر اولور و قرآنده کلورکه (فاسئلوا
اهل الذکر ان کنتم لاتعلمون) اهل ذکر دن مراد اهل قرآندر پس
بر کیمسه نک ظاهر دینده مشکلی اولسه اهل قرآن و اهل حدیثدن
استفاده ایده اگر اول مسئله بی اوراده بیلور بو غیبه غیری بلادده
اولان علمایه مراجعت ایده تا که حقنده نص معمول به بوله لرا اگر
بولنمزه قیاس ایله عمل اولنور زیر هر یرده رأی جاری و قیاس جائز
دکلدر اگر مشکل باطن دینده ایسه اکا کوره اهل ذکر دن یعنی
ارباب حقایقندن استفسار ایده تا که کشف صحیح ایله حجاب مسئول
زائل اوله والا جاهله سؤالدن فتوی حاصل اولدیغی کی مدعی
و ممکوره عرض حالدن دخی شفاء صدر وجود بولماز و عالمه کر کدر که
علمی بذل ایلیه که انک صدقه سیدر و صدقه بی محله تسلیم ایده
زیرا علم و حکمت جواهر کبیرکه انی مزایله طرح و یا اعناق
خنازیره تعلیق ایتک روا دکلدر و تعلیم مقابله سنده متعلمدن بر فائده
ملاحظه سنده اولیه بلکه انبیا کی (ان اجرى الاعلى الله) دیه کرچه
متعلمه دوشن معلمه خدمتدر تکیم حین مباحیه ده مالندن بعض نسنه
اخراج ایتک سنن اهل ارادتندرتا که دنیادن قصه خروج علامت
و مقدمه اوله بلکه دخول مجلسدن مقدم یله (فقدموا بین یدی نجوبکم
صدقه) موجبیه تقدیم صدقه لازمدر و لکن بومعنی صورت حال
فقرایه کوره خرجدن خالی اولدیغندن حرجی منسوخ اولوب بدله
ترک اولندیکه کلمه حسنه و امثالی دخی صدقه در و قرآنده کلور
(واما السائل فلانتهر) و سائل ایکی وجهله در اگر سائل معروف

اولور سه الله تعالیدن و یا قطب وجوددن و یا سلطان اعظمدن
و یا امرا و اغنیادن طلب ایلیه زیرا بونلر اسعاف مراده اقدردر
نتکیم حدیثده کلور که (اللهم اغنی بالافتقار اليك) والله تعالینک
غیریدن طلب ایتک و سائل اولق ملاحظه سیله در والا ممنوعدر
نتکیم قرآنده کلور (یا ایها الناس اتمم الفقراء الى الله) یعنی هر قنغی
قبویه مراجعت ایتسکر مظهرده ظاهر ملاحظه سیله دق باب
ایدیکر فافهم و اگر سائل علم اولور سه انی دخی ظاهرا و باطنا اهلندن
سؤال ایلیه نتکیم مرورایتدی زیر علمکه سطورده و یا ظاهر صدورده در
قشردر بلکه علم اسرارده و وحی قلوبده و ابتلاء نفوسده در یعنی
سر انسان مظهر علمدرکه انکله حق ارا سنده واسطه یوقدر
بونندر که دیرلر جسمک ورا سنده روح مجرد و روح مجردک فوقنده عین
مجرد و عین مجردک فوقنده سر مجرد واردر و وحبک قلبده اولدیغی
(زل به الروح الامین علی قلبک) نصندن مفهومدر و ابتلاک نفوسده
اولدیغن بیانه حاجت یوقدر حتی وجع موت ییله نفس حیوانیه اوزرینه
کلور (کل نفس ذائقة الموت) کلامنده نفسله مراد نفس ناطقه در
ذوقدن مراد بدنک تدبیرنی ترک و اندن تعلقی قطعدر و الارواح منفوخه
ذوق و وجع یوقدر پس انسان دنیا و آخرتده روح حیوانیه
مرتبه سنده مبتلی و معذبدر و اعظم معاصی اماته قلب ایدن معصبتدر که
علم باللهدن خالی اولمقدردر و قلب الله تعالینک نشاة انسانیه دن
کندی نفسی ایچون اصطفای ایتدیکی یتدر که جهل اول خانه بی
غصب ایتشدردر و بوسبیدن حق طرفندن حاصل اولاجق خیر کثردن
قلب محروم اولمشدر زیر شر اولان جهل ایله خیر اولان حکمت
بریره مجتمع اولماز نور و ظلمتک عدم اجتماعی کی پس انسانه کر کدر که
خانه سنی جهل و شرک اوجاغی ایتیه بلکه بذل مجهود و صرف همت
ایلیوب سرای الهیده علم و توحید اسکان ایلیه و جهل انسانک کرچه
صفت ذاتیه سیدر فاما انده علم الهی دخی مودعدر انکیچون هر علم که
انسان انی بیلور تذکر طریقیله در یوخسه ابتدای علم دکلدر و لکن

عالم ارواحدن برو دور اطوار و مفارقت دار دیار اتمکله فسیار عارض
اولمشدر و حجاب غفلتده قالمشدر انکیچون تنبیه و ایضاظ او انوب
(یا ایها الناس یا ایها الذین آمنوا) دیومنادی و مخاطبدر و بعضیلر
وارددر که بو خطابدن خار حاردر زیرا انلره غلبه حکم و جوب
و انکشاف عالم غیب الغیوب ایله زمان ماضی و حال بر اولمش و کاسه
بزم الست طولمش و بالفعل عمل لرینه گمشدر و بر کیمسه علم ظاهر
و علم باطنی جمع ایله انک عی علم مطلق دکلدر و اندن ترییه و تسلیک
نادر اولور زیرا طریق قوم کتاب و سنت ایله مقیددر مکر که تعلیم الهی
واقع اوله تنکیم بعضیلر دیمشدر که (امسبت کردیا و اصیحت عربیا)
بوایسسه نادردر و بعض احادیثده کلور (ما اتخذ الله من ولی جاهل
ولو اتخذ له) یعنی جاهل اولان ولی عربی اولماز اولیق لازم کله
مقدم تعلیم الهی واقع اولور و مشایخ عجمدن حبیب عجمی و اولیاء
عربدن علی الخواص و کل رومدن بونس امره امیت ایله معروفلدر
ولکن لسان الغیب و ترجمان القرآندر پس مریده لازمدر که
علم حال اهلی اوله و علم دین بیه فرض و سنتی فرق ایله حرام و حلالی
اکله و مهمات اولیانلری ترک ایده زبیرا ذکره مواظبتدن اشغال ایدر
و صاحب الواردات دیمشدر (کما اشتغلت بالدرس زدت بعدا
عن درک الحق) عجبدر دید کلری بورانددر و الا علم صفت شریفه
الهییه در و بغیر علم متعبد اولان کیمسه دکرمن بارکبری کیدر که
دور ایدر و لکن مساهه قطع ایتمز و علم زائدی اولانک دخی سلوکندن
قطع نظر اقراری بیه نادردر و مقر اولوب سلوکی تقدیری اوزرینه
دخی البت بر لکه باقی قالور زبیرا می کبی ساده دل دکلدر انکیچون
ای می ارشاد آسان و عالمی صعبدر یعنی من وجه قافا من وجه آخر
بالعکسدر زبیرا می به وارد اولان اشاراتی خصوصاً قرآن و حدیثی
تفهیم اتمکله مع الجهد عظیمه به محتاجدر عالم بویه دکلدر و ارشاد اعتمادخی
کوجدر زبیرا رو یا طرفی مسده ددر اوائل سلوک ایسه رؤیا اوزرینه
میشدر نبوت دخی بویه در انکیچون رسول الله صلی الله تعالی علیه وسلم

قبل النبوه اوج سنه قدر اسرافیه مقارنت ایلدی اسرافیک
کلامن ایشیدر و اثرن احساس ایدر و لکن کندی کوره زدی صکره
الهی آی قدر رؤیا ایله عمل ایلدی تا که وحی ایله جبرائیل نزول ایتدی
و حدیثده کلور که (ان من العلم کهیئته المکنون لا یعلمه الا العالمون
بالله فاذا نطقوا به لم ینکره علیهم الا اهل الغره بالله) بو حدیثده کهیئته
المکنون دیدی کالمکنون دیمدی زبیرا مکنون اولان علم الله تعالی به
مخصوصدر و علماء بالله انلردر که اشیاک حقه ارتباطی و سائر حقایق
بیه لر و حقیقتده عالم بالله اودر که حقیق کنهی اوزره معلوم اولما دیغن
بیه پس غیر معلوم حق و معلوم خلقدر مع هذا دیمشدر که حق
بیتک آسان و انسان کاملی بیتک مشکدر زبیرا حق اسماء سلویه سی ایله
معلومدر فاما انسان کامل صفات بشریه ایله مستوردر مع هذا
انک بوجه خاصی وارددر که اکر اول وجهله خلقه ظاهر اولسه خلق
اتی معبود اتخاذایدر لر ایدی و علماء بالله اکر اسرار مکتومه بی کندی
مجانسلری اراسنده لسانه کنور لر ایسه قبول واقع اولور و اکر
مجالسلرنده مغرور لر و ارایسه رد و انکار ایدر لر و مغرور لر دن مراد
علم دعواسنده اولوب حق بیلدک دیو زعم ایدنلدر مع هذا ادله
عقلیه دن بیلدیلر کشف ایله وجه ارتباطنه ایدیکن بیلدیلر علم
نظری ایسه و راه پرده دن علمدر که اکاشه و دربر لر انکیچون طعن
جر حدن خالی اولماز علم ضروری و کشف ایسه بویه دکلدر بوسیدن
مثله کلور (ولیس وراء عبادان قریه) یعنی عبادان نهایت القری
اولوب اونه کچلمدیکن کبی علم کشفی دخی منتهی العلمودر که انک
ماوراسنده مرتبه اولماز زبیرا مرتبه رسوخدر تنکیم قرآنده کلور
(واعبد ربک حتی یأتیک البقین) یعنی عبادت شرعیه نک غایتی
(من عمل بما علم اورثه الله علم ما لم یعلم) و فقیحه علم علم کشفیدر که انکله
قلبه استقرار حاصل اولور و حدیثده کلور (من مات وهو یعلم
ان لا اله الا الله دخل الجنة) یعنی وهو یعلم دیدی وهو یؤمن دیمدی
بوندن فهم اولندیکه موحد دخی مؤمن شرعی کبی مخلد فی النار

اولساز بلکه ارجح را چنین نظری ایله خلاص بولور اهل کبار
شفاعت انبیا و اولیا و مؤمنین ایله نجات بولدقلری کی زیر انبیا خبر ایله
مبعوث اولدیله خبر ایسه متعلق الایماندر موحدا یسه زمان فترتده
کلور و یا شوا حق جبالده و جزائر بحورده و اقاصی ارضده بولوب
حق تعالی بی ادله عقلیه ایله یئلندر پس بوعلم توحید اکا بالاخره
دست رس اولوب دوزخدن خلاصنه سبب اولور و سائر استدلاله
قادر اولوب منافی توحید اولان اعتقاد و عملده بولسان کافر لر
و مشرک لر و معطل اولانلر کی کیمسه لر مخلد فی النار اولور لر پس
هر مؤمن موحید اولدی و لکن هر موحده مؤمن دینلدی زیرا
دعوت رساله اجابت جهتندن ایمان شرعیسی بوقدر و موتله غطا
منکشف اولدقده عالم اولان اهل عین اوور و اهل عین دخی ترقی
ایدوب اهل حق اولور و علم متقدمی اولیان عبادن ابصاره انتقال ایدر
ولکن بی فائده اولور زیرا دنیاده اعمی اولان آخرتده دخی اعمی اولور
یعنی شهود اهلی اولساز بلکه احوال و احوال آخرتی کور
بو کورمک ایسه بصر حالدر ترقی ایسه بصیرتدن کلور و علم حقه
اجال بوقدر بلکه اشیا اکا کوره مفصلدر که اولمش و اولاجق علمده
حاضر و علی حده مشهوددر اجال بزه کوره در مکر که انبیا و اکابر اولیا
کوره مفصل اوله زیرا رسام حاذق مداده حروف و کلماتی مشاهده
ایتدیکی کی انلر دخی عالم نومده اولان شئونی علی التفصیل مشاهده
ایدر لر خصوصاً کندیلرینک عین ثابته احوالنه واقف اولور لر شیخ اکبر
حضر تلی کی مغرب دریاسنده سفینه به رکوب وقتنده الی آخر
الامر اولاجق احوالی منکشف اولمشدر اشته بومقوله له حکماء الهیه
دیرلر و انلر که حکماء رسمیه در اجالده قالمشدر در تفصیلدن خبری
بوقدر زیرا اورایه رسم دخول ایتمز بلکه کشف ایسه اختصاص
الهیدر که کسبله وجود بولماز و لکن کسب طریق رأیدر و حق تعالی
برسنه بی اسبابله ایشلر بلکه عندالاسباب ایشلر بویه ایکن تخصیص
ارادت لازمدر تکمیل قرآنده کلور (بختص برجنه من یشاء) و بونک

غیری دخی آیات وارد که مشبته مخصوصه در و عالمده هر موجودک
حقه وجه خاصی وارد انکله حق اراسنده اول وجهله واسطه
بوقدر و اول موجود وجه مذکور دن حقدن مستفید اولقده در
پرتو شمسک واقع اولدیغی محل اول پرتو ایله شمسدن دائماً استفاده
ایتدیکی کی کرک اول موجود بومعانی بیلسون و کرک بیلسون
واریاب کشفک سائرلر اوزرینه رجائلی اول وجهی علم و مشاهده
ایله در و سیر الهی دیدکاری وجه خاص مذکورک تجلیسنددر پس
هر کسده سیر الهی وارد و لکن فهم محقق و یا خود کشف صحیح
بوقدر شول فقیر و درمانده کیبکه ساکن اولدیغی خانه ده دقینه
وارد و لکن بی وقوف و یا خود زیاده مریض اولدیغندن
استخراج ایده مز شویله مفلس قالور و ناس قیامتده نفسلرند
حاصل اولان معرفتلی مقداری اوزرینه محشور اولور لر یوخسه
طریق علم و معرفته معرفتلی مقداری اوزرینه دکل والا کتب
و رسائل اوقیان مقلد محقق ایله محشور اولق لازم کلور مع هذا
هر مقلدده فهم محقق دخی بوقدر زیرا بو فهم بر مقدار طریق
ذوقده بولسانلره حاصلدر و بوراده تحقیقی اولیان کیمسه ره زلل قدم
واقع اولمشدر پس هر کس مقداری بیلوب طورنی تجاوز
ایتمک کرکدر و علم رسمیدن مقصود اصلی عملدر و علمدن دخی مقصود
لذاته علم حقیقی الهی و فنا و بقا ایله تکمیل نشئه در الحاصل علوم
کونیه نک متعلق حکم الهیه به موصله اولان اعمال صالحه در بناء
علی هذا بر کیمسه نک علوم و معارفی نتیجه تقوی و سلوک صحیح و عمل
صالح اولسه اکا علوم و معارف شیطانیه دیرلر رجانیه دیرلر و بعض
کشف و علوم وارد که عالم خیالدن اخذ اولور مقبول دکلدر زیرا
عالم خیال ظاهر عالمدر که عالم ملکدر و عالم قلب باطن عالمدر که عالم
ملکوتدر و جوق سالک عالم خیالدن اخذ ایتدیکی سنه بی عالم قلبدن
قیاس ایدوب غلط و دعویه دوشمشدر بوقدر بر مکر هندی به
ملاقی اولوب حالندن سؤال اولدقده هر کیمه معراج معنوی ایدرم دیو

جواب و بردی و بعض کلمات کشفیه دخی اوقودی مع هذا شرعه
منهم ایدی و خلاف شرعك عدم مانعین اعتقاد ایدر ایدی تا که نماز
قیلوقیل تقلید دیوبی نماز لغن اقرار ایلدی قاتله الله تعالی و برخلوقی به
دخی راست کلوب حالت سجده ده بدن نطفه نزول ایدر وزیاده تلذذ
ایدرم دیر ایدی و اول حالت قبیحه بی استحسان ایدر و اول معنا ایل
افتخار ایلدی زیرا بونلر نتیجه علمدن و حقیقت شهوددن بی خبر لر در
مراتبی فهم ایتزل و مکرری عین منت الهیه عدا ایدر لر و براهل تسلیکه
سرفرو ایتکه پندار لر برزخ عظیم اولمشدر و بعضیلر دخی مسن
اولدقلری جهت بدن زمان شیخوخت و بیوست و پرونده سلوک
ایتسه لر دخی خیر ایتزل و ترقی بولمزلر و بعضیلر دخی فحش علمده
قالوب حدلرینه عدم و قوفدن ناشی ضال و مضل اولمشلر و دعوا ایل
تنزل عظیم بولمشلر در و بعضیلر دخی خیالات نفسانیه و شیطانیه بی
اخبارات الهیه و الهامات رحمانیه ظن ایدوب خلقه اظهار ایتد کلرنده
واقع مطابقی اولمدیغندن بین الناس نخجل اولیحق قهار ذوالجلاله
اعتراضا صوم و صلاه و سایر فرائضی ترک ایتمشلر و بلکه مصحفی حاشا
اگر سن کرچک اولایدک بزی تکذیب ایتز ایدک دیو بیرتوب آتمش لر
اشنه کیمی جهلک زبونی و کیمی عملک از غونی اولوب بو خسرو الله
کیدر لر انکیچون اگر طوائف اهل علمدن و اگر فرق ارباب سلوکدن
نجات بولنر قلت اوزرینه در خصوص صا که بوا عصارک احوالی لسانه
کلز و صد زبان قلم ایلر تحریره امکان اولماز (نسئل الله العافیه)
و خضر علیه السلام دعا سنده کلور که (یا حی یا قیوم یا بدیع السموات
والارض یا ذا الجلال والاكرام اسئلک ان تحي قلبي بنور معرفتك
(حی و قیوم اسم اعظمدر الله و رب اسم لر کیمی و لیکن معرفه الله
حیات قلبیه سبب اولمقله حی اسمنی اختیار ایلدی و قیوم اسمنی قرآنه
موافقه اکضم ایلدی مع هذا ماینلرنده مناسبت معنویه جامعه واردر
زیرا جمیع اشیا حقله قائمدر که سر حیاتدر و سر حیات ساریدر انکیچون
بعض سالکه ابتداء سر حیات منکشف اولور و بدیع صفت مشهوردر

و بدع معناسنه دخی اولور البم مولم و حکیم محکم معنایرینه
اولدیغی کیمی و ابداع برصنعتی یکیدن انشا ایتمکدر که انده نمودار
یعنی اورنک و غیره اقتدا ایتک اولیه و حق تعالی نیک ابداعی برنسنه بی
بغیر آله و لاماده و لازمان و لامکان ایجاد ایتمکدر و جلال صفت
عظمت حق در اکرام جلال اثر ایدر جلال و جمال اراسنده فرق
بودر که جلال جلالدن رتبه جهشتدن اعظم و اعلادر و جمال فضیلت
یوزندن اکرم و اولادر زیرا جلال اصل و عدلدر و جمال فرع و فضلدر
و مرتبه جلال اطلاق و تجرید و تفریددر و مرتبه جمال تقیید و تسلیم
و توحیددر و موجب جلال قهردر که مقتضای احدیتدر و مقتضای
جمال لطفدر که ثمره واحدیتدر و احدیتک فوقنده در که
احدیت مرتبه ذات و واحدیت مرتبه صفاتدر و صفات ذاته تابعدر
و متبوعک مرتبه سی تابعدن مقدمدر و معرفت برنسنه بی علی ما هو
علیه ادراک ایتمکدر و لیکن نسبانه مسبوق اولمغین حقه عارف دینلمدی
زیرا حق برنسنه بی نسیان ایدوب صکره تذکر ایتمکدن منزهدر
و معرفت فی الحقیقه عمل و تقوی و سلوکدن حاصل اولان علمدر که
کشف محققدن اولمقله اکا شبهه دخول ایتز علم نظری ایتسه بویله
دکلدر و بو معرفتدر که شیطان انک نورندن محترق اولوب اولبایه
تعرض ایتمکه قادرا و لماز و ابوعلی ابن سینا اشعارنده کلور که (اعتصام
الوری بمغفرتک عجز الواصفون عن صفتک) (تب علینا فاننا بشر
ما عرفناک حق معرفتک) یعنی حق تعالی بی کنیدی حسب و قدر
ذاتنه کوره حق معرفت یوقدر زرا کمال اولبایه اظهار عجز ایتد کلری
یرده سائر بطریق الاولیدر و لیکن بزم حسب و مقدار و استعداد من
قدر حق معرفت واردر انکیچون پیورر که (فاعلم انه لا اله الا الله) یعنی
مرتبه الوهیت و ارنجه جمیع اشیا بی کماهی ادراک و علمله امر ایدر که
مرتبه استعداد در و مرتبه الوهیتک ماورایی اولان غیب الذات
و غیب الغیوبی ادراک ایتک درجه قابلیتک فوقنده در زیرا اسم و رسم
منقطع اولدیغی بدر که اوقیانوس عزت احاددر که انده سفینه

ادراك يور يمز و بلكه ببحر حيرت كبرايه غوص ايدر و عند الاشرف
 بويله ديه كه (اللهم نور قلبي بنور معرفتك كما نور الدنيا بنور الشمس)
 يعنى ظاهر دنيا نور شمس و باطن دنيا نور روحه منور در و انسان
 مختصر عالم و غونه كائنات در كه جسدی نور روحه منور اولد قد نصكره
 قلبي دخی نور معرفت ايله منور در پس نور روحك نور شمس كي
 اثری محسوس در و لكن نور معرفت معنوي در كره كره بونور معنوي بي
 في الجملة اثری جاريدر و لكن بصيرت اهلي كر كدر كه بونور معنوي بي
 ادراك ايليه و اكثر ناس بي بصيرت اولد قلند نور شمس دن اعني اولان
 خفاش كي قالدیلر و ارباب انوار ظلمات رد و انكاره مقابله رده قالدیلر
 نهوذ بالله تعالى (*) الباب الرابع في التوحيد (*)

توحيد لغته بر نسته نك واحد اولديغن بيلوب واحد در ديو حكيم
 اتمكدر و اصطلاحه ذات الهی بي نسبت و اضافت دن قطع
 و تصورات افهام و تخيلات اوهام و اذهاندن تجريد ايلكدر و وحدت
 صفات حقد در و وحدانيت واحدك وحدت ايله قيا ميدر و وحدت
 صفت تنزيه در زيرا حقد مة ثنويت و كثرت صفت و قيد اولماز
 پس انك وحدتی وحدت حقیقه در انكيچون مقابله سنده كثرت تعقل
 اولماز و تصور ضد اوزرينه توقف اتمز و اك وحدت ديدكاري
 انكه غيريلر اعتبار اولمقدن تنزيه ايجوند زيرا (كان الله ولا شيء
 معه) دینلدی و كذلك تفخيم ايجوند زيرا استغنا عدم عجزی
 مشر در پس حقدك وحدتی كثرت مقابله سنده اولان وحدت
 اولديكه وحدت مقیده در زيرا وحدت مقیده مقابلی اعتبار ايله
 مخلوق در بلكه بو وحدت مقیده نك مبدئي اولان وحدت اولديكه
 وحدت مطلقه در و حق تعالى اطلاق ذاتی ايله مطلقدر و وحدتی كي
 و حق تعالى كثر اولدی زيرا كثرت حكم تعدد در وجود باری ايسه
 صرافت توحيد اوزرينه در كه انده تعدد اقتضا ايدر نسبت بو قدر
 بلكه وحدتك بالقوه نسبتی و ايدر كه انكه واحدی مرتبه سی
 ظهور بولور و تجلياتی حسبيله صفات ثبوتیه سی و ايدر كه سمع بصير

وامثاليدر الحاصل توحيد اولدر كه انده بالكر وجود واجب اعتبار
 اولنور وجود ممكن دكل زيرا وجود ممكن اعتبار اولمقدن توهم تعدد
 و ايدر كه شرك خفی و ذنب وجود ديدكريد و ذات حقدك كنهی
 مجهول اولمغه (وهو معكم اينما كنتم) آينده معيت ذات مراد اولدی
 بلكه عامه خلقه علم واطفی و اصفيايه تولیسی و انبيايه تأيید دعوی
 و خاصه يه انس و مبسطه و امثالی ايله تاويل اولندی كره وجه
 خاصدن اولان نور فايض انك شعله تجلی ذاتيدر بو صورتده معيت
 ذاتيه دن مراد نسبت ارتباط در وصف ايله موصوف اراسنده اولان
 ارتباط كي پس بين الذاتين حلول و اتحاد و ايدر ديا نلر افراط ايتديلر
 و تعدد وجود و ايدر ديانلر تفریط ايتديلر و توحيد منافی سوز
 سويلديلر پس انسانه نور علم بالله كر كدر كه نفس دن ظلمت جهلی
 تنفير و ازاله ایده تا كه كندی كونده و تعينده و جميع اكوان و تعينانده
 ارتباط نوجهله اولديغن ادراك ایده و شركدن خلاص بوله زيرا
 اضائت اولمقدن ابصار اولماز و بونور سوينسون ايجون مشكات
 و زجاجه ايجنه وضع اولندی مشكادن مراد نشئت ظاهره در جسد
 و اعضا كي و زجاجه دن مراد قوا و نشئت باطنه در قلب و سمع
 و ابصر و امثالی كي و قرأنده كلور كه (ان الهكم لواحد) يعنى
 لاحد دينلدی زيرا واحدیت اسماء تقييد در كه انكه خلق اراسنده
 ارتباط و ايدر احديته ايسه ارتباط اولماز زيرا اولكيسي رب العالمين
 و ايكنجیسی (والله غني عن العالمين) سری اوزرينه در برنده اضافت
 و برنده عدمی معتبر در حدیثه كلور (ان الله خلق آدم على صورته)
 يعنى صورت صفت تقييد در كه صفت آدمدر و لام الف كه لادر منزل
 التفاف در الف حظ حقد كه غيبر و لام وسط لساندن اولمغه
 حظ خلقدر كه شهادتدر انكيچون كلمه شهادت لا ايله ابتدا اولندی
 تا كه حضرتين يعنى حضرت الهيه و حضرت كونه نك اجتماعي
 ظاهر اولوب مجمع البحرين ندر معلوم اوله و جلالة ده الف تقديم
 اولندی غيب اعتبار ايله ولاده لام تقديم اولندی شهادت اعتبار ايله

و عبد کرچه صورت الهیه اوزرینه خلق اولمشدر ولکن ینہ حد
و حقیقته الله ایلہ مجتمع دکلدر که حق لذاته حدی یوقدر زیر
حد مقتضای ترکیبدر و انسان ایسه حد ذاتی ایلہ محدوددر انکیچون
انسان صفحه حدیده بکرر که انکله یاقوته ینجه وزن اولمشدر کرچه
یاقوت ایلہ مقدارده انسان برابردر ولکن قدر و ذات و خاصهده برابر
دکلدر و فتوحات مکبسه ده کلور که هر ایکی ضدک اراسنده البته
برامر جامع وارددر فامارب ایلہ عبد اموردن برامرده مجتمع اولمق یوقدر
صاحب الوهمک غایت توهمیکه رب و عبدی وجودده جمع ایتمکدر
بوایسه فی الحقیقه امر جامع دکلدر زیرا رب العالمینک وجودی عینیدر
وجود عبد ایسه ذاتک عینی دکلدر بلکه ذاتی اوزرینه زائددر که
حقندن مستفاددر پس ایکسی نیجه برابر اولور و بر خانهیه نور شمس
دخول ایتکدن اول خانه شمس اولماز بلکه نور شمسله منور اولور که
اکا دلیل دینلور یعنی نور شمس ینہ شمسه دلیل اولور که ارازانده
مناسبت و اضافت وارددر یوخسه خانه ایلہ شمسک مناسبتی یوقدر
وابوالعناهیہ شعرنده کلور که (و فی کل شیء له آیه تدل علی انه واحد)
هر نسنه نک حقه آیت اولمسی احدیتیدر که اول احدیت ایلہ غیرندن
ممتاز اولور و اول احدیت انک هویتیدر و هویت اصلنده بردر ولکن
کثر ما هیات حسبیه حصه کورینور و هر حصه تعینی
جهتیهله بری برندن ممتاز اولور نور شمسک خانه لده اولان پرتوری
خانه لره کوره بری برندن ممتاز اولدیغی کی واحد انجق و احد ایلہ ییلنور
دیدکری بو احدیتیه ناظر در و بو احدیت کرچه امر ساریدر ولکن
اونورک شدت وضوحندن خلق اندن محبوبدر حیات ساریه کیکه
حیوانانده اولدیغی کی نباتات و جماداتده دخی وارددر ولکن
بی بصیرته خفی و باطنیدر انکیچون انکار و تسبیح اشیا بی دلالت
معنیاسنه حل ایلراشته نظری حس ظاهره مقصور اولنلرک حاللری
بودر ارباب مکاشفه حاللری خودغیری یوزدندر که انلر تسبیح اشیا بی
باطنلرله ادراک ایتد کلرندن ماعدا سمع ظاهر لریله دخی اشتدیلر

و مشاهده اوج مرتبه در که بری توحید در یعنی مظاهر آفاق و انفسده
ظهور حق مطالعده در که مرتبه قلبدر و ظهور حقندن مراد ظهور
اسما در که مسماهی حقیقی به دالدر وزیر و امیر و دفتر دار و امثالی
سلطان اعظمه دال اولدقلری کی و بری دخی تجرید توحیددر
یعنی آفاقه التفاتی قطع و انفسه اتصالدر که مرتبه روحدر و اکا
تفصیلدن اجمال و مطولدن مختصره انتقال دیرل و بری دخی
تغیرید در که انفسه التفاتی دخی قطعدر که مرتبه سر در پس
مختصرندن تصور ذهنی به انتقال کی اولور و بو مرتبه به قرآن دیرل
انکیچون اهل سر اولنلر تلاوت قرآنه و حقایقنی تحریر مشغولدر پس
حقایق اوج اولدیکه حقایق آفاق و حقایق انفس و حقایق قرآندر که
بونلره نسخ ثلاث جلی دیرلر که آیات تکوینیه و تنزیلیه در و بو اوج
نسخه نک اصلی و مبدئی نسخه حقایق رحاندر و کتب اربعه
بودر نسخه اشارتدر و مقام سرده جمیع وحدات وحدت واحدهیه
رجوع ایدوب کثرات و کثراتک مشتمل اولدیغی وحدات عین واحده
اولور و لکن هر بروحدت وحدت جامعه ایلہ قائم اولغله بالفرض
انلردن بروحدت منعدم اولمق لازم کلسه جمیع عالم منعدم اولور ۹
زیرا وحدت روح کثردر که عالمدر و جسد بلا روح قوام بولدیغی
ظاهر در و بوندن اظهر کلام بودر که مثلاً زید وفات ایتد کده زید
اولدیغی جهندن ناطقی دخی زائل اولور فاما انسان اولدیغی جهندن
زائل اولماز والا جمیع افراد انسانیه دن زائل اولوب انسان حیوان کی
اولمق لازم کلور و برسالک که توحید حقیقینک نوری طالع ایتدن
شمس حیاتی غروب ایتسه اگر سعی و مجاهده سنه فتور کلبوب
الی آخر العمر مستر اولدیه حال وفاتده (فلا تعلم نفس ما اخفی لهم
من قره اعین) و فقجه قره العین اولان مشاهده ظاهر و حیات
اولیه سنک سری باهر اولوب حقیه ازل وابد نه وجهله مسافر
اولدیغی بارزا و لسه کرکدر وحدیثده کلور که (کان الله ولاشیء معه)
کان لفظی حرف وجودیدر تکیم امام اهل الحقو سبویه اکا ذاهب

۹ مثلاً وحدت جامعه جمیع
وحداته شامله بلکه هر بریک
عینی اولغله وحداتدن فرضاً
بروحدت منعدم اولمق لازم
کلسه جمیع عالم منعدم
اولور مثلاً قرق موم باندقده
برینوردن عبارت اولغله اگر
بری سونک لازم کلسه
جمعی سوز فافهم جدا

اولم شد پس معنی دیمکدر که الله تعالی موجود ایدیکه انکله بیله
اندن غیری واجب لذاته یوغیدی صکره ممکن انک نور تجلیسی ایلله
وجود خارجی بولدی وحقه مرآت اولدی بوجهتدن ممکنک عین
ممکنه سی مستوره اولوب ظاهر اولان نورحق اولدی نیکیم آینه یه
ناظر اولان کیمسه یه آینه کورنمز بلکه متجلی اولان را اینک صورت بدر
انکیچون حضرت الامکانه آینه دیدیلر و بوضو رتده کورینان
صورت انسانده حق اولور زیرا کائناتی حلقدن مراد کندی ذاتی
سیر و تماشا در که مرتبه استجلا در و جنید بغدادی دیمشدر که
(لایکون الرجل عندنا بالغادر ج الحقيقة حتى يشهد فيه الف صديق
بانه زندیق) یعنی صدیقک علمی و توحیدی غیر یلر اوزرینه غالبدر
انکیچون انلر حاکم و غیر یلر محکوم علیهدر و اصل زندیقیت دائما فنا
صرفله معامله ایلدوب مظاهر اسمایی انکار و هر بر اسمده علی حده
شهودی تعطیلدر زیرا حق تعالی اشایی عین خلق ایتدی پس
اجمالی اجمالده و تفصیلی تفصیلده مشاهده کرکدر تا که آینه لک
حکمی باطل اولیه و شعرده کلور که (جالیکی نیجه یوزدن کورم
دیان دیلر) (شکسته آینه لر کی پاره پاره کرک) و موحد حقیقی اولدر که
اشیاده شهود حق تقدیری اوزرینه مظاهر جزئیة مقیده دن حتی
مطلق طوئوب وجه کلیه دن توجه ایلیه واله اسمی مسمای حقیقی
جامع اوزرینه اطلاق ایلیه تا که شرکدن خلاص بوله زیرا کرچه
مشرک لر دخی عبادتی ذاته ایتمز بلکه ذاتک الوهیتی جهتدن ایدر لر
زیرا ذات ایلله عابدک مناسبتی بو قدر بلکه مناسبت عابد و معبود واله
و مألوه اراستنده در ولکن انلر اسمی مسماک غیری اوزرینه اطلاق
ایتدی لر که اله مجعول و مقیددر و فطرت دیدکاری روحک توحید حقه
عارف و سرر بویته واقف اولدیغیدر پس عارف واقفده جهل
اولماز بلکه جهل نفسک احتیاجدن حاصل اولور و علوم معاندنده
اولدجه تغیر و تبدیل قبول ایتمز زیرا واسعه مطلقدر چنکه حر و فله
مقیده اولها کوانده اولان تغیر و تبدیل انده دخی اولور بوسبیدن عارف لر

قبول ایتمز فاما شول علم و توحید و ایمانکه رسم و تقلید و تقیید له اوله
حال مشکلددر و مشرک کرچه حقه شریک اثبات ایدر ولکن وجوب
و وجودده و علم و قدرت و سایر صفات کالیه ده شریک ایلله حتی مساوی
طوئق بوآنه کلنجسه هیچ بر مشرکدن صادر اولما مشدر و شوی که
ایکی اله اثبات ایدوب بری حکیم یزداندر که خالق الخیردر و بری
سفییه اهرمن در که خالق الشردر دیمشدر سرفردانیتدن غافل اولمشدر
زیرا الله تعالی انکی و تربتی وارد بری و تربت احدیه در که ذاته
راجعه در و بری و تربت فردیه در که الوهیتنه ناظر در که ذات و صفات
و فعلده بوجهتدن صلاة جمعه فردانیتنه دلالت ایتمز زیرا منفرد ایچون
مشروع دکلدر بلکه احدیت فعله دلالت ایدر که عبدی ایجاد
ایدوب کندی اوزرینه دال قیلد یغیدر و ایجادی امور ثلثه مذکوره یه
موقوفدر (انما قولنا انشی اذا اردناه ان نقول له کن فیکون) قولنده
مجموعی مذکوردر زیرا نون جمع ذاتدر و ارادت صفتدر و قول
فعلدر که مراد مقلوبی اولان لقادر زیرا متعین تعینه ملاقی اولدجه
تعین حیات بولماز و لقادن مراد نور وجودک ظهوریدر که داخل
تعیندن کلور خار جدن دکل (و نفخت فیه من روحی) ده اولان
نفخدن دخی مقصود بودر نفخ شدت ظهوری تمثیل ایچوندر و بوندن
کن سری دخی مفهوم اولدی یعنی کن کله سنده کاف و نون اراستنده
واو محذوفه وارددر که انکله اوج حرف اولور که سرفردانیتدر و کاف
ایکیدر بری کاف کن در که کاف اثباتدر و بری کاف لم یکن در که
کاف نفی در نیکیم کلور (ما شاء الله کان و ما لم یشاء لم یکن) تنوی
طائفه سی کن کله سنده لفظا و خطا انجق ایکی حرف مشاهده ایدوب
توحید دن و سرفردانیتنه و قوفدن محروم قالدی و سوء اعتقادله
قلبی افساد ایلدی دیمشدر که حق تعالی هر عضو اوزرینه علامت
معروفه و عبادت مخصوصه قومشدر پس قلب اوزرینه توحید
و اعتقاد و لسان اوزرینه شهادت و وجه اوزرینه وضوء و جبین
اوزرینه سجده و رأس اوزرینه مسح و شفه اوزرینه قص شارب

واصابع اوزرینه تعلیم اظفار وعانه اوزرینه خلق شعر وابط اوزرینه
تف و ذکر اوزرینه ختان وضع ایلدی وهر عضوی ما خلق له ده
استخدام ایتک سبب سعادت و خلاقی باعث شقاوت اولدی و قلب
انسان بر شاهینه بکرز شاهین زاغله صالحه دینی کی قلب دخی افکار
ما سوایه صالحه بلکه انکه توحید حقیقی و تجلی الهی صید اولور
و توحید ایمان اعددر زیر ایمان دعوت پیغمبری قبول و تصدیق
انکی چون ایمان شرعی دیرل فاما توحید ادله عقیده ایلد دخی اولور
نتکیم باب سابقه تفصیل اولندی و قرآنده وارد اولدیکه (وکان حقا
علینا نصر المؤمنین) بو آیتده نصر الموحدين دیمدی زیر موحدده
قصور غالبدر پس مخدول اولمق شاننددر مؤمن شرعی ایسه بویه
دکدر زیر مقتضای ایمان کامل شعب ایمانک جمله سنی مراعات
و محافظه و اقرار و عمل بالارکانک مجموعی وجوده کتور مکدر
نصرت ایسه بو کمال اوزرینه موقوفدر چنکه بو کاله زوال و بونظامه
خلل کله ایمانک صاحبی مخدول اولور اعصار مرده اولدیغی کی زیر
نور شرایع و احکام بالکلیه منطقی اولمده آرقالمشدر و حق تعالی بزه
علم بالتوحید ایلد امر ایلدی علم بالذات ایلد امر ایلدی بلکه اندن
نهی ابتدی نتکیم قرآنده کلور (و یحذرکم الله نفسه) و حدیثده کلور
(تفکروا فی آلاء الله ولا تفکروا فی ذات الله) زیر شان عالیه (لبس
کمله شی) اولان ذات معرفت ذاته وصول ممکن دکدر انکی چون
امام غزالی ذات الله مدن بحث ابتدی کی چون تخطئه اولندی و علم
بالتوحید ایلد امرده کلور (فاعلم انه لا اله الا الله) پس اکا معرفت اله
اولدیغی والوهیته متعلق اولان صفات کالیه سی جهته بندر که
انکه اله اولیا نلردن و اولوه اوللردن ممتاز اولور و طلب ذات ایتک
کالنه راجعدر یو خسه من حیث الذات دکدر و طلب رؤیت طلب
ذات کی دکدر زیر برنسنه بی رؤیتدن کنهنی ادراک لازم کار و توحید
اشراک مقابیلدر و شرک جلی و خفیدر کذلک توحید دخی رسمیدر
و حقیقیدر و توحید حقیقی میزانه وضع اولماز زیر مقابلی بو قدر

توحید رسمی ایسه بویه دکدر نتکیم صاحب البطاقه قصه سی
اکا الدیر یعنی قیامتده برکیمسه کله که برکاغد پاره سی اوزرینه یازیلان
کله شهادتدن غیری خیری اولیه و اول کاغد پاره سنی میرانک
برکفه سنه و سایر اعمال سیئه سنی برکفه سنه قویال کاغد پاره سی اولان
کفه اعمال قبیحه اولان کفه سنه طقسان طقوز سجدل اوزرینه راجع کله
توحید موحداک مرتبه سنه کوره در (لا اله الا الله لا اله الا هو لا اله الا انا
لا اله الا انت) جمله سی توحید در که قرآن مجموعی ناطقدر (لا اله الا انا
شجره موسادن مسموع اولان توحیددر انا الحق انا الباطل مقابیلدر
باطل وجودی غیریدن اولاندر نشئه ظاهره انسانیه کی انکی چون
زائل و هالکدر و حق وجه خاصه دن اولان نور وجود در که
هر قنغی سالک نجلی ایدرسه ستی واجب اولور و الادارینده مؤاخذ
اولور و بعض تفصیل دخی کله شهادت ذکر اولدیغی موضعه
کلور ان شاء الله تعالی و بکار محققین دیمشدر که الله تعالی بر شئی
بر شئه خلق ایلز یعنی شیء ثانی عین موجوده دکدر که انکه اشیا بی
خلق ایلد بلکه بر شئی عندشی خلق ایدر پس هر بیه که قرآنده
سببیت و استعانت اقتضا ایدر فی الحقیقه لام حکمتدر نتکیم قرآنده
کلور (هو الذی خلق السموات والارض بالحق) ای الحق بو حقندن
مراد عبادتدر نتکیم کلور (وما خلقت الجن والانس الا ليعبدون)
اکا الدیر زیر عین خلق عین حکمتدر شول جهته دنکه فعل حق معلل
بالغرض دکدر بلکه خلق خلق ابتدی کی منت و ابتداء فضلیدر
وهو الغنی عن العالمین و قرآنده کلور (ولا یشرک بعباده ربه احدا)
یعنی احدی تنکیر ایلدی تا که عالم خلق و امرده جمیع اشیا به شامل اوله
و بونده شرک خنی دخی داخل اولدیکه عموم ناسده اولان شرکدر
اکار بو بیت مستوره دیرل نتکیم فعلت و صنعت و فعل فلان و اولو فلان
لما کان کذا و امثالندن مفهومدر و اکا شرک مغفور دیرل زیر
بو شرک اهلی حقیقته موحددر که سؤال اولسه مؤدای قولی
انکار ایدوب هر نسنه الله بندر و مؤثر و فاعل حقیقی اودر دیر وارده

کلور که بعض اهل توحید ناره د خولده انلری نوم اخذایدر یعنی
 حسدن منسلخ اولوب عذاب احساس ایتمزلر که چه معجزیلردر
 و بومعنی قیلرنده اولان توحیدک عنایتندن کلور و ایمان باب ناره
 انلره منتظر اولوب طوررنا که انلر ناره محترق اولوب فحم صورتنه
 کیرلر بعده اخراج اولندقلرنده الله تعالی انلری نهم الحیاته غمس ایدر
 و حبل سیله حبسه بترکی بترلر و تازه لنوب جنته کیرلر و جهنمه
 حق تعالی نیک اله واحد اولدیغن بیللردن کیمسه قالماز و توحید
 مرتبه بی طوائفدن برکیمسه انکار ایتماشدر قاما توحید مشروعی
 انکار ایتماشلردر زیرا توحید مشروع دعوتدن کلور انسان ایسه
 هواسنه مخالف اولان دعوتی قبول ایتمز و توحید اقرار اولنسه دخی
 فی الحقیقه عبارتیه صغیر زیرا علوم اذواقنددر انکیچون کلمه توحیده
 دعوت ایدر نفس توحیده دکل زیرانفس توحیدی برکیمسه انکار ایتمز
 و توحید خلقک اقرار و انکار یله متغیر اولماز بلکه مرتبه سی حالی
 اوزرینه باقیدر و حدیثه کلور که (کل مولود یولد علی الفطرة و لکن
 ابواه یهودانه و نصرانه و مجسانه) بو حدیثه ابوبن تخصیص اولندی
 زیرا اغلبدر پس شولکه یتیمدر انک مر بیه سی ابوبن منزله سنده در
 بو اوج طائفه تخصیص اولندیغی شهرت و عموم لربنه بناء در والا
 ابوبن نه مقوله دین اوزره ایسه اولادی اول دینه داعیلردر و معنای
 حدیث بودر که هر مولود فطرت معتدله که غلبه طبیعی و انحرافدن
 سلیم و مصوندر انک اوزرینه مولود در صکره نسخه حقیقه اصلیه سنه
 غلبه طبیعی عارضیه و مغلوبیه روحانییه واقع اولور پس طرف
 طبیعتیه اعتدالدن انحراف عارض اولیحق قوای طبیعییه سی قوای
 روحانییه سی اوزرینه غالب کلور و حیوان کی بلکه شیطان کی بلکه دخی
 اشد اولور تنکیم شیطانی الا نیک بعضیلرنده مشاهددر و اهل
 اعتدال دخی بوندن فهم اولنه انکیچون انسانک ایوسی ملکدن
 ایو در زیرا ملکه بولنمیان بعض خصال انسان کاملده موجوددر
 و قرأنده کلور (اولئک هم خیر البریه) زیرا بریه افطی ملائکه به دخی

شاملدر و لطائف بعض اهل حقایقنددر که (و فضلنا هم علی کثیر)
 نصنده اولان کثیری ملائکه به حمل ایلمشدر که انلر انساندن اکثردر
 تنکیم مخلنده کلور و توحیدالین اولدر که سالک شهود غیریدن
 حتی نفسندن بیله فنا بوله و بومعنایه تمحیص دخی دیرلر که استهلاک
 کلیدر و توحید اشرف مقامندر که انک ماوراسی یا تشبیه و یا تعطیلدر
 و برکیمسه ده توحید رسمی اولسه مخلد فی النار اولور زیرا مشرکدر
 و توحید بحالی بولنسه اهل غفلتدر و ذکر امثالی ایله معالجه اولنسه
 غفلت زائل اولور زیرا اصل باقی اولیحق فرع وجود بولمق موجودر
 تنکیم اشجارده مشاهددر و شهادت توحید علمه مو قو قدر پس
 غلبه ظن و تقلیدله شهادت توحید اولماز قال الله تعالی (شهد الله
 انه لا اله الا هو و الملائکه و اوالوالعلم) یعنی حق تعالی الوهیت ایله
 کندی نفسیچون شهادت ایلدی عبادنه تنبیه ایچونکه انلرک توحیدندن
 مستغیدر و کندی نفسی بنفسه موحددر تنکیم (و کنی بالله شهیدا
 محمد رسول الله) اکا نظیردر یعنی بریده که حق تعالی بالذات شهادت
 رسالت ایله غیرک شهادتنه حاجت قالماز و اوالوالعلم دیدی و اولو
 الایمان دیدی زیرا کندی نفسنه توحید ایله شهادت خبردن ناشی
 دکلدر که ایمان اوله زیرا خبر لسان رسول اوزرینه اولور او راده ایسه
 رسول بو غیبی انکیچون شهادت ایتدیکی سنه بی بیلمسه شهادت
 صحیح اولماز و ملائکه بی کندی نفسی اوزرینه عطف ایتدی زیرا
 انلرک توحیده علملری تجلی الهیدندر که علم ضرور بدر بشرک
 علمی ایسه غالباً ادله به نظر دندر علم تجلی ضروری ایسه علم نظر دن
 اقوادر زیرا شبهه طاری اولماز و حدیثه کلور (ان لله ثلثمائة وستین
 خلقاً من لقیه بخلق منها مع التوحید دخل الجنة) ابو بکر صدیق
 بیوردیلر که یار رسول الله بو اخلاق جلیله دن بنده هیچ بر خلق وارهیدر
 دیدکلرنده جوابده بیوردیلر که یا بابکر بو اخلاقک جله سی سنده
 موجوددر و بو جله نک الله تعالی به احبی سخادر زیرا سخا و حسن
 خلق سنک ایله خلق ارا سنده و رضی و تسلیم سنک ایله حق ارا سنده

زیاده مقبول و ممد و حدر و توحیدک صورتی (لا اله الا الله) در عالم تعیند
 کوره و حقیقتی (لا موجود الا الله) در عالم لاتعیند کوره و تعین الهیه نک
 اولی هویت ذاتیه و آخری کلامدر که ابدال سابعه دن عبد الشکورک
 مقامیدر و تعین کونیه نک اولی حقیقت محمدیه و آخری نشئه انسانیه در
 و بو ائاده مرآت کلبه و جزیه چوقدر پس توحیدی قوتده اولنلر
 سیرا کواندن ترقی ایدوب سیر واجب ایللر متحقق اولورلر و سر و جوب ایللر
 قیام بولورلر و بو مقام غیبده قرار ایدوب قاورلر و کیمسه انلرک قراسته
 ابره مز و دریای فیض ندر کررمر (والله مفيض الخیر و الجود اکل موجود)
 و توحید حقیقتیک طریق ذکر الله در یعنی لسان ایللر اسماء الله
 اشغالدر و اسماء الله طقسان طقوزدر که افضل (لا اله الا الله)
 کله سیدر سالک مجذوب اولنلر ابتدا ذکر بودر و مجذوب سالک اولنلر
 ابتدا ذکر لفظه جلاله در صکره اسماء سابعه و یا اثنی عشره به دک
 ترتیب اوزرینه احصا اولنور و لکن ذاکرک حالی نه اقتضا ایدر ایه
 می شدالنده در و ذکر اولنان اسملره اسماء لفظیه مجازی به دیرلر که اسماء
 الاسما در زیر اسماء حقیقیه ملفوظ اولاندن غیریدر که تعینات ذاتیه در
 و بو تعینات ذاتیه به اسماء دیدیلر زیر اسماء ایللر ارالنده ارتباط قوی
 و مناسبت تامه وارددر که احدهما آخر ایللر قائمدر خصوصاً که اسم
 علامت مسمی دیمکدر جمیع اشیا ایه علامات حقدر انکیچون عالم
 دیدیلر که اصلنده علمدر الف اشباع ایچوندر و بو علامات ایچنده
 ذات حقه دلالتده حقیقت محمدیه دن اوسع و اعظم بوقدر و انک
 فلکنه فلاك الحیوة دیرلر که جمیع اشیا بی محیطدر اشته بو عالم محمدی به
 عالم اعلا دیرلر که جمله دن مقدمدر بعده عالم استحالندر که عالم
 فنادر بعده عالم تعمیردر که عالم بقادر بعده عالم نسب و اضافتدر که
 کل اوایاتک بودرد و طورده سلوکی تمام اولوب حیات طیبه ایللر حیات
 بولورلر و بقای ابدی ایللر باقی اولورلر و هر اسم که ذاکر اکا مشغول
 اولور او اسمک روح و سری وارددر که کثرت اشتغال ایللر ذاکر ایللر انک
 ارالنده مناسبت و الفت ظهور ایدر تسخیر روحانین ایچون اسماء

مخصوصه به اشتغال ایدنلرک حالی کبی و بو الفت روح حاصل
 اولدقد نصکره اگر فتور عزیمتدن محفوظ اولوب مشغول اولدیغی
 اسم موأظبت ایدر سه اسم حقیقی ایللر ارالنده مناسبت آخری ظهور
 ایدوب اندنصکره مسمای حقیقی به وصول و دخول مبسر اولور
 بفضل الله تعالی و بودخول ایللر سر و وحدت منکشف و توحید حقیقی
 وجود بولور اسبابدن مسببه رجوع دیدکلری بودر که کویا انهاردن
 اصل اولان بحره و وصولدر که بحرده کثرت بوقدر زیر بحر واحددر که
 امواج کثیره سی وارددر و اول امواج ینله اول بحرک عینیدر و ریج
 بحری تحریک ایدوب امواج پیدا ایلدیکی کبی نفس رجائی دخی
 بحر وجودی تموج ایدوب تجلیات مختلفه کو سترمشدر پس اول
 انهار اصلنده بحردر و لکن تعین مخصوص جهتدن انهار دینلدی
 و الحاصل ماء بحرک وحدتی وحدت حقیقیه در و میاه انهارک کثرتی دخی
 کثرت حقیقیه در و لکن وحدت ماء بحر موجوده و کثرت میاه
 انهار موهومه در که بحاری اولان انهارک کثرتدن توهم اولنمشدر
 پس بحرده موجود اولان ماء البحر و وحدت الماء اولدیغی کبی
 انهارده دخی موجود اولان ماء البحر و وحدت الماء فاما انهارده
 تعین و جریان اعتباریله انهارده اضافت عارض اولوب ماء الانهار
 دینلدی و بو اضافت حسیه ایللر وحدت کثرت صورتنده کوروندی
 و ماء بحرک میاه انهارله معینی شبتک کندی نفسیه معینی اولدی
 غیر ایللر دکل و بوندن (و هو معکم انما کنتم) سری و معینی دخی معلوم
 اولدی فاعلم فانه من لباب المعرفة (بعد ذاکر طریق ذکره سالک اولنلر
 شروط و آداب وارددر که محلیته تفصیل اولنمشدر و لکن دیمشدر که
 کلمه توحید تحصیل نور و ازاله ظلمات ایچوندر و یسار انسان قبضه
 جلالده اولغله محل احتجاب و ظلمات و یمینی قبضه جمالده اولغله
 محل انکشاف و نوردر انکیچون ذاکره کرکدر که ذکر حالنده
 کلمه توحیدی صول طرفندن ابتدا ایده یعنی لاکله سیله صولندن
 بدأ ایدوب اللفظی ایللر صاغنه میل ایللر و اندن اثباتی صول جانبنده

ضرب ایلیه زیر لانی وازاله ایچوندر که ظلماته تعلق ایدر پس انکله
صولده اولان ظلماتی الوب صاغ جانبته طرح ایدر و محل ظلمات خالی
قالور صکره الا که اثبات و تحقیق ایچوندر که نوره تعلق ایدر
انکله صاغده اولان نوری الوب صول طرفده بوش قلاز محل ظلماته
طرح ایدر و اورایی نور بله طول دورر بناء علی هذا صاغ وصول نور
اولور زیر صاغ یانندن نور آلوب صوله القا ایتمکله صاغ ظلمتده قالماز
زیر منبع نوردر و ظلمت صاغ جانبته طرح اولمق مطلقا ازاله دیمکدر
و بوندن قرآنده (یسعی نورهم بین ایدیهم و بایمانهم) سری دخی
ظاهر اولدی یعنی ایمانکه صاغ طرفدر تخصیص بالذکر اولندی زیر
طرف یسارک نوری طرف یمیندن مأخوذ در نور قر نور شمسدن
مستفاد اولدیغی کی بوضوح صاغ وصول فی الحقیقه بر اولور
بوندندر که ارنلرک صاغ وصولی اولماز دیرلر مشهوردر و سر عظیمدر
زیر حدیثده کلور (و کلنا یدی ربی یمین مبارکه) یعنی ربکم ایکی
قبضه سی دخی یمین مبارکه در که انده یسار دیمک یوقدر زیر یسار
یمینه منقلب اولور نتکیم امام بعد السلام جماعته استقبالده یسار
یمین اولور فاما قطبک یمینی یسار اولمق محل خلافت و صورت نشئتک
حکمنه کوره در یعنی کر چه قطب الاقطاب وزیرلی اولان امامین
ایکبسی بر در ولکن صاغ طرفده اولان امام صوله یکمدیکه قطبک
و فاندن صکره برینه قائم اولماز زیر طرف یمینده اولان امام عالم
ملکوتی و یسارده اولان امام عالم ملکوت حفظ و ضبط ایدر عالم ملک ایسه
صورتیه تعلق ایتمکله عالم ملکوتدن افر بدر مع هذا مقصود اصلی
صورتی حفظدر که فنا شانندندر زیر ملکوت عالم بقادندر و توحید
بو ایکی عالمه ساریدر و جمیع اشیاک دهانی و یا خود سری هاء هویتی
رمن اوزرینه در مادامکه عالم صورتده باقی اولور و انتقالی قریب
اولدقدن نفوس ایدر لر یعنی بای کی اولورلر و اثره نک بدایت
و نهایی کی اصله التقابل اولورلر بوسر ایچوندر که پیرلر آخر منحنی
اولورلر فاما انحصار مقصودنه ایدیکن بیلزلر نتکیم تلبس ایتدکاری

لباسک کریسانلری لاکله سی مسورتده کورینور ولکن چه سود که
نی وجود ایتماسلر وذا کر محجوب کی نفیک ظاهرده و لفظنه ده
قالماسلر در کر صورت توحید کافی اولایدی توحید مرتبه اربابیکه
جمیع اشیا در جمله نجات بولورلر ایدی ولکن مرتبه ندر و سری ندر
و صاحبی کیمدر معرفته محتاجدر و دیمسدر در که (فی کل شیء فییه
کل شیء) یعنی جمله اسمانک سری بر ذره ده یله موجود در ولکن
بالقوه در بالفعل دکلدر کالاتده تفاوت ایسه ظهوراتله در که فعلدر
والاجمع اشیا برابر اولوب انبیانک اولیا و اولیانک سائر مؤمنین اوزرینه
رحمانی اولماق لازم کلور مع هذا رسل یله بری بری اوزرینه مفضلدر
نتکیم قرآنده کلور (تلك الرسل فضلنا بعضهم علی بعض) و مطلقا
انسان دخی غیر یلره کوره بویله در نتکیم تنزیلده کلور (و فضلناهم
علی کثیر من خلقنا تفضیلا) و بو تفضیلاتک سری حاکم اولان
اسماء الهیهنک تفاوتدر که مراتب صفاتک مقتضیاتدر فافهم جدا
(*) الباب الخامس فی الایمان (*)

معلوم اوله که ایمان اصل سعادتدر و سعادت نصف وجود و شقاوت
نصف آخریدر پس حقیقت فضل و عدلی وارد و عدلی فضل اوزرینه
حکم اتمز زیر ایکی قبضه و ایکی کتاب و ایکی دارد و ایمانله مستعد
اولدقدن صکره درجات دخی لازمدر زیر اگر چه (الایمان یجب ما قبله)
وارد اولمشدر ولکن بالکرم مغفور اولدیغکه قناعت و مطلقا دخول
جنت ایلله اکتفا اتمه زیر اهل درجاتی کوردکده تحسره دوشرسن
و سبب ارتفاع درجات علوم الهیه در که کشفله حاصل اولور
واحوال سعادتدن دخی مختار اولان جنتده مقام کشیده رؤیت
الله در که لذت بصره بر لذت معادل اولماز زیر معبود حق خصوصنده
عین البقیندر و ایمانک غایت درجاتی بودر و دنیا و آخرتک فرقی علم ایلله
عیندر و شرح کرمانیده کلور که رؤیت مسائل مختلف فیها دندر
ضرورات دیندن دکلدر پس اکا ایمان واجب اولماز و کما ر محققین
یوردیلر که الله تعالی جلالتله لایق اولان وجهله کورینور که اکا

رؤیت منزّه و غیر مکلفه دیرلر و بورؤیتدن حق محسوس اولوق لازم
کمز زیر احسده حصر و تقیید وارد و علت رؤیت شبک موجود
اولدیغی دکلدر تکیم اکثر متکلمین ذاهب اولدی بلکه هر بئک رؤیت
استعدادیدر کک موجود اولسون و کک معدوم اولسون نظر
ایلمکه اشیا الله تعالینک ازلا و ابداء علم و عینده مشهودیدر پس علم
مرتبه سنده اشیا کورمدی دیمک جائز اولما زمع هذا علمده اشیا
معدومدر و رؤیت علم نظریده مزید وضوحدر دیا نلر طریق کشف
و تجلیدن انلرده علم بالله یوقدر و رؤیت محالدر زبرا ابصارده تقیید
عادی وارد در بیان عدم ذوقیدن اول تقییدی رؤیت ابصارده
امر طبعی ذاتی به قیاس ابتدی بوقیاس ایسه صحیح دکلدر زبرا
اول قید ذاتی دکلدر بلکه صورت تعین حسبیه عارضیدر اگر بصرده
ذاتی اولسه سمعده دخی ذاتی اولوب حضرت موسی کلام حق
جهتات سندن ایستزدی و ایمان تصدیقدر شول نسنه بیکه دین
محمددن اولدیغی بالضروره معلوم اوله و دلیله محتاج اولیه توحید
و نبوت و بعث و جزا کی زبرا کرچه بونلرک هر بری فی نفس الامر
نظریدر فاما دین محمددن اولدیغی ضروریدر پس بالضروره معلوم
اولان عوام و خواصک معلومیدر و دیدیلر که اجمال ملاحظه اولنان
برده ایمان اجمالی کافیدر و تفصیل ملاحظه اولنان برده تفصیلی
شرطدر حتی نمازک و جویندن و خیرک حرمتندن سؤال اولندقد
و جواب و حرمتی تصدیق ایتمسه کافر اولور سؤال اولنورسه که
معلوم ضروری بی تصدیق کفایت ایتمز بلکه دین محمددن اولان
امورک جمله سنی تصدیق لازمدر که کک ضروری اولسون
و کک اولسون جواب بودر که حضرت محمد صلی الله تعالی علیه وسلمک
قبل حقندن کنوردیکی امورک جمله می حقدر دیمک ضرورات
دیندندر و بومعنایه کفر ایمانک مقابلیدر که بالضروره دیندن اولان
نسنه بی انکاردر و علمی ضروری اولوب دیندن اولدیغی بالاستدلال
و باروایت آحادله معلوم ایسه منکری کافر اولماز احکام اجتهادیه

و غیر کی پس تواتر ایله معلوم اولانی انکار ایتمک کفردر وجود
صانع و صفات کمالی و اقامت و نقایصدن تنزه کی و انکار نبوت
و صحت قرآن و شرایع ضروریه دخی بویلددر صلاة و زکاة و صوم
و حج کی یعنی بونلرک و جوینی و خروژنا و امثالک حرمتی انکار
ایتمک کفردر فاما دیندن اولدیغی دلیل ایله معلوم اولسه الله تعالی
عالم بالعلم میدر و یاخود عالم بالذات میدر و یا مرتبیدر دکلیدر و افعال
عبادی خالقیدر دکلیدر بونمنقوله لده احد قولین تواتر قاطع ایله
منقول دکلدر بلکه احد قولینک صحتی و آخرک بطلانی استدلال ایله
معلوم اولور انکی چون اقراری و انکاری ماهیت ایمانده داخل و موجب
کفر اولمدی و بوندن استحالت رؤیتسه و خلق قرآنه و سب شیخینه
ذاهب اولنلری عدم اقرار لازم کلدی مع هذا عند البعض اکفار
اولنلردر و دیمشیلردر که ارباب التأویل و اهل القبلة لایکفرون
و شد الزنار و لبس الغیار کفر اولدیغی علامت تکذیب اولمغسله در
محکم قاذوراته القا و اوزرینه اوتورمق و غضبنا و اراقنی تمزیق ایتمک
و حقندن غیر کی به سجده ایلمک و امثالی کی غیار غین معجه نک کسر یله
اوزون قلنسوه در که اوائل اسلامده یکارلر ایدی حالا اهل کفرک
شعارنددر قلنسوه یهود کی سائر تشبه قوی لازم کلیان اسباب فسق
شارع علامت تکذیب قیاممغسله هر تکی کافر اولمدی و الا هر فاسق
اولانده فسق جهتندن علامت تکذیب وارد و مؤمنه ککدر
انامؤمن حقادیه ان شاء الله دیمیه زبرا شکی ایهام ایدر قابل تأویل
ایسه ده ایمانده ایسه شک و علامت شک اولماز الحاصل هر نسنه نک
حقیقتی وارد و ایمانک ادنی الامر حقیقتی قطعدر حقه حسن ظنی
موجبدر و ایمان کامل تصدیق بالجنان و اقرار باللسان و عمل بالارکاندر
و صحت اقرار و عمل ایکی نسنه اوزرینه توقف ایدر که بری نیت و بری
اخلاصدر تا که مخلص و منافق بری برندن ممتاز اوله و بویکی شرطک
ایکی حکمی وارد بری زمانیدر که اوقات صلاة و موسم صوم و حج
و امثالی کی و بری مکایدر که استقبال قبله و نکایس مصوره و مواضع

نحسه و امثالنده نمازدن و جوب اجتناب کبی و حجه احکام زمان و مکان
مجمع اولور زرا عشر ذی الحجه و عرفاته اختصاصی وارد در و بالاده
اشارت اولدیغی اوزره تصدیق ایمانی ایکی قسم اوزرینه در اولکبسی
تصدیق اجمالیدر که وجه کلی اوزرینه مخیر صادق تصدیق
ایتمکدر یا کندی نفسنده علم ضروری حصولی ایله که انده سبب
خارجی اولیسه و یا خود موجب تصدیق آیت و یا معجزه اوله
و ایکیجسی تصدیق تفصیلیدر که وعد و وعید و احکامه علی التفصیل
ایماندر و حدیثه دخی روایات صحیحه نک جمله سن قبول ایتدم دیمک
کر کدر قرآنه و سایر کتب الهیه به ایمان اجمالی فرض عیندر و قرآنه
ایمان تفصیلی فرض کفایه در زرا هر کس اوزرینه علی التفصیل
فرض عین اولقده خرج و فساد معاش وارد اکا علماء زمانه ییله
قادر دکلدر در فکیف غیر یلرز برا بوا عصارده اغلب اشتغال مالایلم
اولان علومه در متبحر فی العلم اولوب مشارالیه بالبنان اولتر قرآنک
نظم و معناسندن بی خبر لدر و کتب سالفه به ایمان تفصیلی اصلا
لازم دکلدر زرا بز قرآنک تفاسیلی ایله مکلفز انلرک دکل و کتب
منزله نک احکامی متاهیه ایکن انلره ایمان دیمک ایکی وجهله در
بری جمله سی من عند الله اولدیغی تصدیقدر و بری دخی منسوخ
اولیان احکامی تصدیقدر که شریعت محمدیه انی تقریر ایتشددر
ملت ابراهیمه اتباع دخی بوقبیلنددر یعنی شرع مقرر اولدیغی
وجهله در مطلق دکلدر و مقلدک ایمانی صحیحدر و لیکن اصول دینه
استدلال لازمدر و استدلالده اژدن مؤثره انتقال کافیدر زرا نظر
میرانیده هر کسه کوره خرج وارد ایمان و طاعته رغبت ایتسک
فی نفس الامر ایمان و طاعت امر مستحسن اولدیغی اجلدن معتبردر
طلب ثواب و خوف عقاب غرضیه مقید دکلدر زرا جنت و نار
اولسه دخی حق تعالی عبادته مستحقدر پس اگر رغبت و رهبت
فی الحقیقه حقه اولور سه مفیددر زرا هر حالده مرجو و بخشی اولان
الله تعالیدر و حدیثه کلور (اللهم انی اسئلت وجهی الیک وفوضت

امری الیک والجا تظهري الیک رغبه الیک لا ملجأ ولا منجا
منک الا الیک آمنت بکاک الیک الذي انزلت ونبیک الذي ارسلت (بودعاء
یا تدیغی وقتده اوقنور و تصدیق اجمالی ایله تفصیلی اراسنده فرق
بودر که تصدیق اجمالی اهلی مخلفندن مصون دکلدر تصدیق تفصیلی
اهلی ایسه وقت مخالفته استحضار و عید ایلوب جرأت ایده مز
بودخی علمی ایله عامل اولوب عنایت حقه مقرون و حفظ الهی به
مرهون اولنلرک حالیدر زرا حال حضورده معصیت چوق کره واقع
اولشددر که قضای مبرمدر (وکان امر الله قدرا مقدورا) و حق تعالی
امرینی تنفیذ ایتسک مراد ایلسه سلب عقول و سدل حجاب ایدر و من الله
العصمة و ایمانک یتشدن زیاده شعبه و خصلتی وارد در زرا جنات
اعمال دخی یتس ایله سکسان اراسنده در پس جمیع اعمال بر مشروع
اولدی و دخول جنت بر عمل مخصوص اوزرینه محجور اولدی تا که
قنغی عملی دیلر سه اشلیله و جنته داخل اوله لر عمل ایتدکلری
صورته باری فعلنه دال اوله لر بوجهتنددر که رسول الله صلی الله
تعالی علیه وسلم جمله عاملینک اجری ایله مأجور لدر زرا هم عامل
و هم دال اولدیله و حیا شعب ایماندندر حیا نفسانی کشف عورت
و امثالندن حیا در و حیا ایمانی ارتکاب معصیتدن حیا در و مؤمنک
محل ایمانی قلبدر انکیچون قلبه نار الله الموقده مطلع دکلدر کر چه که
معذب اولان مؤمنک ایمانی باب جهنمک خارجنده طورر ولیکن مؤمنی
داخل و خارجده جایه دن خالی دکلدر و دنیاده معصیت حائنده دخی
بویلددر تکبیم حدیثه کلور (ان العبد اذا خر ج عنه الايمان
حتى يصير عليه كالظلمة فاذا اقلع رجع اليه الايمان) وجهه خروج بودر که
نور ایمان نور محمدینک ثمره سیدر که مؤمن اول نوری حاملدر و نور
محمدی ایله ظلمت معصیت بریده مجمع اولماز حتی مرویدر که آدم
علیه السلام شجره منهیه دن اکل ایتدیکی وقتده نور محمدی اندن
منزوع اولوب بعد تلقی الکلمات و التوبه یینه عودت ایلدی انکیچون
دیمشدر که حب الله علمدن و حب الرسول ایماندندر ولایت و معرفت

دید کلری مقامات ایمانند در پوخته ایمان کبی کندی نفسنده رتبه
مستقره دکلر نتکیم رسالت وعزیمت دید کلری مقامات نبوتند در
و بعضی بیدیلر که مقامات درتدر بری ایمان و بری ولایت و بری
نبوت و بری رسالتند و ایمان حقیقی و اصلی ایمان فطریدر که زیاده
و نقصان قبول ایتمز قبول ایدر دیه نک سوزی سابقه ایله خاتمه اراستند
اولان حالت کوره در وفطرت وجود حقه و ربوبیت جناب مطلقه
علم و عبودیت نفسه و قو قدر و بوقا بلیتک اثریدر که اخذ میثاقده
تمثل واقع اولدقده اقرار ربوبیت و شهادت وحدانیت ایتدیلر و لکن
صکره محل طبیعت اولان جسمه نزول ایتد کلرنده نسیان و جهل حاصل
اولوب نظر واستدلاله محتاج اولدیلر و قرآنده کلور (یا ایها الذین
آمنوا آمنوا) یعنی ایمان اول ایمان فطری و میثاقی و ایمان ثانی ایمان
شرعی به اشارتدر کویا ایمان اولدن عوارض عائقه بوزندن ذهول
ایتمز ایله تنبیه اولندیلر و تجدیده دعوت قلندیلر و تجدید ایمان و نظر
واستدلال بالغ اولنلر کوره در حد نظره ارمیانلر والدین حکمنده در
یعنی اگر والدین مؤمن ایسه لر اولاد دخی انلره تقلید و متابعت ایله
مؤمنلردر و الا فغنی دین اوزرینه بولندیلر ایسه اکا الحاق اولنور لر
و بعضی رسالت حرب و قتال ایله مأمور اولدق لری نک سری اکثر ناسک
ایمان فطری بی تبیدیلریدر زیرا کفر و معصیتدن فساد و اختلال
عالم حاصل اولور و قرآنده کلور (ولولادفع الله الناس بعضهم
ببعض لفسدت الارض) و اول مخالفله ضد و مثل دیرلر یعنی کرچه
بشریتده مثلث وارددر و لکن اوصافله اضداددر واحد ضدین
عدم قبول ایتمد که آخر وجود بولماز پس سیف ازاله اضداد ایچون
اولدی تا که اعدا تحت الارضه انتقال ایدوب احباب وجه الارضده
قاله لر و شرایع احکامی اجرا قبله لر و نور ایمان و توحید اقطاره منتشر
اوله و امر الله کلنجبه دک برکات اعمال ایله عالم طوله و کامل ایله اکل
پیشنده فرق بودر که کاملک معرفت نفسی معرفت رب اوزرینه
سابقدر انکیچون نفسنه مشغولدر و اکمالک بالعکسدر انکیچون رینه

مشغولدر پس کامل خلقی مشاهد و حقه مؤمندر و اکمل حق مشاهد
و خلقه مؤمندر زیرا خلق و اربدیکن اخبار حقه بیلور پوخته
مشاهده سنده دکلدر نتکیم مؤمن بالغیب بونک خلافتده در
و بعضی لردر که خلقه کوره علم بالنفس اصلدر زیرا علم بالنفسدن
معرفت حقه انتقال اولنور نتکیم حد یشده کلور (من عرف نفسه
فقد عرف ربه) و بعضی اولیایه خطاب الهی وارد اولمشدر که
(انت الاصل و انا الفرع) یعنی سکا معرفت اصل و مقدم و بکا
معرفت فرع و مؤخردر و حقه کوره عکسدر یعنی حقک علمی رتبه ده
مقدمدر علت معلولی اوزرینه رتبه ده مقدم اولدیغی کبی و الا علم حقه
تقدم و تأخر بوقدر شویله که ذاته علم ایله اشباه علمی اکا برابردر
و بونک نظیری (سبقت رحمتی علی غضبی) مقاله سنده رحمتک سابقیتی
و غضبتک مسبوقیتدر زیرا مقصود تعلقده سابقدر دیمکدر والا
صفات حقه تقدم و تأخر بوقدر افراط اولدیغی کبی انکیچون حقه
عاشق دیمز زیرا عشق افراط محبتدر مکر که تأویل ایله اطلاق اولنه
مشاکله و محبت غالبه کبی و لکن بو ذکر اولسان قول هر نقدر مقبول
ایسه ده سالکه کوره در زیر مجذوبه کوره واقع اولان عکسدر که
(من عرف نفسه فقد عرف ربه) سریدر زیرا سالک اولان حق
خلقله بیلور پس قیددن کوج خلاص اولور فاما مجذوبده بوقید
بوقدر بلکه ذات حقه معرفتدن صکره معرفت نفسه نزول ایدر
الحاصل مألده ایکبسی دخی بردر و لکن بری زحمت بولنده و بری
رحمت بولنده در و مقام ایمان ایله شول کیمسه متحقق اولور که
غیب انک یاننده شهادت کبیدر یعنی اصلا شک و ری بوقدر نتکیم
کلام علی ده کلور (لو کشف الغطاء ما زددت یقینا) و اندن
نفس عالمه امان ساری اوله نتکیم لفظ مؤمن انی اشعار ایدر یعنی نفس
و اموال و اهل و اولاد اوزرینه انی امین بیلر و انک اما ننه تممت
و خیانت تخیل اتمیه شیخ اکبر قدس سره الاظهر اوائل حالندن اخبار
ایدر که بعضی صحاریده رکض دایه ایدوب سرعت ایله کبیدر کن المده

رحم مراده رعی ایدن بعض آهواره طوقنوردی وانلر باشلرن
قالد یروب باقرزل واصل لا تنفر قیلزل ایدی اشته ایمانک حکمی بودر
یوخسه خلق اخافه ایمک دکلدر نتکیم زمانم زده اعراب واتراک واکراد
وهنود وعجم وترکان وتاتار وعوام وخواصک حالیدر پس بوصفاتلو
اکری مؤمنلردن طوغری سلوک نیجه حاصل اولور وحیدشده کاور
(اللهم انی اسئلك ایمانا یباشر قلبی و یقینا لبس بعدیه کفر) بونده
ایمانک قلبه مباشرتی قلبه تمکین ورسوخیدر که اندنصکره کفر
وتلون اولماز انکیچون رسوخی اولمایانلر مرتد اولدیلر زرا ایمان صدرده
وحلقومده واقظده ایدی وبوندن اهل تقلیده تحذیر وارد در زیر
تقلیدک قوتی اولماز بلکه ادنا بهانه ایله زوال قبول ایدر یا حیاته
وباخود عندالموت پس تحقیقه منهاج سنته سلوک لازمدر و برنباشدن
محکیدر که درتوز قبر آچوب انجق در دینک یوزینی قبله ده بولمشدر
اشته اول منحرف اولنلر سنن شریعتدن وطریق سنتدن خروج
ایدنلردر زرا قبله حقدر وشریعت وسنت اکا وصوله بولدر وقرآنده
کلور (و ذکر فان الذکری تنفع المؤمنین) یعنی برکیمسه نک قلبنده
تذکیرک تأثیری اولسه اول کیمسه ده حقیقت ایمان یوقدر زرا قلبی
قسوت قبول ایدوب حجرکی اولمشدر حجر ایه تلین و تربیه بی قابل
دکلدر قرآن ایسه تربیه ایچون نزول ایتشدور و برکیمسه علمی ایله عمل
ایتمسه عالم دکلدر زرا علمدن مراد عملدر وایمان علم اوزرینه مبنیدر
زرا مجهولی تصدیق اولماز وعملک غایتی کشف الهی وفتح ربانیدر
ومعتبر اولان علم ضروریدر که مؤمن انی قلبنده بولور و دفعنه قار
اولامز دلیل ایله اولان ایمان ایسه شبهه دن قورنلزدنی الامر بودر که
نوجهله اخبار اولندیه اکا تقلید ایلیه زرا ایمان اصلنده خبر ایله
اولور عیانده خبر اولماز و خبر من حیث هو صدق و کذب محتملدر
ممکن کییکه وجود وعدمی قابلدر پس من عند الله وارد اولان خبر
غیبی تصدیق ایدن مؤمندر و صدر اولدنصکره کلان مؤمنلرک
فضیلتلری بوجهتنددر زرا انلر صدر اول کبی آیات ینسه ومعجزات

قاهره کورمدیلر بلکه احکام الهیه نوجهله وارد اولدی ایسه قبول
ایلدیلر انکیچون رسول اکرم صلی الله تعالی علیه وسلم ایمان بالغیب
اهلنه تعظیماخوانم دیدی وانلری انبیا منزله سنه تنزیل ایلدی وانلردن
برعامله الی عدد شهید ثوابی ایله تبشیر قیلدی انکیچون دیدیلر که
پادشاهک ندما سندن خار جده قلعه سن وخطه سن محافظه ایدنلر
من وجه افضلدر و بومعنادن اوتوری حدیثده کلدیکه بنم اتم یغموره
بکر زرا اولمی خیر لیدر آخریمی خیر لیدر معلوم دکلدر یعنی اولنده ده خیر
وآخرنده ده خیر وارد زرا اولی اصحاب و آخری خلفا واقطایدر که
دنیا انلرک انفس طیبه سیله زنده وعالم انلرک انقطاع بیهل مرده در
وبرکیمسه احتضارندن بر نفس مقدم ایمان کتورسه اول ایمانک اکا
نفعی وارد و احتضار اودر که انتقال ایده جکی عالمک احوالی مشاهده
ایلیسه پس بومشاهده بولندجه اکا احتضار وحضور موت دیمزل
وبو احتضار ده نیجه مؤمنلره درجات عالییه و ترقیات غیر مترقبه
ظهور ایدر زرا ایمانی تحقیقیدر تقلیدی دکلدر بوندن دیدیلر که
ایمان بش قسم اوزر ینسه در ایمان تقلیددر که عوام ایچوندر وایمان
عملدر که اصحاب دلیل ایچوندر وایمان عیندر که اهل مشاهده ایچوندر
وایمان حقدر که عارفلر ایچوندر وایمان حقیقیدر که واقفلر ایچوندر
والتجی مرتبه سی وارد که حقیقه الحقیقه دیرلر که عالملر ومرسللر
ایچوندر که کشف وایضاحی ممنوعدر و بوالی مرتبه مقابله سنده
قلب عوام ایچون و سرالقلب اصحاب دلیل ایچون و روح اهل
مشاهده ایچون و سرالروح عارفلر ایچون و سرالسر و اقفلر ایچون
وسر اعظم عالملر ایچوندر نور ایمان اولسه یالکر عقل ایله ذات الله
واکا منسوب اولان نعوت بلمز ونور عقل اولسه الوهیت وانک
حقنده جائز و واجب ومحال ندر ادراک اولنلر پس ایمان وعقلک
فائده لری ندر فهم اولنه حتی دیمشدر در که انوار ربو بیت مؤمن
موحد دن غیری به منکشف اولماز فاما اسرار روحانیه مؤمنه
وکافره شاملدر زرا روح منفوخک مؤمنه اختصاصی بوقدر

انکچون بعض کلمات روحانیه دن کافر دخی حصه مندر بو اجلدن
 بعض کافر و کافره نک افسون و عملار یله خسته ره شفا حاصل اولمق
 استبعاد اولمیه مع هذا بعض نفوسده خاصه واردر که انکله عمل
 و تأثیر حاصل اولور بو خود صاحبک کمالی اقتضا ایتمز زمانمزه فسقه
 و فخره مقوله لرندن چوق خارق عاده نسنه لر ظهور ایتشد در حتی
 بعض بی نماز لک مصر و علره و امراض هائله اهلانسه خرقه لرندن
 جزئی پاره بخور ایتلریله خلاصلری مشاهده اولمشدر بونلر شرعدن
 خارج اولمغله کفار ملحق اولمش برالای ممکور لر و مستدر جلد در
 مؤمنه کر کدر که الله دشمنندن دوستنه فائده اولماز دیو اعتقاد ایلله
 و اهل مکرمه حالنه وجود و برمیوب صراط مستقیمدن عدول ایتیه
 زیرا بر مقوله حجب روحانیه اربابینک حالی حجب جسمانیه اهلانندن
 یماندر که جذام زحمتی کبی علاج قبول ایتندن قالمش و طائفه رهبانیه
 و فلاسفه کبی حاللری خراب اولمشدر زیر اغرور و پندارلری کمالده
 اولمغین اول طریق معوجه دن رجوعی نقصان عد ایدر لر و علی العیاء
 وادی کفر و ضلاله آشوب کیدر لر تنکیم قرآنده کلور (ومن یضلل الله
 فلا هادی له) الحاصل بر کپسه هر نقدر کالات روحانیه اهلی و بلکه
 بعض مکاشفات و مشاهداتدن حصه مندر دخی اولسه مرتبه ایمانی محافظه
 ایتدکجه ساقطدر و ایمان دخی حکم رسول له متابعت ایلله مقبولدر
 انکچون اهل کتاب مردود اولدیلر زیرا (لا اله الا الله) دیدک لری
 امر موسی و یا امر عبسی اولمق اعتقادینه مستند ایدی امر محمد در
 دیو دیمدیلر بوسیدن (یا ایها الذین امنوا آمنوا) وارد اولدی یعنی
 اگر کتب منقده میه ایمانکن وار ایسه محمد دخی ایمانکن اولوب
 کلمه ایمان و سایر احوالکن انک امرینه مستند اولسون علمکنزه اسناد
 ایتکیز زیرا بالکنز علم فائده ایتسه انبیا زمانلرنده کلان حکما و فلاسفه
 دخی علملرندن منتفع اولورلر ایدی مع هذا انبیا به عدم متابعتلری ایچون
 معینه منکوس اولدیلر و نبی اولک قولی دخی تقریر شریعت جدیدیه
 موقوفدر پس اکتابعک صحتی بعض شرایعی مقرر اولمق حسبیه در

مطلقا دکل الحاصل دینده واسطه لازمدر و واسطه رسول الله در
 انکچون لیلته معراجده باب سما دق اولمده قدیم کیدر دینلیدی
 جبرائیل دخی محمد در دیو جواب ویرد کده اندن غیری به فتح باب مآذون
 دکل دیو موکل دخی قیوی آجیدی و بوندن فهم اولمده دیکه معراج
 معنوی به طالب اولنلره فتح باب سلوات ایلله در که تصدیق نبویدر
 فا فهم جدا و ایمانده متصرف واکامتولی اولان فی الحقیقه
 الله تعالی ایدر انکچون رسول الله صلی الله تعالی علیه وسلم اکرم
 الخلق ایکن همتی ابوطالبک ایمانده تأثیر ایتدی تنکیم قرآنده کلور
 (انک لاتهدی من احیت) یعنی یا محمد محبت هدایت اولمق سکا مضاف
 اولمغله اثری ظهور ایتدی اگر تحبیب طریقیله اولسه که بکا مضافدر
 تأثیر ایدر دی زیرا مراد الله ارادتدن تخلف ایتمز مراد خلق ایسه
 بویله دکلدر اخلاص و حضور و همت و عنایت بر معنایه در لکن
 فقها اخلاص و صوفیه حضور و محققین همت و شیخ اکبر حضرتلری
 عنایت دیو تعبیر ایدر و همت بر نسنه اوزرینه جمع خاطر ایتکه دیرلر
 تا که مقصود اولان معنی یا کنیدی نفسیچون و یا غیری ایچون
 حاصل اوله و دیمشدر که نفوذ همتده ایمان شرعی شرط دکلدر
 گاه اولور که رهبانک دخی همتلری تأثیر ایدر خصوصاً که کفار هنودک
 همتلرینک تأثیرات عجیبه سی واردر انکچون بر اهل تروحن و تقدیس ایز
 دیو زعم ایدر لر (محمکدر سلطان محمود غزنوی بلادهنده غزایتد کده
 انده بر شهر وار ایدیکه اکا قصد ایتدکجه مر یض اولوردی سبیدن
 سؤال ایتد کده بوشهرده بر قوم واردر که هر نه زمان بر کیمسه حقنیده
 صرف همت ایتسه ل اهتماملری اوزرینه اول کیمسه مر یض اولور
 دیدیلر پس بعض اصحاب تشویش خواطر ایچون دق طبول و نفخ
 بوقائی رأی ایلوب اویله ایتد کلرنده مرض زائل و شهر مستخلص
 اولدی واکامل ناسدن همت قتاله صادر اولماز زیرا ترک تصرف
 و حق وکیل اتخاذ ایتشدر بلکه مرتبه کماله بالغ اولمیان مریدلر دن
 صادر اولور و بو معنائک نفوس ارضیه ده تأثیر ایلدیغی کبی

ارواح سماویه ده دخی تأثیری وارد در نتکیم محاسبه کلور و عطائک
نفوسه تأثیری وارد که کمال ایمانه مانع در یعنی حذر ایلکه
حق تعالی معاداتی ایلله امر ایتدیکی عاصبتک هدیه سن المیه سن
زیر نفوس بشریه محسن اولنله محبت اوزرینه مجبور ایدر بوجهتند که
رشوت تحریم مغلظ ایلله محرم اولدی زیر مرتشی خاطر راشی ایچون
عدلی ظلمه تبدیل ایدر وطبعدن خروج ایدوب حکمتی ترک ایتک
مشکدر مکرکه اصلاح نفس ایتش اوله بوضورته احقاق حق
وابطال باطل ایتکده زید و عمرو باندیه برابر و هدیه و عدمی مساویدر
و پر کیمسه عدوی وی وی و وی بی عدو اتخاذ ایلسه اول کیمسه مخلطدر که
انده استقامت دین و حقیقت ایمان و یقین یوقدر و بو معنی ایچون
الله تعالی پیورر که (لاتخذوا عدوی و عدوکم اولیاء) یعنی حق
عداوت سبب نهی اولمق اوزره اقتصار ایلدی بلکه مخاطبلره اولان
عداوتی دخی درج ایلدی زیرا بلکه بزا انلرک ایلکلرن کوردک بزه
ضرر لری ندر دیه لر بو ایسه زیاده مر و تسزلکدر پس مؤمنلره
واجبدر که حقسه عدو اولنلری عدویله لر و عداوت معامله سن
قبیلله لر کرک اول عدولرک کندولره نفی اولسون کرک اولسون
و بوسر عظیم اوزرینه در شول آیت که کلور (یخرجون الرسول و ایاکم)
فافهم و بوندن فهم اولنور که اگر جنت اولسه دکه مؤمن حقسه
عبادت ایتزدی زیر بکا فائده سی اولیان حقسه نه ایچون عبادت
ایده رم دیر ایدی و بو مقوله نک عبادتی معلولدر زیر استحقاق
ذاتدن بی خبردر و ایمان مکارم اخلاقی مقتضی دکلدر زیر
گاه اولور که مکارم اخلاق مؤمنک غیریده دخی بولنور
و مکارم اخلاق سنک ایلله خلق اراستندن اولان نعوت جلیله
و معاملات حسنه در دنیا و آخرته صاحبیه آثار جلیله سی وارد
حتی کفارده اولسه باعث ایمان و سبب توحید اولور و مؤمن کامل
وجه بلا قفسادر که هر جانی بصردر زیر وجود حق هیتند در
وجود حق ایسه بتون وجهدر و مؤمن ناقص ظاهرده وجه و باطنده

قفسادر زیر کرچه فی الجمله اهل جالدر و لکن باطنی نور حقیقت ایلله
منور اولماشدر و کافر ظاهرده قفسادر که اهل جلالدر و باطنده
وجهدر که اهل جالدر زیر احقاب کثیره مرورندن صکره سر ایمان
و توحیدی ادراک ایدر فاما معذب اولمقدن خالی اولماز و جهنمدن
چقمن و مؤمن منور الباطن در عاصی اولور سده و کافر مظلم الباطندر
مکارم اخلاق اهلی ایسه در زیر کفر اعمالی ابطال ایدر کرچه بعض
حسنات باعث ایماندر نتکیم مرور ایتدی و مؤمن معذب اولدیغی
صورته عذاب ظاهرینه در زیر سبب عذاب اولان اعمالی اشلین
جوار حیدر باطنی مقام ایمان و محل توحیددر که انکله کراحت معاصی
ایدردی انکیچون درک اعلاده اولور زیر اول طبقه نک عذابی خفت
اوزرینه در و منافق درک اسفلده ظاهر و باطنی ایلله معذب اولور که
اول طبقه نک عذابی سائر طبقاقتن اشددر ظاهری ایلله معذب اولدیغی
باطنک فسادنددر انکیچون (نار الله الموقده) باطننه مطلع اولوب
اول شدتن ظاهری دخی علونور و دبمشلدر که افتدیه مطلع اولان
نار اعمال باطنه معنویه نک نتیجه سی و نار جهنم اعمال ظاهره حسیه نک
اثریدر پس بویکی صفاتی جمع ایدن ایکی دورلو عذابی جمع ایدر که
عذاب ظاهر و عذاب باطن و الم جسمانی و الم روحانیدر و ایمان و ثمراتی
تازه لك و کهنه لك قبول ایدر یعنی اگر استعمال اولنور سه تازه و رطوزر
والاکنه و پیرمرده کی فالور پس صباح و اخشام لاله الا الله کلمه سنی
تکرار یله تجدید ایمان لازم و اصلاح عمل واجبدر زیر معاصی مطلقا
کفرک بریدیدر و وسیله سبیدر و طاعت نور ایمانی اتمامه باعثدر پس نور
ناقص اولسه غلبه ظلمه سبیدر و بو غلبه نک غایتی رین دیدکری
پاسدر که قلب ایلله ایمان اراستنده حائل و حجاب کشیدر و غین دیدکری
پاس رین دن اخفدر که معامله کثرتدن ناشی اولان حجاب و تلویندر
و حدیثده کلور * انه لیغان علی قلبی * و لکن قلب رسول اوزرنده اولان
غین دن بحث اولماز زیر افراد امتک حالی کی دکلدر نتکیم صلات
حق دخی بویله در که سرنی کنیدی بلور پس ایمانی تازه لمکدن

واستغفار فليقطن كفر ومعصيت سبق ايمتك لازم كلز بلکه تلوين
واحتجابي رفع وتصديقي تحقيق وثبیت وحضورى ادامه ایچون
دخی اولور زیرا توبه کاه اولور که رجوعی ادامه معناسنه کلور واستغفار
نور وحدت ایلله سترکثرت مضموننده استعمال اولور ومؤمنه لازمدر که
ذنب و جودی مغفور اولمی ایچون تجلی وحدته یوز طوته وهر دم
وجود ترا یله تازه چن کبی بته

(*) الباب السادس فی الایمان بالله (*)

ایمان بالله حق تعالی تک وجودنه ووجوب وجودنه ووحده وجودنه
والو هیئته وربوبیتنه وصفات کمالیه سی اولان حیات وعلم وارادت
وقدرت وسمع وبصر وکلام و سائر له ایماندر وائک ذاتنده وصفاتنده
وافعالنده شریک ونظیری یوقدر فاعل مختار ومتصرف مطلقدر
وجوب وجود وازلیت واحاطه وزاها ذات اکا مخصوصدر که
بوصفاندن عبدک اصلا نصیبی یوقدر نصیبی اولدیغی صفاتنده دخی
کمال مطلق حقکدر زیرا عبد قیود بشریت ایلله مقیددر ومحل
کیانینک وسعت تجلی به تجلی یوقدر پس حقندن حظی استعداد
وقابلیتی قدردر وقرآنده کلور (لبس کثله شیء وهو السمع البصیر)
یعنی عالم لاتعینه کوره غنی مطلقدر که کائناته اصلا مساسی یوقدر
وانسانی کرچه کندی صورتی اوزرینه خلق ایتشددر ولکن وجودی
ذاتک غیردر که حقندن مستفاددر حقک وجودی ایسه ذاتک
عیندر پس مخلوق اکا نیجه معادل اولور ولکن بحر العما دیدک لری
مرتبه که بین الحق والخلق برزخدر بومقامده ممکن اسماء الهیه ایلله که
عالم ومربد وامثالدر متصف اولدیغی کبی حق دخی ممکن کبی تعجب
وتدشش وضحک وفرح ومعیت واكثر نعوت کونیه ایلله متصف اولشددر
وحقیقتنده حقک صفاتی یننه کنندینک وعبدک صفاتی یننه کندی
نفسنکدر وحقک سکاوسنک صفاتکه نزول ایتدیکی کرم ورحمتنددر
وسنک دخی اکا وصفاتنده عروج ایتدیکنک صورت الهیه کل حکمی
وعلو همتکنددر وحقده حقیقتنده حرکت اولماز کرچه (بیزل ریشا

کل لیلله الی سماء الدنیا) وارد اولدی وسکون واستقرار دخی یوقدر
اکرچه که قرآنده کلور (الرحن علی العرش استوی) وفلاسفه حقک
ذاتنده حرکت وسکون تجویز ایتلریله اکفار اولندیلر زیرا محسسه کبی
حقیقتنه حل ایتدیلر پس مؤمنه کر کدر که بر نعوت کونیه ایلله
اتصافده مراد حق نه ایسه ائک اوزرینه ایمان کنوره واعتقاد ایلله
کندی عقل قاصری ایلله تأویل ایدوب مراد شودر دیوتعین ایلله
وقرآنده کلور که (ما منعک ان تسجد لما خلقت بیدی) یعنی بدین ایلله
مراد قوت وقدرتدر ویا جلال وجلالدر ویا تشبیه وتنزیهدر دیدیلر
یعنی آدم علیه السلام بو ایکی سری مشتملدر تشکیم بعض کلمات بکارده
کلور (فصرنا کالحروف العالیات بآیات بلا منشاهات) یعنی تعین
معنوی وروحانی وجسمانیدن اول تشخص مزاج وتعین ترکیبدن مجرده
وعاریه اولان حروف عالیه کبی اولدی یعنی صور علمیه وصور عینیه دن
تجر دمن حسبیه محکمات اسماء الهیه تنزیهیه مظاهری ایدک صکره
مرتبه واحدیته صور مذکوره ایلله ترکیبه مقارنتمز سبیلله منشاهات
اسماء تشبیهیه مظاهری اولدی پس اسماء ذاتیه تک مرتبه احدیتنده
وحقایق کونیه به عدم تعلقی جهتندن حال بردورلو اولدیکه
تنزیهدر ومرتبه واحدیته تعلقی یوزندن بردورلو دخی اولدیکه
تشبهدر وحالا دلرده اولان اسماء لفظیه مجازیه اسماء تشبیهیه
انتقال واندن اسماء تنزیهیه به ترقی واندن مسماسی حقیقی اولان ذاته
وصول وبلوغ ایچوندر که ترتیب اوزرینه وضع اولنشددر تا که عقول
انی اول وجهله ادراک ایلله وهر مقامک حکمی وبروب افراط وتفریط
ایلله وقرآنده کلور (وذرا الذین یلحدون فی اسماء) اسماء الله ده الحاد
چوق وجهله درجه دن بری بودر که کتب سماوی ناطق اولدیغی ویا
نص نبویه ورود بولدیغی اسماء تسمیه در خصوصاً که انده معنای
فاسدی ایهام اوله اهل بادیه تک حققه یا ابا المکارم یا بیض الوجه
دید ک لری کبی کرچه ابوالمکارمدن مراد لری مستجمع صفات الکمال
وایض الوجه دن مراد ذاتک نقایص مکدره دن تنزیهیه ایدی پس

اعتبار گرچه معانی مفیده به در و لیکن اطلاقده تحجیر و رفع تحجیر
 الله تعالی به راجع در یعنی آداب بود که اطلاق ابتدکی اسمی
 اطلاق ایدرز و منع استبدیکی منع ایدرز داشته اسماء الله توقیفیه در
 دیدکاری بودر و فلاسفه دخی الله تعالی به علت العمل و موجب بالذات
 دیدیلر یعنی فعلنده و خلقنده و ایجادنده مختار دکلدر معناسنه یعنی
 حقل عالمی ایجادی لوازم ذاتنددر که اندن خلوی ممتنع در دیدیلر
 و ارادت و قدرتی انکار و ایجادی اثبات ایلدیلر و وجود مطلقه علت
 العمل و عقل کله علت تامه اطلاق ایلدیلر و صوفیه گرچه وجود
 مطلق دیدیلر و لیکن بر شبنه علت و برنسنه نك معلولی دکلدر بلکه
 خالق العمل و المعلولات دیمک مراد ابتدیلر و کبار محققین پیور دیلر که
 بر وجودك که کالی و غنای ذاتیسی اوله بر شبنه علت اولماز زیرا علت
 اولمق معلول اوزرینه توقف اقتضایدر ذات باری ایسه برشی اوزرینه
 توقفن مزهدر پس علت اولسی محالدر و لیکن الوهیت مرتبه سنك
 نسب و اضافاتی وارد و فی الحقیقه آله دیمک غنی بالذات معناسنه
 اولمغه اول نسب و اضافات اوزرینه توقف ایتمز علت معلول اوزرینه
 توقف ابتدکی کبی پس مؤمنه کر کدر که جمال ذاته شین و کمال
 الهی به نقصان کتورن اسما و صفاتدن ذاتی تنزیه و صفاتی تقدیس
 ایلیه و ادب عبارت نه ایسه انکله تعبیرا یدوب سویلیه و قرآنده کلور
 (ومن یکفر بالطاغوت و یؤمن بالله) طاغوتدن مراد کل ما عباد
 من دون الله در که جمیع ماسوادر زیرارنك تعلقه صالحدر و نفس
 انسان دخی انده داخلدر و کفر طاغوت تقدیم اولندیغی تخلیه بایندن
 اولمغه در پس انسان جمیع ماسوادن حتی کندی نفسنه بیله تعلقدن
 منقطع اولوب خلوت خانه سری تخلیه ایتمدکجه ایمان حقیقی انده مقام
 طوع و نزع معلق مذکور وار ایکن دعوی ایمانده اولانک ایشی بتمز زیرا
 یار و اغیار بریده مجتمع اولماز پس تعلق ماسوی غفلتدن و وجود ممکن
 اثبات اتمک و همدن ناشیدر انکیچون لاله الله دینلدی یعنی بولکه
 وهم ناسی دفع ایچوندن و الا فی الحقیقه لانك وجودی لادر و وجود بالکنز

دائرة و جو بدر قوسین اولمق خط امکان متوهمنددر و ایمان رسمی
 حجابی غیبی عوامک و حقیقی کشفی شهودی خواصکدر و لیکن
 شهود مرتبه الوهیتی تجاوز ایتمز غایتی اهل بدایت ایله ایمان بالغیبده
 اشتراکدر نتکیم قرآنده کلور (قل هو الله احد) و حدیثده کلور که
 قل هو الله احد اوقیان حقه ایمان کتورمش اولور شول معنادنکه
 احد لفظی حق تعالی بی مرتبه عددیه دن تنزیه ایچون وضع اولنسان
 درجاتك ال نهایی ایچون وضع اولمشدر و نسب و اضافات ساقط
 اولد قده عبدك مرتبه معرفتی تمام اولور پس انك ما ورا سنده
 تصدیقندن غیری ایش قالماز و تصدیق اودر که حق کینه ذاتی
 مرتبه سنده انجق حق ییلور دیه بوجهتنددر که حقل اسم علمی
 یوقدر که بالمطابقه یننه ذاته دلالت ایده واقع اولان اسماء بعض
 لوازم و حقایق اعتباریله وضع اولمشدر و بومرتبه ده رئیس اهل
 النظر ابو علی بن سینا انصاف ایدوب دیمشدر که حقایق اشباه
 واقف اولمق قدرت بشریه ده دکلدر بلکه غایتی انسان خواص
 و لوازم و عوارض اشبابی ادراک ایلکدر و کلام اکبریده کلور
 (ولست ادرك من شیء حقیقه و کیف ادرك و انت فیه) یعنی حقایق
 ممکناته ساری اولان تجلی الهی اول حقایق کنهیی اوزرینه ادراک
 مانعدر زیرا تجلی الهی بلمدکجه حقایق دخی معلوم اولماز
 انکیچون دیمشدر که (لا یعرف الله الا الله) یعنی وجود کونی
 وجود اطلبدر و ظل مظلومیله وجود حقیقیدر فی الجملة انی ادراک
 وسیله در کنهیه دکل نتکیم سایه پرتو شمس و پرتو دخی نفس شمس
 دلبلدر الحاصل ظلك نوره دلالتی ضدیتی ایلدر بوجهتدن ممکن
 واجبی ادراک ایلک محالدر زیرا ظلمت ایله نورك اراسنده مناسبت
 یوقدر قاما نور شمس شمس اضافه شمس دلبلدر زیرا کندی نوریدر
 پس شمسی یلمن یننه شمس اولور فافهم جدا و هر کسده وجه خاص
 دیدکاری اول پرتودر که تجلی الهی ایله فیض اقدسدن حاصل اولان
 عین ثابته در و بونجلی هر کسک تعیننه کوره اولمغه حقه اریسطی

انسان کامل اولندیغی و قنده
 وجود مطلقدن اولیجی
 حصه سی کندویه تجلی
 ایلر اول حصه کند و نك
 عین یاتنه سیدر غیری شی
 دکلدر پس اول انسان حق
 کورمدی بلکه کند و عینك
 صورتی کوردی حق
 کورمک ممکن اولماز انسانك
 تعبیدی و حق تعالی انیک
 اطلاق ایچون و صورت معینه
 حاضر دن نیز ایچون
 صلاه

حصه تجلی به کوره در ماوراسی مرتبه ایمانده در شوقدر وارد که
اکمل ناس اولن لک تجلیاتنده عموم اولغله حقه توجهاری وجه
کلیدندر که وجه مطلقدر والا وجوه مقیده اهلی ایله ارالنده فرق
قلماز و بوراسی محل دقیقدر که عباره به صغیر زیر دیمشدر که
جمع اسمانک علومندن تعبیر ایتک ممکندر باطن اسمندن غیریکه
انک اسراری عباره به کیرمز واسراری عباره به کلدیکه اغرض اولوب
شفاء و یرمز کیمیا علمی کبی امام علی دن استکشاف اولن صدقه بر قاج
در لو جوابکه و یردی بری برندن اشکل اولوب مضمونی بلندی پس
علوم فلاسفه نک باطنی اولان علم کیمیا به عبارت صغیر ایتک علوم
حکماء الهیه نک باطنی اولان حقیقته نوجهله عبارت دخول ایدر
انکیچون دیدیلر که (من لم یدق لم یعرف) یعنی بال دیمکله آغز طیلو
اولماز طامغه محتاجدر حق تعالینک اوائی دیمک مرتبه سنه کوره در
اولیت موجودات کبی دکلدر وازلینی دخی نعت سلیدر یعنی ازل
اودر که اولی یوقدر و لکن نزول اعتبار یله اول عروج اعتبار یله آخر
وتجلی حسب یله ظاهر و غشا صور ایله مغشی اولدیغی جهندن باطندر
ورسول الله لیله معراجده اولان حالندن سؤال ایدوب (ارایت ربک)
دیدکلری کلامه جوابده (نورانی اراه) پیوردیلر یعنی انی فتح همزه
وتشدید نونله کیف معنایه درزیرا بوکون ظلمت و حق نور میندر
ونور و ظلمت ایدی مجتمع اولماز لیل و نهار مجتمع اولدیغی کبی پس هر بری
کندی اظهاری و آخری تغطیه ایتکدن خالی اولماز انکیچون نهاری
کورن لیلی کورمز و کذلک لیلی کورن نهاری کورمز زیر صورت
اولی ده نهار ظاهر و لیل باطن و صورت ثابته ده عکسدر بو جهندن
حق و خلقی بربرده مشاهده ایتک ایدی مجتمع اولماز مکر که شهود
علم ایلله اوله زیر اغشا و مغشیدر و عارف هر نقدر اعلای درجات کماله
بالغ اولسه بنه نفسندن خارج اولماز زیر اجمع احوال و مقامات
وصفاتی حفظ ایدن نفسیدر پس اگر قبل الکمال و اگر بعد الکمال
نفس انسانی مدبر وجود و مظهر شهود در و بو نفس خرفدن

برطرف کبیدر که ایچنه صوقونلوب کونشه قارشو وضع اولن صدقه
نور شمسی خط ایدر شویله که اگر اول خرفک کثافتی اولسه نور شمسی
متلاشی اولور فافهم و قرآنده کلور (وان من اهل الکتاب الا
لیؤمنن به قبل موته) یعنی اگر اهل کتاب و اگر غیر یلر قبض روح حالنده
اخبار الهیه کتور دینی اموری تصدیق ایدر و مختصردن مراد
قبل القبض مرضی تقدم ایدندر پس بر کیمسه فجأة وفات ایلسه
شویله که نفس داخل خارج و یا خارج داخل اولسه و یا غافل ایکن
قفاسندن ضرب اولوب قتل اولنسه بونلرک بوندن مقدم ایمان
و کفردن حالری نه ایلله اول وجهله انتقال ایدر مختصر ایلله بویله
دکلدر بلکه موتندن اول مشاهده ملائکه ایدوب ایمان کتور
نتکیم قرآنده کلور (فکشفنا عنک غطاءک فبصرک الیوم حدید)
ولکن بومقوله ایمانک آخرتده نفی یوقدر و اول ایمانه صورت
ایمان فطری دیر لکه عند الاحتضار قلبلرنده ظاهر اولور زیر
وقت احتضارده هر کس اصله رجوع ایدوب مرآت لا حقه ده صورت
سابقه ظهور ایدر و قرآنده کلور (فلنک ینفعهم ایمانهم لما رأو بأسنا)
یعنی ایمان یأس بیه مو حده ایلله ایمان یأس کبیدر بیه مثاة ایلله زیر
شارع یأسی یأس منزله سنده تنزیل ایلشدر قوم یونسدن ماعدایه
نتکیم قرآنده مستشار بو تقریردن مفهوم اولدیکه موت فجأة مانع
ایمان و موجب کفر دکلدر یعنی مؤمنک ایمانه ضرر و یرمز لکن
مستعد موت اولمایانلره اثر غضب الله در نتکیم حدیث کلور
(موت الفجأة اخذه اسفا) ای غضبان وینه حدیثده وارد اولدیکه
(ا کره موتا کموت الخمار) قبیل و ماموت الخمار (قال موت الفجأة
ای البغته دون تقدم مرض ولا سبب) و بو کراهته باعث غفلتدر
زیرا ناگاه وفات ایدن کیمسه ده تجدید توبه ورد مظالم و تقدیم توصیه
وعذر اولماز مکر که منقطع الی الله اوله نتکیم هر ویدر که حضرت
ابراهیم و داود و سلیمان علیهم السلام بغته وفات ایلدیلر و بعض سلف
دیدیلر که فجأة وفات ایدنلرک قتلنه مؤکل اولان خضر در علیه السلام

نتکیم قصه حضرت موساده اولان غلامی قتل ایلدی و بوندن
خضرت احبب و امانه صفتلرینه مظهر اولدیغی ظاهر اولدی
زیرا ملک الملوك ارواح یعنی روح القدس کی نفخ و افاضه اهلیدر
نتکیم بعض اهل الله انک نفس نفیسی زنده سیدر و بوفقیردخی
حرم کعبه ده حطیمه ایکن سحر اعلا ده ملاقی اولوب (جعلک الله
من اهل الانفس) دیو خیر دعا ایلدی و الحمد لله تعالی و دیمش لردر که
حق تعالی ازله رب ایدیکه ربویتی علمنده اولان اعبان ممکنه نایته
اوزرینه ایدی زیرا حق کندی نفسی اوزرینه رب اولقی صحیح
دکدر و اعبان اول وقتدنبیری مر بوب ایدی و حقدن عین وجودی
طلب ایدوب ممکن اولدقلری جهندن افتقار کوسترل دی و رب
العالمین دخی انلره عین رحمت ایلر نظر ایدردی پس عالم علمده قدیم
و ظهور ده حادث اولدی و وجود خارجیدن اول امکان و ارایدی
ولکن کون بوغیدی زیرا کون امر وجودی به دیرل و حضرت علمده
بالقوه کون و ارایدی ولکن بالفعل بوغیدی بلکه بالفعل امکان
و ارایدی اکا بناء علم الله ده اولان امر ثبوتی امکانیدر یوخسه کونی
دکدر و خارجده اولان امر وجودی هم امکانیدر اصلنه نظر ایلر
و هم کونیدر فرغه بناء و بوندن ثبوت ایلر وجودک فرقی ظاهر
اولدیکه وجود ده اولان ظهور تام ثبوتده یوقدر زیرا ثبوت علم
و وجود عیندر الحاصل کرچه ازله علم و قدرت و ربویتی و امشالی
صفات ایچون تعلق ایده جک معلوم و مقصور و مر بوب خارجی
بوغیدی بلکه ثبوتی و ارایدیکه الله تعالی انک علمنده بری برندن تمیز
و منفصل ایدی یعنی جمیع اشیا ده علم حقه کوره اجمال یوقدر شوقدر
واردر که علمده اولان حاله تمیز و تفصل ثبوتی و عین خارجده اولان
حاله تمیز و تفصل وجودی دیرل پس بینهماده فرق ثبوت وجودله
اولدی و حقیقه نسبت ایلر شهودک فرقی اولدی و بالاده مرور
ایتدیکه علت رؤیت و مشاهده وجوددر دیدکری دکدر نتکیم
متکلمین ذاهب اولدیلر بلکه مریده امکان و استعداد رؤیت و قابلیت

مشاهده اولمقدردی را اگر علت وجود اولادی اشیا علمده مشهود حق
اولماق لازم کلور دی بوایسه باطلدر و اشیا انک ازلا و ابد اقامنه
کوره مشهود حق اولدیغی حقه دراشته جمیع عوالمده حق تعالی
اشیا بی تفصیلا مشاهده اوزرینه در و لکن اشیا علم الهی ده و عین
روحانیده بالفعل ایمان و کفرله متصف دکدر بلکه اول ایکی
عالمده بومقوله صفاتک وجودی بالقوه و عین جسمانیده بالفعلدر
پس کفر و انکاره دوشمک حجاب جسمانی و عوارض طبیعیه دن کلدی
ولکن بعضیلر اوزرینه جلال اصلی ذاتی حکم ایدوب اصرار اوزرینه
قالدیلر و بعضیلر اوزرینه دخی جلال ازلی غیبی حکم ایدوب عالم ابد
و شهادته کلد کلرنده اوج فرقه اولدیلر که بری مؤمن مقلد و بری دخی
دلائل عقلیه و نقلیه به نظر ایدوب مؤمن محقق و بری دخی غلبه
احکام و جوبیه حسبیه ایمان شهودی ضروری ایلر مؤمن موحد
اولدی و بوفرقة اخیره نک تسلیمی سائرلر اوزرینه غالب کلدی زیرا
دین و ایمان و اسلام حقیقی ترک اعتراضدر نتکیم قرأنده کلور
(ان الدین عند الله الاسلام) و بوندن فهم اولنور که حضرت آدم دن
شریعت محمدیه غایتنه دک دین مقبول اسلامدر و قرأنده کلور
(هو سمیکم المسلمین من قبل و فی هذا) یعنی الله تعالی کتب متقدمه ده
و قرأنده سمره مسلمین دیو تسمیه ایلدیکه امت مرحومه اولدیغکن
جهندن هم اسمکن مسلم و هم حقیقت دینکزدخی اسلام اولوب دینک
صورت و معناسیله قائم اولدیکن ائم متقدمه نک مؤمنلرینه ایسه مسلمین
تسمیه اولنمبوب انجق حقیقت اسلام ایلر قائم اولدیلر که توحید
و صورت شرایعدر و شرایعک فرو عده اختلافندن اوصولده
اختلافی لازم کلر پس حقیقت دین ازلا و ابد بر معنی اولدی و عهد
آدم دن بودمه کلنجده و بوندن نصره جتده مستمر اولان عبادت
مشروعیه انجق ایکی نسنه در که بری ایمان و بری نکاحدر یعنی کرچه
جتده تکلیف یوقدر و لکن رتبه ایمان باقیدر زیرا عین خارجده
اولان اعتقاد و عمل اوزرینه مبنیدر که بالفعلدر ایمان میثاقی ایسه

بویله دسکندر زيرا اوراده اولان اعتقاد و عمل بالقوه در انکيچون
عالم ارواحه کوره ايمان شرعی یوقدر بلکه ايمان فطری وارد که
قابلیت توحید در و کذلک جهنمه رتبه کفر باقیدر زيرا جتنده اولان
تنعم ايمان فعلی اوزرینه ترتب ابتدایی کبی نارد اولان تعذیب دخی
کفر فعلی اوزرینه مرتبدر انکيچون اهل جنت حقیقه مؤمنلر و اهل
نار دخی حقیقه کافرلر و اهل ناردن مراد اهل خلوددر زيرا عصاة
مؤمنینک کفارله عذابده اشتراکری امر عارض حسبیه در که ايمان
اصلی بی منافی دکلدر و دنیاده عبادت ایکی وجهله در که بری مرتبه
ايمانده تخیل حق اوزرینه و بری دخی مرتبه عبادت شهود حق
اوزرینه در و تخیل و شهودک فرقی نیجه ایسه ايمان بالغیب و ايمان
بالعیانک فرقی دخی اویله در و عالم حقیقه کوره ايمان شهودی اصل
و ايمان خیالی انک تنزلاتنددر و لکن عالم صورته کوره ايمان خیالی
مقدمدر که برنسنه ابتدا خیاله و اندن قلبه نزول ایدر و خیالک حسه
استنادی جهتندن حجابیتی کثیف اولمغله اکثر مؤمنین ايمان خیالی
مرتبه سنده قالدیلر زيرا رفع حجاب اتمکده عسرت وارد در مکر که الله
تعالیدن تیسیر اوله و بوتفاوتدن اوتوری آخرتده نهایت اذواق المؤمنین
دنیاده عارفلرک ذوق ابتدکاری شهوددر وینه آخرتده نهایت العارفین
دنیا ده انبیانک مرتبه شهوددر لیدر و انبیالله مرسلین و مرسلین
ایله اولوالعزم و اولوالعزم ایله رسول اللهک حاللری اکا قیاس
اولنه پس مؤمنه غیرت لازمدر تا که علم و شهود ده درجات عالیه
اهلی اوله و اکامل ناسک بوارقلری اذواقی بوله بفضل الله تعالی
* الباب السابع فی الایمان بالملائکة *

معلوم اولاکه بعض وجوهله ملائکه مختاردر زيرا اجسام نوریه در که
نوردن مخلوقدر تنکیم تعریفنده دیمشدر که (الملک جسم لطیف نورانی
بنشکل باشکال مختلفه) یعنی مخلوقاتدن ملک اطلاق اولنان صنف جسم
لطیف نورانیدر که اشکال مختلفه ایله تشکل و نمثله قادردر اگرچکه
حقیقت ملکیه بدر و اصناف ما سوی الله طغوزدر که ملک و ملک

و کوب و طبیعت و عنصر و معدن و نبات و حیوان و انساندر و جن ملکده
داخلدر زيرا ایکبسی دخی اسم لطیف نحتنده در اگرچه جوهرلری
مختلفدر که جن مارج ناردندر و نارنورک غیریدر زيرا نار عناصردندر
پس ایکبسی بر اصلدندر دین بلدی و جسم لطیف اولور سه جسم انسان اولور
و جسم جن اولور و جسم کثیف اولور سه جسم انسان اولور
و جسمک مقابلی روحدر که انده نه جسم لطیف و نه جسم کثیف اولور
ارواح مهمه کبی انکيچون انلره ملک دیمک مجازدر و ملکک نوره نسبتی
زیاده اولمغله حضرت رسول الله صلی الله تعالی علیه وسلم دعا ایدوب
(واجعلنی نورا) یوردی زيرا خلقت انسانده ظمت طبیعت و عناصر
اولدیفک ییلور و کثافت و کراحت عناصری ازاله ایچون استعمال
طبی سوردی و ملکده اولان قوه زانده نوردندر که جمیع اشیا ظهوره
محتاجدر ظهور ایسه نورله در پس نوردن اقوی نسنه یوقدر و حق تعالی
ملائکه دن روحی اختیار ایلدی زيرا هر صورت ملکیه ده و فلکیه ده
و عنصریه ده و ماده ده منفوخ منه در و جله اشیانک حیاتی انکله
در که نفس الرحاندر و اکا اشارت ایدوب قرآنده کلور (یوم یقول الروح
والملائکة صفا) و انسان کاملک روحی اول روحله تعین بولوب صف
اولده کلش و بلکه جله ارواحه امام اولمشدر و ملک و جن کرچه
مختلف صنفلردر تنکیم مرور ایلدی و لکن لطافتلری حسبیه اعین
ناسدن مستزلدر و ملک سماوی صنف واحددر که مطیعدر فقط جن
مطیع و غیر مطیع اولور انسان کبی و مطیع اولمیان شیطان اطلاق اولنور
و ملک خیرله تنفیذ اراده و شیطاین ضد خیرله اوزریمزه مسلط و مرسل
اولمغله ملائکه جن و جنه ملائکه اطلاق اولندی و قرآنده کلور
(واذ قال ربک للملائکة اسجدوا لادم) بوراده ملائکه ده ابلیس دخی
داخلدر زيرا رسالت و تسلطده مستعملدر لفظ ملک و بردخی عمل
باینده صورت ملائکه ده ایدی انکيچون (فسجدوا لابلیس) دیو
اتصاله استثنای اولندی پس هر ملک فی نفس الامر ملکدر که برامری نیایغ
و یا خود برارادی تنفیذ ایله مأمورددر و الحاصل برکارده استعمال

و استخدا م اولمشدر و كذلك روحدر که روحانیتی جسمانیتی اوزرینه
 غالبدر انکیچون متروحن دیرلر یعنی انلره و انساندن روحانیتی غالب
 اولنلره خضر علیه السلام کبی و لکن هر روح ملک اولماز ارواح مهمیه
 کییکه انلر شهود زاده دوام اوزرینه اولوب عالم و آدم بلزلر و اهل ذکرك
 انفس و اعمالندن مخلوق اولان ملائکه کبی که انلر ارواح محضه در
 و دیمشدر که انفس و اعمال انساندن مخلوق اولان ملائکه رجالدن
 مخلوق اولاندن اقوی در زیر وجود عالم سرانوش اوزرینه میندر که
 عالم طبیعتدر و بردخی نساده قوت بودر که نسا مطلوب و نا کج طالبدر
 طالب ایسه مطلوبه مقتدر در و عزت مطلوبو بکدر و متروحنلرک لطافت
 زائده لری اولدیغندن تجسد ایتدکلرنده عین رائیده کشیف کورینورلر
 و عین رائی دن محتجب دخی اولورلر پس بونلرده تنوع صور واردر
 تنوع اعراض اولدیغی کبی که حیرت و حجل و صفرت و جل و امثالیدر
 و کشیفک لطیف اولدیغی تحلیل سیبیلده در جد کبی که حرارت شمسیله
 منحل اولوب آب اولور و صور مختلفه قبول انلک استحالده دن کلور
 تفکر ایلکه تلخین اهلی صوتی کاہ تغلیظ و کاہ رقیق ایدر اقتضا حسبیلده
 تا که سامعده تأثیر ایلیه بوندندر که اهل موسیقی زیر و زبر و مثنی و مثلث
 دیودرت صورت پیاده ایتدیلر زیر باوصواتک تأثیری مراد اولان
 محل دخی درت نسنه دن مرکبدر که مرتین و دم و بلغمدر و بوندن
 (انما قولنا لشیء اذا اردناه ان نقول له کن فیکون) سری ظاهر اولدی
 زیرا ارادت قصد اهل تلخین کیدر و قول اصلنده کلام ممتد و منقطع
 فی الخارجدر که اعیان حروف انکله ظهور بو اوب عند السامع فائده
 حاصل اولور و جوهر عالم اصلنده نور الهی اولمغله اجسام کشیفه
 و طبیعیه نك فی الحقیقه مرجعی نوردر اگر اشیا ده نورانیت باطنه اولمسه
 مکاشف وراء جداری و تحت الارض و فوق السماءی کشف و خرق
 حجاب انجزدی و بو لطافت حسبیلده در که بعض اولیا دیوارلر ایچندن
 ایچر و کرلر و میتک قبرنده قیام و قعودی دخی بو یلدر مع هذا اوزرنده
 تراب و یا خود تابوت واردر پس اگر رسم الحیا طوده یعنی اکنه داوکنده

اولسه دخی بنه اکامقامنه کوره قیام و قعود ممکندر و هر نسنه نك اصلی
 اولی نور اولمغله اشیا دن بر نسنه بو قدر که اصل خلقی اوزرینه مستقیم
 قاله بلکه نبات و جواد و حیوان و ارض و سما و ورق و حجر و شجر و جبل
 استداره یه مائلدر که اصلنه میل ایدر و بر نسنه تقدر معوج و مقوس
 یعنی اکری اولورسه اصل اولان استداره یه اقرب اولور و بورادندر که
 ابتداء شکل که جسم اول قبول ایتشدر استدارتدر که اکافک دیرلر
 و انسان کاملک لطافتی اولقدردر که مراد ابتدایی صور تله کیرر
 صور نبات و جواد و حیوان و زید و عمرو و امثالی کبی اشته بو عالم ملکده
 اولان صور تیدر و عالم ملکونده ملک صور تنده ظاهر اولور فاما ملک
 ملائکه اراسنده و عالم غیبده غیر نك صور تنده کیره مز مثلاً جبرائیل
 و یامیکا ئیل و یاسرفیل بری برلر نك و غیر یلر نك صور تله یله
 تمثل ایتلر فاما عالم ملکده بشر صور تنده ظاهر اولورلر جبرائیل
 دحبیه رضی الله تعالی عنه صور تنده ظاهر اولدیغی کبی و انسان
 روحن ایدوب عالم غیبده هر نه صور تنده کورینورسه ملائکه انک
 متروحن و متجرد اولدیغن ادراک ایدرلر شکیم اهل دل برلر ن یلورلر
 و کوکادن کوکله یول واردر دیرلر فاما عالم شهادتده روحی متجسم
 کورسلر روح ایدوکن بلزلر مکر که تعریف شارع واقع اوله شکیم
 حدیثده کلور * هذا جبریل جاء لیعلم الناس دینهم * زیرا ناسک
 اکثری جسم کشیف اولمغله جسم لطیفی تشخیص ایده ملزلر و انسک
 ظاهر جن اوزرینه تسلطی یوقدر مکر که متروحن و ملطف اوله
 پس بو صور تده باطن جنه سریان ایدر جنک باطن انسه سریانی کبی
 و لکن جنی اول حالی بلزلر بلکه اتی کندی نفسنک حکمندن اولمق اوزره
 تخیل ایدر مع هذا اول حکم متروحن اولان انسک حکمیدر و متروحن
 اولان انسان بذاته تصور و تمثل ایدر مثلاً اسد و یافرس و یا غیر
 صور ته کیروب جسم اولی صورتی بالکلیه منعدم اولور و جسم
 انسانیستی تدبیر ایدن لطیفه یعنی روح اول تمثل ایتدیگی صورتی
 تدبیر ایدر لکن هر صور تده روح اول صورتک مادی حسبیلده اولور

والا مجرد تمثله قائده اولماز زيرا حقيقت اسد و طبيعت اسد مثلاندر
 بيلمز وارواح بكاو جريان دموعله غير موصوفلر در مع هذا بومعنى عالم
 طبيعى احكاممندندر ولكن صور جسد آينه ده مثل اتمكله نعوت طبيعىه بي
 قبول ايدرلر (قال الله تعالى فتمثل لها بشرا سويا) وفي الحديث
 (ان جبرائيل وميكائيل يبكيا من خوف مكر الله) واكر مثل واقع
 اولسه بكا روحانى اولور يعنى عالم روحانيته مناسب نه ايسه مقامنه
 كوره بكايه محمولدر (واذ قال ربك) آينده اولان مقاوله كبكه
 اختلاف عوالم ايله مختلف اولور يعنى اكر عالم مثالده ايسه مكالمه
 حسيه شبيهدر زير احق تعالى اول عالمده اهل آخرته صور مختلفه ده
 تمثلى ايتديكى كى تجلى ايدر و اكر عالم ارواحده ايسه كلام نفسى كى
 اولور و سيميايله بين القوم مثلانك فرقى بودر كه سيميا نوم حالى كيدر كه
 اكلمده شمع بولماز و خيالنده جامه كيرسه مستريح البدن اولماز
 فاما بين القوم واقع اولان تمثلاتده شمع واستراحت بولور و برنسنه بي
 امساك ايتسه النده قالور نيكيم رسول الله صلى الله عليه وسلم عرض
 حايطده حقيقه جنت تمثلى ايلدى انكيچون بيورديلر كه نماز ايجنده
 تقدم ايتديكى كى كورد يكر ميكه جنت قطعه بدن قوپارمق مراد ايلدم
 اكر قوپاروب سزه چقارمش اولسم دنيا طور دجه اندن اكل ايدر ديكز
 ود و كنز ايدى و شيخ اقطع حضرتلرى مدينه منوره ده يدى كون
 افطار ايتوب مواجهه رسول الله و اروب يار رسول الله بوكيجه
 سزه مهمانم ديدى و دونوب منبر شريف ياتنه ككلوب مراقبه به
 واردى كورد يكه حضرت على كرم الله وجهه رسول الله او كنه
 دوشوب اول محله كلورلر شيخ دخى استقبال ايدوب ملاقات حاصل
 اولدقده رسول الله اكا بر قرصه صوندى اول قرصه نك نصفى
 اوراده اكل ايدوب نصف آخرى حسه كلكده النده بولدى
 و بومعنى حضرت عباسك مائده سى كى اولديكه محض قدرته
 مستنددر و صوم و صالدين نهى ايتد كلرنده يار رسول الله سز مواصلة
 ايدر سكر بزي نيچون منع ايدر سكر ديد كلرنده بيورديلر كه (انى است

كهيتنكم انى ايت مع مطعم بطعمنى وساق يسقبنى) پس اول اكل
 و شر بدن قوت مزاجيه بولورلر دى زيرا حسه قريب و جهله ايدى
 بوجهت بدن صومى وصل ايدوب بر كيجده بر كره افطار ايدرلر دى
 و اول وقتده مخاطب اولان جاعنده ايسه بوقوت بوقيدى انكيچون
 (است كهيتة الناس) ديمد يلر صكره بوامت مرحومه نك اكا ملندن
 طقوز آيده و يادرت سنه ده و ياد دخى زياده ده بر كره افطار ايدنلر ظهور
 ايلدى پس نهى اولند قلرى شفقت طر بقبيله ايدى زيرا اول وقتده
 صحابه نك اكثرى قوت قليل ايله تعبس ايدرلر ايدى و هوالده حرارت
 زائده و ارايدى عبادنده ايسد اعتدال مزاج شر طدر اكا بناء هر كس
 مزاج مخصوصنه كوره رياضت ايتلور در حتى بر كچسه نك اعتدال
 مزاجى هر كيجه افطاري مقتضى ايسه اكا كوره عمل ايدر و وصل صوم
 ايتز و بومعنى دخى شان بشر دندر و الاملا نكه اكل و شر بدن مبرا
 و مقام صمد ايتنده قائمدر زيرا انلر ده مزاج طبيعى و نفس نباتى
 بوقدر و وجود لرينه دخى فتور ككلوب عبادنده دائمدر نيكيم قرآنده
 ككلمور (يسبحون الليل والنهار لا يفترون) يعنى ملائكة نك تسبحلر بيه
 طرفه العين فترت كلز زيرا انلر ذكر تسبحلر ته بشلرى انسانك نفس
 و حوتك صوايله تعيشلرى ككيدر ولكن انلر طاعتك مثوباتى
 بشردن اولان مؤمنلره اعطا اولمشدر زيرا نشئلرى ثوابله مجازات
 كتور من بلكه (وما لنا الا له مقام معلوم) موجبجه مقاملرنده قيام
 و عمل و مشاهده لرنده دوام كوسترلر و مزاج طبيعى احكامندن مستغنى
 و بربلر در و بوجهت دندر كه انلر ده موت طبيعى بوقدر بلكه انلر
 موتلرى بعض بكار ذاهب اولديغى اوزره غشيه دن عبارتدر ككه
 مغشى عليه اولمقددر فاما جنك محل ثوابنده و كيفيتنده اختلاف
 ايلد يلر و بعض محققين بيورديلر كه جنك مؤمنلرى كچه عمللرى
 اوزر بيه مجازات اولورلر و لكن جنته دخوللرى محقق دكلدر زيرا
 نفس جنته مجازات اوللرى ازرينه نص صريح بوقدر و ذوقله دخى
 معلوم اولماشدر پس انلر كسب ايتد كللى خير لر ينك ثمراتى

زده اجتنایدرلر الله تعالى بیلور و بعض مکاشفین محل مجازاتی
کشفله بیلوب و لکن ادبا مع السلف سترایلمدی و ظاهر اولان
بودر که اول محل اعرافدر و لکن تفصیلی کتاب المرأة نام تصنیف کرده در
بوندن معلوم اولور که اکام المرجان نام کتابیده (لبس الجن ثواب
غیر النجاة من النار ثم یقال لهم کونوا ترابا مثل البهائم) دیدیکی صحیح
دکدر زیرا جن انس کی مأمور و منهیدر پس طاعتی مقابله سنده
ثواب اولماق عدل الهی به مناسب دکدر و امام اعظمک توفقی
کیفیت ثوابده در یوخسه نفس ثوابده دکدر و جنک انسه نسبت ایله
کثرتی واردر ملائکه نک جنسه نسبت ایله کثرتی اولدیغی کی حتی
مرویدر که حضرت موسی علیه الصلاة والسلام الله تعالى به اهل
سمائك عددندن سؤال ایتدکده الله تعالى بیوردیکه اهل سما اون ایکی
سبطدر یعنی قبایله در و هر سبطک عددی ترابک عددی قدر در
یعنی ذراتی و قرآنده کلور (و ما یعلم جنود ربک الا هو) یعنی
ملائکه که جنود الله در عددنی انجق الله تعالى بیلور زیرا کثرت
زائده سی واردر که احاطه عقل و کشفدن خارجدر و عذاب و قهر
اهل الارض بحسب الغالب تسلط ملائکه بوزندن اولغله جندیته
تخصیص اولدیله و چند حرب ایچون اعداد اولنان مسکره دیرلر
پس جیع اشیا جنود حقدر انکیچون پشه نموده و قومنه تسلط اولوب
انتقام آندی و قرآنده کلور (بعثنا علیکم عبادا لنا اولی بأس شدید)
بو عباددن مراد مذل و متقم و قهار اسملرینه مظهر اولان بخت نصر
و جنودی ایدیکه بونلر بابل شهرینک مجوسندن ایدیلر پس اسماء
قهریه نک اعدایه دخی شموی واردر و ظالم حق تعالینک عدایددر
یعنی انکله ظالمدن انتقام الوب مسکره اندن دخی غیر وجهله انتقام
الور و بوندن (کما تکنونون یولی علیکم) سری ظاهر اولدی و قرآنده
کلور (و یدیق بعضکم بأس بعض) یعنی استحقاق ناسه کوره
مؤمنک بأس و شدتی کافره و کافرک دخی جنک و حربی مؤمنه
اذاقه ایدر و یند قرآنده کلور (ولولا دفع الله الناس بعضهم ببعض

لفسدت الارض) یعنی مدافعا نده اولان حکمت الهیه بیان ایدر که
اصلاح ارضدر زیر اظلم و نسیان ذکردن فساد ارض حاصل
اولور و ملائکه دن بر صنف واردر که انلره ملائکه سیاحون
دیرلر انفساس بنی آدمدن مخلوق اولمشلردر و انلر دائما بر یوزنده سفر
و سیاحت ایلوب مجلس ذکر طلب ایلرلر پس هر زده جمعیت
ذکر و تذکیر بولورلر سه بری برلرلر اورایه دعوت ایدرلر و حاضر
اولورلر انکیچون اهل ذکره رعایت آداب لازمدر و اهل تذکره
مراعات عبادات واجبدر زیرا جلال حق و شان ملائکه و اصفیایه
لایق اولمیان و جهله معامله و تنفیض حاضر اولان ملائکه بی تنفیضدن
ماعداد اول مجلسه غضب الله حلولنه باعث اولور بناء علی هذا مراقبه
و حال کرکدر که استجلاب رحمت اوله پس زمانه ذاکر و مذکرلرندن
هر برینک مجلسه حاضر اولمق بالاتفاق ممنوعدر زیرا شریعت
و طریقتدن خارج و ضعیفی چوق و باعث مقت الهی اولاجق قول
فعلاری حددن ارتقدر و قرآنده کلور (اولئک الذین لعنهم الله)
و ملائکه دن بر طائفه واردر که انلره ملائکه الماء دیرلر کانونده نزول
ایدوب مکشوف اولان ظرفلرده اولان صوره صب بلا ایدرلر و هر یکم
اول صودن ایچر سه بردر اولورده مبنی اولور سبی نه ایدو کن بلز
پس کیچرلرده خصوصاً قبش ایچنده و کانون آیلرنده طعام و شراب
ظرفلرینی تغطیه لازمدر تا که اصابت بلادن محفوظ اوله زیرامستور
اولان نسنهیه تسلط بلا یوقدر خصوصاً که استعاذه و بسمله و ذکر
اوزرینه مبنی اوله و حدیثده کلور (فیم یختصم الملاء الاعلی) و قرآنده
کلور (ماکان لی من علم بالملاء الاعلی اذ یختصمون) بو خصامک اصلی
اول مختصمه ایدنلرک نور طبیعی دن حاصل اولدیغیدر شو بخار کییکه
سموات اندن خلق اولندی بو جهتدن بونلرده من وجه بری برلرینه
موافقت و من وجه مخالف بولندی پس مخالفلری بری برلرینه در
یوخسه حقه دکل زیرا انلر نصله مخالفقت حقندن معصوملردر
و خصاملری دخی اعمالک افضلی ندر دیوانی بیانده در تا که بنی آدمه

اول علی القایده لر زیر ملائکه لما اهلیدر که بشری دائما انشاء
عمل صالحه دعوت و آخره ترغیب ایدر لما شیطاین بونلرک خلافت
اولدیغی کی پس انلر مسائل حیضه منظره ایلین ایکی کیمسه کی
اولدیلر که حیضدن نصیبلری بوقدر بوجهندن انلرک خصامی
نسبج برینه کچر فاما اصحاب مذاهبک خصامی اهل نلرک خصامی
کییدر که بری برلر نلرک حجتلر ابطاله چالشور لر وحدیده کلور
(عندنی لا ینبغی التنازع) و ایراد احادیث و بیان شرع و حکایت
قولده دخی حکم حضور واردر یعنی مجلس نبوی ده رفع صوت و بحث
و جدل اولدیغی کی بو مقامانده دخی بویله در زیر اصل ادیده
سماع صوت نبی ایلر حکایه قولی اراستنده فرق بوقدر وحدیده کلور
(ماضی قوم بعد هدی کانوا علیه الاوتوالجدل) یعنی اهل جدل
و بی ادب اولنلرک طریق خدادن خارج وسن سنندن منحرف اولدقلر
بیاندر و دیه شلردر که ملائکه عمل و کسبله مقاماته ترقی ایتزلر ولکن
انلرا چون علوم الهیه زیاده اولمق واردر پس بو علوم فکر و استدلال
طر بقنده دکلر زیر فکر طبع عنصری احکامنددر ملکه ایسه
طبع عنصری بوقدر و دخی هر ملک کندی فوقنده اولان ملائکه نلرک
مقامنده متصرف اولماز زیر مقام معلومی صوره و معنی تجاوز ایده من
و جناح ملائکه صعود ایچون دکلر زیر صعود انلر علوی اولدقلری
جهندن طبیعی و ذاتی بلکه نزول ایچوندر طایرک جناحی ایسه
بونلرک عکسنددر یعنی صعود جناحه و نزولی طبعه در ملکه جناح
مقام نلرک مادونه نزول و طائرده مقام نلرک مافوقنه صعود ایچوندر
تا که هر مخلوق عجزنی یللوب الله تعالی نلرک اعطا ایلدیکی طاقتدن
اکثر ایلر تصرف ایدیم دیمه وذل حصر و تقید و عجزده قلوب جلال
حقک کال مطلق ایلر انفرادنی تبین ایلر و قرآنده کلور (یوم یقوم
الروح و الملائکه صفا) بوراده روحدن مراد منفوخ منه اولان
روحدر که روح کلیدر و جمیع ارواح اندن مستفید اولغله صف واحد
حکمنده در و کذلک روح امام و ملائکه جماعتدر زیر امام بالکن

صف واحد حکمنده در که احدی احدی احدیه المجموعه در و حقک
اهل صفوفه تجلی سی مجموع احدیتده در یعنی هر برینه بشقه بشقه
حدی قدر تجلی ایتکده در احدیت مجموعده دکلر زیر اشخاص
صفوفدن هر شخص علم و حضوری قدر حقه مناجات ایتکده در
پس تجلیده اجمال اولمق تفصیل صفوف و اشخاصی منافیدر الحاصل
هر کیمسه حاله کوره حق تجلی واردر یا لکن امامه تجلی واقع اولمق
کفایت ایلر زیر پادشاه سراینه نور شمس منعکس اولوب و سائر رعبه
خانه لری نوردن محروم اولمق کی اولور و بدن ظاهر اولور که
بقامتیه سی مرتبه فنادن اقوادن زیر فاده اشبابی شیء واحد قیلوب
احدیتده جمع ایتک واردر که تجلیات مختلفه اعتبارنی منافیدر بقاده ایسه
هر مظهر اسمیه کوره ظاهر و نور حق هر برنده علی حده باهر در
بو جهندن بعض عارفه که اهل بقا دکلر زندیق دیدلر زیر انده
اشبابی و اشبابه اولان تجلیات مختلفه بی انکار واردر یعنی حالی انکار
حکمنده در پس صدیق اودر که محقق باقی بالله اوله و هر مرتبه ده
نظر مخصوص بوله کر کسه وجه کلی قبضندن قلبی طوله و سن دخی
بوجهله بی برخوش فهم ایلر تا ورطه انکارده قالمیه سن و اسفل
در که انحرافه دوشوب تنزل بولیه سن و دیدیلر که هر مصلی منفرد
ملائکه به امام اولور و ملائکه انک خلفنده اکا سجده ایدر لر ولکن
اصل ایلر فرع یعنی آدم ایلر ذریتک فرقی بودر که آدمه اولان سجده
متعلک معلم اولان سجده سیدر و ملائکه نلرک مصلی به سجده سی
قرآنده و صلاتده اولان سجده سندن اوتوریدر پس سجودده مجتمع
وسببده مختلف اولدیلر و قرآنده کلور که (اسجدوا لا دم) یعنی
کرچه سجود الله تعالی نلرک غیری به در ولکن عبادت الله در غیره
دکلر زیر شرکدن اعظم نسنه بوقدر و بر کیمسه اللهک غیری به
اللهک امر یله سجده ایسه اول سجده حقه طاعت و قربتدر و بلا امر
سجده ایسه معصیت و بعددر و بوراده غیر دیمک اعتباریدر زیر
آدم یا قبله و یا محراب و یا مظهر نور ذات و هابدر پس ایکی صورته

دخی سجده حقه در فافهم جدا و ملك الله تعالینك امر بنه موافقتده
افضل وانسان كامل اسماء الهیه به اعلم وجهیت واحاطه ده اتم
واكملدرشته انسان ایله ملك یدنده فرق بودر مع هذا مفاضله به
حاجت یوقدر زیر املاك انسانك جزئیدر وجزء من حیث هوكلدن
افضل اولماز وجریتی جمالی یوزندندر فقط انسان كامل ایسه جمال
وجلالی جج ایدوب کمال ایله موصوفدر وملك نبی به وولی به نزول ایدر
لكن نبی انی مشاهده ایدر ولی ایسه انجیق اثر نبی احساس ایلر وولی به
نزولی حکم جدید ایله دككدر بلکه اظهار حقایق قرآنیه ایله در
پس نبی ولی اولیق لازم گلز وارواح اوج قسمدر ارواح مهمه در که
جلال حق مشاهده اوزرینه دائمی و مقام همیان وحیرنده قائمدر
عالین یونلدر که قرآنده کلور (ام كنت من العالین) زیر ایلر "سجده"
آدم ایله مأمور اولما مشلدر در ملكك ایکنجی قسمی ارواح مسخره در
یعنی عمار السمواتکه مصالح دنیویه و آخرویه ده انسانه مسخرلدر
و یونلدر که عدم عصبانیه موصوفلدر وارواح مدبره در یعنی
ارواح انسانیه که آمره وناهیه در والله تعالی ملكی سعید خلق
ایلمشدر که شقادن اصلا نصیبی یوقدر انس و جن ایسه بویله دكلدر
انکیچون سعیده مؤمن و شقی به کافر دیدیلر و کافرانس و جن شیطننده
مشترکلدر نیکیم قرآنده کلور (شیاطین الانس والجن) وینه **ك**لور
(الذی یوسوس فی صدور الناس من الجنة والناس) جنك مؤمن
و کافرینه حقه جاهل و مشرك یوقدر زیر مشرك انجیق انساندر
لكن جن شقاوتی جهنیه انسانی اشرا که حل ایدر و شرکی قبول
ایتد کده اندن تبری ایدر نیکیم تنزیلده کلور (انی بری منک انی اخاف
الله رب العالمین) ابلیس رئیس المشركیندر دید کلری معنای مذکوره
راجعدر یاخود رئیس الکافرین دیمکدر نیکیم قرآنده کلور (ان الله
لا یغفران یشرک به) قولنده اهل کاب دخی داخلدر مع هذا مشرك
دكلدر بلکه کافرلدر و ابلیس کرچه خلقك شقاوت و ضلالتی مراد
ایلدی ولکن وبالی کندویه رجوع ایلدی انکیچون جمله مشرکین

وعصائک عذابیه معذب اواسه کر کدر پس بونده بزه تنبیه واردر که
هیچ برکیمسه نك شقاسن استمیدلم و طلب سعادت و رحمتده اوله لم
یونلدر **ك**که برکیمسه آخرک کفرنی مراد ایسه کفرنده اختلاف
ایلدیلر ولکن شدت عقوبته مستحق ایسه لایس اولیق کورینور
زیرا قرآنده شواهد کثیره سی واردر و تنزیلده کلور (وجعلوا بینہ و بین
الجنة نسبا) بوراده جنتدن مراد ملائکه در که بنات الله در دیوافترا
ایلدیلر زیر ملائکه ذکورت وانوثة ایله متصف دكلدر در الله تعالی
والدیت و مولودیت ایله متصف اولدیغی کی نیکیم سوره اخلاصده
کلور (لم یلد ولم یولد) و ملائکه دن جنت انلدر که انسه ملازمت
ویا خود نزول ایدر ولکن افس انلری کورمز و کاه اولور که باذن الله
ملك و جن تجسد ایدوب انسانه کورینورلر کرک صورت بشریه ده
و کرک غیریده و کاه اولور که صورت اصلیه لری اوزرینه ظاهر اوورلر
نیکیم رسول الله صلی الله تعالی علیه وسلم جبرائیلی صورت اصلیه سی
اوزرینه ایکی کره مشاهده ایلدیلر ولکن بووجهله مشاهده نك
کندیلرینه اختصاصی واردر که انلردن غیری به مقدر و مفسر
اولما مشلدر کره اولی جبل نورده عالم ملکده واقع اولمغه مغشی علیه
اولدیلر و کره ثانیه لیلته معراجده سدره متهداده عالم ملکوتده
واقع اولدیغندن مغشی علیه اولدیلر و یونلدر ظاهر اولدیکه بشرک
ملکی کورمدیکی رحمت حقندر زیر اعظم جثه و هیبت و صورت
ویا حسن و جمالندن طاقت کتورم یوب هلاک اوور و بالاده ذکر
اولندیکه اصل اجسام ملائکه نور و جن مارچ نار و بشر ماء
و ترایدر ولکن اصلارندن حالا اولد قلمری صورته استحاله ایلدیلر
و بو اوج طائفه دن هر بری باشقه صورتده خلق اولمشلدر در **ك**که
بری برلینه صورتده مایلدر و جنك نشأندن ناریت غالب اولمغه
مکده دعوت جن واقع اولد قده شعله آتش کی کورینورلرایدی
بوسبیدن ابلیسک علیه ما یستحق جهنمه غالب عذابی زمهر برایله
اواسه کر کدر و حق عرشی خلق ایدوب اون ایکی قسم اوزرینه مقسوم

قبیله بدر که هر قسمه برج اطلاق اولنور وهر برجده بر ملک اسکان
ایتمشددر که انلراهل جنته واهل دنیا به عناصر کیدر که کیمی مائی
و کیمی ترابی و کیمی هوایی و کیمی ناریدر و جنته ده هر نقدر تکون
واستحاله ایدرنسینه واریسه ملائکه مذکوره به مسنددر بوجه تنددر که
طائفه امامیه اون ایکی امام اثبات ایدرلر زیرا بوملائکه کندی نحت
حیطه لنده اولان علمانک ائمه سیدر و بونلر منزللرنده ابدی متغیر
اولماز انکیچون طائفه مذکوره عصمت ائمه به ذاهب اولدیلر ولکن
صحیح دکلر زیرا حدیثه کلور که (صلوا خلف کل برو فاجر) اگر
عصمت شرط اولسه سجده سهو و امثالی مشروع اولماز ابدی
وملائکه مزبوره قوائم عرش عددنجه درت مرتبه اوزرینه در
ومنازل اوجدر که دنیا و آخرت و برزخدر و بواج منزلت
هر بری ایچون دور در ملائکه وارد که اول منازل اهلی اوزرینه
حاکمدر و اوج کره درت اون ایکی اولور جمله عرش حالدرتدر که
بری صورت اسرافیل و بری صورت جبرائیل و بری صورت میکائیل
و بری صورت عزرائیل اوزرینه در یعنی انلرک نشئه لری مقامنه
مظهر لدر و ملائکه اربعه فی الحقیقه مظاهر اسماء الهیه اصلیه
ذاتیه در که حیات و علم و ارادت و قدرتدر و بوم قیامتده اربعه مذکوره به
درت دخی منظم اولسه کر که اسرافیل آدم و جبرائیل محمد
و میکائیل ابراهیم و عزرائیل اسمعیل مضاف اولورلر علیهم الصلوة
والسلام دنیا درت و آخرتده سکن اولدیغنک سری بودر که
دنیا دار امتزاج و اختلاطدر زیرا سعید صورت شقیده و شقی صورت
سعیده ظاهر اولور اکا بناء تدبیر عرشه موکل اولان جمله درت اولور
عدد سعید و شقی اوزره که بری صورت سعیده سعید و بری صورت
شقیده شقی و بری صورت سعیده شقی و بری صورت شقیده سعیددر
و آخرت که دار امتیاز و افتراقدر انکیچون عدد جمله سکن اولور که
اربعه دن هر قسم باعتبار الصورة والمعنی ایکی به منقسم اولور
و کلمات الله التامات اسماء الهیه بی جامعدر و کلمات الله مطلقا ظاهر

اسما اولان ارواحه اطلاق اولنور لکن نامات ارواح طیبه خیره در که
ملائکه کرام و ناقصات ارواح مؤذیه خبیثه در که شیطین لئامدر
انکیچون شرور خبیثه دن طاهره به استعاده مشروع اولوب
(اعوذ بکلمات الله التامات من کل شیطان وهامة ومن کل عین لامة)
وارد اولمشدر و اما حضرت علی رضی الله تعالی عنه دن مرویدر که
شر سبعه دن خوف اولنسان و ادیلر ده (اعوذ بدانیال و بالجب من شر
الاسد) دیمک کر کدر که باعث امن و اماندر جب قیودر محکیمدر که
نحت نصر دانیال پیغمبر علیه السلامی برقبویه القا ایدوب اوزرینه
ایکی ارسلان طرح ایلدی تا که دانیالی تمزیق و اهلک ایلبلر
ارسلانلر دخی لسانلری ایلله دانیالی لحس واکا تبصیبص ایدوب ضرر
و تعدی کو سترمدیلر بوسیدن استعاده مذکوره مشروع اولدی
و بوندن شرک لازم کلمدی زیرا نظر مظاهره دکل بلکه اسمیه در
بناء علی هذا مال استعاده اعوذ بک منک دیمکدر فاعرف جدا
و مجردات یعنی شول موجودات که متخیره اولیه و متخیره دخی حلول
ایتمه ایکی قسمدر بری ارواح عالییه در که تدبیر اجسامدن مقدس لدر
و بونلره اهل شرع ملائکه مقربون و طائفه مشائین عقول و فرقه
اشراقیین انوار عالییه قاهره دیرلر و بر قسمی تدبیر اجسامه متعلقدر که
مشائون نفوس سماویه و اشراقیون انوار مدبره دیرلر بونلر جمله
عرش و حافون و ملائکه کرسی و ملائکه سموات سبع و ملائکه کره اثیر
و هوا و زمهریر و بحار و جبالدر بعده اجسام نباتیه و حیوانیه ده
متصرف اولان ارواح سفلییه در و بوجردات ارضیه سفلییه اگر
مشرقه الهیه خیره اولورسه صالح الجن تسمیه اولنور و اگر کدره
و شریره اولورسه شیطین دینلور پس جن و شیطین عند البعض
مجرداتنددر و بعضیلر دیدیلر که انلرا اجسام هوایییه و یا خود
ناریه در که اشکال مختلفه ایلله تشکله و اعمال شاقه به قادر لدر
وانلرا ایچون دخی بشرکی عقول و افهام وارد و شیخ اکبر قدس
سره الاظهر حضرتلری بعض رسائنده ابراد ایتمشدلر در که چونکه

انلرك يعنى جنلرك تركيب وجودلى آتش وهوادندر كه ركن خفيه در
لاجرم انلرده سخافت وخفت وارد و بونلرك تركيبلى بى بنباددر كه
بى آدمى جزئى توجه ايله اربوب هلاك اولورلر و بونلرك علم
ودانشى قيلمدر وامور معنويه ده خصوصاً معرفه الله ده اداكى
قاصدر و اكثرى بليدوبى فهمدر وانلرك صحبت واختلاطنده چندان
فائده يوقدر بلكه كبر وسركشلك واقع اولور زيرا علوى استكبار
مقتضاي نارد و بعضى كردباد يعنى قصرغه ديدكلى انلرك اثر
مضاربه ومحاربه سيدر واول قصرغه اراسنده اولان كنديلريدر كه
جنك وجدال ايدرلر وانلرك ارازنده آشوب ومجادله ومحاربه چوق
اولور زيرا تكبر ونجبر انلرك ذاتسه لازمدر وانلر وفات ايتدكه برزخه
انتقال ايدرلر و بردخى وقت حشردهك دنياه رجوع ايتزلر ورجال
باطن كه عالم غيب وملكوتده تصرفه قادرلر در ارواح علويه بى
همنلر ايله مراد ايتدكلى خصوصده استزال ايدرلر مقصود ارواح
كواكبدر ارواح ملكيه دكل زيرا ارواح ملكيه امر الهى ايله نزول ايدر
ننكيم قرآنده كلور (وما تنزل الابار ربك) واول نسنه كه انك تنزلى
امر الهى ايله اوله انده خاصيت تأثير ايتز ارواح كواكب ايسه بويله
دكلدر يعنى انلر هم ايله تنزل ايدرلر وخاصيت دخى تأثير ايلراستخدام
اسما واستعمال بخورات وامثالى كپى واكانتزل معنوى ديرلر زيرا ذات
كواكب سماده مكاندن مفارقت ايتز ولكن الله تعالى عالم كون وفسادده
انلرك مطارح شعاعانى همچون تأثيرات معتاده قلمشدر ومراتب
ملائكه ده تفاوت واردركه كمى اكبر وكمى كيدر در پس جبرائيل
صاحب فلك القمر اولان اسمعيلدن وميكائيل جبرائيلدن واسرافيل
ميكائيلدن اعظمدر ننكيم رسول الله صلى الله تعالى عليه وسلم جبرائيلدن
وجبرائيل ميكائيلدن وميكائيل اسرافيلدن واسرافيل الله تعالى ايدن
روايت ايلديكى اكاالدر وكذلك اسم رب مقام برزخيدر سماء سابعه ايله
كرسى اراسنده ومتوسطدر مقام جبرائيل ايله مقام ميكائيل ميانده
وجبرائيل انبياه كتوردىكى احكام شرعيه بى اول مقامدن اخذايدر

الحاصل وحى تشريعى حضرت الرب دن جبرائيله وجبرائيلدن انبياه
واصحاب شرايعه واصلدره ميكائيلك بوامدادده مدخلى يوقدر فاما
رسول الله صلى الله تعالى عليه وسلم جبرائيلدن وجبرائيلك ميكائيلدن
وميكائيلك اسرافيلدن واسرافيلك حقندن روايت ايتديكى اخبارات
مقام تشريع وتكليفدن خارجدر وبعضى ملائكه بى ايل لفظنه
مضاف ايلديلر كه الله ديمكدر جبرائيل ميكائيل اسرافيل كپى
جبروميك عبد معناسنه اولور وتوراتده بسملة مقامنه (ايل راحون
شداى) يازلمشدر (ايل الله در راحون) رحماندر (شداى) رحيمدر
وطائفه جن اكر عالم نوردن يعنى مؤمن ايسدلر ايل لفظنه مضاف
اولورلر و اكر مرده دن ايسدلر شبنه اضافت اولورلر قوش قلوبوش كپى
وانسان اكر مرتبه تقديسه يعنى طهارت ذاتيه فطريه يه بالغ ايسه
اضافت مذكوره حقيقت اولور عبد الله وهابيل واسمعيل كپى والا
بحاز اولور قاييل وامثالى كپى وملائكه نك بر قسمى اعمال عبدى حفظ
وبر قسمى وجود عبدى حفظ ايدرلر پس وجود عبدى حفظ ايدن
محفوظك غداسى كپى اولور انتهائه عمرده غذا منقطع اولديغى كپى
ملك دخى اندن منفصل اولور وصور اعمالنه مرهون قالور خير ايسه
صورت حسنه ده والا صورت قبيحه ده كلور نعوذ بالله تعالى
(*) الباب الثامن فى الايمان بكتبه (*)

معلوم اوله كه كتب الهيه يوز درتدر زيرا اون صحيفه آدم عليه السلام
اوزرينه منزلدر كه حروف نهجى اندن بر صحيفه در سري بودر كه
آدم ابو البشر در ننكيم قرآنده كلور (خلقكم من نفس واحده)
ودنياده اولان لغات مختلفه نك جله سيله تكلم ايتشدر كه بعضى
روايتده يديوز بيك لغتدر وقرآنده كلور (ومن آياته خلق السموات
والارض واختلاف السننكم) زيرا كه بو اختلاف السنن دن مراد
اختلاف لغاتدر وجميع لغاتك اصولى حروف نهجيدر يعنى برسان
يوقدر كه حروف نهجى اوزرينه دور ايتيه پس معنای مذکور همچون
وكذلك آدمك بساطندن اونورى حروف بسيط اكا اعطا اولنديكه

عدد منازل قراورینه یکر می سکر در زیر لالاف ایله لاملدن مرکبدر
منزل التفاف و مجمع البحریندر یعنی الف غیب الهیه در که مبتدادر
ولام وسط اسانندن اولمغله شهادت کونیه در که منتهادر الف اوزرینه
تقدیم اولدیغی ظهورندن اوتوریدر صکره بو یکر می سکره درت حروف
عجمیه الحاق اولندیکه بعضی عرب مصریه و یمانیه انکله تکلم ایتشدر
اول حروف لریا و جیم و ژا و کاف فارسیه در و بودرت ایله مجموع حروف
عدد اسنان انسانیه اوزرینه اوتوزایکی اولور سوال اولور سکه عدد
حروف نیجه اوتوزایکی اولور که حروف اربعه تکریر قبیلنددر جواب
بودر که زیاده لک صفت اعتبار یله در ذات اعتبار یله دکلدر صفاتده
اختلاف ایسه ذاتده اختلاف حکمنده در سوال اولور سه که حروف
مذکوره آدم اوزرینه نیجه منزل اولدیکه حروف مبنایدر و حروف
مبنایده معانی بو قدر جواب بودر که انزال مبنای انزال معانی حکمنده در زیر
کلمات حروفدن مر که در آیات کلماتدن بر طائفه در و سور آیاندن جمع
اولمشدر پس حروفی انزال اصول کلمات و آیات و سوری انزالدر و بر جواب
دخی بودر که حروف مبنای دیمک اهل رسومه کوره در فاما علماء حقایق
عندنده حروف معایندر تکیم اوائل سورده اولان مقطعات اکا
دالدر انکیچون که بعضی نزول ایتدکده رسول الله صلی الله تعالی
علیه وسلم (فهمت) یوردیلر و امام علی کرم الله وجهه کلامنده
یا که بعضی دیو وارد اولدیغی کلمه مذکوره نک اسم الله اولدیغنه
دلالت ایدر و لکن بوفقیه فهم ایتدیکی بودر که هر حرفی بر اسم دلالت
حسیله در مثلا کاف کافی ها هادی و یا (یعلم ما فی السموات والارض)
وعین علی و صاد (صادق الوعد الامین) کی پس یا کافی یا هادی
دیمک کی اولور و علی هذا الحاصل بونلر حروف معانی و بلکه کلمات
عریبه در که اوائلندن بر حرف ایله اکتفا اولوب بقیه سی طی
اولمشدر تکیم شعره کلور (قلت لها قنی فقلت لی ق) ای وقف
بعد ذات ثبت علیه السلام اوزرینه الی صحیفه و ادر پس علیه
السلامه اوتوز صحیفه و ابراهیم علیه السلام اوزرینه اوز صحیفه

و موسی علیه السلامه تورات و داود علیه السلامه زبور و عیسی علیه
السلامه انجیل و خاتم النبیین حضرت محمد المصطفی صلی الله تعالی علیه
وسلم حضرت لرینه قرآن ذی شان انزال اولمشدر و تفسیر تیسیرده کلور که
صحف شبت الشمس و صحف ابراهیم اوتوز و صحف موسی که قبل التوراتدر
اوندر تورات و زبور و انجیل و قرآندر پس بو قول اوزرینه صحف موسی
توراتدن غیر بدر قرآنده کلور (صحف ابراهیم و موسی) و قول اول
اوزرینه صحف موسی مراد الواح زبرجددر که ید قدرت ایله
اوزرینه تورات یازلمش ایدی تکیم قرآنده کلور (والی الاواح) یعنی
حضرت موسی طوردن تورات ایله عودت ایتدکده قومی عبادت عجل
اوزرینه بولوب شدت غضب و فرط ضجرتندن النده اولان الواحی
یره براقیدی و برادری هارونی برینه خلیفه قومش ایدی بطریق العتاب
و الزجر انک صاج و صفالنه یاشدی و بوالقادن الواح منکسره اولدی
و بعضی علما دیدیلر که منکسره اولوب یدی سیمدن بری قالدی و الی
سبعی مرفوع اولدی لیلته معراجده الی وقت نمازک قرق بشی مرفوع
اولدیغی کی و علی کلا القولین مجموع کتب یوزدرت اولور و بو مجموعه
کتاب اطلاق تغلیب طریقله در که مجازدر زیر فی الحقیقه کتاب
تورات و قرآندر و زبور و انجیلک کتاب اولدیغی صحفه نسبت ایله در که
حجمی کبیر و نفی کثیردر و سر عدد بودر که کتب اربعه نسخه
آفاقیه و انفسیه و قرآنیه و حقایق رجانیه مقابله سنده در و یوز عدد
صحیفه دخی یوز اسم الهی به ناظر در زیر اسماء الهیه کرچه طفسان
طوقوزدر لکن احدیتی اعتبار یله یوز اولور و بو مجموع منزل من عند
الله در و احکام غیر منسوخه شریعت محمد یده تقرر اولمشدر و قرآنه
وساثر کتب الهیه به ایمان اجمالی مذکور هر کس اوزرینه فرض
عیندر و قرآنه ایمان تفصیلی فرض کفایه در و ساثر کتب ایه ایمان
تفصیلی اصلا فرض دکلدر یعنی نه فرض عیندر و نه خود فرض
کفایه در زیر انلرک تفاصیلی ایله مکلف دکلوز و جمیع کتبک اسراری
قرآنده و قرآنک حقایق سورده فاتحه ده و فاتحه نک بسمله ده و بسمله نک

یاده و بانك نقطه ده در كه تحت الباده در زیر نقطه رمز وحدت در
و وحدت واحدیت منبع واحدیت در و واحدیت مرتبه سی بالفعل جمیع
اسماء وصفاتی مشتمل در كه تفصیل نهایت یوقدر وحدت ده كلور كه اگر
سز بسمله نك تفسیر نه درت بیک بیل تفكر اینسه كز عشر عشرینه
بالغ اولماز سكر درت بیک سنه بی تصریح و تخصیص ابتدی زیر بسمله
درت كلمه دن عبارت در كه جمیع حقایق الهیه و كونه بی مشتمل در و عشر
دیدی ضم عین ایله در زیر علوم الخلق كه اوچوز التمش كه اوچوز
التمش در لو علوم اجالیه در قلم اعلا ایله لوح محفوظه رسم اولمشدر
و لوح محفوظه ك مراتب اوندركه سموات سبع و كرسی و عرش و لوح در
و بعض صلوات شریفه اون بر كه دیو تخصیص اولندیغی قلم
اعلا اعتبار ایله در ك عقل اولدر قلم و عقلمدن می ادر و حانیت
مجدیه در پس بزه فیض الهی اون بر مرتبه دن بری نزول ایدر كچه
صورت رسم اونچی مرتبه اولان لوحه در كه اكا نفس کلیه دیر لر
و مؤنث رحم کیدر كه محل نقش در كه نكیم قرأ نده كلور (هو الذی
یصوركم فی الارحام) یعنی صورت بشری رحم مادرده و معنی و علوم
بشری لوح محفوظه تصور ایدر و بعض بکار پیوردیلر كه الله تعالی
كلامدن قرآنی اختیار ایلدی انکیچون افضل انبیایه تنزیل ایلدی
و جبرائیلی اکیكر می درت بیک كره ارسال ایلدی ساثر انبیایه ایسه
اقل قلیل كوندردی و سور قرآینه دن یس سوره سنی مختار قیلدی زیر
عالم ملكوته و امام یمینك حالنه اشارت در نكیم سورة الملك امام یساره
ناظر در و آیات قرآینه دن آیه الكرسی بی اصطفا ایلدی زیر ائده
ذات وصفاتی و كالاتی درج اولمشدر و سور قصار دن اخلاص
شریفی مجتبی قیلدی زیر ائده هویت واحدیت و صمدیتی ذكر ایله
عالم تعین و لاتعینه رمز ایلدی و كذلك سورة طه اشرف سور دندر كه
الله تعالی انی جنته مقام کتبیده اهل ایمانه بلا واسطه تلاوت ایدوب
جمله سی حقدن استماع اینسه كر كدر و قرآنله تغنی جازدر لحن جلی
اولدیغی زیر احرار يك باطن و اناره خشیت ایدر و حدی عرب مشهور در كه

رسول الله صلی الله تعالی علیه وسلم انی استماع ایلمش و حالی اوزرینه
مقرر قیلشدر و یوم عبیده بیت عایشه ده تغنی ایدن عرب قزلربی منع
ایتمد کیری دخی مثبتدر و لکن بوم معنی مبتدی و متوسطه کوره دره منهی به
جمیع احوال برابر در زیر انك ذوقی باطنندن مستنبطدر خارجدن
اسباب مخصوصه ایله دکلدر و حسن صوت نصله مدو حدر نكیم قرأ نده
كلور (یزید فی الخلق مایشاء) زیر بعض اهل تفسیر بوزیاده دن
می ادر حسن صوتدر دیدیلر و مقام امتیازده مذکور اولدیغی حسنیه
دلالت ایدر و حق تعالی جمیع انبیایی حسن الاسم و حسن الوجه
و حسن الصوت خلقی ابتدکی بعض احادیث صحیحیه ده مسطور در
تا كه دعوت و ارشادی قبوله و سبله اوله انکیچون انبیاده اسباب منفرد
یوقدر ابوب علیه السلامك ابتلاسی بعد التبلیغدر و یا خود ایام
ابتلا ده منقطع و منفرد ایدی و یا خود بر ابتلا مخصوص ایدیکه قومنه
بر باشقه ابتلا ایدی زیر انلر بشرک نبوتی قبول ایتمز ایکن ابتلا بی
نیجه قبول ایدر لر خصوصاً كه ابتلا ی ابوب اوله پس عالمه ایش آسان
و جاهلاره دشوار در انکیچون عفو و عافیت طلب ایتمك كر كدر زیر
صبر ابوبی اولمیا نه انسب و مطلع و انلردن ضعف اعتقاد و یقین اهلانه
انفعدر و حدیثه كلور كه (القرآن حجة لك او عليك) حجت صحت دعوا یه
شاهد اولان برهانه دیر لر یعنی بر کیمسه قرأ نه كلام الله در و منزل من عند
الله در و حقیق احوال خلقه اولان علمنی اظهار ایدر دیر دیرسه و مطلع
اولدیغی اسرارنی حقه تفویض ایلسه و اوامر و نواهیسنه منقاد
اولسه و آدایله متأدب و اخلاقیله متخلق اولمقده قصور اینسه و تردد
و ارتبابی اولسه و کندی عقل قاصر ی ایله تأویل ایتمیوب حقیق اثبات
ابتدیکی وجه اوزره اعتقاد ایدوب یور یسه اول کیمسه قرأ نه ایمان
کتور مش اولور و قرآن انك ایمانه و حسن حالنه شاهد اولور و اگر
ایمانی اسلوب مذکور اوزرینه اولمازسه قرآن انك سوء حالنه حجت اولور
و جمیع اوامر الهیه كه کتب سماویه انی مشتملدر امتحان عباد ایچوندر
تا كه مطیع و عاصی بر بندن تمیز اولوب حکم سعادت و شقاوت ظهور

ایده که (لکل واحدة منکما ملؤها) موجب آنجا دار بنده قرار وتنعم
وتعبدید و جمیع کتب الهیه و شرایع انبیا فی الحقیقه کتاب واحد
و شریعت واحد در که کتاب محمدی و شریعت احمدیه در و ایچنده
ناسخ و منسوخ وارد و لکن صور مختلفه و فروع متنوعه ده تفصیل
اولمش در صور انبیا کی یعنی انبیا دخی فی الحقیقه نبی واحد در که
رسول الله صلی الله تعالی علیه وسلم در و لکن اعصار مختلفه ده کیمی آدم
و کیمی غیره پیغمبر صور تبه تمثل ایدوب خلق حقّه دعوت قیلش
و ارشاد ناس ایشلر در و صورک تنوعدن اصلک تنوعی لازم کلز تکیم
ترو حنده جاریدر حتی بعض کل پیور مشلر در که ادریس و الیاس ۷
فی الحقیقه بر در و لکن ادریس الیاس صور تبه تمثل ایدوب نواحی
شامدن بعلمک نام قصبه به مبعوث اولمش در و بوندن تناسخ لازم
کلز تکیم اهلانه معلومدر و مصحف حضرت عیسا دصکره برینه
خلیفه اولان مقعد که اوج سنه حیاته اولسه کر کدر انک موتبه سمایه
مرفوع اولور زیرا قرآن انسان کاملک خلقیدر پس انسان کامل
وجه ارضدن منقرض اولیحق قرآن دخی مرتفع اولور موصوفک
ارتفاعیه صفتک ارتفاعی کی و قرآن کللمدر و کلام آخر تعینات
الهیه در و مقلوبی کالدر انکیچون کللمک ارتفاعیه کمال الهی دخی
اصلنه رد اولنوب ظهور بطونه دخول ایدر فافهم جدا بو سر
اوزرینه در (ینزل ربنا کل لیله الی السماء الدنیا) مضمونی ناطق
اولدیغی نزول الهی صعوده مقلوب اولور و شمسک قبل مغربدن
طلوعی دخی اکانظر در زیرا غروب انسانیت و بقاء حیوانیت دلات ایدر
و حالا نصف قرآن که ظاهر در عریان اولوب نصف آخر که باطندر
اکا دخول ایشلر در که کون اخشاملودر دید کلری اکا رمز ایدر
و قرآن ایله کلام غیرک فرقی بودر که هر وجه که قرآندن مفهومدر
مراد الهی در زیرا علمی محیطدر کلام غیرایسه بویه دکلدر زیرا
لفظی محتمل اولسه بیه متکلمک مقصودی دکلدر شول معنادنکه
متکلمک اول لفظده جمیع معانی محتمله بی قصد و استحضاری ممنوعدر

۷ ادریس و الیاس ایکیدر
یعنی ترو حنده ایکیدر و لکن
حقیقه بر در مشلا جبرائیل
علیه السلام دهیه کلای
صورتده تمثل ایدوب علیه
السلام کالیدی کی

زیرا احاطه دن عاجز در بودخی انسان ناقصه کوره در فاما انسان حقدن
متکلم و مترجم اولان انسان کاملک کلمات حقدر انکیچون بر کیمسه
او کلماتی لسان آخر ایله ترجمه ایتک مراد ایتسه معنای مدلول اوزرینه
اقتضار ایتلودر تا که لفظک محتمل اولدیغی معنایدن عدول لازم کلیه
بو تقریر به بناء بر کیمسه تفسیر قرآنده لفظک محتملاتندن خارج اولسه
اول کیمسه مفسر در یعنی تفسیر دن خارج سوزی یو قدر و کلامی
مقبولدر و اگر کندی رأی ایله تفسیر ایدر سه کافر اولور یعنی تفسیر
ایتدیکی وجهی اول لفظده اهل لسان بتایوب و مقابله سنده وضع
اصطلاح ایتدیلر سه تفسیری مردود در یوسیدن کشفده بعض
مواضعده و من بدع التفاسیر در ز بر اثباتدن مری و مناسبات اوزرینه
مبنی دکلدر و لغاتدن مشتهر اولانه دخی مخالفدر پس بویه قوله
مفسر بدعی دخی (من فسر القرآن برأیه فکفر) و عیدنده داخلدر
و بوندن فهم اولنور که شول اشاراتکه اهل حقایق انی شرایعه
تطبیق ایله سویشلر در مقبولدر زیرا اشارات قلبیه در تصورات
ذهنیه و خیالیه دکل و اهل قلب ایله اهل خیالک یکنده فرق بودر که
اهل خیالک روحی طبعنه مشغول اولمغله تلاوتنده لذت اولماز زیرا
قرآن خیالندن لسانه نازل اولور قلبنه تجاوز ایتز ذوق حال ایسه
بالده اولور انکیچون اهل قلب تلاوتندن متلذذ اولور و نازل اولانی دخی
فهم ایدر کرک کندی لسانی اوزرینه اولسون و کرک اولسون و مؤمنک
قلبنه قرآن نازل اولمق نزول حقدن عبارتدر زیرا صفت الهیه در
صفت ایسه موصوفی مفارقت ایتز یوسیدندر که (ما و معنی
ارضی و لاسمائی الی آخره) وارد اولمشدر و قرآنده هر سوره بر منشور
و عنواننده اولان بسمله رحمت الهیه دن تاجدر مناشیر اوزرینه علامت
سلطان کییکه طغری تعبیر ایدر و سوره توبه ایله سوره انفال
فی الحقیقه سوره واحده در که حق تعالی انی ایکی فصل اوزرینه
انزال ایشلر در انکیچون سوره توبه دینلدی یعنی مغضوب علیه اولنره
حقک رحمت ایله رجعتی سوره سیدر و قرآنده منصوص اولاندن

ما عدا امور ده جانب حرمت تغلب اول نور کرچه که اشیاء نافعده
اصل اولان ایاختد و حرمت امر عارضدر زیر آنجبرده اصلاح
طبیعت و مجاهده نفس وار در آنکیچون مباحات عوامه تنفیس
و خواصه ابتلا در تا که رغبتی اولان اهل رخصت ایله زهدی اولان
اهل عزیمت متمیز اولار بواعضارک خواص صورتند اولنری ایسه
تجبری بالکلیه رفع ایدوب تنفیس و اباحت سمته ذاهب اولوب
منزل هدایی یا کماله و خدایی اسکالامشدر و بعض عارفین
بوردیلر که تورات یدالله ایله مکتوب ایکن علماء بهودانی تحریف
ایتدی ولکن تورات نوجهله محرف اولور که کلام الهی در بلکه
فی نفس الامر محرف اولان کتاب و تلفظ ایتدکلر بدر افتراء محضدر
و کلام الله محفوظدر زیر احکمه در حکم ایسه معصومدر و آنک محلی
علماء بالحکمدر پس حکم علماء قاننده محرف دکلر بلکه اتباع خاطری
ایچون تحریف ایدر و آدم یدالله ایله مخلموق ایکن تغیر قبول ایلدی
زیر آدم فی نفس الامر حکم قسمندن دکلر آنکیچون نفسنده ا کا
عصمت لازم کلز زیر ایدان آنک طینت و طبیعتنه توجه ایتشد
و وسوسه دخی طینت و طبیعت جهتنددر الحاصل آدم جلال و جلالی
مشمول اولغله معصوم اولق لازم کلز بلکه نقل ابتدکی حکمده عصمت
لازمدر آنکیچون انبیا و جبرائیل علیهم السلام وحی الهی خصوصند
معصوملردر حتی دیشلردر که اگر رسول الله صلی الله تعالی علیه
وسلم وحی الهی بی صقلسه قرآنده سوره احزابده قصه زید و زینبی
و سوره تحریمده حکایه عایشه و حفصه بی و سوره عبسده قصه
اعمابی صقلردی زیر جمله سنده خلق اراسنده نجیل اوله جق معنی
وارایدی ولکن ستر ایتدی زیر امیندر خصوصاً که (ولا تکون من
الجاهلین) دینلدی بوا یسه سائر خلقه کوره تقدیرکندر پس بوند
امته تنبیه الهی واردر که کلام الهی هر تقدیر نفسه ثقیل ایسده اصفا
ایدوب عمل ایده لر و حکم الهینک خلافت سو یلیه لر و خلقندن حیا
ایدوب امر حق کتم ایچمه لر و قرآن حق ایله خلق اراسنده واسطه

و برزخدر پس تلاوت اولندیغی وقتده کویاتی حقندن اشیدر کی
احضار قلب لازمدر و قرآنک قلبده ظهوری احدی العیندر صکره خیال
اتی تجسید و تقسیم ایدر بعدله لسان اخذ ایدوب ذو حرف و صوت
اولور و مخاطبک سمعنه دخی مقید کلور بو جهندن (انا جعلناه قرآنا
عربیاً) قولنده اولان عبارت جعلدن مخلوقیه فی لازم کلز زیر اصلنده
صفت الهیه در که هر موطنک حکمت کوره صورت بولور و اقتضاسنه
کوره ظاهر اولور موطنک و صور موطنک اختلافندن ایسه اصلک
اختلافی لازم کلز بلکه کلام نفسی اولدیغی کی هر وجهله تبدادن
مبرادر و قرآن اگر مخلوق اولسه ا کا استعاده اولمازایدی نتکیم کلور
(اعوذ بکلمات الله التامات) زیرا کلمات الله اسماء جامعیه به و کتب
منزله به شاملدر مخلوقه ایسه استعاده اولماز مکرکه مظهریتی
جهتندن اوله بو صورتده ایسه استعاده حقه اولور نتکیم کلور
(اعوذ بدائیات) ولکن هر کس بواسر اردن خبردار اولمدیغندن
انکاره دوشوب شرکه حل ایدر مؤمن مؤولده ایسه شرک اولماز و عاوم
الهیهده تقدیر کشف زائد واقع اولسه ینه اسرار قرآن و حقایق
فرقانی تعدی ایتمز زیر قرآنده کلور (ما فرطنا فی الكتاب من شیء)
پس تقدیر اسرار آفاق و انفس و ارایسه انده مندرج بلکه هر کسک
علی حده احوال کلیه و جزئییه سی انده مندرجدر بناء علی هذا بر مکاشف
کشفنی استعظاما عجبا بو معنی قرآنده و امیدر دیک کی و بر جاهل
صوفینک بر مقامه و صوانده عجبا پیغمبر بو مقامه ابرمش میدر دیمسی کی
اولور نعوذ بالله تعالی و قرآن ایله قدرده نزول ایلدی زیر آیات قرآنیه
نوردر که ظلمات کی اولان شبه مضله بی طرد و رفع ایدر ایله قدرده
ایسه نور الانوارک تجلی مخصوصی واردر آنکیچون قرآنک نور یله
منور اولان قدره ابرشمش اولور و بردخی دنیا و آخرتده ظلمات یوزینی
کورمز و قرآنده هر کسک نصیبی تقدیر ایسه آخرتده درجاتی دخی
اولقدردر پس درجات عالیه استیان قرآن عظیمک نظمینی معاهده
و معناسنی معافده ایدر و اشارات و حقایق ایله عمل ایلر و الا پس پایه

قالور و اقرا ان ارا سنده تنزل عظیم بولور و شر مسار او اور
(نسئل الله تعالى ان يجعل القرآن ربيع قلوبنا و جلاء
احزاننا و قائدنا و سائقنا الى مقامات الابرار و المقربين
(*) الباب التاسع في الايمان برسوله (*)

علماء دین و کبراء اهل یقین بیور مشلردر که نبی رسولدن اعددر زیرا نبی
اولدر که یا ملک ایله ایجا و یا قلبه القا و یا رؤیای صالحه ایله تنبیه اولنه
رسولک و حی ایسه خاصدر الحاصل نبی اودر که حقندن خبر و یره
و خلقی ارشاد ایله اکر شریعت جدیده سی اولور ایسه رسول دخی
اولور و بعض کبار بیور دیرلر که هر رسول که کندی نفسی حقندن
احکامدن برنسنه به مخصوص اولیه اکا رسول دیرلر نبی دیمزلر و اکر
مخصوص اولوب تابع ایله دخی مأمور اولوسه هم رسول و هم نبی دیرلر
یس هر رسول نبی و هر نبی رسول اولماز و بعضیلر دیدیلر که نبی
بشره مخصوصدر و رسول اعددر تنکیم رسول الملائکه دیرلر ملائکه
اربعه به و امثالنه و نبوت مکنتسه دکلدر بلکه اختصاص الهی در
سلطنت کی ولایت ایسه اکنسا بیدر وزارت کی و لکن کامله کوره
مرتبه و مقام نبوت حاصلدر و اما مرتبه سنک حصونندن کندی
و غیر حقندن تشریع لازم کلز الحاصل اکر نبوت عین شرع و نصب
احکام معنا سنه اولور سه اختصاصیدر و اکر من غیر تشریع حصول
مغزات ایسه اکنسا بیدر زیرا فی الحقیقه مرتبه ولایتدر که انبیا اول
مرتبه دن مقام نبوته ترقی ایدرلر انکیچون بومرتبه اهلنه نبی اطلاق
اولماز زیرا نبوت تشریعی ایهمام ایدر نبوت تشریع ایسه نبوت
عرفیه در ولی ده ایسه نبوت عرفیه اولماز بناء علی هذا (لانی بعد نبیک)
معنای بنده نصکره نه نبی مشرع و نه خود نبی متابع بو قدر دیمکدر
والا مرتبه انباء عن الله باقیدر که صفت ورثه در بونک نظیری واردر
تنکیم حدیثده کلور (اذا هلك كسرى فلا كسرى بعده و اذا هلك
قيصر فلا قيصر بعده) یعنی کسری که ملک فرس و قیصر که ملک
رومدر بونلرک هلا کند نصکره بو اسملر مرتفعدر مع هذا ملکلری

باقیدر و غیر اسمله تسمیه اولنورلر پس بعد الرسول نبوت تشریعیه
قالیحقی نبی اطلاقی قالماز و باقی اولان اجتهاد اولور که شرعدن
مستنبطدر انکیچون شرعه مغایر در دلمز و كذلك اخذ عن الله
واخذ عن الملك باقی قالور که بونلره نبوت دلمز زیرا اخذ عن الله
وجه خاصدن و اخذ عن الملك اخذ عن غیر نبی وجهله در بوسیددن
ولی به نبی اطلاق ایلیان ضال و مضلدر و اکر مذهبیه دعوت ایدر سه
قتل اولنور و ابتداء نبوت روحانیه ایله متصف اولان روح محمدیدر که
اکا اصل الارواح و ابوالاباء الروحانیه دیرلر انکیچون دیدیلر که
الله تعالی خلق ارا سندن رسل و رسلدن دخی رسول الهی اختیار
ایلدی زیرا انک مزاجی سائر امزجه انسانیه کی دکل ایدی بلکه
مزید کمال و فرط اعتدال اقتضا ایتمکین آدم هنوز (بین الماء و الطین
و بین العلم و العین) ایکن کندی نبوتی مشاهده ایتدی مع هذامولدات
عنصریه ده هنوز متفرق الاجزا ایدی و عالم ارواحده ایکن بالفعل
نبی اولدی و جمیع ارواح کلی بی توحیده دعوت قیلدی سائر انبیا ایسه
عین خارجی به کلوب شرائط نبوتی استکمالدن صکره بالفعل انبیا
اولدیلر و رسول الله تجلی نور واقع اولوب عالم ابداعده جلوه کر
حیر شهود اولدقلرنده ابتداء تکامیل کلامی (لا اله الا الله) کلمسی
ایدی و اول مقابله ده الله تعالی دخی (محمد رسول الله) دیمکله تشریف
قیلدی و بو شهادت جمیع ائم اوزرینه لازم کلدی انکیچون الله تعالی
هر پیغمبردن عهد الدیکه اکر زمان رسول الله ایریشور ایسه اکا
ایمان کتوره و تابع اوله انکیچون حدیثده کلور (لو کان اخي موسى
حیا ما وسعه الاتباعی) و ابتداء نبوت جسمانیه ایله متصف اولان
جسم آدمیدر که اصل الاجسام البشریه و ابوالاباء الجسمانیه در
و آدمک نبوتی ارضیه هبوطدن نصکره در تنکیم قرأنده (فغوى)
لفظندن نصکره (ثم اجتباه ربه فتاب علیه و هداه) اکا دالدر بومعنايه
ذله سی قبل النبوه اولور و آباء رسالتک اولی حضرت نوحدر زیرا
اندن اول کلنلر انبیا ایدی رسل دکل ایدی مراد ایدن شریعتیه

داخل اولور مراد ایتیم ان دخوله مکلف اولماز ایدی ولکن
 دخوله نصکره رجوع ایتسه و یا داخل اولوب تکذیب ایتسه
 کافر اولور ایدی و اگر تکذیب ایتوب توحید و اصول شرایع اوزرینه
 قالور ایتسه اول نیتک شریعتنه متابعت ایتمه مکلف کافر اولماز ایدی
 زیرا نبی رسول کبی صاحب دعوت دکلدر و دعوت بولمخده دخول
 شریعت واجب اولماز نیکم ارباب اجتهاد کند ی مذهب لرینه
 متابعت و تقلیده خلقی دعوت ایتدی لر بلکه صکره کلنر کند یلری
 التزام ایلدی لر و شولکه قرآنده کلور (وان من امة الا خلا فیها نذیر)
 بونذیررساننده نص دکلدر بلکه هرا میده عالم بالله و بامور الاخرة
 کیمسه اولمغه دالدر بوامت ایچنده هر عصرده ورثه رسول کبی
 زیرا حق تعالی بونلری انبیا منزله سنه تنزیل ایلدی نیکم قرآنده کلور
 وحید شده اتی ناطقیدر و ادر یس علیه السلام انبیا دن ایدی انکیچون
 حقنده کلور (انه کان صدیقاً نبیا) بناء علی هذا ابتدا استفتاح
 رسالت ایدن نوحدر که قومنه مرسلدر و ورثه نک دخی رسالتدن
 فی الجملة نصیبی واردر انکیچون معاذ بن جبل حضرت لرینه رسول
 رسول الله دینلدی رسل عبسی دینلدی کی ولکن فی الحقیقه اطلاق
 لغویدر (الرسول لا یقتل) کبی مراد ایلیدر و محدثون رسل ایله
 محشور اولور لر زیرا آسانید متصله ایله روایت احادیث ایتمه مکلف
 اهل تبلیغ اولور لر و فقها ده روایت حدیث اولمسه عامه ناس ایله
 محشور اولوب عملی ایله انلردن ممتاز اولور لر و كذلك عباد وزهاد
 عدم روایتلری تقدیری اوزرینه عامه ناس ایله محشور اولوب زهد
 و عبادت لر یله انلردن امتیاز بولور لر و برکیمه کشف یوزندن رسول الله
 ایله صحبت ایدوب اندن اخذ حدیث ایتسه حضرت رسول الله ایله
 محشور اولور زیرا اصحابی حکمنده در و اگر صحبت مذکوره نومله
 واقع اولور ایتسه درجه صحبت به بالغ اولماز زیرا کشفله نوم
 ارا سنده فرق عظیم واردر و اب رابع ابراهیمدر که اسلامده و ملت
 حنیفه ده زم بیا مذر نیکم قرآنده کلور (قال اسلمت رب العالمین)

وینه کلور (هو سمیکم المسلمین) و بیت شریف دخی انک یدبله
 دورت رکن اوزرینه قائم اولدی دلیک دورت مقدمه سی کی و شول
 رده که محمد و آدم و نوح و ابراهیم علیهم السلام مقدمات اوله لر
 نتیجه اولان ولدن قدر ارفع الاولیاء اولق کر کدر قیاس اولانه و هر عصرده
 عدد اولیا عدد انبیا قدر در که یوز یکر می دورت بیک بلکه دخی زیاده در
 و هر ولی بر نبی نک علمده قدمی اوزرینه در که اکا وارثدر و وراثتی شریعت
 محمدیه ده منسوخ اولمیان اموره کوره در و قدمی اوزرینه در دیمک
 مقام ولایتدن در مقام نبوتدن دکل تحقیقی بودر که اولیا نک ایکی معراجی
 واردر بر یسی شول معراجدر که انده قلوب انبیا اوزرینه اولور لر و لکن
 انبیا اولیا اولد قلری جهتدن یو خسه اهل تشریع اولد قلری جهتدن
 دکل و بری دخی شول معراجدر که انده اقدام انبیا اوزرینه اولور لر
 اصحاب شرایع اولد قلری جهتدن یو خسه قلوب انبیا اوزرینه اولمازلر
 والا انلر دخی انبیا اولق لازم کلور و اگر بعض تعریف الهی واقع
 اولوب مأخذ انبیا دن اخذ ایتس لر دخی بحکم المتابعه اخذ ایدر لر پس
 معراج تشریع اوزرینه بروی بر نبی نک قلبی اوزرینه اولماز و زمان
 رسیده کامل اولان رسول اولور دی فاما زمان انقطاع رسالته کامل
 اولان وارث اولور و رسولک زماننده وارثه ظهور اولماز زیرا وارث
 موروث عنه وفاتدن نصکره اولور بر عصرده ایکی صدیق اولماز
 دیکلری دخی بورادن اخذ اولور پس زمان رسوله اولان کاملک
 علمی نبی دن اکا انعامدر یو خسه میراث دکلدر و هر زمانده کلان وارث
 متقدمک وارثی در متأخرک دکل انکیچون بوامتک ورثه سی سائر ام دن
 اکل اولدی لر زیرا جله دن متأخر اولمغه جله یه وارثلردر و علم میراث
 موروث عنهم فیض نورندن در و حق تعالی نک انبیا به نظری و فیضی
 سائر دن اتمدر انکیچون علم میراث اتم العلومدر و اصحاب فتراتک علمی
 علم میراث دکلدر زیرا انبیا به اتباعلری یوقدر بلکه ارواح ملکیه دن
 تلقی اولنان علمدر و یا خود نظر فکر یلری مقداری الله تعالی دک فیضدر
 پس انلر هر قدر اصحاب تصفیه و مجاهده و خلوت اهلی اولسه لرده

مادامکه متبع شریعت دکلردر انلرده کشف الهی اولماز و عملاری
عمل انبیایه موافق اولمق مؤثر دکلدر زیر اقصدا اتباع ایتما مشلردر بوندن
اتباعک فائده سی معلوم اولدی انکیچون قرآنده کلور (فبهدیهم اقتده)
ولیله اسراده حضرت موسی به اللی وقت نماز خصوصتده مراجعت
وانک قولیله عمل شرف اقتداه و متابعتی بیان ایچوندیر پس انبیایه
علی الاطلاق ایمان و هدایینه اتباع واجبدیر مقصود شریعتلری
منسوخ اولمزدن مقدم نبوتلرینه ایماندر زیر اخاتم النبیین دن ماعداسی
حالا بالفعل نبوت ایله متصف دکلردر انکیچون بزم پیغمبریمز
حالا رسول و ختم الانبیادر دیو ایمان کتورمک لازمدر حتی رسالته ایمان
کتورب ولکن ختمیئی والی یوم القیام شریعتک عدم منسوختیئی
بطسه ایمانی درست اولماز و برکیمسه جمیع انبیایه ایمان کتوروب
ولکن آدمک نبوتده متردد اولوب پیغمبر میدرد کلیدر بلم دیسه کافر اولور
زیرا خلافتی منصوص و منجبی اولدیغی مصر حدرا کرچکه داوده
اولان خطاب مشافهه نیکیم قرآنده کلور (یا داود انا جعلناک خلیفه
فی الارض) آدم ایچون یوقدر نیکیم کلور (انی جاعل فی الارض خلیفه)
بو خلیفه دن مراد آدم اولدیغی مقطوعدر بناء علی هذا کرکدر که
قرآنده مذکور اولان انبیایی اسماسی ایله ضبط ایلیوب انلره وانلردن
غیری نبوتی متحقق اولوب ولکن اسملری غیر مذکور و شانلری
غیر مقصوص اولنلرک نیکیم تنزیلده کلور (منهم من قصصنا علیک
ومنهم من لم نقصص علیک) جمله سنه ایمان کتوردم دیه واعتقادنی
حفظ ایلیه زیر خطرناک محلدیر حتی نسبتده بله کذبدن اجتناب ایلیه
زیرا کذب النسا بون وارد اولمشدر ونسبت نبویه عدنانه وارنجه متفق
علیه وانک مافوقی مختلف فیدر اگرچه نسا بلر آمده دک سرد سلسله
ایدر فاما مشافهه در و رسول اللهک حالا بالفعل نبوة ایله اتصافنک
سری بودر که شریعتی باقیده در زیر انلرده ایکی نور الهی واردر که
بری نور نبوت و بری نور ولایتدر نور نبوت شریعت مطهره در
انکیچون حالا قبرنده حی در یعنی کرچه حیات قبر حیات برزخیه در

فاما حیات حسیه به زیاده فرییدر که سائرلرده بو حالت متصور دکلدر
بودخی اصلانده کمال اعتدال مزاج و توجهات امت و تجلیات ذاتیه دندر
توجهات امتدن مراد صلاه و سلامدر که باعث حیات نبویه در
نتکیم آنلرده کلشدر و نور ولایت باطن قطبه انتقال ایلشدر و جمیع
اقطاب و اولیانک انواری اول نورک بر تویدر و انتقالدن مراد بالفعل
مشارقت دکلدر بلکه انده کاسدر نور وجود الهی ماهیات کاشانه
منعکس اولدیغی کی نظر ایله که شمسک نوری قره منعکسدر مع هذا
نور مذکور زوال و یا انتقال کلامشدر بوندندر که برکیمسه
رسول الهی منامنده حلیه اصلیه سی اوزرینه کورسه فی الحقیقه
انی کورمش اولور زیر کوره نک خیالی کوزینه متصل اولان نور جمال
نبویدر والا شریعتده ناظر در وانک نورینک جمیع خیالاته اتصالی
نور شمسک کاشانه اتصالی کییدر و بو نوردر که انساندن مزروع
اولدجه عامی اولماز زیر انک تزغیله ظلمت طبیعتده قالب عامی
اولور حتی حال آدم دخی اکل شجره ده بویله در وانک و وارثلرینک
صورنده شیطان تمثیل ایتز زیر بونلر هادی اسمنه مظهرلردر که
مضل اسمی انلره مداخله ایدر من ولکن شیطان علیه مایستحق صورت
حقده تمثیل ایدر ادعای ربوبیت ایلر زیر اصلانده حقل صورت
مخصوصه سی یوقدر پس مکر الهی قوابله شیطان یوزندن نکریدر
دیو اضلال حاصل اولور و اول کورینان راینک صورت هواسی اولمغله
محمودر نیکیم قرآنده کلور (افرأیت من اتخذ الهه هوا) و حق تعالی
هادی و مضل اولدیغی قرآنده مذکور در انبیا و اولیا کی حق تعالی بی
جوان صورنده کورمشدر در حقدر زیر انلر مکر دن معصوم و محفوظ
اولدقلری جهتدن بعض تجلیات مثالیله مشرف اولورلر و بومرتبه بی
انکار ایتک جهلدن معصوددر زیر ابو معنی جمال ذاتک ترهنه شین
و برمن بلکه عالم صفاته کوره زین و بر و گاه اولور که کورینان راینک
خاصه حالی صورتی اولور و خلق عالمن مراد اظهار تجلیاتدر کرک
عموما و کرک خصوصاً و حدیث قدسیده کلور (لولاک یا محمد لما خلقت

الکائنات) و بعضی روا یاتده (ما خلقت الافلاك) وارد اولمش در
تخصیص افلاك معظم اجرام اولدیغندندر و بردخی افلاك کدن مراد
انوار در زیر اهر فلک بر جرم منیره محلدنر و انوار اجرام علویه و سفلیه بی
مقتضیدر که مهابط اضواء پس مراد عالم اکوانک مجموعیدر که متعلق
خلقدنر و فقهاک کلام مزبوری منع ایدوب سائر انبیاء و اصفیا حقند
ایهام نقص ایدر دیدکری ضیق معرفتدندر زیر اولاك خطابی عبارت رسول
الله و اشاره سائر انبیایه و ورثه یه در پس دیمک اولور که (لولاک یا محمد
ولولا الانوار المأخوذة منک نحو آدم و نوح و ابراهیم الی آخرهم
ما خلقت الکائنات) زیر ابونلرک جمله سی تعین واحد ایله تعین
بولمش لرو صکره بری برلندن بعض فضائل ایله ممتاز اولمش لردن
سؤال اولنورسه که جمیع اشیا حصه مند نور نبوی اولیحق تأویل
مذکورک فائده سی ندر جواب بودر که انبیاء و اولیاده ظهور نور کمال
بالفعلدر سائر ایسه بویله دکلدر فاما اولسکه دلائل یه عقیده کلور
(ولولا محمد ما خلقتک یا آدم) بوسه کلام آدمک وقت استغفاره
(بحق محمدان تغفر لی) دیدیکندن ناشیدر که محل استشفاعده تعظیم
جناب محمدی و تعریف حرمت احدی واقع اولمشدر مع هذا مصرح
اولان ما خلقت ده که خلقدنر که جانب جسمانیته راجعدر جعل طرف
روحانیته ناظر اولدیغی کی پس دیمک اولور که سنک خلقتک مقدمه
خلقت نبویه در وسبب تقدیم علوشان مؤخری اشعار زیر ظهور کمال
انسانی تدیری و ظهور اکل ظهور کامل اوزرینه مبتددر تا که
غیر یلر اوزرینه فضل زائدی ظاهر اوله کرچه فی الحقیقه نور بردر
فاغرف جدا و بوندن شبثک نفسی اوزرینه فضلی لازم کلز بر انعیانده
اختلاف اولدیغی مقرر در و حق تعالی اشیادن مراد ایتدیکنی
تعظیم محل ایدر شمس و قمر و لیل و نهار و تین و زیتون و امثالنه قسم ایله
تعظیم ایتدیکی کی تحقیرک لزومی عباددن صدورینه کوره در نظر ایله
رسول الله علیه السلام کمال ادبیه (اناسید ولد آدم) بیوردی اناسید
الانبیاء دیدی مع هذا سید الساداتدر و ولد آدم عرفده نوع انسانیده

مستعملدر الحاصل اول انبیاء آدم علیه السلام و آخری محمد علیه الصلاة
والسلامدر و رسول اللهک اولاد ذکوری تعیش ایتدیکی اکانتشر یفادر
زیرا علم حقده خاتم النبیین اولدیغی سابقدر خضر و الیاس انک امت
ظاهره سندن و آدمدن زمان بعثه کلنجه امت باطنه سندنر که انلره
حکما امت دیرلر و عبسی علیه السلام آخر زمانده نزول ایدوب ولایت
کبرای عامه انکله ختم اولاجقدنر و بونده تشریف محمدی واردنر
زیرا حق تعالی هر امتده اولان ولایتی رسول الله تعین تابع اولان رسول ایله
ختم ایلدیکه عبسی علیه السلامدر و تابعیتی نزولدن صکره ظاهر
اولور زیر شرع نبوی ایله حکم و عمل ایدر و تغییر ایتدیکی احکام
نسبی زمانه منوط اولان امور دندر بویسه مشروع اولدیغی جهتدن
تجدید شرع ایتک قییلندن دکلدر و عبسی علیه السلام قبل النزول
امت ظاهر دن عد اولمندی زیر سعادده در خضر و الیاس ایسه ارضده در
و رسول الله ایمانده اسمی بلمک شرطدر بدرینک وجدینک اسمی بری
بلمک شرط دکلدر (ولاله الا الله محمد رسول الله) دیان کیمسه انک
دلیل اسلام اولدیغن بلسه مسلم اولور کرک کلماتک معناسنی یلسون
و کرک بلسون و بلاد اسلامیه ده اولان یهود و نصارا کلمه
شهادتد نصکره یهودیت و نصرانیت و سائر ادیان باطله دن تبری
ایتدم دیملودر زیر جائزدر که مرادی مؤمنلره کوره بویله دیمک اوله
و جماعت ایله نماز قیلق دخی دلیل اسلامدر منفرد دکلز برا هیئت
جماعتک شریعت نبویه به اختصاصی وار در سؤال اولنورسه که
(یا مریم اقنی لربک و اسجدی وارکعی مع الراکعین) آینی شریعت
اولاده هیئت جماعته دلالت ایدر جواب بودر که آیت مذکور
جماعت ایله نماز خصوصنده قطعی دکلدر زیر بعض علما رکوعی
خضوع معناسنه و یا خود مطلق صلاته حل ایتمشلردنر عبتدن ایسه
هیئت جماعت مقطوع دکلدر بلکه مقصود اهل صلاتدن اولغله
امردن نظیری (واسلت مع سلیمان) ده اولان معتددر که زیر مقصود
اسلامده سلیمان تابعیتی بیاندکر که مؤخر اولسون و عند الشافعی

اقرار اسانی بولمده هبت عمله اعتبار اولماز ز یا حدیثه کاور
 (امرت ان اقاتل الناس حتی یقولوا لا اله الا الله) یعنی اسان مترجم جنان
 اولمده اصل ایمان اقرار له مقرر اولما یحق عمل ظاهر معتبر اولماز
 بوفیرك فهم ابتدکی مقالتك قول مذکور له مغیا اولدیغی غالبه
 بناء در خصوصه که صدر اولده شرکک شیوعی وار ایدی پس اکا
 کوره قول مذکور دن لابد ایدی حنفیه کلامنده اولان اعتبار هبت
 اختصاصه بناء در والاصلاتک ایمانه دلالتی دون الاقرار در (واطفال
 ناس ایمان و کفرده ابوینه تابعدر ولکن کفاردن سبی اولنسان طفل که
 هنوز عقل و تمیزی اولسه وفات ایتدکده نمازی قلنور زیر مالکنه
 تابعدر تکیم بین الغزاة قبل القسمة وفات ایلسه ابوینه تابع اولور
 و طفل طفلدن مأخوذ در که صبا حارده و کیچه لر ده یغان چه
 دید کلر یدر که و بل ورشه نسبتله ضعیفی اولمده طفل دینلدی پس
 طفل ضعیفه بناء مر حومه تابع اولسه مرحومدر واکر مغضوبه
 تابع ایلسه مغضوبدر هیرمک خرده لر ی احراقده کارینه تابع
 اولدیغی کی ولکن مغضوبینک کیفیتی و سری مسکوت عنه در
 و یا خود بوم حشرده ازالندن بی بعث و دعوی قبولی اوزرینه در
 تا که قبول ایمان محجوج و مغضوب اوله والعلم عند الله العلیم الخیر
 و بر ذمی سب بی ایلسه عند الامام قبل اولماز ولکن اعلان شتم
 ایتدیه قتل اولنور و هو الحق کافی کتاب السیر من الذخیره (و کبار
 اهل مشاهده بیور مشلدر که جبع شرایع مرسلینک مناسی شهود
 ثبوت اوزرینه در که رب ایله عبدی اثبات یعنی وجود واجب ایله
 وجود ممکن فرقدن تا که خطاب و تکلیف صحیح اوله و معجزات انبیا
 دفع انکار و تأیید دعوی ایچوند ر که و هو معکم ده اولان معنای
 معیت بودر کرامات کونیه دخی معجزاته لاحق در فهم محقق اهلی
 و یا معتقد مصدق باندده کرامات علیه دخی بویه در مکر که ظواهره
 مخالف اولوب هیچ بوجه له تاویل و توفیق ممکن اولیه بوصورته
 کرامات علیه دن خارج اولور و بشارت انبیا عمل مشروعه

متعلقه در که بر کیمسه شو عملی اشکسه حق تعالی انی جنته ادخال ایدر
 و یا درجات و یر و یا خود ناردن انجا ایدر دیمک انلره مخصوصدر
 ولی به بومر تبه یوقدر بلکه کشف الهی یوزندن بر کیمسه نک حقنده
 سعادت ایله مختوم اولور دیر و آخر دیدکاری کی اولور بو معنادن
 اوتوری وضع حدیثدن منع اولندی زیر امراتب ثواب و عقابی شارعدن
 غیر کی کیمسه بلز ترغیب و ترهیب ایچون وضع ایتدم دیمک بالاتفیق
 باطلدر پس رسالتک خلافتلری جهتنندن تعییناتی تعیین الهی
 قبیلنددر و رسل مقام تصرف استمدیلر مع هذا تصدیق اوزرینه
 معین ایدی زیر ایلدیله که اظهار حجتده مبالغه لر ی مصر اولنلرک
 و یا سحر و شعبده در دیانلرک هلاکنه سبیدر پس انلره شفقت ایدوب
 محل عذر البقودیلر و کاملار دخی بو طریق سلوک ایتدیلر حتی شیخ
 اکبرک قدس سره قیامتده کلجک اقطابی تعیین ایدردم ولکن ناسه
 شفقت ستر ایتدم دید کلری بو قبیلدندر زیر خلقک علمی تعلیق
 ایتد کدنصرکه انکار لر ی سبب هلاکدر و بوندن فهم اولنلرکه
 کرامت کونیه ده مبالغه ایتک دخی یوقدر بلکه بالکلیه ترک تصرف
 ایتک درجه اکلیندر و متابعت عبودیتده اقوادر بو جهتننددر که
 شرع منزلدن غیر ی وجهله تعیین ورد ایتک منکر در زیر خلقی
 جرحه ابقاعدر اگر چه که اکامل ناسک اقوال و افعالی معتقدلر باندده
 شرع و یا قانون طریقتدر فافهم جدا (و بوندن فهم اولنور که
 (البوم اکملت لکم دینکم) و فقیمه دینده زیاده لک روا اولمیچق
 دنیا خصوصنده بطریق الاولی در انکیچون اخص ناس امور دنیویه نک
 اقلی ایله اکتفا ایلدیله حتی رسول الله زینت دنیا حرام اولدی
 زیرا مظهر اسم رحماندر بواسطه حکمی ایله ایدر زینت ایلسه
 منقضیه در پس باقی اسنان فایندن اعراض ایدر بوسببنددر که
 ازواج مطهره رضی الله تعالی عنهن زینت دنیای قبول ایتدیله
 تکیم (ان کنن ردن الحیوة الدنیا و زینتها) آیتده میبنددر و رسول
 اللهک ابوالبشر اوزرینه فضلی ایکی وجهله در بر ی بودر که

آدمك خاتوني حوا آدمك خطاسته معينه اولدى رسول اللهك
ازواجى ايسه طاعته ظهير اولديلر و بردى بودر كه آدمك شيطانى
اسلام قبول ايتدى رسول اللهك قرينى ايسه مسلم حقيقى اولدى
زيرا شيطانك مؤمنلرينه جن و متمرديلرينه شيطان ديرلر بى آدمك
شقى و سعيدي كى سؤال اولنورسه كه قرين رسول مؤمن اوليچى
ابليس انى عزل ايدوب يرينه برغيرى شقى و متمرّد نصب ايتكه قادر
دكليدر جواب بودر كه ممكن ايسه ابليس كندى بنفسه قرين
اولور ايدى فاما رسول الله معصوم اولديغى جهندن حق تعالى انك
ياندن شيطانى مطلقا طرد و ابعاد ايدوب ملك و جنى مؤمنى ابقا
ايتلشدر و بومعنى انلك نشئه زننده اصلا اثر غضب و قهر و جلال
اولوب رحمت محضه و لطف و جمال صرف اولدقلرينه دايملر
و يوم قيامته نفسلرندن اعراض و امته اقباله امتى امتى بيوردقلر بى دى
مدعاى مزبوره شاهد عدلدر و ديديلر كه انسان بر قوم اراسنده
بولنسه كه انلره نبى و رسول بعث اولنماش اولسه اول كيمسه يه نه ملك
ونه خود شيطان مقتدر اولماز بلكه بحكم الطبع متصرف اولوب
قالور و اكر بعث اولنماش ايسه حين ولادتندن برى بر ملك و بر شيطان
اكا قرين اولور كه هر بر يسنك برلمه سى وارد و بو ايكي قرينك
ملازمى نابالغك مكلف اولديغندن دكلدر بلكه ابو يسنك و يا خود
ابو بن حكمنده اولنلك مرتبه لرى جهندندر پس قرين شيطانك
اول مولودى همزى وارد كه مولودك سبب بكاسى و يا خود لعيله
برسته بى باعث افسادى اولوب مولودك اول حركت و فعل
ناملايمتى غيره كوره ضجرت و تسخط و كراهيت ايراث ايدوب اول
بوزدن آثم اولور و ملك سبب مسرت و باعث خير اولوب بوجهندن
نفس غير ده اثاره خير ايدر و الاصبى صغير ايچون بلوغه دك حركت
نفسيه و ربانيه بوقدر و موت حائنده سكرات صبيان دى بو كا
قياس اولنه زيرا اول حائنده حاضر اولنلره تربيه و تنبيه الهى وارد
مع هذا مقتضاي بشرية اوجاع و آلامه ابتلا در صغير اولسون

وكبير اولسون نبى اولسون ولى اولسون پس حكم ظاهرده كمال باطنك
تأثيرى بوقدر مكر كه ارادت الهيه تعلق ايله بعض مجازيه اولديغى كى
رسول الله صورت قرآن عظيم اولمله دنبيان مفقود اولدى پس
قرآنه نظر ايتكلدر رسول الله نظر ك يئنده فرق قالمز و هر كيمك خلق
قرآن اولوب ليل طبيعت و ظلمت هيكلده صور اعمال نورانيه انشا
ايدرسه اول كيمسه رسول الهى قبرىدن بعث ايتمش اولور زيرا
شريعت و سنن حسنه سن احيا ايتك انى احيا حكمنده در و انى احيا
جمع ناسى احيا در زيرا مجموعه عالم و نسخه كبرا در و بر كيمسه قرآنى
جمع رواياتى ايله استظههار ايلسه حفظا و علما و عملا امامت كبرى اهلى
اولوب صورت الهيه اوزرينه ظاهر اولور و عمل قىدن فهم اولنديكه
هر حافظ و عالم شرف مذكوره نائل اولمز و صورت عمل دى كفایت
ايتيوب بخور معنويدين حذر لازمدر و بخور معنويدين مراد الحاد و ارباب
حقايقه سوه نظن و امثاليدر و عنديات ايله تخطئه دى اكا ملحقدر
و قرآنده كلور (لتحكم بين الناس بما اراك الله) يعنى و حيله حكم ايله رأيه
حكم ايمه ديوامرايلى زيرا دين وضع الهى در رأيه دكلدر انكيچون
عابسه و حفصه قصه سنده على كندى اوزرينه رأى ايله تحریم
ايلد كده عقاب الهى وارد اولوب نخله يمين ايله امر ايلدى و لكن
بعض احايئنده انبيا ايچون وحى اوليان مواضعده جواز اجتهاد ايله
قول وارد جواب بودر كه كلام صريح نص اولان موضعه ده رأيك
بطلانده در مطلقا دكل انكيچون مشاوريه مسنونه اولدى و وحى جلى
اوليان برده وحى خفى دى كافيدر و ملائكه ك قلوب انبيايه نزولى
احكام و شرعله و قلوب اوليايه القاسى علوم و اخبارله در زيرا اوليايه
حكم جديد اولماز و بعض حالات نزوله اوليانك انبيايه فى الجملة
مشاركتى وارد و بومقوله مشاركتدن ولى نبى اولمق لازم كلز حالت
اخذده حسدن منسلخ اولمق كى و بو حائنه نزول قلبى و خطاب اجمالى
ديرلر كه انده مزاج متأثر و صورت متغير اولور زيرا نور الهى ظلمت طبيعتى
قهر ايدر انكيچون بومقوله حائنده رسول الله بر ثوبله تسجيه اولنوردى

تا که تغیر مزاج طبیعیه کچسه نظر ایلیه بورادندر که بعض اهل
طریق عمامه زنده رساله **کتورر** الحاصل خارجدن القاده لذت
وسهولت و داخلدن القاده شدت و صعوبت وارد زبرا عادت انسان
عالم حسدن اخذ ایتمکدر که انکله مزید انسی واردر چونکه ملک
انی عالم روحه که عالم طبیعتک فوقنده در نقل ایلیه لاجرم عادتندن
خروجله تغیر و شدت حاصل اولور و حضرت موسایه طورده مقام
کلامده تغیر کلمدیکی خطاب الهی قلبه متوجه اولوب بلکه سمع
و بصر و قوادن تلقی ایتمی سبیلله ایدی بوجهتدن رسول الله اوزرینه
رحماتی لازم کلمدی و هر رسولک رسالتیه متعلق اولان علمی امتک
محتاج اولدیغی مقدار یدر ولایتیه متعلق اولان علمی نامحصور در
زیرا شریعت عملدر و عملده توسعه باعث حرجدر علم ایسه نقدر
کثیر اولسه غدای روحدر و روح محیط ملکوتدر که فی الحقیقه
مالانهایه در ورسلدن اولوالعزم اولنر کالارندن اوتوری سفله مأمور
اولدیلر زبرا اوزرینه ضعیف حقیقی غالب اولغله صورتله مقائله
ایدلردی اگر معنا ایله مقاتله ایسه لردی هر بری صد هزار ملک برینه
قام اولوردی ملک ایسه قوتده علمدر و هم اتباع دخی انلره منضم
ایدی اگرچه اکثر اتباع اول همک تأثیرن بلزلردی بوندن ظاهر اولور که
جهاد ایچون خروج ایدن ملوک و سراییه توجه قلوب و اتفاق
بین الناس لازمدر و خلاقی سبب انهر نامدر کر چه رؤساء اعصار
بومعنادن بی خبر لدر و اولوالعزم اولیانلر تبلیغ ایله اکتفا ایتمیلر
زیرا عزمندن ضعیف لری وار ایدیکه ضعیف معرفتدر زبرا علملری
علم واحد اولمش ایدیکه بومقوله علم انلره مختصدر پس بوراده
ضعف معرفت عامه نک فهم ایتمدیکی دکدر انکیچون بعض اقویا
ضعیف و بعض ضعیفا قوی اولور و جنید بغدادی دیمشدر که
یقین سبی ایله چوق کچسدر صواوزرنده بورودیلر و انلردن یقینده
افضل اولان نیکدر عطشدن هلاک اولدیلر (وعارفلر دیدیلر که
وجودک جله سی کلمات الله و واردات رسل الله در و هر ناطقک نطق

علم الهی و سرر بانیدر و لکن فهم لازمدر که تفاضل انکله در و علماء
رسوم فرقان اطلاق اولنان کلام معین و محمد تسمیه اولنان رسول
معین اوزرینه اقتصار ایلمیلر ۹ و عارفلر تعمیم ایلمیلر پس (یا ایها الذین
آمنوا استجبوا لله و لارسله) ده لام انلرک قاتنده جنس و شمول ایچوندن
عهد و اختصاص ایچون دکدر الحاصل جله عالم عارف رسول
من الله در ۷ رسول ایسه حقدن رحمتدر بلا ایله مبعوث اولسه دخی
ضمننده رحمت وارد زبرا رحمت هر نسنه به واسعه در و اثرده کلور
(ا کر موا الضیف ولو کان کافرا) بعض عرفا بوراده کافری بطریق
الاشارة غم و همه جل ایتمش لدر زبرا مهمان کبی نزول ایدر کر کسه
کافر کبی شرو کر به اولسون و قرآنده کاور (لانفرق بین احد من رسله)
یعنی حق تعالی طرفندن وارد اولان حلو و مرک جله سن قبول ایتمک
کر کدر زبرا مر ایچنده دخی حلو واردر و دیمش لدر در که امت احدیه
وملت محمدیه نک غایت عمری یتش سنه درا کر زباده اولورسه آدمندن
خالد بن سنانه کلنجه مبعوث اولان انبیسادن برینه وارث اولور و انک
عمری قدر عمر بو لور پس یتشده و التمش و یتش میاننده وفات ایلیان
ایچون اختصاص محمدی واردر مافوقنده وفات ایلیان شرع مشترکده
مقبوض اولور زبرا بعد الاختصاص اشتراک دخی حصوله کلور
شیخ اکبر قدس سره الاظهر کییکه ختم الاولیا و سر خاتم الانبیا ایکن
سن شریفلری سکسانه قریب اولد قده و داع عالم فانی قیلدیلر
و بوفقیه حتی به بعض خطابات الهیه ده کلمشدر که رسول اللهک
صدیقینده سنینک دخلی بو قدر سن شریفلری التمش اوج اولمق
شرعه ناظر در انتهی پس بونده اجتهاد ترغیب و تسویفدن تحذیر
وسنله اغتراردن تنفیر واردر زبرا لازم اولان کمال مطلقدر سن دکدر
امام شافعی الی درت یا شنده وفات ابتدی مع هذا بالا تفاسق اوتاد
اربعه دن ایدی و رؤساء طریقتدن سهل بن عبد الله التستری به الی
باشند نصکره عالم غیبندن واردات الهیه توارد ایتمکده باشلدی اشته
کیمی تدریجه له بولدی و کیمی کچوب کیدوب ایلمدی و کیمه دخی

۹ یعنی کلام معیندن بشقه
کلام فعلیه دخی رعایت
ایلمیلر وارث حقیقی اولان
علمای باطنه دخی تعظیم ایلمیلر

۱۰ یعنی عالم عارف جاهلک
طرف حقدن کوندر لاش
رسول کبیر

قبو آجلدی والکل بتقدیر العزیز العلیم واولیادن برطائفه واردر که
انلره انبیاء الاولیا دیرلر اگرچه اولیا اوزرینه انبیا اطلاق ممنوعدر زیرا
نبوت تشریعیه بی ابهام ایدر وانلرک شانلری بودر که صورت
جبرائیلیه نک صورت محمدیه اوزرینه القاسنی مشاهده واستماع ایدرلر
یعنی عالم انسلاخده والا معتبر دکلدر وانسلاخ قبوده حسدن مطلق
وحکم طبیعتدن خر و جدر بونک دخی مراتبی واردر زیرا ابتدا
احکام قبود حسیه دن انسلاخ بعدده احکام قبود مثالیه دن بعدده
احکام قبود روحانیه دن بعدده احکام قبود معنویه دن خر و جدر
وبو اخیرک ار بانی اقل قلبلدر و بالکلیه رفع احکام قبود ایتک محالدر
زیرا جناب حقّه مختصدر انسان وسائر ایسه هر تقدیر ملکیت
وروحانیت بولسه لرینه حجاب روحانیتدن خالی دکلدر و آخرتده
عناصری تلطف ابتدیی صورتده دخی حجاب امکان باقیدر زیرا
مرآت الحضرتدر و بلا مرآت رائی و مرئی تصور اولمز ونبینک
ولایینی نبوتی ایله مختجبدر ولینک ولایتی بشریتی ایله مختجب اولدیغی کبی
زیرا نبوت و بشریتدن هر بری جانب خلقه ناظردر و خلق حقّه
پرده در لیل نهاره پرده اولدیغی کبی نسأل الله سبحانه ان یکشف
عنا غطاء ناپید لطفه و کرمه و یخصنا فی مقام الکاتب
باخص نعمه انه ذو الفضل والنوال ما لعباده من دونه من وال
(*) الباب العاشر فی الایمان بالیوم الآخر (*)

یوم آخر بعث بعد الموتدر آخر دلدی زیرا اندنصکره یوم یوقدر
بلکه شمس وقر ونبومک ارتفاعیه یوم اعتباری مرتفع اولوب
اهل جنت نور جمال واهل جهنم نار جلالده قالورلر وقرآنده کلور
(وانظر نفس ما قدمت لغد) کویا دنیا و آخرت متعاقب و متلاصق
ایکی کوندر که دنیادن یوم و آخرتدن غدایله تعبیر اولندی پس دنیانک
آخرته دنوی یومک غده دنوی کبی اولدی وزمان حسیله یوم وغد
دینلدیکی کی قرار جهنمه دخی دار دنیا و دار الاخره دلدی
و بعض کبار مکاشفین پیور دیلر که فلك اعظمک حرکتدن

اللی درت بیک سنه مرورندنصکره الله تعالی دار دنیایی خلق ایدوب
انکیچون امد معلوم قیلدی ونوع انسانی دورنی که دور سنبله در
جمع آخرتدن برجهه ایلدی که بدی بیک ییلدر وفلك مذکورک
مدت حرکتدن الشمس اوج بیک سنه دنصکره دار آخرتی خلق
ایلدی که جنت وناردر انکیچون آخرت دینلدی زیر اخلق دنیادن
متأخردر تنکیم دنیایه اولی دینلدی خلقی آخرتدن اول اولغله و آخرت
ایچون مدت معلومه قوما یوب لا الی نهاییه قلدی و بعض عارفین
پیور دیلر که آخرت لفظنده اولان تا عارضه ولاحقه در اصلی آخردر که
الله تعالی در زیر عروج عبادک نه ایدر خصوصا که قیامت کبری
فرعی اصله و کثرتی وحدته وتفصیلی اجماله رد ایچوندر و یوم قیامتده
یوم معراج دینلدی که اللی بیک سنه دن عبارتدر اللی بیکه تخصیص
اللی عدد موقف ایچوندر که هر بره وقفده امور دیندن وشعب
ایماندن برسنه سؤال اولنسه کر کدر و بو مقامک علی وجه الترتیب
تفصیلی بودر که انسان دیدکری اوج نسنه نک مجموعندن عبارتدر که
بری جسم طبیعی وبری نفس حیوانیه وبری روح مجرددر که مدبر
هیکلدر وهر فعل که انساندن صادر اوله بو اوج نسنه دن هر برینک
اول فعلک وجودنده مدخل ونصبی واردر وقبل الکمال بو امور ثلثه دن
عبارت اولان انسانه انسان حیوانی دیرلر زیر حیوانیتی انسانیتی اوزرینه
غالبدر و بعد الکمال انسان حقیقی دیرلر که انسان حیوانینک اکانسیتی
میتک ذی روحه نسبتی کیدر یعنی میت صورت وحی معنادر وعالمک
قیامی صورت ایله دکل بلکه معنایله در انکیچون دینلر که
انسان کامل یعنی شول انسانکه تکمیل نشنه ایدوب مراتب ومقامانندن
غایت الغایاته ایرشمشدر سبب قیام سمواتدر یعنی عماد معنوی جرخ
بریندر وانک ذکر ی الله الله در مقصود ذکر متصل دیمکدر و بو ذکر
اهلی منقرض و منقطع اولد قده (انها واهیه سری ظاهر اولوب
قیامت قو بار وسموات وجه ارضه واقعه وساقطه اولور تنکیم قبل
الانقراض) ان الله یمسک السموات والارض ان تزولا مفهومی اوزرینه

ممسوکه و معلقه ایدی بوجهتند در ~~که~~ انسان کاملک براسمنه دخی
(باز دیار) دیرل معناسی سموات و دارانکله ممسوکه در دیمکدر پس سموات
ودار ایچنده اولنلرک بقاسی دخی انک بقاسنه منوطدر بومعنادندر که
(الانسان الکامل غداء الکائنات) یعنی مفتدی غدا ایلله بقا بولدینی کبی
کائنات دخی انسان کامل ایلله بقا بولور وشول کیمسه که انسان حقیقی
اولق صد دنده در غداء روحانینک قدر و قیمن بیلور انکیچون وقتی
کسب معاش صوریه حصرا یتز بلکه غداء مذکوری جلبه سعی ایلر
بوسیدن انسان کامل صحبته ملازمت قیلور ومانده سنه طفیل اولور
وشول که انسان حیوانیدر ابناء جنسنه متصل اولوب اسراف عمر ایدر
وخسارت بولور و بومقوله لدر که التزام اذا و جفا ایلله انسان کاملی
آزده دل ایدرلر و آخر ملعون اولورلر زیر اورثه انبیا اولنلر انبیا حکمنده در
و قرآنده کلور (ان الذین یؤذون الله ورسوله لعنهم الله فی الدنیا و الاخرة)
دنیا ده ملعون اولدقلری کفر و ضلال اوزره قلوب اسباب ایمان
و هدایته مقارنتدن محرومیت لیدر و آخرتده ملعونیلری ایمانلری
تقدیری اوزرینه درجات مقریندن دور و عدم ایمانلری صورتی اوزره
دارالقطیعه ده ساحة عز و صلدن ایدی مهجور اولدقلر بدر و شمسک
مشرق دن طلوعی انسان کاملک روح اضافینک بقاء و اشراقی
صورتیدر تکیم آخر زمانده مغربدن طلوعی روح مزبورک انقطاع
ضوئی و روح حیوانینک ظهور و استیلاسی شکلیدر انکیچون مظلم
طغوب خلغنه دوزیرا زمان ادباردر که عالم دنیادن نور تجلینک احتجابی
وقتیدر الحاصل نور تجلی حبیکه مراتب اسماء و صفات و حقایق الهیه
و کونیه نک ظهورن اقتضا ایتش ایدیکه عالمک بقا و حیاتی اول نورک
ظهور ایلله ایدی پس اول نور مقام جمع ایدی به عودت ایدوب لباس وحدت
ایلله مکنسی اولسه کرکدر قطره نک دریایه وصولنده لباس بحرله تلبسی
کبی و بواسناره فناء عالم دیرل یعنی عالم صورته فنا بولور بوخسه علمافا
بولر ز برامرتبه علمده علی ما کان علیه باقیدر و بوفنادن صکره حشر
کلور) سوال اولنورسه که بوقدر انکشاف و انبساطدن صکره سر احتجاب

وانقباض ندر جواب بودر که تجلی اول ایلله که مجمل مفصل اولمش ایدی
بو احتجابله تکرار مقام احدیده جمع اولنوب مفصلی مجمل اولور پس
اول عین الاخر و باطن عین الظاهر اولدینی کبی آخر دخی عین الاول
و ظاهر دخی عین الباطن اولوب کمال قدرت الهیه ظهور ایدر مع هذا
بالاده رمز اولدینی اوزره تجلیدن مقصود الهی کمال الهی و کمال
انسانینک حصولی ایدی بومعنی ایسه بین النشأتین وجود بولوب بقایه
حاجت قالمدی بوندندر که انسان کامل نشسته سنی تکمیلدن صکره غالباً
بین الستین و السبعین دنیادن انتقال اوزرینه در زیر بقایه ضرورت
یوقدر مکرر که حکمت الهیه اوزرینه مبنی اوله بوضورتده حیات
باقیه طیبه ایلله برآمدت دخی معمر اولوب کیمی سکسانه و کیمی طقسانه
و کیمی یوزه و کیمی عمر طبیعی غایتنه بالغ اولور و قطبک طویل العمر
اولور دیدکاری معنای مذکوره را جعفر * واجل ایکیدر نتکیم قرآنده
کلور (ثم قضی اجل و آجل مسمى عنده) اجل اولدن مراد عمر
جسمانی متناهیدر که نشئت اولیده یعنی دنیا ده اولان عمر در قلیل اولسون
کثیر اولسون واجل ثانی عند اهل التفسیر اجل قیامت کبر ادر و عند
ارباب الحقایق نشئه اخیره ده یعنی آخرتده اهل جنت و اهل ناره کوره
اولان عمر روحانی غیر متناهیدر که انی حق تعالی بیلور یعنی حق
بیلور که اول اجلاک نهایی یوقدر و احکام تجلینک ظهوری الی یوم
القیام تعاقب و تناسب اوزرینه اولدینک سری بودر قرن که قرن
صورك اسفلی ضیقدر که سائر قرونه مخالفدر پس توسع زمانه احتیاج
بورادندر فاما بومعنی آدمه والی یوم القیام اولادینه کوره در حق تعالی به
نسبت ایلله ایسه تجلی احدی و وجود احاطیده زمان و مکان و تعاقب
اولماز نتکیم بیورر (وما امرنا الا واحده کلمه بالبصر) یعنی اسرار الهینک
انبساطی زمانه منوط اولق امرک فی نفس الامر انبساطی و زمانه
توقیفنی اقتضا یتز زیرا حق تعالی قیوددن مطلقدر تعینات ایسه
مقیددر نظرایت که انسان افضل الموجودات ایکن کمالی تدریجیدر
یعنی کمالینک قوتدن فعله خروجی قرق سنهیه و بلکه دخی زیادهیه

موقوف در پس نفس کمال که نفسنده مستعین و مختفیدر ظهوری
 زمان کثیره محتاج در زیر حجیک کثرتی وارد در تنکیم منازل بعیده به
 وصوله قطع مسافات کثیره لازمدر وشولیکه خطوتان وفد وصلت
 دیمشدر در اعتباریدر یعنی ماسوادن اعراض ایتک برخطوه وحقه
 اقبال دخی برخطوه کبیدر مع هذا اورتاده خطوات کثیره واردر
 و دیمشدر در که خلافت آدم منبسطه د کل ایدی زیر اول وقتده نوع
 انسانیتک قلنی و ارایدی انکیچون نوح علیه السلام اول الرسل اولدی
 زمان داوده کلام کده انبساط تام ظهور ایتکله خلافتی منصوص علیها
 اولوب عدد اسماء حسنی قدر طقس ان طقوز خانون آلدی اسم ذاته
 ظهوره طمع ایتد کده مثل نجه ضرب اولندی تنکیم قرآن میبندر
 صکره اوغلی سلیمان ملکده پدرینه وارث و مرتبه صفاتده زیاده به
 مالک اولمغله تمام ملک ایله دعا ایلدوب (رب هب لی ملکاً لا ینبغی لاحد
 من بعدی) دیدی اندن صکره امر وجود ظهوردن بطونه رجوع
 ایدوب قیامتده ک تحجیر واقع اولدی الحاصل هر نینک آخردن
 امتیازی تجلیات حقک اسم مخصوص یوزندن غلبه ظهوری ایله در
 واول نبی و امتی اول اسمک حقایق و دقایق مظهر لر در و هرامتده
 برهیدی ظهور ایدوب اول نبینک شریعتی ایله حکم ایتدیکی کبی
 بر دجال دخی بروز ایدوب انک خلافت طوتاردی تا اول اسمک حکمی
 آخر اولنجده صکره ینه بو اوسلوب اوزره بر اسم آخر و بر نبی و بر امت
 ظهور ایدردی و هر اسمک آخرنده قن دجالیه ایله عهد و احکام مبدل
 اولوردی بو جهندن صکره کلان اسمک مظهر نبی تکذیب ایدردی
 تا که مظهر اسم اعظم نبی مکرم و رسول محترم صلی الله تعالی علیه وسلم
 خیمه زن وجود و رایت افر از شهود اولدی و انک دخی امتده مهدیلر
 و دجالار ظهور ایدوب مدافعات و مقارعات چو غالدی و نبوتی ایله
 بسط مذکور تمام اولوب نهایت بدایت رجوع ایتکله بدأ ایلدیکه
 نبوت روحانیه به مقدمه در تنکیم پیورر (کنت نبیا و آدم بین المائ
 و الطین) و هجرتک یدی یوزسنه سندن صکره اسم باطنک حکمی غالب

اولوب هر کال بطونه کندی و ییکدن صکره خلقک ایشی بتدی زیر
 الف که حد فاصلدر اشراط کبریه مفتاح اولدی و یوزیکرمی
 یدی تار یخنده دور عدل بالکلیه انختام بولدی و اصحاب مرآتیک فقط
 رتبه لری قالدی و قرآنده کلور (واتقوا یوما ترجعون فییه الی الله)
 یور جمع ورد محجوبلرک و هم لربنه کوره در و الامعیت حقه له متصف
 اولان کیمسه زهدن زه به رجوع ایدر مکر که بر حقیقتدن حقیقت
 اخرایه رجوع ایلده که رجوع اعتباریدر و عالمک طلب حقه غایتی
 حقدر که منهیدر و حقک غایتی خلقدن زیر حقک غایتی مرتبه در
 و مرتبه انک انو هینیدر که بالذات مالوه طلب ایدر و فی الحقیقه غایت
 و بدایت اودر انکیچون رجوع دینلدی زیر رجوع خروج مقدمدن
 اولور جمع کائنات ایه وجود حقدن اخراج اولمشدر بوسیددن
 حقه مبدأ اول دبرل و قرآنده کلور (والیه برجع الامرکله) یعنی جمیع
 احکام عالم حقه رد اولنور و رجوع دینلدیکی رؤیت اسبابدن
 اونوریدر که اعین اهل نظره حجابدر پس سیددن سبیه ترقی
 ایدرک سبب اوله بالغ اولور که رجوع دیدکری بودر و دنیادن آخرته
 رجوع دخی اکا قیاس اولنه زیرا آخرت دنیا انک قلبیدر چونکه
 حجاب مرتفع اوله و قالب قلب اوله انتقال کبی بر صورت ظهور ایدر
 بو جهندن موطن دنیا و موطن آخرت دیرلر مع هذا موطن بر در یعنی
 موطن دیمک تجلیات و اختلاف ظهورات حسبیه در نظر ایلکده
 لیل و نهار متحددر و لکن لیل القاء ظل ایتد کده نهار مستزونهار
 اظهار منو ایتد کده لیل محجوب اولور غشا و غشی دیدکری بودر
 و قیامت ایکیدر بری قیامت صغری و بری قیامت کبرادر قیامت صغری
 عبدک موت طبیعی ایله حیات دنیادن حیات برزخه انتقالیدر که
 اوراده روحی علمنه کوره متجسد و مقامی حسبیه خواص و قوی ایله
 متمثل اولور یعنی برزخه مناسب اولان وجهله کورر و اشیدر و تکلم ایدر
 و زیارت قبلور دنیاده منامده اولدیغی کبی و لکن حال برزخ دنیایه
 قریب وجهله در که حال منامدن روشندر و حدیده کلور (من مات

فقد قامت قیامتہ) یعنی زمان موت زمان قیامتہ متصل اولغله انک
موتی قیامت کبری حکم شده اولور الحاصل میت قبرده بطنده جنین
کبدر و جنین ایچون مدت معلومه اولوب عند التمام بطن انی ارضه
القا بتدیکی کی میت دخی مدت برزخی استکمال ایتد کده ارض انی
خارجہ القا ایدر که حیات جدیدہ شی اعتبار یله نشر و وجه ارضه
ملقا اولدیغی جهتہ بدن بعث و موضع مخصوصه سوق و جمع یوزندن
حشر دیرل و قرأ نده کلور (و اخرجت الارض انقالها) وینه کلور
(افلا یعلم اذا بعث ما فی القبور) ووقت موت من حیث الجزا یوم قیامتہ
متصل اولغله قبرده میتک قیامتی قویمش کی اولدی و اهل مشاهدہ نک
قیامتہ العارفین قائمہ دیدکری دخی من وجه معنای مذکورہ
متصلدر و برزخ ایکیدر که بری بین الارواح و الاجسام اولان عالم
مشالدر و بری دخی بین الدنیا و الاخره اولان عالمدر و نوم ملکده
اولماز بلکه نشئه عنصریہ حیوانیہ به مخصوصدر تا که نائم حضرت
الخیاله دخول سیدله برزخ اتی ایلہ الفت ایلده و برکیمسه اهل رؤیتدن
اولسه موتله اکا رؤیت باری حاصل اولور نتکیم جدیدہ کلور (ان الله
لا یراہ احد حتی یموت) بونده فنا فی اللہه دخی اشارت وارددر که قیامتہ
العارفیندر و بومقامده رؤیت بصیرت ایلہ در (موتوا قبل ان تموتوا)
مقاله سی دخی موت اختیاری به داردر و موتله مرضک فرقی بودر که
مرض منقوردر که اداء حقوقدن عبادی شاغلدر زبرار روح
حیوانی احساس الم ایتد کده تدبیر جسددن غائب اولور تکلیف ایسه
جسد ایلہ قائمدر پس حالت سکر کی اولور مکر که مراد حق اولدیغی
جهتدن محبوب اوله زیرا عیدد مریض انده بی اختیاردر فاما موت
عند العارفین محبوبیدر سبب لقاء الهی اولدیغی وجهله نعمت و تحفه در
انکیچون هیچ بری موت خصوصندہ تخیر اولمندی الاموتی اختیار
ایلمدی وکل اولیا دخی انبیا طریقه سلوک ایتدیلر و حیات برزخده
سؤال منکر و تکبر (لیمز الله الخیث من الطیب) و فقبحه مخلص
و منافق امتحان و تمیز ایچوندر و بری دخی بودر که سؤلری سنک ایچون

و یعنی هر دنیا به کلان شی
عالم مثاله اغرار اندن کلور
و میت دنیا دن آخرتہ عالم
مثالدر کبدر

دکدر بلکه کندیلر ایچوندر زیرا کندیلری سنک علم و ایمانک مرتبه لرخی
سؤال و جوابد نصکره بیلور لر سکا کوره ایسه انلرک سؤلندن برنسنه
ارتوب اکسملر زیرا سنک ینه اولکی علمدر و عملک دخی تقدیم ایتدیکنک
علمدر و انشائک عالم اعلادن حصه سی وارددر که روح و علمدر و عالم
اسفلدن دخی نصیبی وارددر که جسد و علمدر و بوا یکی عالمک بری
برینه ارتباطی وارددر ارواحک اجسامه ارتباطی کی اگرچه اصلنده
حقیقت واحده در بوجهتدن قبرده سؤل ایچون ایکی ملک ظاهر
اولور که بری عالم اعلایه و بری دخی عالم اسفلله ناظر در پس بونلر
فی الحقیقه سنک علم و عملک صورتلریدر که سندن خارج دکلدردر
و ملک الموت دخی بویله در که مظهر اولدیغک سمرالهیته صورت
قهریه سیدر که اسم جامعده داخلدر و قیامت کبری بعث و حشر
اعظمدر که حق تعالی (لمن الملك اليوم لله الواحد القهار) موجبجه
خلق عموما افنا و اهلا کدنصکره احب اوجع ایدوب هر برینک حالنه
کوره معامله سیدر یعنی عبادک بری برلری ارارنده اولان امور ماجرای
حکم و فصله شروعیدر نتکیم قرأ نده کلور (سنفرغ لکم ایها الثقلان)
اما کندی حقوقنه کوره معامله سی مساهله اوزرینه اولمق ظن
اولنور زیرا حق غیر تعلیق ایتیمک ترک مؤاخذه ایلہ ظلم لازم کلز
مع هذا حقوق عبادک مغفور تی حقندہ دخی کلام وارددر نتکیم
حدیث مزدافه اکا شاهد در و قرأ نده کلور (ان الله یحب التوابین)
پس برکیمسه ترک اصرار و توبه کار اولغله محبوب الهی اولسه
تدارک حق ایلہ مؤاخذه دن خلاص اولور و اصلاح ذات البین ایلہ جای
مناص بولور و اگر کافر ایسه قبل الاحتضار ایمانه توفیق مستبعد
دکدر و اگر حیوان ایسه دخی سهلدر زیرا موطن آخرتہ مناسب
صورت ایلہ جنتده ادخال و ارضا اولنور نتکیم اول وجهله بعض
حیوانات دخی دخول ایتسه کر کدر و حق تعالی قیامتک و قتی
و قدرتک مقدوره تعلیق و کیفینی کیمسه به بیلدر عیددر بوجهتدن
اول کونده ارض و سماتبدیل اولمق مراد اولدقده خلق ظلمته القا

ایسته کر کرد تا که کیفیت تبدیل نبیسه در واقف اولیه لر و دفع تمایل
ارض ایچون جبال اوتاد خلق اولندیغی وقتده حق تعالی انی اعین
ملا ثکه دن ستر ایلدی و حکیمک کیفیت و صنع عسله و قوف ایچون
نخلی شبشه به قیوب نخل دخی درون شبشه بی طلاء ایدوب اخفای
عمل ابتدیکی مشهور در * بعد از نشر و بعث دیدکاری اعاده در واعاده
حکیمده اولور یوخسه عین موجودده اولماز زیر حاصلی تحصیلدر
مثلا پادشاه بروالی بی عزل ایدوب صکره ینه اولکی مرتبه سنه نصب
ایسته اعاده ولایتنه کوره در فقط زیر وجودی اولکی وجود در
پس یوم قیامتده اولان اعاده نک معنای روحک تدبیر بدنه رجوعیدر
بدن ایسه عناصر اصلیه سی جهتدن بدن اولدر اگرچه عوارض
مشخصه سی یوزندن مثله در زیر اولکی اغراض جور یمش و فنا
بولشد مکر که ابدان کل اوله زیر انلرک برکات نفوس فاضله سی
ابدانه ساریه اولوب ابدانک انحلال و انفسا خنه حائل اولشددر یعنی
ارواح عالم بقادن اولمغله انلره منضاف اولان ابدان نقیه دخی بقا
بولوب هیئت اولاسی اوزرینه محشوره اولور شوقدر وارددر که
تطبیف عناصر اولمغله کثیفه دنیویه کی مقتضی بول و غائط و مخاط
وادی دکلدر و بواسطافت زائده ایله در که مستعد رؤیت اولور لر
و قلبلری قالبه کلوب روح صورتن بولورلر شکیم مقابللری اولان اشقیانک
عناصری تکلیف اولمغله جابلری متراکم و حاللری دیگر کون اولور
و یوتقیردن فهم اولندیکه کرچه نفوس ناطقه فی الحقیقه مجردات
مقوله سیدر یعنی متخیر دکل و متخیره حلول دخی ایتمشدر اجساد
طبیعیه کی ولکن تدبیری دوام اوزرینه در موثله تدبیری منقطع اولور
دیدکاری صورت حیاته کوره در والا ابدان کله ارواحک بعینه
قبرده دخی تعلق باقیدر شویله که مقناطیس جذب حدید ایتدیکی کی
ارواح مذکوره دخی ابدانی جذب ایدوب انحلال و تفسخدن منع ایدر
زیرا میبانه تعلق قوی وار در و اهل نقصانه کوره تعلق عناصر
باقیدر زیر هر یک انحلال و مفرداتک تفرقندن اجزاء اصلیه

کلیه فنا بولمق لازم کلز بلکه هذا الموجود ایله وجودک ییشده فرق جلی
وارد در الحاصل فنا بولان تعین و تشخص در که عالم ملکه ناظر در
حقیقت وجود دکلدر که ملکوتی در معدوم بعینه معاد اولمق مستحیل
دیدکاری عوارضنه راجعدر پس سعی ایله که معدوم اولیه سن
کل کی تا که عین ذاتیه و عوارض اولیه و هیئات و نسب اصلیک
اوزره معاد اوله سن و علی وجه الکمال حشر روحانی و عود جسمانی
بوله سن زیر بعث بویکی صورته شاهلدر بعض حکما ذاهب اولدیغی
اوزره نشر نفسانی به منحصر دکلدر زیر انده نعیم بدن یوقدر
عمل ایسه مستلزم تعیدر پس مؤمنه واجبدر که ذکر اولندیغی
وجه اوزره بعثه ایمان کتوره و اقرار ایده کافر لر استبعاد و انکار
ایتملرله قرآن مجید مجیب اولوب پیورر (قل یحییها الذی انشأها
اول مرة) و دخی مواضع کثیره ده قدرت نامه سنه دلالت ایدر آیات باهره
وارد اولشددر و آیات تکوینیه ده خزان و بهار دخی مدعایه یعنی اعاده به
حجت نیره در با خصوصیه اعاده عجب الذنب دیدکاری جز لایلی
اوزرینه مبنی اوله انکیچون پیورر (وهو اهوون علیه) مع هذا اکانسته
اسباب و عدمی برابر در زیر اسباب دخی ابتداء انک خلقیدر انکیچون پیورر
(فاطر السموات والارض) زیر فطر بر سنه بی ابتدا و انشادر و عرش
مجید فعلنه آلت ایسه ده حاوی اولدیغی اجرام کی انک مفطوریدر
و قدم عالمه ذاهب اولنلرک ایمانلرینه اعتبار اولمندی زیرانی حشری
مستلزمدر مکر که مراد لری قدم هیولی اوله ماده اصلیه انسانیه نک
قدیمی کی زیر صورتک تغیری معنائک تغیری مستلزم دکلدر الحاصل
جوهر عالم مطلقا قدیمدر که ممکنه تعلق حدوث و فنا سنی اقتضا
ایتمز و انسان کاملک وجودی مستلزمدر زیر قدم جوهری کی بقا
تعینی دخی وار در زیر موت عارض ایله ظاهرا و باطنا متغیر دکلدر
و بوسره بناء حدیثه کلور (المؤمنون لا یموتون بل ینقلون من دار
الی دار) بوسیدندر که مؤمن کامله اولدی دیمک منهیدر بلکه
انتقال ایلدی دیمک کر کردر شکیم قرآنده کلور (ولا تقولوا لمن یقتل

فی سبیل الله اموات بل احیاء عند ربهم یرزقون) و انسان کاملدن
 فنا بولان نفس و طبیعتدر اما فانی حکم جهنمدن در که تعلقتدن قطع
 و ترکیه در انکیچون جنته دخوله مستحب اولیوب بلکه ناره القا
 اولنوب ناره انکله ممتلی (و هل من مزید) دیمسی منقطع اواسه کر کدر
 واکا قدم جبار دیرل باشقه بر مخلوقدر ذکر اولنسان نفس و طبیعتک
 صورتدر و جنت عالم ملکوتدن اولغله اوراده مستحب اولان قلب
 و روح مرتبه لیدر فقط انکیچون جنته خواب اولماز زیر قلب
 و روح حکم نفس و طبیعتدن مقدسدر بلکه جهنمه بعض عصات
 مؤمنینه موت و نوم کی حالت عارض اولور که انکله عذاب احساس
 ایتمزل زیر جهنم محل طبیعت ظلمانیه در و دیمش لردر که قیامتده
 وجه ارض مداوندده اکا ساهره دیرل زیر اسهر کیجه او یومقدرد
 بعد الدنیا ایسه کیمسه به نوم حقیقی یوق بلکه سهر ایدی واردر
 و فلک مکوکک مقعرندن آشفه سی جهنمدر سچین و اسفل سافلینه
 و ارنجه پس ارض حشرده اهل جنتدن کیمسه قلمد قده جله سی
 دارالنار و العذاب اولسه کر کدر و صراط اسفل مرکزدن فلک مکوکبه
 طوغری قوریلوب متها سی سور جنتک خارجده اولان مر جدر
 و نهر کوردن ایکی میراب که حوض نبوی به منصب اولور
 مؤمنلر اندن قبل دخول الجنه و بعد جواز الصراط نوش ایدوب
 ابدی تشنه لک کور مسهل کر کدر و انک حقیقی کور معرفت الهیه در که
 اندن سیراب اولان تشنکی جهالتدن ابدی ایمن اولور و مرج مذکورده
 ماد به عظمی اولوب حامل ارض اولان حوت و ثور اوراده بری برل به
 تلاقید نصکره ذبح اولنوب اهل جنت ابتدا زیاده کبد حوتدن
 تناول و اهل جهنم ابتدا طحال ثور دن اکل اینسه لکر کدر تا که حوت
 مذکورک زیاده کبدی حیات ابدیه اهل نعمه نشان و ثور مزبورک
 طحالی که بیت الاوساخ در اهل جحیمک لا ینقطع و رمناک و در دناک
 اولمرینه علامت اوله و اهل نعمک ابتدا دخول ابتدکی جنت نعمدر
 و جنتک ابواب ثمانیه سی واردر که اعضاء تکلیفه ثمانیه مقابله سنده

وضع اولمشدر عین و اذن و لسان و ید و بطن و فرج و رجل و قلب
 کی و ابواب نار اعضاء سبعة مقابله سنده یدی اولدی زیر باب
 قلب اخذ میثاقدن بری مطبوعدر ظاهری عذابدر که مطلع
 اولان ناردر و باطنی رحمتدر که اقرارر بوبیت و اعتراف عبودیتدر
 و منافق ظاهرده مطیع و باطنده عاصی اولدیغی ایچون (نار الله
 الموقده) درونه تأثیر ایلدی و کلام بکارده کلور که غزالان یعنی آهو
 مقوله ری و فی سبیل الله استعمال اولنان حیوانات و خاصه اهل
 جنتک دنیاده تغدی ابتدکی ذبایح اهل جنته اکراما اول موضعک
 اقتضا ابتدکی صورت اوزرینه جناحه ادخال اولنورلر و جله و حوش
 ناره ادخال اولنورلر و لکن نار انلری احراق ایتمز ملائکه نار کی زیر
 دنیاده اهل تکلیف دکلار ایدی پس ناره دخوللری بطریق الجزا
 دکلدر که محترق اولال بلکه تراب اولنلره نسبت ایله انلره انعامدر
 شمس و سایر اجرام منیره کی انواری سلخ اولندقد نصکره جهنمه
 طلوع و غروب ایدرلر و آدمک مقدمات داخل اولدیغی جنته جنته
 الماوی دیرلر که سدره المنتهی دن آشفه در و بوجنت عالم کون
 و فساد حدنده داخل اولغله ذاتنده خلود اقتضا ایتمز بلکه خلود
 اقتضا ایدن جنان ثمانیه در که فوق السموات السبعة در و انک عطاسی
 غیر مجذوذ یعنی غیر منقطعدر الحاصل سماء سابعه تک محدندن
 اشاغیسی فانی و هالکدر سایر اشیا کی باقی اولان کر سیدر سطح جنت
 و عرشدر که انک سقیدر و بوسطح و سقفک عرض و ارتفاعنه نهایت
 یوقدر اگر چه که اجسام متناهییه در زیر عالم لطافت و ملکوتدن
 اولغله سیرنه نهایت یوقدر شکیم ابدالدن بری صلاة ضحایی دامن
 کوه قافده و عصری ذروه سنده قیلدی هر خطوه سی بشریوز یلاق
 مسافه اولق اوزره مع هذا جبل مذکورک ظاهرده اولقدر ارتفاعه
 تحمیلی یوقدر پس بومقوله له بسط و نشر دیرلر قبض و طی اولدیغی کی
 و یوم قیامتده غضب الهی خلقی بسته زبان قیلدیغی و قنده دنیاده
 ابو البشرک سجده و تعلیم اسمائله ملائکه اوزرینه فضلی ظهور

ابتدیی کی اوراده دخی رسول اللهك فتح باب شفاعت ايله جمله
اوزرینه تفوق ورجحانی باهر اولسه **ك**ر کدر نتکیم قرآنده کلور
(عسی ان یبعثک ربک مقاما محمودا) زیرا مقام محمود دن مراد مقام
شفاعت عظمادر * سؤال اولنورسه که ابو یزید بسطامی قدس سره
بیور که اگر حق تعالی بنم قیامت کونده جمیع خلق خصوصنده
شفاعتی قبول ایلسه بنم قائمده بر امر عظیم دکدر زرا بر لقمه طین
حقنده شفاعتدر که طینت آدمیه در و بوندن مقام جلیل اولان مقام
محمودی اختصار لازم کلور جواب بودر که مقام محمود دیمک مجرد
شفاعت ایچون دکدر بلکه رسول اللهك اولمقامده رب العالمین
اوزرینه ابتدیی نشان اوتوریدر پس مقام محمود اولدیغی من
اجل الله در یو خسه من اجل الشفاعت **د**کدر بلکه شفاعتک
محمودتی بطریق التبعية در الحاصل اصالت محمود اولان الله تعالی در
لکن تبعیه مکان جد واکا مضاف اولان شفاعت دخی محمود اولدی
وحدیثده کلور (اناسید الناس یوم النقیمة) یعنی بوسیادتی اخباردن
مرادی افتخار دکدر بلکه اول کونده امتی تعبدن مستریح قیلقدرد
تاکه سائر ائم کی غیری قبوله مراجعت ایتمدلر زیرا آخر الامر باب
نبوی به رجوع ایدرلر نتکیم دیمشدر که (رئی الامر یفضی الی آخره
فصیر آخره اولاً) یعنی اول امر دن آخر ايله عمل ایلیوب امر آخره
محتاج اولدی پس امت محمدی به اول موطنده سائر ائمن ممتیر اولدیغی
امورک بری دخی معنای مذکور در و بونده اشارت وارد **د**که
سیادت مراتبدر که امر عد مبدر وعدم فخر عبودیت ذاتیه دن
اوتوریدر که وجودیدر پس بو معنایی تأمل ایلیوب آداب نبویه ايله
متأدب اولتی کر کدر و باب شفاعت مفتوح اولدقده ابتدا ملائکه
بعده انبیا اندنصکره مؤمنلر شفاعت ایلسه لکر کدر و شفاعتدری
کینه فجأت و کینه رفع درجات ایچوندر دنیا ده اولدیغی کی زیر ادبیا
آخر تک مثالبدر پس اتی انکار ایتک جهل محضدر هبه ثواب اعمالی
انکار کی زیرا امور دنیویه ده دخی واقعدر هبه وانکله انتفاع ایتک

جائز و جاری اولیجق امور اخرویه ده دخی واقعدر و آخر شفاعت ایدن
ارحم الراحمین در الله تعالی اسم رحمن شفاعتیه جهنمدن بر قومی
اخراج ایلسه **ک**ر کدر انلرا ایمان شرعی بیلده مشلدر بلکه ادله
عقلیه ايله موحد اولمشلدر پس بو طریق ايله اولسون توحیددن
منتفع اولورلر و آخر جنته وصول بولورلر و انلر فترات و جبال
شاهقه ده **ک**لنلر و جزائر بحورده بولنان واقطارار ضده اولنلدر
نتکیم بالاده مرور ایلدی بودخی توحید اوزرینه انتقال ابتدیی
صورنده در واکر نظر و دلیلنه شبهه طاری اولور ایسه مشرک
اولوب مخلد فی النار اولور سؤال اولنورسه که ابلبس دخی الله تعالیکن
وحدانیتنی بلور پس نیچون علم توحید ايله خلاص اولماز جواب
بودر که اگر چه ابلبس ده علم مذکور واردر و لکن ابتدا شرکی او پیدا
ایلیوب خلقی اکادعوت ایلشدر انکیچون جمیع مشرکینک ائمی قدر
ائمی حاملدر و مشرک لار دن چقمازلر انکیچون ابلبس دخی مخلددر
وحدیثده کلور که (من مات وهو یعلم ان لا اله الا الله دخل الجنة)
ابلبس انک مضموننده داخل دکدر و قیامتده بقیه تکلیف واردر
سجوددر و اول سجودله اصحاب اعرافک کفه حسناتی راجع اولوب
لا اله الا الله اهلندن اولدقلری جهنمدن داخل جنت اولورلر انکیچون
دهارنده کلور (ربنا لا تجعلنا مع القوم الظالمین) زیرا بوراده ظلم ايله
مراد شرکد فقط اول وقتده اهل نفاقک و کفارک ظهلری نحاس
کی اولوب سجوده ایتکه قادر اولسه لکر کدر نتکیم قرآنده کلور
* یوم یکشف عن ساق ویدعون الی السجود فلا یستطیعون *
و کشف ساق احوال قیامتده متعلق اولان امر عظیمدن عبارتدر
(والفت الساق بالساق) نصنده التفاف ساق دخی بویه در یعنی
قیامت کونده احوال و امور عظام بری برینه دخول ایلدی دیمکدر
نتکیم تنز یلده کلور (یوما یجعل الولدان شیباً) یعنی قیامت کونی شدت
هولی و فظاعت امری ايله ولدانی حقیقه پیرایدر و یا تمثیله شمولدر
زیراهم و غم زائد ک شانی شابی شیخ ایتکدر و دیمشدر که درت طائفه

وارد که انزه اهل تناسخ دیرل انلر روحك عوالمی انكار ایلوب
برزخ وحشر و جناتی نفی ایشلردر قدم عالمه ذاهب اولان حکما کی
اول کسی اهل نسخدر دیرل که روح انسانی بدن انسانیه تعلقدن
خالی دکلدر بیدندن تعلق منقطع اولسه انا رجنده بیدنه دخی تعلق
ایدرو ایکنجی سی اهل مسخدر دیرل که روح انسانیده قنغی حیوانك
صفتی غالب وراسخ ایسه اکا انتقال ایدر مثلا حرم خور خنزیر اولور
واوچنجی اهل فسخدر دیرل که روح درجه حیواندن دخی آشنی ایسه
جسم نباتی به تعلق ایدر واولرک و انا جملک بریسی صورتنده ممثل
اولور و دورنجی سی اهل رسخدر دیرل که روح انسانی جسم
حیوانی به واندن نباتی به واندن معدنی به و جادی به انتقالد نصکره
ندر یجیله بینه نباته اندن حیوانه اندن انسانه ترقی ایدر و دورنی تکمیل
ایلد کده بر دوره دخی شروع ایلر و بودرت مذهبك دور دی بیله
باطلدر بلکه هر بدنه تعلق ایدن روح انسانی بدندن مفارقت
ایتد کد نصکره صور اسرافیلده محل معین و مقام معلومنده متخیر
و قرار داده اولوب بعدده قیامت کبراده بینه جسد نه عودت واکا
تعلق ایدرو اهل نعیم ایسه جنده علی وجه الکمال متنعیم واکر
اهل جحیم ایسه ناردده علی وجه التمام معذب اولور زیرا برزخده
اولان لذت و الم نصف اوزرینه در که صفت روحدر
جعلنا الله وایاکم من اهل لذة النعیم و اعاذنا من الم الحیم

(*) الباب الحادی عشر فی الایمان بالقدر خیر و شره (*)

قدر دالک قتیله تقدیر معناسته در یعنی ارادت ازلیه نك وجود
اشیائی اوقات مخصوصه به تعییندر زیرا قضاء ازلی و حکم کلی تعلق
ایدن موجودات خارجیه زمانه میهندر که سنه و شهر و هفته و یوم
و ساعتدر و کذلک مکانه دخی موقوفدر که بلده و قریه
و خانه و سوق و امثالیدر پس هر مؤمنه قضایه رضا و اجبدر
کرك اول قضاء خیر و محبوب و حل و کرک شر و مکروه و می
اولسون یعنی اگر طبعه ملایم و اگر غیر ملایم در جمله سی قضاء الهی

و تقدیر را بنی بر دیو ایمان لازمدر و قضایه رضادن مقضیه دخی
رضا لازم کلز شول جهندن که قضا و قدر صفت الهیه در که حکم
و تعیین در مقضی ایسه اول حکمك متعلقدر متعلق و مقضی ایسه
گاه اولور که کفر و معصیت اولور کفر و معصیه ایسه رضا کفردر
انکیچون قرأند کاور * ان الله لا یرضی لعباده الکفر * پس رضا اراده نك
غیریدر که هر ارادنده رضا اولماز بلکه هر رضاده ارادت اولور زیرا
مرضی اولان شی مراد و محبوبدر و مرضی اولیان شی مردار و مکروهدر
و مکروهی دفع ایچون دعا لازمدر زیرا مکروه مقضی اولدوغی کبی
دعائله ارتفای دخی مقضی اولق جائزدر پس دعاده یارب قضاء
بدی بزدن دفع ایله دیمك مقضی به راجعدر زیرا نفس قضاده
صفات الله اولدوغی جهندن بدلك اولماز والا موصوفه ساری
اولوب حاشا حق تعالی بد در دیمکه راجع اولور و زبان فارسیده دخی
کاور * دوران چومی نویسد بر عارضت خط خوش * یارب
نوشته بد از یارب مابگردان * بویته خواجه حافظ محبوبه خطاب
و طریق التفاته سلوک ایدوب دیر که ای جانان چونکه سنك عارضك
اوزرینه قلم دوران و تقدیر خط خوش یازه و خط غبار کی صفالك
بنکه باشلیه یارب اول وقتده لوح محفوظ اوزرینه یازیلان قضاء بدی
دوندر و کوز دیمکدن حفظ ایله پس بونده مراد مقضی اولان عین
الکمالک ضررندن محافظه ایله دعا درار باب حقایق بیور مشلدر که
مقدرات ایکی نوع اوزرینه در که بری کلیات اجمالیه و بری جزئیات
تفصیلیه در و انسانه مخصوص اولان کلیات درت نسته در که
عمر و رزق و اجل و سعادت و بشارت و بونلر فی الحقیقه زیاده
و نقصان قبول اتمز انکیچون مذهب اهل سنتدر که مقبول اولان
کیمسه اجلی ایله میتدر زیرا اجل بر در اگرچه موت اسباب مختلفه سی
وار در قتل و غرق و حرق و طاعون و غیر یلر کی زیرا بواسباب اجل
انسانی احترام و اقتطاع اتمز حتف انفه یعنی بلا سبب موت کییدر
و رزق و اجلک زیاده لکی تنکیم بعض احادیثده کلور برکاتی و یاغیری

اعتباریله در مثلاً صدقه و صله رحمده فضیلت زائده وارد رک
بالفرض عمر واجل ورزق زیاده اولی لازم کلسه بونلرله اولوردی
و دیمشدر **که** عمر انسان فی الحقیقه انفا صدر انفا س ایسه
بعض اعراض حسبیه سرعت و بطو قبول ایدر پس سرعت کوره
کویا که عمر اکسلور و تانی به کوره ارتار الحاصل امور مذکوره
اربعه انسان انا رهنده ایکن نفخ روح وقتنده ملک موکل الیه
یاز بلور واسباب و شروط توقف اتمز سائر جزئیات تفصیلیه ایسه
بویله دکلدر یعنی اکر دعا و یا کسب و سعی و عمل اوزرینه بنا اولندی
ایسه دعا و سبک فائده سی اولور **که** بونلر متعلقات دیرلر
بونندر که احوال عالم دنیا لوح محفوظه ناظر در **که** محو و اثبات
قبول ایدر بومقامندر **که** اولیا آتیلان اوقی کبرو دوندورر و انلرک
الرنده طاش چوهر اولور دیرلر تکلم لسان فارسیده کلور * اولیاراهست
قوت ازاله * تیرجسته باز کرداند زراه * کر توستنک و صخره و مرمر
شوی * چون بصاحب دل رسی کوهر شوی * و انا رچی علم اللهه
ناظر در **که** محو و اثبات قبول اتمز و الاصفه علم متغیر
اولوب موصوفه دخی ساری اولور بونندر که آتلان اوقی کبرو دوغز
و طاشدن آینه اولمز دیرلر نتکم بعض بلغاه عجم دیمشدر * توان پاک
کردن ز رنگ آینه * ولیکن نباید زسنگ آینه * و بعضلری دخی دیمشدر
* کرجان بدهندسنگ سیه لعل نکردد * باطنیت اصلی چه کند بدکمر
افتاد * بعد ذاسر قدر دید کاری شان غیبی در یعنی عین ثابته نک
مقتضیانی اولان احکام و احوالدر **که** انساندن بهر وقت صدور
و ظهور اتمکده در ولکن معرفتی محجوبلردن خفی در و بحشی دخی جبر
مطلقه طریق اولدو غی جهندن ممنوعدر حتی حضرت عزیر علیه
السلام اکثر سؤال قدر ایلدکده خطاب الهی وادر اولدیکه (ان
لم ننه لامحون اسمک عن دیوان النبوة) و بوکلامک لسان اشارت
اوزره معناسی بودر که یا عزیز طلب ایلدیکک سر قدر مرتبه نبوت
لسانه مناسب دکلدر زیرا نبوت ثنویت یعنی رب و عبدک مرتبه لینی

فرق و امر و نهی و تکلیف اقتضا ایدر عمل ایسه تحجیر یا بنددن در علم
کبی موسع دکلدر بلکه مرتبه ولایت مناسبدر زیرا هر حوصله
اکا تحمل اتمز پس سنکه بنی سن او مقوله معنا دن تفهیش اتمه والا
دیوان نبوتدن دیوان ولایت منزل اتملوسن سؤال اولنور سه **که**
هر بنی ده مرتبه ولایت دخی وارد پس ولایتی مرتبه سنه کوره
منع اولغماق کرک ایدی جواب بودر که انبیا مقامات معرفتده تفاوت
اوزرینه در و مرتبه نبوت اتمه ناظر اولغله کنهی اوزرینه کشف سر قدر
مقتضای حکمت اولدی و بوندن معلوم اولد **که** بومعنی
رسول اللهدن غیر ی به کوره در زیرا رسول اللهک حوصله استعدادنه
هر معنی کنجایش بولور بو جهندن نبوتی اول سره اطلا عدن مانع
اولماز زیرا جوامع الکلم صاحبیدر که اسرار کثیره بی الفاظ قلیله ده
درج و اخفا ایدر بناء علی هذا علم و عمل بری برینه متداخل اولوب
اختلال دین لازم کلز (الله اعلم حیث یجعل رسالته) و قدریه **که**
فرقه مجبره در انلرک حقننده پیورر (القدریه مجوس هذه الامه)
یعنی حکم کا بدن خار جلددر که جبر متوسطدر و بومعنایه مجوس
بلا کتاب کبی اولدیلر و حسن بصیریدن مر ویدر **که** الله تعالی
رسول الهی عربیه بعث اندوکی وقتده عرب قدریه مجبره ایدی که
ذنوبی الله تعالی به جل ایدرلر ایدی نتکم اهل جبر ذمنده قرانده کلور
(واذا فعلوا فاحشة قالوا وجدنا علیها آباءنا والله امرنا بها قل ان الله
لایأمر بالفحشاء) اعاذنا الله من المجاذبه و المکابرة و الاحاد فی آیاته تعالی
و دیمشدر که اشیاء مکنونه نک علل تکوینندن سؤال اتمک جهلدندر
زیرا تکوین فعل حقدر و فعل حق معلل دکلدر شوقدر واردر که
برسنه نک تکویننده علت موجبیه اول سنه نک صینی ظهور وجودی
قابل اولدیغیدر دنلور و حق تعالی کندی کبی خلق اتمک قادر میدر
دیو سؤال اتمک ممنوعدر زیرا مخلوق خالق کبی اولدیغی ظاهر در
(ان الله خلق آدم علی صورته) موجبیه اول مبدعات **که**
عقل اولدر مثلدیر دیمک جائز اولسه بله اعتبار ایدر زیرا وجوب وجود

لذا ته حقه مخصوص صدر و حق تعالی هر شیئه قادر در دینان برده
 مراد ذات حق در غیر بدست که مقدورات اندر مقدورات ایسه
 معبود ما اندر زیر موجود متعلق قدرت اولی از پس ذات حق
 قدرت تعلق ایتمز زیر موجود از لیدر و شایک کند ی نفسنه
 قدرتی تعلق ایتمز محالدر و غیرك قوله کوره واجب ممکنه
 منقلب اولور تعالی الله عن ذلك (و سر اخلاص دید کلری سر قدردر که
 حق تعالی انک علمنی اکثر عرفان اخفا ایتمز در زیر خالق مخلوقدن
 و قدیمی محدثدن تمیز ایدر و توهم تعددن ساحة معرفتی خالص قبلور
 و ذنب وجوددن تخلص ایلر و هر کسک اخلاصی استعدادی قدردر
 انکیچون مراتب توحیدده تفا و تفری وارد و دیمشدر در که اگر دنیا
 محل حجاب اولمیایدی هیچ بر کیمسه ادعاء ربوبیت ایدوب حق تعالی به
 کبریا و عظمتنده منازعه ایتمز ایدی فرعون و امثالی کی یعنی اگر فرعون
 و امثالنه کشف ربوبیت حق حاصل اولسه ایدی سجده و انقیاددن
 غیر ی ایش قالمزادی زیر محل کیانیك مقتضا سبله قائم اولوردی
 و حد عبودیتی نجس از ایتمز دی و حلاجك حالی بطریق المنازعه دکل
 ایدی بلکه تجلی وحدت غلبه سبله ایدی بو صورتده دخی کمال انسانی
 ستر در الحاصل دنیا طور دجه تحجیر مرفوع اولوق محالدر والا
 هر کیمک که غطاسی مرتفع اولور تحجیر دخی مرتفع اولوردی زیر اول
 وقتده الله دن غیر ی فاعل حقیقی کور غمزشی ایسه کندی نفسی اوزرینه
 حجر ایتمک اولما زشبلینک مقالی بورا دندر که دیمشدر در اگر نماز قبلور رسم
 مشرک اولورم و اگر ترک ایدر رسم جاحد او اورم انکیچون ابو یزید
 بسطامی قرق کون قدر مغلوب اولد قدده الله تعالی بدن نماز قبلاجق قدر
 صحو و حجاب اسندی زیر ایدر مرتبه تکلیف و عبودیت و ثنویت
 باقیدر و انیا و اولیا جمیع احوالده تصرف عقولدن خارجدر زیر
 فضا الهی بی مطالعه ایدوب حکم ازل ایلر جریان ایدر عقل ایلر
 دکل و لکن مضامانی حفظ ایدوب مرتبه حق و خالق مراعات ایدر
 بوجهندن نفس و آفاقه نظام تام کلور و آدمندن واقع اولان ذله

فی الحقیقه انشهاک حرمت طریقه و واقع اولدی زیر اقرأنده کلور
 (و لم یجدله عزما) بلکه قدر سابق مطالعه طریقه ایدی و اول مطالعه
 اکا ترکیب بشری اوزرینه توجه ایدن خطاب تحجیری نسبتان
 ایدردی انکیچون معاتب اولدی و حقه رجوع دخی مقتضی اولمغه
 آخر درجه اجتناب اولدی حال ابلیس ایسه بویله دکلدر و اسرار
 قدر دندر که ظلمه ناس اوزرینه تعدیلرندن او توری بد دعا ایتمک
 یوقدر زیر اول جورده سبب فی الحقیقه مظلومک عملیدر حاکم جاثرایسه
 عدل الله در که الله تعالی انک یوزندن منتقمدر بعده دیلر سه اندن
 عفو ایدر زیر اتی فعلنه آلت قبلدی و دیلر سه اندن انتقام آلور زیر
 کندی حقیدر و معنای آخر راجحدر زیر حدیثده کلور (الظالم
 عدل الله فی ارضه ینتقم به ثم ینتقم منه) و اسرار قدر دندر که
 قرأنده کلور (فلانستلن ما لبس لك به علم) سؤال ایدیلر که انسان
 بلدیکی نسنه دن سؤال ایتمک مع قول و مشر و عدلر شکیم نزیلده کلور
 (فاستلوا اهل الذکر ان کنتم لا تعلمون) پس نوح علیه السلام
 نه سیددن نهی اولندی جواب و ردیلر که نهی شول اموردندر که
 انک حکمت و حقیقتی احاطه ایتمک مقدور بشردن دکلدر معرفت
 ذات و سر قدر کییکه اوغلی کنعان خصوصنده متحکم ایدی یعنی
 کنعانك غرق اولسی سر قدردن ایدی قابلك و آزرک و امثالنک
 عصیانلری و شقاء اید اوزرینه ممانلری کی پس بو مقوله اموردن
 صورلمز (الله یفعل ما یشاء) و محکیدر که ال جنکیدن هلاکو
 ملعون استیلا سنده عرصه بغدادده نیجه یوز بیسک کله
 انسان عامی غلطان اولد یغندن ماعدا خواص اوباددن دخی درت
 بشیوز قدر جان عزیزشربت شهادت نوش ایدوب خراب آباد
 ملکدن مأموره ملکوتیه کوچه کلرنده بقیه سیف جلال اولنلردن بری
 اولکیجه سر بحیب مراقبه اولوب مناجات سحر به ده یارب اولیا قوللریکه
 بوایشی نیچون ایتمک صوچلری نه ایدی دیدکده خطاب قهر الهی
 وارد اولوب سکوت ایلر بو خسه سنک لسانکی قطع ایدرم دندلی اولدخی

بریده زبان اولوب بومقوله اسرار قدر دن بردخی سؤال ایتمدی زیرا
ابتلاگاه اولور که بطریق الجزا اولور وگاه اولور که عین محبتدن کلور
حال یحیی علیه السلام کبی عمرده گاه ایتمدوکنیدن ماعداهم معصیت
وقصد خطادخی واقع اولماش ایدی وشر اولان نسنه به شر اولدیغی
جهتدن والله تعالی به نسبتی جائز اولدیغی جهتدن ایمان کتورمک
واجبدر وقرآنده کلور (قل کل من عندالله) یعنی سزک فاتکرده
اگر مستحسن واکرمکروهدر جمله امور الله تعالی دندر یعنی خیر اولان
نسنه من حیث وجودعینه حقه مضاف اولدیغی کبی شر اولان نسنه
دخی حیثیت مذکوره دن اکامنسویدر زیراخلق الکل در وشر بتی
جهتدن عدم نسبتی مراعات ادیدن اوتور بدر نتکیم حدیثده کلور
(والشعر لبس البک) بوسبیدن قبض شر لازم کلسه یدالله دن قبض
ایجاب شیطان ایله مسماک التندن قبض ایتمک کرکدر و بعض اولایا
شیطان ملا فی اولوب ارالنده مذاکره واقع اولدقده ابلبس دیدیکه
برکیمسه نک ذله سی غیر اول ذله به وقوععندن تنفیره سبب اولسه ماجور
اولوب اجر تنفیر دخی اول ذله دن حاصل اولان نقصی جا بر اولمق محتلدر
دیدکده اول ولی دن منقولدر که بومعنی سر قدر دن اولمغله استحضار
جواب ایده مدم دیدی زیرا حدیثده کلور که (اذا ذکر القدر فامسکوا)
صکره الهام الهی اولدیکه ابلبسک بوتقریردن مرادی بنی ارتکاب
منهی به دوشورمکدر (والله حقیظ علیم) و بر وقنده رسول الله ایله
ابلبس اراسنده بعض مذاکره جاری اولدقده ابلبس دیدیکه یا محمد
الله تعالی که سنی هدایت ایچون خلق ایتمدر فاما هدایت فی الحقیقه
سنک الکنده دکلدر و بنی دخی ضلالت ایچون خلق ایتمدر و لکن ضلال
دخی بنم المده دکلدر زیراهادی و مضل الله در بواناده خطاب الهی
وارد اولدیکه ابلبس اگرچه کاذبدر فاما بوسوزنده صادقدر بومعنادندر که
قرآنده کلور (لبس عليك هديهم) وینه کلور (لبس لك من الامر شي)
بس بوندن معلوم اولدیکه ارسال رسالندن حکمت الهیه اهل ایمانه
جنت و ثوابه تبشیر و کفاری نار و عقابله انذار و عقل مجر دایله ادراکی

میسر اولمایان اموری تبیین وتفصیلدر بوحسه جبر دکلدر و معجزاته
مؤید اولان انبیانک حالی بو اولیحق حال اولیانچه اولمق کرکدر قیاس
اولنه انکیچون قرآنده کلور (وتواصوا بالحق وتواصوا بالصبر)
یعنی انبیا و امم و علما و تلامذه و شیوخ و اهل ارادت ارالنده حق و صبرله
تواصی دن غیرى علاقه یوقدر بلکه علاقه حقه در نتکیم قرآنده کلور
(انی وجهت وجهی للذی فطر السموات والارض) وینه کلور
(قل الله ثم ذرهم) و سر قدر آخرنده اشقیایه دخی ظاهر اولوب بعد الزام
الحجه ناره داخل اولسه کرکدر یعنی هر کسک عین ثابته و احوال غیبیه
واحکام ازلیه سی منکشفه اولوب حقیقه الحال نه اولدیغی معلوم
اولدقدن صکره مقتضای قضانه ایه معمول به اولوب اصلا
جای اعتراض قالمسه کرکدر و بعضیله سعادیه منکشف
اولور اشقیایه اولماز دیدیلر فاما قول اول راجحدر زیرا مقصود
بالکرمحرک حقیقی حق تعالی اولدیغک بیلد کلری دکلدر که
یارب سن قضایا ابتدک و سن تحریک ایلدک پس بز جبر مطلق
ایچنده بواندق بناء علی هذا بزه نیچون عذاب ایدرسن دیه زیراعذاب
واسبابی انلرک مقتضای استعداد لیدر که غیر مجموع لدر و حق دائما
خلا قدر انکیچون مثله کلور (بدک اوکنا وفوک نفخ) و مسئله قدرده
کلور که سر مسجوران ابلبس پر ضلالت و طغیان حق تعالی به دیدیکه
الهی سجده ایتمه جکمی تقدیر ایدرسن بینه سجده ایله امر ایدرسن
جواب الهی وارد اولدیکه بویله تقدیر ایتدیگمی نه زمان بیلدک سجود ایله
امردن اولمی و یا صکره می ابلبس دیدیکه بعد الامر بیلد م حق تعالی
پیور دیکه بن دخی سنی بوسبیدن مؤاخذه اتمد و لکن برکیمسه به عین
ثابته سی منکشفه اولوب قبل الوقوع مقدره مطلع اولسه آدم کبی
فی الجملة نسیان ایله ایقاع نهیه مبادرت ایدوب صکره نفسی اوزرینه
اقامت بخت ایلر * ربنا ظلمنا انفسنا * کبی بونده اولادنه تعلیم
و تأدیب وارد و برکیمسه کفدویه اصابت ایدن خطاء ایتمک احتمالی
یوق و خطا ایدن دخی اصابت ایتمک احتمالی اولمدیغک بیلوب بویله

اعتقاد ایلسه امورنی حقه تفویض وتسليم قلسه بومعنی ائک سعا دته
 دلیل اولور بوجهندن بعضیلرانا مؤمن ان شاء الله دیمکی نجو یزایتدیلر
 زیرا عاقبت جهالت واردر که علمی علام الغیوبه مفوضدر ولکن اکثر
 اهل السنه دیدیلر که انا مؤمن حقادیمک کرکدر زیرا لفظ ان شاء الله
 تبرک ایچون اولسه دخی ایهام شک ایتمکدن خالی دکدر وایمانده شک
 کفردر پس مؤمن ایمانده راسخ اولوب حق تعالی به حسن ظن ایتک
 کرکدر و محکبدر که بر دفعه رئیس الطائفه سهل بن عبد الله
 التستری ابلبس ایله سرفضا و قدرده طلوع شمسن ارتفاع نهاره دک
 محاجه ایتدیلر اخر مقاله ابلبس بواولدی که یاسهل بن اشیا دغ
 وحق یوردیکه * وسعت رحتی کل شیء * سهل دخی یا ابلبس
 * فسا کنهها للذین ینقون ویؤتون الزکوة * آیتی مضمونی سنده
 مفقوددر پس نیجه مرحوم اولور سن دیدی ابلبس دخی یاسهل
 بوسوز جاعل سوزیدر نولایدی سوزیلیدک بنم متقی اولدوغم ندن
 بلدک دیدی وحق تعالی بنم لعنه یوم دینی غایت قلوب * وان علیک
 لعنی الی یوم الدین * یوردی واهل اعرافک اوراده سجده لرینک
 قبولی بنم قبول توبه مه دخی بنی طمعه دوشردی یاسهل بلدکیکه
 تقید سنک صفتکدر رحمت حق مطلقدر دیوب غائب اولدی
 سهل دیر که ابلبسک التده محجوج اولوب غصه مدن ریغم
 بوغازمه قلوب اشلاع ایده مدم وناشویله اولدم که طریق معرفتی
 ابلبسن اخذ ایتک حدنه واردم بونده ابلبسک ججع مقاماده علم
 وافر نه دلالت واردر علم ذاتدن غیر زیرا اگر ذات حقه علمی اولایدی
 برزخده قالمزادی وادمه سجده قلوب حقندن محجوب اولمازادی
 اشته علم و عملده استقراری اولیلرک حالری بودر ای نیجه لایردم
 صاندیلر ولکن منزک نصفنه بله کلدیلر نیجه لایردم قیاس
 ایتدیلر شراب مسکی الختام معرفتک قو خوشن بله المدیلر وعلی هذا
 هر عصرک اکثر سلاکی کامل الندن چقمق قلدن طریق حقده
 اباق بصامدیلر ونفس کندی تربیه اوستاددن چیقارمبوب قلیبی

عرشه اصامدیلر * قل ان الفضل بید الله یؤتیه من یشاء *
 وکلام کاورده کلور که انبیا علیهم السلام تجلی وقضایه خادملردر لکن
 مطلقا دکل بلکه من وجه موافقت ومن وجه ردله انکیچون شانلری
 حیرت کبرا اولدی پس برکیمسه هر تجلی ایله واقف اولسه
 کشتی ناقصدر و بوراده بعضیلر غلطیه دوشوب عند البلاء
 ترک دعا ایلدیلر و قیاس ایتدیلر که قضایه رضامقضی به رضایی
 مقتضیدر و دعا قضایه رضایه مانعدر بوجهندن بعضی اکابر
 مریم اولدقدیه اطبایه مرضی ذکر ایتدی و بعضیلر دخی
 حالتی غایره عرض ایتکدن امتناع ایلدی سیندن سؤال اولندقدیه
 طیبیه عرض مرض ایتک رعدن شکایتدر واولکه دیدیکه بزم حقندن
 شکایتز یوقدر ولکن طیبیه عرض مرض ایتدیکمزمه وجودمره
 اولان تأثیر قدرندن اخباردر دیدی زیرالسان عارف لسان شکایت
 دکل بلکه لسان حکایتدر انکیچون اول مشنویه دیر که (بسنوا زنی
 چون شکایت میکند * از جداییه احکایت میکند) و بعض اولیایه
 جوع غالب اولوب اغلدقدیه معنای مذکور دن آگاه اولیلردن بری
 تعبیر و توییح ایدوب اخلقدن اوتوری نه اغلر سک دیدکده جواب
 ویردیکه (انما جوعنی لابی) یعنی بنی آج ایلدوکی اغلقدن اوتوریدر
 دیدی والزام ایلدی و بکاء یعقوب علیه السلام وامثالی دخی یو بانددر
 یوخسه فی نفس الامر جزع و ضجرتدن دکل انکیچون اول حزن
 و بکا اثره غیرک سرور و انبساطندن الذ واحلی در پس کامل
 ظاهری ایله اسبابه مباشرت ایدر که انده سنت نبویه به اتباع واردر
 و باطنی مسبب الاسبابه مرتبطدر و بومر تبیه تمام تجلی دیرلر الحاصل
 حرب ایچون سلاح کتورمک و دفع بلا ایچون دعا ایتک مشر و عدر
 و حقیقته موافقدن زیرا قضایی قضایایه مقابله و ظاهر و باطنی مراعات
 و قشر و لبی محافظه در بوجهندندر که رسول علیه السلام رجعه
 للعالمین ایکن سیفله مبعوث اولدی و غزوه احدده ابی بن خلف نام
 مشرکک بوغاز نه رمحه اوروب مجروح قلدی و اول ضرر بدن لعین

مذکور قرب مکّه ده سرف نام محله حفره جهنم یقلدی و دیمشردر که
 انبیا دن سرف قدره اطلاع طی اولمشدر تا که تبلیغه فتور کوسر میله
 و رسول الله اطلاع و تبلیغن عدم مانعی مزید قوتندن اوتور یدر
 تکیم مرورابتدی و خیال ظل دیدگری ابعه سرف قدره اشارت ایدر زیر
 اول پرده که چکمشدر جیع خلا بیده متحکم اولان حجاب سرف قدردر
 و اول صور مختلفه که محرک اصوات متنوعه سی مقارن و منضمدر
 حق تعالی نیک عبادی ایله معامله سنه رمز در فافهم و بعض
 مکاشفانده کلور که بر کیمسه بی حق تعالی خلقنده اولان اقداری اوزرینه
 مطلع فلسفه تسلیم و تفویض ایدوب نظر ایلله اگر اول ایشده منفعت
 و ارایسه شکر و سکوت ایلله و اگر بلا و عقوبت و ارایسه دعا ایلله
 شفاعت ایلله و اول بلا انلردن مصروف اولسنی رجا قیلله
 و اگر عباددن تضجرا ایدر و ارایسه تسلیم و تحبیب ایلله و اعلام
 ایده که حق تعالی انلره والدّه لرندن اشق قدر پس هر کیمکه عباد الله
 ایلله بومعامله بی ایده عذابدن مأمون و بلکه محبتاومصطفی و محبوب
 اوله اشته سرف قدردن بر مقدار ذکر اولنوب قلمه کلدی زیر ادخی زیاده
 بسطی ممنوع و بلکه منهی و حرامدر و لکن فهمی محقق اهلنه
 بومرنبه کافی و پورمز و افیدر و بوفقیرباننده اصعب اسرار ایکی
 نسنه در که بری سرف قدر روی دخی سر و حدتدر پس بر کیمسه بویکی
 سردن آگاه اولسه سائر اسرار اکا بسیر اولور نسأل الله ان یجعلنا
 من اهل الادب فی جیع الاطوار و یشرّفنا فی جملة المقامات
 بانواع الاسرار و الانوار

(*) الباب الثانی عشر فی الطهارة (*)

طهارت لغته نجاستک نقیضی در که نظافت و نقاوتدن عبارتدر
 و شریعتده اعضا مخصوصه بی صفت مخصوصه ایلله غسل
 ایتمکه دیرر یعنی حدث اصغره اعضا و ضوی صفت
 ثابت ایلله غسل و حدث اکبرده جیع بدنی تطهیردر سؤال
 اولنورسنه که بول و غائط نطفه دن اقدر در مع هذا جنابتده

غسل مفروض اولدی غیر بیده اولدی جواب بودر که آدم علیه
 السلام جنتده شجرة خنطه دن اکل ایتدیکده لذتی جیع عروق
 و شعورنده دور ایلدی و مأکول سبب اجتماع نطفه و باعث حدوث
 منی در انکیچون اهل ریاضت اولان مبتدیلرده قلت اوزره در نطفه
 هر برشعه نیک اصلندن نزول ایدر کرک مجامعه طریقیله اولسون
 و کرک احتلام و غیر وجهله اولسون پس بولنت شامله به شکرا
 جیع بدنی غسل و تطهیر ایتمک فرض اولدی مع هذا معنی تکفیری
 دخی مشتملدر و بر جواب دخی بودر که سبب جنابت اولان و طی
 بدنده اولان جیع قوایی استعمال ایلله وجوده کلور انکیچون اکثراری
 مضعف بدن و اقلالی مقوی در بوسیدن اگر حکماء الهیه و اگر
 غیر بولر توفان و تقاضی قوی بولند بقیه قربانی مندوب کور مدیله
 پس حدث اصغرک سبی که اکل و شربدر بعض اعضایی تحریک
 و حدث اکبرک باعثی که و طئدر جیع بدنی استعمال الله اولدوغندن
 ماینلرنده تعمیم و تخصیص ایلله فرق حاصل اولدی و بر دخی بودر که
 طهارت مطلقا وسیله صلواتدر صلاة ایسه حضور حقده قیام
 و خدمت و تعظیم ذوالجلال و الاکرام در پس مصلی به لازم اولدیکه
 اطهر احوال و انظف کیفیات اوزرینه اوله زیرا بومعنی تعظیبه
 اقرب و خدمتده اکملدر کمال نظافت ایسه جیع بدنی غسل ایلله
 حاصل اولور و حدث اصغره دخی عزیمت بوایدی و لکن کثیر الوجود
 اولمغله ایسر نظافت اولان تنقیه بعض اعضا ایلله اکتفا اولندی و دفعه
 للخرج رخصت ایلله عمل اولنوب بعض اعضایی غسل ایتمک کل بدنی
 غسل مقامنه اقامت قیلندی زیرا اعضای مکشوفه مدار مزاوله
 اعمال و کسیدر جنابتده ایسه خرج بوقدر زیرا قلیل الوقوعدر
 انکیچون عزیمت اوزرینه قالدی بونک نظیری خاتونلرک حیض
 و نفاس حالتده صلوة و صومی ترک و بعد الطهارة بالکرم صیامی
 قضا ایدر ز بر اصیام سنه ده بر کره کلور و بردخی بودر که صلوتده ذوق
 قربت و وصلت اولمغله رسول الله تحبیب اولندی کمال وصلت طایفه
 طهارت کامله دن صکره در انکیچون قرأنده کلور * لا یسب

الا المظهرون * یعنی سرهویت ذاتیه بی ادناس جمیع تعلقاتدن مظهر
اولی مرتسب ایدر لبو جهندن صلواتک ظاهری قید اولندیکه قبله به
توجه و بعضی اعضایی غسلدر و باطنی طواف کی اطلاق اولدیکه
حق مطلقه وجه کلیدن توجه و ظاهر و باطنی تطهیردر و طهارت
ظاهره طهارت باطنیه به سببدر زیر شریعت وسیله حقیقتدر جنت
ودین مطلقا نظافت اوزرینه مبنیدر وحدیثده کلور * الاسلام
نظیف قنظفوا فانه لا یدخل الجنة الا نظیف * وینه حدیثده
وارد اولمشدرکه خانه لیکرک فنانسی یعنی اوکلربی تنظیف ایدیکوز
وکلسانی یهود کبی جمع ایتکوز واغزلر یکزی دخی پاک ایدیکوز
زیرا طریق قرأندر تنکیم زبان فارسی ابله کلور (کذر گاه قرآن و پندش
بکوش * به بهتان و باطل شنیدن مکوش * و مرویدر که بردفعه
جبرائیل حضور نبوی به قدومی تأخیر ایلدی صکره سرندن سؤال
اولندقد جبرائیل یوردیکه نیجه نازل اولایم که سز طر فقلر یکزی
قص و شوار یکزی اخذ و براجکزی تنقیه و مسواک استه مال ایتمز سکر
صکره * و ما تنزل الا باهر ربك * دیدی براجم برجه نك جعبدر
ضملة غلغله و زنی اوزرینه بر مقلرک مفصللری اوزره طهرالعقد در که
چقور اولغله انده و سخ مجتمع اولور وایکی عقده اراسته راجبه دیرلر
پس هر پرمقد ایلکی برجم و اوچ راجبه اولور ایهامدن یعنی باش
برمقدن غیر زیرا نك بربرجه سی وایکی راجبه سی وارددر وجه
تنقیه بودر که اکثر یا اورالده درن قالوب صوابله بشره اراسته حائل
اولغله بقاء جنابته سببدر و مسواک سنت مؤکده در وضویه
اختصاصی یوقدر ولکن عندالوضوء متأکد در زیر و ضرطعامی
ازاله و نکمت فی تطیب ایدر و مسواکله ایکی رکعت بلامسواک اولان
یتش رکعتدن افضلدر و مسواک یوغیسه بر مقلری ابله اغزنك ایچنی
برخوش تطهیر ایلله کرک اغزنده دیشلری اواسون و کرک اولسون
و خاتونلرک حقیقه صافز مسواک مقامنه قائمدر دیومصر حدر دعا
و طهارت اوزرینه مقام مندوب الیه و مرغوب فییه در زیر جازدر که

روسی حال نومده مقبوض اوله نتکم قرأنده کلور * فیمسک الی قضی
علیه الموت * پس کرکدر که عمل وضوئله و مخ عبادت اولان دعا ایلله
مختوم اوله و رؤیایی اصدق و لعب شیطاندن ابعدا اوله و شقی ایمن
اوزرینه نوم انبیا و انجدار طعامه اسر عدر و دیمشدر که بدن
انسانک طهارتی ادناس و فاذور اتنددر و ماء مسخن و صابون ازاله
اوساخه معیندر و هواسی بادر اولان بلادده ایام شتاده اسی صوابله
وضو و غسل مرخصدر و حمامه دخول ما ذون فییه در ولکن
ستر عورت و غرض بصر شرطیه در و خاتونلره ایکی شرط دخی
وارددر که بری تنهارلر دن کیده لر و بردخی ترک زینت ایلله لر
و حواس ظاهره نك طهارتی محتاج الیه اولمیان ادراکاته اطلاقدندر
پس سمع و بصر و شم و ذوق و لمسی محتاج الیه اولمیان مدرکاته صرفله
تجهیسدن حذر لازمدر و اعضا نك طهارتی موازین عقلیه و احکام
شرعیه و نصایح و تنبیهاندن معلوم اولان اعتدالات دآثره سندن
خارج اولان تصرفاته اطلاقدندر خصوصاً انسانی که انک ایکی وجهله
طهارتی وارددر که بری صمته مخصوص صدر مکر که مایعنی و مقید اوله
و بری دخی تعبیر ابتدایی امورده مراعات عدله مخصوص صدر پس
برنسنه نك بیاننده نقص ایتیه و ایچنده اولوب ذاتی اقتضا ایتدوی
زیاده نسنه ابله دخی وصف ایلله و الاظلمدر که شهادت زور قیلا ندندر
و بر حرفی حرف آخرله ترجمه ایلله که معنارنده تفاوت اولسه فائله
واوکی اصلی تعبیر ایتش اولوب صادق زمره سندن خارج اولور
و بعض کتب منزله ده کلور که * عجب ربك من مشاء بلا ادب و من
ضحاك بلا عجب * یعنی حکم الهی بودر که انسان بر موضعدن بر موضعه
ضرورت قویه اولمدجه حرکت و مشی ایتک و مقتضی بولمدجه خنده
یعنی کولمک منهیدر و خیالک طهارتی اعتقادات فاسده و تخیلات رده
و آمال و آمانی میداننده جولاندندر و بومعنی زیاده صعوبتدن اقل
قلیله مبصر اولمشدر انکیچون آمانی و امثالی ذم اولمشدر خصوصاً که
صفت یهود در نتکم قرأنده کلور * تلك امانیهم * وینه کلور

* بود احد هم او یوم الف سنة * وذهنتك طهارتی افكار رديه
 واستحضارات غیر واقعہ وغیر مفیدہ دندر و بعض خواص اولیا
 پیور مشدر کہ الی سنہ در کہ ماسوی الله فکری در و نمہ کبر مشدر
 وحقدن غیر ہیج بر ملا حظہ بکا آل ابرکور مشدر وعقلک طهارتی
 نتایج افکار لہ تقید دندر معرفت حقہ وغر آئب خواص وعلوم
 اسرارہ مختص اولان مواضعہ زیر عقل نہایت معرفتدن قاصر
 وغایت ادراکدن عاجز در پس قدس ذاتہ ملام اولان
 عدم تقید در و قلبک طهارتی توزیع ہم و تشبہت عزایمی موجب
 اولان تعلقاتہ تقلید دندر و تعلقاتک دخی اسباب جلیہ وخفیہ سی واردر
 سر نہ مہندی اولوب اکا کورہ عمل لازمدر و نفسک طهارتی اغراضدن
 و بلکه کندی عینتدندر زیر نفس آمال و امانی و تعشق اشیا و نتایج
 اذهان و تخیلات اولان تشوقات کشیرہ نک خیرہ سیدر پس بومقوله
 امور رذیلہ بہ مایہ اولان نفسی اصلندن قلع ایدوب فروغندن دخی
 بالکلیہ نجات والواشدن طہارت ذات لازمدر و روحک طہارتی
 حق تعالی دن مرجو اولان حظوظ شریفہ دندر معرفت و قرب ذات
 و مشاہدہ و سائر نعیم روحانی ایلہ احتفاظ کی زیر دیمشدر کہ
 شول امر کہ سنک اوزر یکہ حکمی غالب اولور یا طبیعیدر مطلقا جلب
 منفعتہ متعلق اولسون استیفاء لذات جسمانیہ کی و یا دفع مضرتہ
 متعلق اولسون اسباب آلام بدنہ دن احتما و پرہیز کی و یا خود
 روحانیدر علوم نافعہ اکسابہ و اخلاق محمودہ تحصیلہ اہتمام
 و جہالات و اخلاق مذمومہ دن اجتنابہ اعتنا کی و یا خود نفسانیدر
 جاہ و منصب شریفہ ایلہ تقید و اغراض نفسانیہ بی منافی اولان
 سنہ بی رفع ایتک کی چونکہ نفس خیرۃ الامانی و الشوقاندر پس
 ہر نہ مقولہ معنا کہ سنی وسطاعتدالی دن اطراف روحانیہ نفسیہ
 و طبیعیہ خسیسہ بہ وغیر بلرہ اجتناب و انجذابدن خالی اولیہ اندن
 مطلقا تخلص و طہارت کر کدر بروجہلہ کہ اصلانندہ ماسوی اللہ
 التفات بولیمہ تنکیم قرآنندہ کلور (ما زاغ البصر وما طغی) و تعشق

ایتمک دکل بلکه تحدیث نفس بالتعشق ایتکدن بیلہ حذر ایلہ ظاہرا
 و باطنا مقصود اولان طہارت روحدر یعنی روحک زمان ارتبساط
 تدبیریدہ صحبت مزاج طبیعی و اکا متصل اولان خواص مضمرہ دن
 متلوث اولدیغی سنہلردن خلاصیدر و حقیقت انسانیدک طہارتی
 جمعیت انسانیدہ اولان معانی و حقایق فقداندن و تغیر تجلیدندر کہ
 حقیقت قابلک احکام امکانیدن سلامتہ موقوفدر اکثر ناس ایسہ
 بوا حکامدہ کثراتک زبونی و مغلوبلریدر و سرتک طہارتی حق مطلق
 جامعہ اتصالی و احکام تقید بہ نک زوالیلہ در و مسردن مراد حصہ
 تجلی جمعیدر کہ حق مطلقہ اول حصہ حیثیتی ایلہ مستند و مرتبطدر
 و احکام تقید بہ دن مراد اول تجلی بہ مجلی اولان وانی تقید ایلہ سان
 عین ثابتہ ایلہ معیت سبیلہ عارض اولان اموردر زیر ہر تجلی و صفاتک
 احکامی مرآئی اولان مجلایہ تابعدر و بوطہارت مذکورہ استجلاب
 رزق حسی و معنوی ایدوب باعث زیادہ اولور تنکیم خلاقیلہ اتصاف
 سبب نقصاندر تنکیم حدیثہ کلور (دم علی الطہارت بوسع علیک
 الرزق) یعنی طہارت ظاہرہ و باطنہ اوزرینہ دائم اول تا کہ رزقک
 ہر یوزدن موسع اولہ سوال اولور سہ کہ حضرات اصحابہ ہر درلو
 طہارت موجود ایدی پس اکثری دنیادہ بچون مضایقہ اوزرینہ
 اولدیلر جواب بودر کہ انلرک حالی قیاسدن خارجدر زیر انلرک
 حلالدن اجتنابلری غیر بلرک حرامدن احتیابلرین اقوی و اکثر ایدی
 و انلرک فقر حقیقیلری کہ ماسوی اللہ دن بالکلیہ بوشالمقدر غالب اولمغلہ
 صورت فقری دخی قبول ایلدیلر تا کہ ظاہرا و باطنا حقہ مفتقر اولالر
 و ہر مقامدہ طیبات ولذائد برینہ حق بولالر و قدس ذاتہ معانقہ
 قبلار و کنسیدیلرین دریای غنای تامہ صلالر الحاصل مکنوناتدن
 بالکلیہ کسلہلر زیر ادنیاتک عند اللہ تعالی جناح بعوضہ قدر قدری
 بوقدر واکر اولقدر مقصداری اولیدی کافرہ بر جرعہ صو و پروردی
 پس مؤمن و کافرک مشترک اولدیغی دنیای دنیہ بی خواص عار
 ایدوب قبول ایتدیلر بوجہتدندر کہ کالات روحانیہ ایلہ دخی اکتفا

ایندیلر زیرا روح مشترك فیهمدر بلکه عالم اسراره ترقی ایندیلر که
یوعالمه وصول خصائص اهل ایماندندر انکیچون آخرتده کفار
محبوبلردر زیرا بالاده مذکور اولدیغی اوزره حصه تجلی جمعیدن
بالفعل بهر مند دکلردر وحیدینه کلور (من اخلص لله ار بعین صباحا
ظهرت بنایع الحکمة من قلبه علی لسانه) یعنی ظهور بنایع حکمت
جزاء اخلاصدر بلکه اخلاص وظهورک هر بری فی الحقیقه عین منت
ومحض فضل الهی بایندندر پس اخلاص مذکور اگر طلب
ظهور ایچون اولورسه خالص اولماز بناء علی هذا ساحة قلبی اندن
تطهیر وتخلیص لازمدر تکیم کلام کبارده کلور (من رزق الطهارت
حتى عن رؤية الاخلاص فقد منح الاخلاص من الاغراض) یعنی عموم
اوزرینه اغراضدن وخصوص اوزرینه اخلاصدن خالص اولوب
اهل اختصاص زمره سنه ملحق اولور ومحکمیدر که ایکی سالك
برمغاره ده ذکره مشغول اولوب بوکون یارن قح اولور دیو بر قاج کون
شویله بی قح قالدیلر زیرا اشتغالی غرض قح مبنی قلدیلر آخر
رجال الغیبدن بری داخل مغاره اولوب اول سالكاری طریق اخلاص
هدایت وحق مطلقه دعوت ایلدکده زمان قلدیلده نائل مرام اولدیلر
ویمشردر که طهارت اصلیه اولی که غیر مجعوله در قابل عطایای ذاتیه
واسمائییه در که اولکبسی بلا واسطه وایکنجبسی با واسطه اولان
منح الهیه در ونجاست اصلیه اولی که بودخی غیر مجعوله در مذکورک
خلافته در که غیر قابلدر زیرا قاذورات اوزرنده جنت اولدیغی کی
دل مردارده دخی فیض الهی اولماز بوسیددن مؤمن ازلی وکافر ازلی
دیرلر اگرچه ایمان وکفر ازلد اولماز بلکه ابده اولور الحاصل ازلد
اولان بالقوه وابدده بالفعلدر ولكن باطن حالده نظر قوته وظاهر
حالده فعله در وصیباتک ایمان وکفر لری که باطن حالدر زیرا
شهادت لری هنوز غیب حکمنده در ابون حالته تابعدر که ظاهر حالدر
انکیچون انلره محشور اولورلر وسبب نجاست غلبه احکام امکاندر
وخواص امکانات ایسه وسائطدر که مانع قبول فیضدر شوره زار کییکه

مانع قبول باراندن ز برامطر واصل ونازل ولكن محل غیر قابلدر وسائر
استعدادات متوسطه دخی اکا قیاس اوانه یعنی هر کسک فیض باطنی
طهارتی قدردر وذنوبک جمله سی نجاسات باطنه در و بعضنک
خواصی وارددر که باطندن ظاهره تعدی ایدر تکیم حدیثده کلور
(ان العبد لیحرم الرزق بالذنب یصیبه) یعنی بعض ذنوب وارددر که
رزق صوری ومعنویدن حرمانه سببدر وطاعات مطهراتدر که
کاه بطریق المحودر تکیم قرأند کلور (ان الحسنات یذهبن
السبئات) وحدیثده کلور (اتبع السبئة الحسنة تحبها) وکاه بطریق
التبذیل اولور تکیم تنزیلده کلور (الا من تاب وآمن وعمل صالحا
فاوائتک یبدل الله سبئاتهم حسنات) پس محومذکور حقیقت
عفودن وتبذیل مزبور مقام مغفرتدن عبارتدر و بوندن عفو
ومغفرتک میاننده فرق ظاهر ومغفرتک عفودن اتم اولدیغی باهر
اولدی ز برامغفرتده بقاء عین اولغله تکثیر ثوبات وارددر انکیچون
بعض خطاکارلر قیامتده مغفرتله معامله اولند قلدیلده بزم دخی غیری
کاهلریمز واردی نیجه اولدی دیو اظهار طمع ایتسملر کرکر
ومعاصی متعدیه اولدیغی کی طاعات متعدیه دخی وارددر یعنی اثری
ظاهردن باطنه و باطندن ظاهره ساری اولور ومع تعدی بعض معاصی
سرعتله زوال قبول ایدر وبعض بطوء وکلفت ایلد کیدر و بعضنک
حکمی مونه دک مستمر اولوب برزخده زائل اولور وبعض محشره دک
قالور و بعض دخول ناردن صکره زوال بولور بوسیددن احیادن ارواح
اموته امداد ایتک مشروعدر زیرا اول امدادله ارواح منتفع اولورلر
وامداددن مراد دعا وصدق واهداء ثوبات در و مشو باتدن مراد
اعمال صالحه در که کرک نافله وکرک فرض واهداء فرضده عامل بلا فرض
قالوب مسؤل ومعذب اولماز بلکه مقبول ومنعم اولور ز برامهدی اشرف
الحصال اولان سخا ایلد ممتاز و باب عطاء الهی دخی بازدر وصور
مولداتدن هر صورتک قوی وخواص باطنه سی وارددر که بعضبسی
انسانه باب سلوک واستکمالده نافع وملایمدر باذن الله تعالی و بعضبسی

مضر در اتصال و اکلا ن قطع نظر قرب و مجاورتک تأثیری وارد
جوز اغاجی کیبکه پیرا غنک زهرند ن مامدا هوا سنک عفونتند ن
سایه سنده مستظل اولان کیسه به اثری ساری اولوب باعث صداع
سر اولور پس برنسنه نکه که خواصی جهندن نجاست باطنه سی اوله
عارف اولنره اندن حذر لازمدر واکلی حلال اولان حیوانات دخی
بویله در و حلال نام طاهر اولدر که انده من حیث المزاج ضرر اولیه
و کیسه نکه حتی دخی تعلق ایتمه که نفسنک اکاتو جهنی مستلزم اوله
زیرا توجهات نفوسک خواص ردیه سی وارد در که اول نسنه به مباشر
اولان انسانک بدنه ساری اولور کرک مطعوم و مشروب و کرک لباس
و مسکن و کرک غیری تصرفات اولسون نظر ایله زهر مارله مبتلی اولان
کیسه حبه حیاته اولدجه و جعدن خلاص اولماز و بلکه سبب موتی
اولور زیرا مجاورت هوائله مسمومه انفاس دریه سی واصل و ساری
اولمده در و صکلب عقور و امثالی دخی بویله در و ضیاب و برایع
و سایر حشرات اکلندن احتراز اولدنیغی حلی نام اولوب خواص
ردیه سنه بناء در زیر ابو خواص مغذینک بدنندن نفسنه و اخلاقنه
وصفاته ساری اولوب بوسبب بدن قلوب و ارواحه تدوینات حادث
اولور که اقسام نجاساندنر و نام النجاسه حرام امینه در دم و میتنه
و لحم خنزیر و سباعدن هر ذی ناب و طیردن هر ذی مخلب و کلب کبی
و مشروباندن خمر کبی زیر اسکر خمرک لوازم ذاندندنر حرام لغیره کبی
حرمتی خارجدن دکلدر پس بونلرک جمله سنک نجاست ظاهره و باطنه سی
و بدن انسانه ضرر ساری سی وارد و بعضی کامل مکاشفین بیوشلر که
شارب خمر تو به اتسه قرق کونه دک اندن تصوف کلز و حبشش یعنی
بنکک اکل ایله الی آیه دک مزاج اصلبسی انجق بولور واکل افیون
ایدن کیسه بدن ابیدی تصوف کلز دیمک جائزدر زیر اکسیدوکی صورتده
دخی طبعی وزن اولی بولماز و انقطاعه چاره بودر که هر کون قدر یسیر
نقص ایلیسه واذیت حاصل اولدجه صرمساق اسکال ایده
و اکابوندن غیری علاج اولماز و زم زما غزده و بوز الی سنه دن بری

دخی بعضی مطعومات و مشروبات حادث اولمشدر که کبی خمر
و کبی افیون حکمنده در و انلری علما و غیر یلمباح دیو استعمال
ایدر نعوذ بالله تعالی انکیچون تصوفلری اسانده در یوخسه قلبلرینه
نجاوز ایتمه مشدر و اشیا ده اصل اولان ابا حنبلدر دید کاری مطلق دکلدر
بلکه اشیا نافعیه ده اصل اولان ابا حنبلدر پس شول نسنه نکه ضرر
ظاهری اوله ابا حنبلدر خارجدر زیر خلقندن مقصود عبادتدر و عبادت
دخی صلاح مزاجه منوط در صلاح مزاج دخی اشیا نافعیه استعمالنه
می بو طدر * فاحفظ هذا المعنی فانه اغنی * و گاه اولور که احکام طهارت
و نجاست و حل و حرمت بری برلرینه مختزج اولوب غایت و مغلوبیت
حاصل اولور زیرا بعضی احکامک قوت رجحانی و بعضنک دخی ضعیفی
وارددر پس مباشر اولانک حالی دخی اکاکوره در بو جهندن مشایخ
سلف بدایت حالده حلال طیب خصوصننده اهتمام ایدرلردی زیرا
فقحه اقربدر و مختزج بعید و حرمتی خالص اولان ابعدر در و ادنی الامر
وقت ضرورتنده افطار در و فطور هر کک النندن کلور سه کلسون
قبور مرزیرا بلا طلب قح اولان نسنه نکه اصلنی ارامیوب قبول ایتمک
کرکدر و واسطه به دخی نظر بو قدر زیر فی الحقیقه ید حقددر مکر که
مقبوض اولان صورت شرده برنسنه اوله بو صورتده شیطانله مسمی
النندن آلور تا که حق تعالی به اضافت شر لازم کلیه که ترک ادبدر
و دیمشدر در که اول مراتب طهارت توحید استحضاری در که
* ان تعبد الله کانک تراه * حدیثی ایله مشار الیه در یعنی استحضار
خیالی در که اول مراتب شهوددر و بو مرتبه ده حجاب طبع و رجس
شرکدن خلاص وارددر زیر اهل حجابک توحیدی شرکله مخلوطدر
شول جهندن که رسمله مقیددر و رسم حجاب حقیقتدر و روی
حقیقت جلوه کرا اولدجه توهم تعدد وجوددن بری اولمق مشکدر
و اعلاهی مراتب طهارت معرفت و شهود تجلی ذاتی ایله دوام التحققددر که
صفت کمال اولیاددر زیر معرفت حقله جمیع اطوارده اولان جهالت
مرتفع اولور و شهود دائم ذاتله دنش تعلق ماسوی و وسخ حجاب

غیر بالکلیه زوال بولور و مرآت وجود انفسا و آفاقا رجسدن قور تلور
 طهارتله خصوصاً که قلبک کعبه وار اولدیغی طهارت ایله در
 (چون طهارت نبود کعبه و بیتخانه یکست) یعنی کعبه نیک کعبه اولدیغی
 طهارتله و آتی اصنامدن پاک ایتمکله در و البیتخانه ایله فرقی قالماز تنکیم
 بیتخانه دن بت ازاله اولنسه کعبه دن فرقی اولماز زیرا بوضو نده مسجد
 اولور مسجد ایسه بیت اللهک شعبه لرند ندر تنکیم قرآنده کلور
 * ان اول بیت وضع للناس للذی بیکه * یعنی کعبه اول بیوت حقد ر
 وثانی وثالثک تعینی آندن صکره در واکا مضافدر عرش اعلا ایله
 سائر اجسام کبی و قلب ایله سائر قوی دخی بویله در یعنی قلبک
 تعینی سائر تعینات وجوددن مقدمدر زیرا ربس الاعضا والقوی در
 و ربس متعین اولدیغی مرؤس متعین اولماز تنکیم روح محمدی
 متعین اولدیغی سائر ارواح کلبه استفاضه نور وجود ایتدی و قرآنده
 کلور * انما یرید الله لیزه عنکم الی جس اهل البیت و یطهرکم
 تطهیرا * بوراده رجسدن مراد اهل بیته شین و یرن نسنه در یعنی
 قدر ذنبدر که عرضلرنی تدنیس ایله و حدیثده کلور * سلمان منا
 اهل البیت * یعنی سلمان رضی الله عنه عجمی الاصل ایکن ادناس ذنوبدن
 مقدس و مطهر اولمغله اهل بیت رسوله مضاف اولدی اهل بیت
 ازواج مطهره به دخی شاملدر و آل عبا فاطمه و علی و اوغلاری حسن
 و حسین در فقط رضی الله عنهم زیرا بر صباح رسول علیه السلام بر سیاه
 عبا کیوب طشره چیقوب اونور دقلرنده ابتدا حضرت فاطمه کلوب
 آتی اول عبا ایچنه الدیلر بعد ها حضرت علی کلوب آتی دخی ادخال
 عبا قبلدیلر بعده حضرتان حسین قدوم ایدوب انلری دخی ضم ایلدیلر
 اندن صکره (انما یرید الله) الی آخره آیتن قرائت یوردیلر و سلمان
 طهارت ذنبه سی سببیه اهل بیته مضاف اولیجق سائر الی یوم القیام
 کلان مقدسدر دخی اکا قیاس اولنه پس جهت جامعه طهارت
 مذکوره در بوخسه بالکن هاشمیت و یا غیر معنی دکلدر حتی دیمشدر که
 رسول اللهک صورت طنبیه عنصربه و صورت دینه شرعیه و صورت

نوریه روحیه و حقیقت معقوله معنویه لری واردر پس هر کیم جمیع
 صوردن انک آلی اولورسه جمیع جهاتدن اکا وارث اولوب انک ولد
 صلیبسی کبی اولور حضرت مهدی و سائر ائمه طیبین طاهرین کبی
 بومقوله آله اکل الوارثین دیرلر واکر بعض صور ایله قائم اولورسه
 نسبتی اکا کوره اولور الحاصل رسول اللهک آلی درت قسمدر اولکبسی
 صورت و معناده آلی در که برینه قائم اولان امام و خلیفه در ایکنجیبسی
 معناده آلی در صورتده دکل سائر اولیاء محمدیه کبی زیرا بونلر صورتا
 شرفا اولمسه لر دخی کشف و شهود بوزندن شر بفاردر و اکنجیبسی
 صورتده آلی در معناده دکل یعنی طنبیت عنصربه سی جهاتدن نسبتی
 صحیحدر و لکن وراثه معنویه سی یوقدر زیرا حطام دنیا سببیه
 حقه اقبالدن مخرف اولمشدر و درنجیبسی صورتده آلی در و لکن
 معنادن دخی حظ یسیرایله متخطی اولمشدر و استعدادی قدر نسبت
 معنویه بولمشدر و بونک درجه سی ثابته دن کتر و ثالثه دن برتردر
 زیرا نظر هنزه و کاله در و هر کیم که تقدیس ذاتیدن حصه سی واردر
 (لیغفر لک الله ما تقدم من ذنبک و ما تأخر) سرنیدن دخی بهره سی
 واردر زیرا ذنبه مذمت لاحق اولور بوضو نده ذهاب رجس حاصل
 اولماز پس بونلرک جمله سی آخرنده مغفور حشر اولنورلر کر که
 دنیا در صورت ذنب حاصل اولسون زیرا مذمت لاحق اولان معنای
 ذنبدر صورت ذنب دکل صورت ایسه عنایت الهیه سببیه معنایه
 ساری اولماز تنکیم اهل بدر حقه (اعملوا ما شئتم فقد غفر لکم) وارد
 اولدی و بومعنایه اختصاص الهی دیرلر اهل اصطفا در جاریدر
 و غیر یلدره دکلدر و بومقام مزلق اقدامدندر فهمی اهل کشفه
 و یا خود فهم محقق اربابنه مخصوصدر و شول کیمسه که رسول الله
 انضیاف ایله بوشرف زائدی بوله پس شول سعدا که حق مجیده منضاف
 اولدیلر انلرا یچون اولان شرف اختصاص دخی فهم اوانه سؤل
 اولنورسه که رسول الله انضیاف ایله حقه انضیافک مایته ده
 فرق ندر جواب بودر که رسول الله اضافت واسطه به اضافتدر

واسطه ایسه مخلوق قدر پس اصل اضافت خالق در و بردخی بودر که رسول اخلاق کونیه ایله متصفدر که الله تعالی اول اخلاق هر بری ایله متصف دکلدر پس سنن نبویه ده رسوله مضاف اولوب قول و فعلنه رعایت لازمدر که حقه تقرب حاصل اوله زیرا متابعتده شرف عظیم وارددر که غایتی محبة الله در نتکیم قرآنده کلور (قل ان کنتم تحبون الله فاتبعونی بحببکم الله) و بردخی بودر که رسوله انضیاف بولان صفاتی و حقه مضاف اولان ذاتیدر و صفاتندن مراد (قاب قوسین او ادنی) مرتبه لر بیک مجموعیدر و ذاتندن مراد بالکثر او ادنی مرتبه سیدر سؤال اولنورسه که ذات و صفاتک مجموعنه انتسابده بالکثر ذاته دخی انتساب وارددر جواب بودر که معنای مذکور مظهره کوره در ظاهره کوره دکلدر و بو مقامنددر که رابعه عدویه به سؤال اید و ب حق و رسولدن قنغیسی زیاده سورسکر دید کلرنده جوابده هیبهات حق تعالی تک محبتی غیرک محبتنه بر قومادی دیدی یعنی مقام ذائده محبت رسول الله ایله محبة الله متحد اولدی دیمکدر زیرا بو مقام مظهردن ترقی مقامیدر که انده اثبیت بو قدر و بو تقرر بدن شان رسولدن شین مندفع و مرتفع اولدی اگرچه صورت جواب فی الجمله محل تعظیم و منافی توفیردر و بعض اولیاء وارددر که انلره ذاتیون دیرلر که نشأتلرنده احکام و جوب غالب و تقدیس ذاتی راجددر و بو معنا دندر که بعضیلر بالذات الله تعالی دن و بعضیلر دخی رسول الله دن و یا ورثه دن اخذایدلر مع هذا جمله سی الله تعالی دن اخذایدلر و لکن واسطه ایله بلا واسطه اولانک بیننده فرق وارددر و فی الحقیقه واسطه به متابعت ایتدیکه بلا واسطه فیض حاصل اولماز انکیچون فلاسفه فیض ذاتدن محروم اولوب بعض مراتبک علمنه مقصور اولدیلر بو سببندن طهارت ذات بو لمیدیلر و رجس جهلده قالدیلر و قرآنده کلور (فی قلوبهم مرض) زیرا بو مرض جمیع رذائله شاملدر جهل و جبن و بغل و کفر و نفاق و امثالی کی و بونلره مرض دینلدیکی انحرافه سبب اولغله درزیرا جهل ایله علمدن و جبن ایله اقدامدن و بغل ایله سخا دن و کفر ایله ایماندن و نفاق ایله

اخلاصدن منحرف و اعتدالدن خارج اولور و بوموقوله امراض صفت قلبیه در انکیچون قلبی تطهیر ایتک اهمدر زیرا اساسدر اگرچه صورت طهارت دخی لازمدر زیرا وسیله در وحدیثده کلور (من نام علی طهارة و فی عزمه انه یقوم من اللیل فاخذ الله نفسه الی الصبح ککتب الله له قیام ایله) بو طهارتدن مراد طهارت صوریه در که وضو در و صلوته دخول ظاهرده ابدسته منوط اولدیغی کی منام و یا انسلاخله معراج معنوی دخی اکا مر بو طدر و بوندن فهم اولنور که طهارت اوزرینه نائم اولمیا نه اجر مذکور بو قدر زیرا حد ث سببی ایله قیامدن منقطعدر فافهم جدا و اصحاب طریقتک شرائط لازمه سندندر که طهارت دائمه اوزرینه اولال و ضویه ضرورت اولان امکنده تیمدن غافل اولیسه لر

(*) الباب الثالث عشر فی کلمة الشهادة (*)

کلمه اصلندن لفظه واحده به دیرلر صکره بحازا کلماتی مشتمل اولان جمله به و بیانی حاوی اولان قصیده به اطلاق اولندی بورا دندر که کلمه شهادت دیدیلر مقصود شهادت کلمه دیر که هر بری کلماتدر نتکیم حدیثده کلور (اصدق کلمه قالها الشاعر کلمه لبید) الا کل شیء ما خلا الله باطل) و قرآنده کلور (و تمت کلمه ربک) کویا کلماتنشدن ارتباط و کمال انتظامندن اجزاء کلمه واحده کی اولدی بو جهندن جزء کل اوزرینه اطلاق اولندی و شهادت علم یقیندن صادر اولان اخباردر یعنی مخبر عنه اولان نسنه به علم راسخ کر کدر تا که شهادت اطلاق صحیح اوله بناء علی هذا (اشهد ان لا اله الا الله) معنای دیمکدر که صمیم قلبدن اقرار و علم راسخدن اخبار ایتدم که معبود بالحق الحق الحق الله تعالی در پس اله منکر معبود بالحق معنایسنه در و الوهیتی غیردن نفی ایدوب الله تعالی به حصر ایتک توحیددر انکیچون بو کلمه به توحید دیدیلر بالاجماع و لکن قائلنک اعتقادی درست اولیحق کلماتک معانی لغویه سنی بلمسه توحیدنه خلل و یرمز زیرا هر قائل اهل لسان اولماز ترکی و هندی و بلغاری و امثالی کی بعض کبار بیور مشرکدر که الله تعالی اسماء حسنی ده

الله اسمی اختیار ابدی و لا اله الا الله کلمه سی شهادت رسول الله ایله
 خیر الاذکار اولدی زیرا درت کلمه در که نفی و منی و ایجاب و موجب در
 واربعه الهیه که حیات و علم و ارادت و قدرت در اصل وجود عالم در
 واربعه طبیعی که حرارت و برودت و ویوسست و رطوبت در اصل وجود
 اجسام در واربعه عناصریه که ائیر و هوا و ماء و تراب در اصل وجود
 مولدات در واربعه اخلاط که مرتان صفره و سودا و دم و بلغم در
 اصل وجود و حیوانات در واربعه حقائق که جسم و تغدی و حس و نطق در
 اصل وجود انسان در پس بر کیمسه بوسه ترتیب اوزرینه لاله الا الله
 دیسه اول کیمسه لسان جمیع عالم اولور که جمله اشیا نکلانند توحید
 ایش اولور و یا خود نطقنده نائب او اب حق دلندن ذاکر اولمش
 اولور یعنی اول کیمسه فرقه وایکیمسی جمعه کوره در و فرق و جمع
 مالی بر در زیرا انفس و افاقد متجلی اولان حق در پس حق کندی
 کنندی ذکر ایدر الحاصل غیر دیمک اعتبار ایدر که تعینه ناظر در و تعینات
 غیر بنندن جمیع کائنات متعین اولان نور ذاتک بری برینه مقابری
 لازم کلز بر نور واحد در که اشیا به سار بدر تکیم تحقیقی کذر ابتدی
 و کلمه شهادت اوایی حر و قدر که بساط اسماء اعدادی استعیاب
 ایشدر و اعداد اون ایکیدر که اوجی عقد مقوله سیدر عشرات و مات
 والوف کی و باقی واحد در تسعه به دکر و بونلردن مالایناهی ترکیب
 حاصل اولور پس بواون یکی عدد نجه مالایناهی عددی ضم ایدر سه
 اول اون یکی حرف دخی مالایناهی اجری جرایدر و بقاء وجود که
 اکا عدم لاحق اولماز کلمه توحید ایله حاصلدر یعنی دینانک بقاسی
 کلمه توحید بقاسنه منوط اولدیغی کی بقاء ابدی دخی توحید اوزرینه
 منیدر و بقاء ابدی عمر جاودانی در که عمر آخرت در و اندن اجل مسمی ایله
 تعمیر اولمشدر تکیم مرور ابدی و حدیثه کلور که (لا تقوم الساعة
 حتی لا یقال فی الارض الله الله) یعنی وجه ارضه ذکر متصل
 اهلی منقرض اولدقد قیامت قو بار و ذکر متصل اهلندن مراد عدم سماء
 اولان رجال و اقطاب در که انلر هر بری حیاتلر زنده نفس بنفس ذکر دائم

اوزرینه اولدقلری کی انتقاللر زنده دخی اول نفس کشد نصکره غیر
 پر مستعد انتقاله عالم تازه حیات بولمقد در و لا اله الا الله کلمه سنک
 نفی لاتعین و اثباتی تعین عالمینه ناظر در لاتعین عالم غیب هویت
 و ذات بحث و وجود حق مطلق در که انده بالفعل تعین ذاتی و اسمی
 و وصفی و فعلی یوقدر بلکه بوعالم لاتعین جمیع تعیناتک بالقوه
 مبدی در و تعین بالفعل مبداء تعیناتدر که عالم استفاضه و فیض شهادیدر
 پس نفی و لاتعین جانب ازاله و اثبات و تعین جانب ایدر راجع در
 و کلمه شهادت بوایکی عالمی جمع ایتکله خیر الاذکار اولدی زیرا اسم
 هو عالم غیبه و اسم الله عالم شهادته اشارتدر فقط و انسان مظهر جمال
 و جلال اولمغله اکمل اولدیغی کی کلمه توحید دخی جامع هر د عالم اولمغله
 افضل اولدی انکی چون بوا اسمک لیل و نهار دن وقت مخصوصی یوقدر
 بلکه اسم مطلق و ذکر مطلق در و بوجعیت ملاحظه و مشاهده سبله
 ذکر ایتک ذکر انبیا و کل اولیادر که جانب علایه عالیدر بر وجهله که
 انکله مذکور اداسنده اصلا حائل یوقدر و الله اسمک مرتبه سی قلم و عرش
 و شمس و روح انساندر و رب اسمک مرتبه سی مرتبه لوح و کرسی
 و قر و قلبدر و مرتبه اولی به احدیت دیرلر که تأثیر و فعلک مبدی در
 مرتبه سلطنت کی و مرتبه ثانی مرتبه و احدیت دیرلر که تأثیر و قبولک
 محلیدر مرتبه وزارت کی انکی چون الحمد لله رب العالمین ده تأخیر
 اولندی و بعضی بر طلوع فجر ثانی دن طلوع شمسه دك انت الله ذکر نی
 اختیار ایدوب انکله ذکر ابتدیلر و امام غزالی فائنده هو کلمه سی ارفع
 الاذکار در یعنی لبله مزید اختصاصی وارد در که غیب ذاته ناظر در
 ذات ایسه صفاتدن ارفع و غیب شهادتدن اقدمدر و ابو یزید بسطامی
 عنده (لا اله الا انا) اتم در زیرا لسان حقندن توحید در شجره
 موسی ده اولدیغی کی وجه اختیار بودر که ابو یزید بسطامی
 بحسب الغالب مقلوب ابدی انکی چون اندن سبحانی ما اعظم شانی
 صادر اولدی حلا جدن انا الحق صادر اولدیغی کی و لکن محل
 کبایتک بودعو ایه تحمیلی اولوب وجوبی ایها مدن انوری اهل

صعودن در کمال بلکه اهل سکر دن به تصویب اولمندی
 (ولا اله الا الله) کلمه سنده ایکی خاصه وارد بری بودر که
 جمیع حروفی جو فیہ در که حروف شفویہ دن انده حرف یوقدر تا که
 خالص جو فدن اوله بالکثر شفتین دن اولیه ولامده انطباق شفتین
 اولد یغندن جلپس ذا کر اولان کیمه اندن بی شعور اولوب ذا کره
 کمال اخلاص حاصل اولور یوندن فهم اولنور که خلق ارا سنده
 منفرد ذکر ایدن ذا کر کنندی نفسنه اسماع ایده جک قدر اظهار
 ایلیه والا یاریایه ویا تشویش جلپسه مؤدی اولور که ایکسیده
 مذموم در تنکیم بلاد عریده شایعدر یعنی طائفه عربک اکثری جهر
 و اخفا و تشویش جلپس ندر بلپوب مراتبی بری برینه خلط ایدر
 و خلقه زیاده زحمت و برر و بومعنی انلرک جهل غالب برینه محمولدر
 و بری دخی بودر که اول کلمه ده حرف معجم یوقدر بلکه جمله سی
 نقطه دن خالیدر زیرا کلمه اخلاص در که جمیع ما سوادن تجردی
 منضمدر و مولانا جامی دیمشدر که نقطه مکسدر یعنی سکندر و کلمه
 شهادت نقطه دن معرادر یعنی پوشهدالایش مکس نقطه اندن مبرادر
 و بوقمیر حتی به لائح اولان بودر که بو کلمه نک بی نقطه اولدیغی نک
 مؤداسی کثره دائر اولان الوهیت حسیله در زیرا کثرته و حد نک
 ظهوری محجوبه و خفیدر و بردخی بودر که نقطه نک وجودی تمیز
 مراتب ایچوندر مرتبه اولو هیت ایه مرتبه مطلقه جامعه در و محمد
 رسول الله ده اولدیغی مرتبه الوهیته مقابله سی حسیله در زیرا مرتبه
 ربوبیت در و بردخی بودر که جمعیت مطلقه سندن انوری در زیرا
 مرتبه الوهیته جمله اسماء و صفات مندرج اولدیغی کبی که انلر
 الهیات دیرل مرتبه عقل و قلمده دخی جمیع ارواح و کلمات مجتمع ایدی که
 انلر کونیات دیرل و بالاده کنرا ایدی که عقل اول که روح محمدی در
 مظهر تعین نوری اولد قده ابتدا کلمه سی (لا اله الا الله) ذکر
 اولد قده رب العالمین دخی بومقابله ده تشریف ایدوب محمد رسول الله
 یوردی بو توحید و تصدیق عالمده سری باقی قالدی کرک بالفعل موحد

و مصدق اولسون و کرک اولسون زیر اشهادت الهیه و نبویه کافیه رتکم
 قرآنده کلور * و کفی بالله شهیدا محمد رسول الله * وینه کلور *
 شهد الله انه لا اله الا هو و الملائکه و اولوالعلم * زیرا اولوالعالم اولنلرک ربیبی
 رسول الله در و انک علمنه نسبت ایله سائرک علومی یدی در یادن بر قطره
 کبیر و کلمه توحید درت کلمه دن مرکب اولدی زیرا انهار ایکی نصف
 و لیل دخی ایکی نصف اولوب مجموعی انصاف اربعه در پس بودرت
 کلمه نک قائلنک لیل و نهارده ابتدوی ذنوبی مغفور اولور فاما محمد
 رسول الله اوج کلمه دن مرکب اولدی زیرا توحیددن مفهوم اولان
 ذات و صفات در و فعل رسول ده ظهور ایتمکله صفت فردیت و جود
 بولدی که سر تلبشدر انکیچون رسول الله کلمه فردیه دید یلر ذات
 و صفات و فعل جهتندن که عقل اولدر رسول الله فردیه اولی در
 زیرا مظهر اولدر و یاروح و جسم و حقیقت جامعه سی یوزندن که
 اولکبسی احمد یتنه و ایکبسی محمد یتنه ناظر در زیرا عقل اول
 مرتبه سنده جسم بالقوه در بالفعل دکل واسم جلاله درت حرف اولغله
 اسم محمد دخی اکا موافق اولدی و کذلک محمد رسول الله اون ایکی حرف
 اولدی لا اله الا الله کبی و سر مناسبتدن اوتری ابو بکر الصدیق و عمر بن
 الخطاب و عثمان بن عفان و علی بن ابی طالب حرفلری دخی اون ایکبشر
 اولدی و بو جهتدن نسب طینیلری دخی نسب نبوی به اتصال
 و التقابولدی یعنی امام علینک التقاء نسبی اب ثانی ده در انکیچون جسته
 قصر علی قصر نبوی مقابلنده وضع اولندی و نشأه علی به مرتبه
 حقیقت غالب کلدی و ابو بکر صدیقک اب سابعده در انکیچون
 نشأه مرتبه معرفت غالب کلدی زیرا اسم سابع که قهار در غایت
 فنا و نهایت و صولدر کمال معرفت ایه حقه و صولدنصکره در
 و کمال معرفتک حکمی تمام عبودیتدر انکیچون بدن و مالی ایله الله تعالی به
 و رسول الله شایسته خدمت قرلدی و شیخ اکبر قدس سره الاطهر
 قدم صدیق اوزرینه در دیواقطابدن جماعت کثیره شهادت ایلدیلر
 انکیچون مقام عبودیت محضه ده قرار قلدی و انک ذوق ایندوکی

عبودیتك فوقنده ذوق عبودیت اولدی و هر كچدن كه رابحه ربوبیت
شم اولدی انده زور و باطل بولندی پس سالكه لازمدر كه
اهل عبودیت متابعت ایلده اهل دعوا به متابعتدن حذر قیله و عمر فاروقك
التقاء نسبی اب تاسعه در انكیچون نشأ سنه مرتبه شریعت غالب
كلدی زیرا اسم تاسع اسماء بفادندر و بقانك مقتضای ظاهری
شرعه تقید و ستر حالدر و عثمانك اب خامسه در انكیچون نشأ لینه
طریق غالب كلدی زیرا اسم خامس طریق فناده در و طریق فنا
طریق مجاهده در كه مقتضای طریق بقدر الحاصل خلفاء اربعه نك
هر بری درت مرتبه نك مجموعنه و اصلوردی و لكن انبیا بعض احوال ایلده
بری برلندن مقبر اولدقلى كی خلفاء دخی مقتضای نشأ اوزرینه
بعض مراتب ایلده متفرد اولدیلر ائمه اربعه دخی انلره قیاس اولده
یعنی انلردخی درت مرتبه به بالغ و ظاهر و باطن حقه و اصل اولمشلردی
ولكن بعض خصال ایلده برلرندن امتیاز بولدیله واجتهاده مشغول
اولدیله و انلرك اجتهادلى حقیقه و وصولرینه مانع اولدی بلكه
اجتهادلى بعد الوصول ایدی انكیچون چار مذهبده اولیاء بسیار كلدی
زیرا بر قومك رئیسلى ناقص و كندیلری كامل اولمق مستبعددر
و بونك حقه در عشق سولدیله دیدكلى اجتهاده اشتغالرینه
بناء در یو خسه بطریق الذم دكلدر و نقصی مشعر اولان وجهله
ادایدنلرك اداری مردود و كلاملى كندی ذوقلرینك نقصانته
محمولدر و لطایف حكایاتده كلور كه بركون با جعفر ابهری با باطاهر
همدانی مجلسنه واروب بوسمخر زده ایدك كه سنی خواصله باب الله ده
كوردم دیدی با باطاهر دخی جواب و یروب بلی سن باده خواصله ایدك
و بن داخلده اخصله ایدم كورمكه باعث بودر دیوازام ایلدی پس
احوالده تفصوات اولدیغی ظاهر اولدی و بوقریردن معلوم اولور
تاویل قول مولانا كه مشغولده كلور ان طرف كه عشق می افزود و دردد
ابوحنیفه شافعی درسی نكرد و كلام خواجه حافظ كه دیوانده كلور
حلاج بر سر دار این نكته خوش سراپید از شافعی مهرسید امثال این

مسائل و بعض رومیانك مقاله سی كه دیشدر * سرای ایچنده اسركلر
اوتورمش * كوزندم مالك و نعمان كورنمز * زیرا مالك و نعمان صحو
اهلندندر اسركلردن خارجدر و بومعنادن دیشلردر كه الطریق الى
الله بعدد انفس الخلاق و اختلاف طرق اختلاف قابلیاتدن
و اختلاف قابلیات دخی اختلاف اسمادن و اقتضاه ازلیدندر فاعرف
جدا بعدد اسم محمد بو حروف اوزرینه اولمق بطریق البسط
عدد رسله مناصبتدن اوتوریدر كه اوجبوز اون اوجدر یعنی می می ح
می می می دال كه عدد حروفله اون اوج و حساب ایچدایله اوجبوز
اون اوجدر و لكن مبسوط اولان حانك فیری و میم مدغی ادخال
طریق قیله در و حروف اربعه نك بوشكل بدیع و ترتیب خاص اوزرینه
وقوعنك سری بودر كه الله تعالی ناسی صورت محمد اوزرینه خلق
ایلدی زیرا میم اول رأس انسان منزله سنده در و حایدن كیدر
و باطن حاء بطن كیدر و ظاهری ظهر كیدر و میم ثابته مجتمع الالبین در
البه فخله طرف مقعده اولان لحددر و طرف دال رجل كیدر و كلمه
توحید قرأنده شجره طیبه به تشبیه اولندی كه نخله در یعنی خرما
اغاجی در كه بقیه طینت آدمدن خلق اولمشدر نكیم حدیثده كلور
* اكرموا عمتكم النخله فانها خلقت من فضله طینه آدم و لبس
من الشجره شجرة اكرم على الله من شجرة و لدت تحتها مریم بنت عمران
فاطعموا نساءكم الولد الرطب فان لم يكن رطب فتمر * پس نخله
بزم عمه من یعنی پدر بزم آدمك همشیره سی كی اولمغله سائر اشجار
اوزرینه فائده اولدی كلمه توحید سائر از كاردن افضل اولدیغی كی
نتكیم حدیثده كلور * افضل ما قلت انا و النبیون من قبلی لا اله الا الله *
بوسبیدن افضل افضله تشبیه اولندی و شجره توحیدك عرق واصلی
تصدیق و ساقی اخلاص و اغصانی اعمال و اوراقی اقوالدر و دیشلركه
عارفك قلبنده اولان معرفت اصل شجره دن ایشندر زیرا عرق شجره
بعض عواصف ایلده منقلع اولور فاما معرفت راسخه به زوال و تغیر كلز
و معرفت راسخه دن مراد عین الیقین اهلینك معرفتیدر كه باطن

فوائد ممتکنه در و بویمان و معرفت نصکره بردخی کفر و جهل
 یوقدر نتکم حدیده کلور * اللهم انی اسئلك ایمانا یبشر قلبی و یقینا
 لبس بعد کفر * و کلمه توحید دن حصن ایله تعبیر اولندی نتکم
 حدیث قدسیده کلور * کلمه لا اله الا الله حصنی فن دخل حصنی امن
 من عذابی * زیرا حصن حصین ایله متحصن اولان تعرض اعداء
 ظاهره دن مصون اولدیغی کی حقایق کلمه توحید له متحقق اولان
 دخی تطاول اعداء باطنه دن محفوظ اولوب عذاب جسمانی
 و روحانی دن خلاص بولور عذاب جسمانی بدن مراد عذاب نار در که
 احسن الحسنات اولان توحید ک نوری آنی اطفای ایدر و عذاب
 روحانی بدن مراد بعد و قطیع بدن حاصل اولان حسرت و ندم و الم در
 زیرا توحید سبب وصول موحد در وصول نصکره خود الم فراق
 یوقدر زیرا دیمشدر که * او وصلو امار جمعوا * یعنی حقیقت وصوله
 رجوع یوقدر بلکه رجوع و ارتداد اهل برزخ اولنره کوره در که
 وصول لری ناقص وضعیف در انکیچون آه و ناله و شوق قدن
 خالی د کلارد ر زیرا قریبلرنده خوف بعد وارد که هنوز
 غایبه کما ینبغی وصول مبسر اولماشدر سؤال اولنور سه که
 اکمل ناس اولنلردخی موطن دنیاده اولدجه وجد و حرارتدن خالی
 د کلردر پس بی وجود ایکن احتراق ندن کلور جواب بودر که
 عشق و شوق که مشعر اندینددر معشوق غایبه و روده د که همچانده در
 بعده ساکن اولور و لکن اشتیاق که بعد الوصولد ساکن اولماز بلکه
 افزون اولمده در زیرا اشتیاق محبوبه وصولدن ناشی اولان حرکت
 فرحدر و محاسن جمالی مطالعه ابتدجه و دقائق حسنه اطلاع زیاده
 اولدجه فرح دخی آرنوب وجدی تازه نمکده و روضه حالی کوزلنمکده در
 پس انک حالی شارب ماء بحر کییدر ابدی ری کلز بلکه عطشی اولکیدن
 زیاده اولور الحاصل ذات و صفات حقه نهایت اولمیچق اسرار
 و حقایقه دخی نهایت اولماز و تجلیات غایت بولمیچق متجلی له دخی
 حیرت کبراده قالور و بومرته به تمکین ایچنده تلوین دیرل که

مقبولدر بوتقریردن فهم اولندی شول حدیثک سر بکه کلور (ان الله
 لا یمل حتی تموتوا) یعنی مطالعه سی ناقص اولان کیمسه به ملال یعنی
 یورلیق و اوصاتمق کلور انکیچون فیض حق دخی منقطع اولور زیرا
 اقبال حق اقبال عبده تابعدر یعنی الله تعالی (والله یدعوالی دارالسلام)
 موجبجه عبیدی دارالسلام جنته و دارالسلام قریبه و وصلته دعوت
 ایدر اگرچه عبیدن فی الجملة میل و اقبال یلنور سه رقیقه عشق ایله
 جذب ایدر والا حالی اوزرینه ترك ایلر زیرا غنی عن العالمین در
 و اصلاح عالم دخی اوزرینه واجب د کلر داشته بوملال دبد کلری
 صفت اهل حجابک طالبدر که مطالعه لری ناقصدر بوسیدندر که
 ارباب دلدن بری ایله برابکی کره صحبتدن انلره ملال کلوب هجرانه
 مؤدی و خیر کشیدر حرمانه باعث اولور و بومقوله لر حیواندن
 بتردر زیرا نظر قیل جمله یعنی دویه که حدی عرب ایله متأثر اولوب
 بروجهله سیر ایدر که اوج کونلک مسافه بی برکونده قطع ایدر
 و اکا ملال کلز زیرا حدی متصل تجدید نشاط و شوق ایتمکده در که
 سماع صحبتدن ناشیدر کذلک دعوت حق دخی دائم و متصلدر و لکن
 صمم باطن سماعه حائل اولمیچق شوق منقطع اولوب سالک دخی
 منزلندن قالور نظر ایله حال صحابه به که صحبت رسوله نیجه حریم
 و اخذ فیضه نو جهله ساعی ایدیلر و بومعنا به قلیبلرنده اصلا ملال
 یوغیدی انکیچون خوابی ترك ایلدیلر و راحتی قودیلر و تحت اواسنده
 مجتمع اولدیلر و سر و جان و مال ایله خدمتده بولندیلر و سر منزل مراده
 یتدیلر و ورثه رسول ایله اتباعی حالی دخی اکا قیاس اولنه الحاصل
 انسانده صدق طلب اولدجه تأیید الهی ظهور ایدوب مقصود
 حاصل اولماز و صدق طلبک اثری عدم ملال و فتور و جمع همت
 و دوام حضور در انکیچون و نددیلر که ذکر متصل اولدجه تجلی مذکور
 حاصل اولماز و مذکور نور در تنکیم قرأند کلور (الله نور السموات
 و الارض) و نورک نشانی ازاله ظلمتدر و ظلمتک ایچنده ظلمت وجوددن
 اشد یوقدر پس استغراق ذکر له ظلمت وجود مندفع اولوب نور الانوار

ظهور ایدر که هر کسده اولان حصه نجلی و انک اصل و مبدئیدر
 و قرآنده ذکر کثیردن مراد استغراق مذکوردر یعنی جمیع حالاتده ذکردر
 بوسیدن کلمه نوحید آیت مستقله اولدی تکیم کلور (فاعلم انه لا اله الا الله)
 تا که حالات ذکرده حالت حدیث دخی داخل اوله اگرچه (احب ان اذکر
 ربی وانا علی طهاره) موجبجه طهارت اوزر بنه اولان ذکر محبوبدر
 و جدیدده کلور (اربع لایسک عنهن جنب سبحان الله و الحمد لله
 و لا اله الا الله و الله اکبر) پس جنب بودرت کلمه دن منع اولیحقی محدث
 بطریق الاولی منع اولمزبناء علی هذا جمیع احوالده ذکر و تسبیحیدن
 منع یوقدر اگرچه وضوء و طهارت اوزر بنه اولان ذکر آداب
 رجال و سنن اهل تقوی حالندندر فاعمل به جدا و اسماء کلیه که
 ایجاد عالم و تدبیر دارینه متعلقدر اون ایکی در که ذکر اولنور (الحی
 العلیم المرید القدر الاول الاخر الظاهر الباطن الرحمن الرحیم
 المنبر المفصل و صوفیه محققین بحسب السلوک و الفناء و البقاء
 احصا ابتدکاری اسماء کلیه دخی اون ایکیدر که ذکر اولنور لا اله
 الا الله الله هو الحق الحی القیوم القهار الوهاب الفتاح الواحد
 الاحد الصمد و بونلر واردات کبری نام کا پمژده مشروحدر و بونلرک
 بدیسی اسماء فسادر و باقی بشی اسماء بقادر و منارات حرم الله بدی
 عدد و منارات حرم نبوی بش عدد اولق اسماء مذکوره نک احکامنه
 ناظر در و انسا نک انفا و اذکارندن ملائکه خلق اولنور و لکن بعضینک
 کلماتی و بعضینک حروفی عددنجه (ذلک فضل الله بؤتیه من یشاء)
 و اسم اعظم دیککاری اسم الله در که جمیع اسماء الهیه نک حقایقنی
 جامعدر و اکاسم اعظم تنزیلی دیرلر که اسم لفظی مجازیدر حقیقتده
 اعظم مظاهر اسم اولان قطب الاقطایدر که عبدالله در و اکاسم
 اعظم تکوینی دیرلر که اسم حقیقی در زیر اسم مسمایه علامت ایچون
 وضع اولساندر لفظ ایسه مطلق تعریف ایچوندر پس فی الحقیقه
 مسمایه دلالت کلیه ایله دلالت ایدن تعین مقوله سیدر که اول اسمک
 حقیقی انکله قائمدر و اهل رسوم بو معنادن غافل اولوب مصحف

تنزیلی به تعظیمده اهتمام ایدوب مصحف تکوینیک شانه اعتنا
 ایتمزلر و کلام الهی تنزیله محصور قیاس ایدرلر بلرلر که انسان کاملی تحقیر
 ابتک اوراق مصحفی تمزیدن بتدر و هراسم کر چه اسم الله اولوب
 حقه اضافتله اسم اعظمدر و لکن اعظمیتی عارفک عرفان و شهودنه
 دائردر یعنی معرفتی مقداری اسمک عظمتنه واقف اولور شویله که
 اسم اعظمه جاهل اولانه کوره اسم اعظم اسم اصغر و اسم اصغر
 واقف اولانه نسبتله اسم اصغر اسم اعظم اولور بو جهتدندر که
 عارفرا شیبایی تحقیر ایتمزلر مکر که امر شرعیه اوله و هر موجود که
 حقه استناد ایتمشدر اول استناد بر اسمک واسطه سبیلدر که اول اسم
 اکا کوره اسم اعظمدر و حقه کوره منتهای معرفتی دخی انک سریدر
 یعنی حق معرفت دیدکاری اول اسمک اقتضا ابتدکی حقایق
 یوزندندر تکیم ۷ سلطان اعظمک مراتب اسماسنک مظاهرنندن
 فهم اولنور و بو جهتدن هر مرتبه صاحبی حالندن خوشنود در زیر
 اول مرتبه نک علمک اکا اختصاصی وارد در و زیر اعظمدن ماعددا
 زیر انک اسمی جمله اسمایی جامع و مرتبه سی جمیع مراتبی حاوی و بوسره
 بناء اهل جنتدن هر بری حالندن راضی اولوب اگر لیا سنده و اگر غیریده
 کوزینه کنندندن احسن و افضل کورنمه کر کدر پس دنیا و آخرتده
 اعلالک حالی ادناردن مستوردر و الا عائله و بی حضور لاق ظهور ایدر
 بوا یسه اسم و هابک ناظر اولدیغی مقام نعم ایله نعمه مانعدر فافهم جدا
 و ابو یزید بسطامی به سوال ایدوب اسم اعظمندر و قنغسیدر دید کلرنده
 جواب و یردیکه سز بکا اسم اصغری کوسری کوز بندخی سزه اسم
 اعظمی بلدیريم یعنی اسماء الهیه نک جمله سی اسم اعظمدر زیر اعظمه
 مضافدر و لکن خلقده صدق حال و مطالعه کمال یوقدر و الا قرنجه ده
 سر سلیمان و ذره ده نور خورشید درخشان و قطره ده فیض بحر
 فراون و جرده قیمة لؤلؤ و مرجان رخا کده مسک رایحه فشان وارد
 پس اعتقاد و علم و شهود کمال اوزره اولیحق اعظمیت و اصغریت
 و کلیت و جزئیت برابر اولور نظر ایله که ظاهرده طین امر مهین ایکن

۷ مثلاً وزیر اعظم و شیخ
 الاسلام و قاضی عسکر
 اسمایکده فی الحقیقه سلطان
 اسمایک اسمایک وزیر اول
 اعظمک سلطان اعظمک مراتب
 من مراتب اولان کیمسه لر اول
 من مراتب اسماسنک مظهر لریدر

نفع اهل تصرف ايله جوهره استحاله ايدر و ذکر اولنان اعتقاد و امثاله
وجه ارتباط دیرلر زیرا ارتباط منعدم اولیحق جلب منفعت دخی
حصوله کلمه مثلاً برقتیل سویند کده باشندن بخار چقار اول بخار بر شمعک
نورنه متصل و شعله سنه ملتق اولسه فی الحال اول رابطه ايله استضاءه
ایدوب مشتمل اولور فاما بخار اولسه دیکمه بر علاقه ايله اشتعال
حاصل اولماز و بوندن نور علی نور سری دخی ظاهر اولور یعنی اکوان
کرچه ظلمت محضه در ولیکن مشتمل اولدیغی نور ظلمتک نور قدمه
ارتباطی اولغله ظلمت کون و حدوث نور و جوب و قدم ايله
مستور اولور و انحق نور حق قالور و بوارتباطدن غافل اولان کیمسه
ظلمت طبیعت و تاریکی وجود هیولانی ایچره قالوب بالقولرد یاده
صوطلب ابتدکاری کی اولدخی موجودی مفقود ظن ایدوب بادیة
طلبده سرکردان اولور والله المعین و هو الهادی (و بعض علماء معتبرین
کلماتده کلور که کلمه شهادتی نطق ایتک واجبدر و بر کیمسه ایتک
وجوبی بلسه و نطقه دخی قادراولسه ولیکن تلفظ ایتسه جائزدر که
نطقدن امتناعی صلوتدن امتناعی کی اوله یعنی مخلد فی النار اولیه
زیرا ایمان قلبیه تصدیق محضدر و لسان ایتک ترجانیدر و اظهر اولان
دخی بودر زیرا حدیثده کلور (یخرج من النار من کان فی قلبه مثقال ذرة
من الایمان) و نطق واجبدن سکوت ایتک قلبدن ایمانی ازاله و اعدام
ایتمز فعل واجبی ترکله اذهاب و ازاله ایتدوکی کی انتهی بالمفهوم
پس بومعنا به اقرار ایماندن جزء و یا خود ایتک شرطی اولماز بلکه
احکام مسلمینی مصدق اوزرینه اجرایه شرط اولور حین موتنده
نماز فلق و قبور مسلمین ده دفن ایتک و امثالی کی و بعضلر که اقراری
رکن زائد قلیدلر یعنی ایماندن جز در دیدلر انلره کوره حالت اختیاره
ترک نطق ایدن کافر اولور اضطرارده دکل تکیم قرأنده کلور (الامن
اکره و قلبه مطمئن بالایمان) یعنی اضطرار اودر که کلمه کفر اوزرینه
اکراه و اجبار بولنه و دلالت تصدیق ایچون سائر اعمال جوار حدن
اقرار باللسان تخصیص اولند یغنی سیری بودر که لسان بیان ایچون

مجبور و اقرار و سائر عمل جسددن او ضح و این اولدیغیدر و دیمشلردر که
ایمان برخانه کبیدر و ایتک قیوسنک ایکی مصرعی واردر که تلفظ
بالشهادتین در وارکان بیت درتدر صلوة و زکوة و صیام و حج کی
پس بوییت دینی اقامت لازمدر تا که انده ساکن اولان مؤمن نفس جهنمک
زمهریرندن و حرورندن محفوظ اوله زیرا حدیثده کلور که جهنم الله
تعالی به شکایت ایلدوب یارب بعض اجزام بعض اجزای اکل و افنا
ایلدی پس بکا اذن ویر که ایکی نفس الیم بر نفس قبش ایچنده و بر نفس
دخی یاز ایچنده تا که بوضیقدن خلاص اولیم دیدی پس هر سموم
و حرور و هر برد و زمهریر که واردر ایتک نفسنددر و جهنم که
قیامت کوننده موقفه کلوب فوران و اهل محشر اوزرینه حل ایلسه
کر کدر اول کوننده بیت دین ایچنده مستکن اولان مؤمن کامل ایتک شرر
وسطوتندن امین اولور و حدیثده کلور که (ان القلوب لتصدأ
کما یصدأ الحديد و ان جلاءها ذکر الله و تلاوة القرآن) بوراده پاسدن
مراد ما سوا به تعلقدر که وجه قلب اوزرینه عارض اولوب تجلی حقندن
مانع و انکشاف نور ذاته حائل اولور زیرا قلب حق و خلقتک مجموعنی
قبول ایتمز تکیم قرأنده کلور (ما جعل الله لرجل من قلبین فی جوفه)
پس بر محل که قبول غیره مشغول اوله اول شغله صدأ و کن و قفل و عی
دیرلر و بومعنا که شغل بالغیردر راسخ اولسه رین دیدکاری حالت حاصل
اولور تکیم قرأنده کلور (کلا بل ران علی قلوبهم) و غین که غین معجم
ایله در ریندن اخفدر زیرا بر این مانع ایماندر غین دکلدر بلکه غین فی الجملة
مجاہددر که مؤمنلرده حال رینه کوره اولور حتی حدیثده کلور (انه لیغان
علی قلبی و انی لاستغفر الله کل یوم مائة مرة) یعنی اشتغال دعوت و اختلاط
کثرتدن نور وحدتدن فی الجملة احتجاب حاصل اولوب ایتک غفر و سترنی
طلب ایدر زیرا کرچه شرح صدرک مقتضاسی کثرت ايله وحدتدن
عدم احتجابدر ولیکن کثرتده وحدت مطالعه سندن تجرید و تفرید ایتددر
و یوزکره دن مراد هر بر اسمده اولان مشاهده دن اسم اعظمه ترقی
و جهت وحدت ايله قیامدر انکیچون استغفار ورد دائمدر زیرا

یامها صیدن طاعت ایله ستری طلب و یا خود تلوین و احتجابدن تمکین
و انکشاف ایله اختفایی در خواستدر فاعلم و اعلم و دیمشله که مشاهده
مرتبه سنده ذکر اولماز بلکه ذکر حجاب کوره اولور بوجهت سندن حقل
جلبس اولدیغی وراء حجابدن تجلی مذکور واقع اولدقده ذکر زائل
اولوب وحدت ظهور ایله یعنی ذاکر و مذکور و ذکر نسبتلرنده اثنبیت
وارددر پس نسب مرتفع اولیحق کثرت قالماز و بوندن فهم اولندیکه
بر ذکر وارددر که حضور مع الله ایله در بو ذکر ذاکره منسوبدر زیرا بونده
بقاء رسم و مقام عبدیت وارددر و بر ذکر دخی وارددر که مذکوره مضافدر
یعنی ذکر ایدن مذکوردر ذاکر دکل و بونده حضور معتبر دکلدر زیرا
رسم عبدیت فانی و مظهر یوزندن حق باقی ظاهردر و بو مرتبه به
قرب فرائض دیرلر که عبد حقل قواسی اولور یعنی حقه عبد مظهر اولور
و بو مرتبه به اشارت ایدوب حدیثه کلور (ان الله يقول علی لسان
عبدہ سمع الله لمن حده) یعنی کر چه لسان عبد کدر و لکن قائل و ذاکر الله
تعالی در و بو مرتبه نیک علامتی احتراق لساندر و شیخ اکبر قدس سره
الاطهر کندی نفسندن اخبار ایدوب بر کره بش التي ساعت قدر مستقرا
حق بنم لساندن ذکر ایتدی دیو یور مشلدر و جن ذکر قلبده متمکن
و راسخ اولسه قلب دخی نطق ایدر و ذاکر انک نطقنی اشیدر و کذلک
جمله جسدینک و بلکه جمیع کائناتک توحید و ذکر و نطقنی سماع ایدر
و قلبده ناطق اولان یا ملکدر که ذکردن مخلوقدر و یا خود ارواحدن
بر روحدر که اتی مستلزمدر یوخسه حق دکلدر بعضیلر توهم ایتدکاری
کی زیرا حقل عبد اقرب اولسی ذکرنی مقتضی دکلدر و نظیری قبرده
تلاوت قرآن و یا صلواتدر یعنی بر کیمسه حیاتنده تلاوته و یا صلوته
زیاده مشغول اولسه موتند نصکره قبرنده انک صورتنده بر ملک
و یا بر روح یوم حشره دیک تلاوت و یا نماز قلور و ثوابن اکاهیه ایدر
و اکا اجر غیر ممنون دیرلر زیرا عمل منقطع اولیحق اجر دخی لاینقطع
جاری اولور و بوسر اوزرینه در که قرآنده کاور (والذین هم فی صلواتهم
دائمون) یعنی دنیا ده ذکر متصل اهلی وارددر که حضور دائمی سبیل

صلوة و سائر عبادتلی دخی دائمدر و اجرلی مالانهایه در زیر کمال
اخلاصلی و زندن اجرلی اولوف مرتبه سنددر و دنیا ده عمللی
مستمر و غیر منقطع اولیحق حال بر رخ دخی انک اوزرینه ترتب ایدر
زیر امن وجه بر رخ دنیا ده اتصالی وارددر صلوة مغربک نهاده
اتصالی کی زیرا غروب حیات غروب شمس کی در فافهم جدا
و ذکر قرآندر پس ذکر قرآن نیت ایدر نه ایکی اجر وارددر بری اجر ذکر
و بری اجر قرآن و قبل الوعظ کلمه توحید ایله بدء و قرآن ایله ختم ایتک
عادت مشایخدر زیرا ذکر ابتدائی ده قلوب خلقه ایقاع هیئت ایتک
وارددر که سماع و عظه معیندر و قرآن انتهائی ده فرعک اصله رجوعی
و سقطات کلامه کفارتی وارددر و بعضیلر قبل الدرس قرآن و بعده ذکرله
بدأ و ختم ایدر و ذکر قرآن اولدیغی شمدی مرور ایلدی زیرا لا اله الا الله
قرآندر و لیالی شهر رمضانده اثناء تراویحده تسبیح دخی قرآندر زیرا
قرآنده تسبیحله امر وارد اولمشدر بومعانی بلین تسبیحی امر زائد و یا امر
بدعی قیاس ایدوب قائلنی ذم ایله قرآنی ذم ایتمش اولور زیرا لیالی رمضانده
ملائکه نزول ایدر و ملائکه اهل تسبیحدر تخصیصک و جهی بودر
یعنی اثناء تراویحده تسبیح ایتک نزول ایدن ملائکه به موافقتدر
و تسبیحک اصل صحیحی اولیحق بدعی دخی مرتفع اولور و علماء رسومدن
چوق کیمسدر جهاتلری حسبیلر بلاد اسلامیه دن نیجه عباداتی
بدعتدر دیور رفع ایتمشدر از جمله شام شریفده جامع اموی دن صلوة
رغائبک رفعنه تجسیم ایله متهم اولان ابن تیمیه سبب اولمشدر مع هذا اول
نمازی جامع مزبورده امام غزالی احیا ایتمشدر انکی چون مناره بیضاده
تألیف کتبه مشغول اولدیغی و قتده احباء العلومده صلوة مذکوره بی
درج ایدوب استجابیتنه ذاهب اولمشدر ابن تیمیه نک خود امام غزالی ایله
موازته حدی یوقدر زیرا امام جمیع علومده متفنن اولدیغندن ماعدا
ظاهر و باطنی جامعدر و شیخ محی الدین عربی حضر تلی فتوحات
مکیه ده امام حقنده رؤسای طریقتندر دیو شهادت ایتمشدر و سائر
بلادک حالی دخی ده شقه قیالونه و حدیثه کلور (انما بقی من الزمان

بلا وفتنة) و بعضی دیدیلر که ذا کره لازمدر که معانی ذکره مشغول اولیه
بلکه لوح قلبی الفاظ و معانی نقوشندن ساده ایدوب نفس ذکره مشغول
اوله بلکه ذکره تعبد محض غیر معقول المعنی قله و بوبر عبادتدر که
مأمور اولدیغیم اوزره امتثال الامر الله تعالی اشتغال ایده رم دیه پس
بو اعتقادله ذکر ایدیمک ذکر خاصه سیله و مقتضای حقیقتی ایلله
عمل و تأثیر ایدر و لفظک مدلولنه و اندن حقیقت مدلوله و اسم حاکمه
و مسمایه ایصال ایلر و شیخ شبلی به سؤال ایدوب نه وقتده مستریح
اولورسن دیدکلرنده جواب و یردیکه اذالم ارله ذا کرا یعنی حق ذکر ایدر
کورمدیکم زمانده مستریح اولورم دیدی مرادی یا ذا کرا محجوبدر
و یا حقدن غیر بی ذکر در و یا خود نسبت ذکره نفیدر زیرا ذکر
اثبیت و بقاء رسمی اشعار ایدر تنکیم مرور ایلدی حال شبلی ایسه
غالباً غلبه ایدی فافهم هذا المعنی الدقیق و ذکر الله مجلسلرنده که وجد
و تواجد ایدر لر وجد اودر که مجلسده حاضر اولنلری احساس ایتیه
اگر احساس ایدر سه جلوس ایلله و الا ترک ادب ایتش اولور زیرا
حرکتی حرکت بالله دکلدر بلکه حرکت بالنفس در و متواجد اولدر که
اهل و جده تقلید ایلله و لکن تقلیدی تحقیقه وصول ایچون اوله که
ذوق صحیح و انسلا خدر و لکن بو معنای تسلیم ایتدیلر زیرا نفس
متحرک ایلله حرکتدر بو خسه متحرک ایلله دکل یعنی متحرک حقیقی که
الله تعالی در اگر باطنی تحریک ایدر سه فیها والا کندی نفسی ایلله
متحرک اولمق و بالدر زیرالعجب صورتنده در انکیچون بعضلرینک سمعنه
(اجئنا بالحق ام انت من اللاعین) وارد اولوب ساقط و تأتب اولدی
پس متواجد صادق حالی مسلم اولما یحقی غیرک حالی نه اوله و شیخ اکبر
قدس سره کلماتده کلور که بو عصرده اولان اهل وجد و سماع دینلرینی
لهو و لعب اتخاذ ایتدیلر پس بر مسئله حلال دکلدر که سماعه قائل اوله و اهل
سماع اولان شیخه اقتداء ایلله انتهی بالمفهوم و دیمشلددر که (لا تکن مریدا
الاعمال و لا عالم الاحیاء) یعنی مریدا اولورسک عالمه مریدا اول و هر عالمه دخی
مریدا اوله بلکه بر عالمه مریدا اولکده انک قلبی حیات حقیقه و فیض الهیله

حی اوله تا که صحبت و علمدن سکا فائده اوله و حیات باقیه حصوله کله
و شول اشعار که اصحابی انکله عشق مجازی قصد ایلر اهل الله انک
اسماعنی کرا هت عدا ایتدیلر زیرا ما اهل لغیر الله به) مقوله سنددر اهل الله
نظمی ایسه بویله دکلدر کرک لسان تغزل اوزرینه اولسون و کرک اولسون
زیرا انکرک مراد لری ذکر الله و اشارات حقا بقدر لباس مجازده اولدیغی
ستر ایچوندر پس بو مقوله نک قولی و سماعی حلالدر زیرا (نماذ کراسم الله
علیه) در کرک تغنی ایلله اولسون و کرک اولسون فاعرف جدا
* * (الباب الرابع عشر فی الصلوة) * *

صلوتک شرطی و ایمانک شرطی وضوء در بوراده شرط دن مراد
نصف دکلدر بلکه جزء در تا که (الصبر نصف ایمان) مضمونی اوزرینه
تلفیق حاصل اوله و یا وضوء صلوتک فرائض خارجیه سنددر و نماز
ایماندر تنکیم حدیثده کلور (ان بین الرجل و بین الشریک و الکفر
ترک الصلوة) و قرآنده کلور (و ما کان الله لیضیع ایمانکم)
ای صلوتکم پس انک نصفی طهور او اور و وضوءده تثلیث انبیانک
وامت مرحومه نک خصائص سنددر و مرتان وضوء امه در پس امتک
مت محمدیه ایلله اصل وضوءده مشارکتلری وارد و حدیثده کلور
(هذا وضوئی و وضوء الانبیاء قبلی) بعضی علما بوراده انبیایی حضرت
ابراهیمه تخصیص ایتشددر بو صورتده لام جنس ایچون اولوب جمعیت
مضموله اولور جنس ایسه مادون الجمع ایلله دخی متحقق اولور و لکن
بعض احادیثده و وضوء الانبیاء قبلی دن صکره (و وضوء خلیلی ابراهیم)
دخی واقع اولشددر مکر که عطف تفسیری به محمول اوله بو صورتده تثلیث
انجق ابراهیمک و بوامتک خصائص سنددر اولوب سائر انبیا و امتک مرتین ایلله
اکتفا لری لازم کلور و بو معنی اصح اولمق اظهردر زیرا انبیا تثلیث
ایدوب امتی مرتین ایلله اکتفا ایتک بعیددر و مطلق وضوء بوامتک
خصائص سنددر اولمق ابعدردر زیرا سائر امت نمازی بلا وضوء قلمق اقتضا ایدر
والحاصل اصل وضوء و صلوة و زکوة و صیام و غسل جنابت و امثالی
شرایع قدیمه دندر و ماء بحر له توفی و اغتسال مشر و عدر و لکن آب

عذب ایلله اولق احبدر زیرامال (واذا البحار سجرت) مو جنبه
یوم قیامتده آتش اولسه کر کدر که حیم در بو جهنندن ابن عمر رضی الله
عنهما ماء بگردن توضع یتیموب (یا بحر متی تعود نارا) د بمشدر
و فرعون وقومی دخی بحر قلمزده اغراق اولمشدر در نهر نیلده دکل
زیرا نهر نیل انهار جنتدندر (النار یمرضون علیها غد و اعشیا)
ایسه بجره مناسبدر نهره دکل زیر آب نهره عذبدر وعذب آشدن
بعید در مالخ ایسه بویله دکلدر نظر ایتدکی که کیچه ایچنده سفینه
ایله کیدر کن بحر دن آتش شعله لری کی نسنه لظاهر اولور و آتش
اهل فراقه مخصوصدر انکیچون نیمده رأسه مسح ایتک مشر و ع
دکلدر زیر اسره خاک مناجحق اهل مصیبتک حالیدر نماز ایسه وصل
حق و مناجات باری ایچوندن و آتش کر چه هوا کیدر ولکن عشقه
متصف اولماشدر صوحقنده ایسه السنه ده دیداره عاشق اولوب
چغلیوب افر دیرلر و بر کیمسه نک حاجت ضروریه سی اولسه
اضطراری حالنده حق تعالی به عرض حال یازوب بر نهر جاری به
القایدر پس بوصوسبب وصالدر واصل اشیا دخی اودر (وکان
عرشه علی الماء) تفسیرنده کلور که بوصودن مراد ماء عذبدر و ماء
عذب فیض الهی صور تیدر انکیچون هیچ بر نبی و ولی وقت وحی
والهامده قلبنده مرارت اولد یغی یوقدر که بلکه حال صافی ذوق
وحلاوتدر اشته بو معنا حقیقت بین اولنلرک حالیدر والا دریا نک
آتش اوله سی حالا بالقوه در ظاهرده ایسه بالقوه ایله بالفعل فرقی
وار در انکیچون عصیر عنبی کافره بیع ایتک صحیدر زیر بالفعل خیر
دکلدر پس بو اعتبارله ماء بگردن وضوء درستدر اگر چکه نظر
حقیقتک دخی مواقعی وار در انکیچون حضرت خضرک قتل ایتدوکی
غلام حقنده طبع کافر ادنلدی یعنی خضر بالفعل ایتک معصومیه
نظر ایتیموب زمان آتی و وقت بلوغد کفری حالنه بناء قتل ایلدی
وصبا وقی حالنده وفات ایدنلر حقنده علم الله ده ثابت اولد یغی اوزره
زمان بلوغده نه حال اوزرینه اولاجقلر ایسه ایتک اوزرینه محشور

اولور دبو صحیح بخاریده حدیث وارددر پس آخرتده سکندی
جنتلرندن نبی بعث اولوب امتحان اولنورلر دینلرک قوی حال باطنی
اظهار والزام جنته محمولدر زیر سنک حالک مطلق کفر ایدی دبو قبل
الامتحان ناره حکم ایتک حکمت الهیه به مخالفدر انکیچون قرآنده کلور
(قل فله الحجة البالغة) و بو معنی مذهب اشعریه بی تأیید ایدر که
انلر (انا مؤمن ان شاء الله) دیمکی تجویز ایتدیلر و حال موافقانه نظر
ایدوب علم الهی کوز تیدیلر (ولکل وجهة) حکم دین ظاهره
مبنیدر انکیچون (هل شقت قلبه) وارد اولدی یعنی کافردن کلمه
شهادت صادر اولدقدن صکره قتل ایتیموب ایمانه جل ایتک کر کدر
زیرا خوفندن دیدوکی معلوم دکلدر و وضوءه سر انفصال و صلوتده
سرا اتصال وار در یعنی وضوءن مقصود مناجاته تهیودر بو معنی
ایسه ماسوا دن انفصال ایله حاصل اولور پس صورت وضو ایله
اکتفا ایتیموب حقیقت انفصال ایله دخی عمل لازمدر و تکبیره اولی ده
دخی اللربنی قولقلری برابرینه رفع ایتک طرح ماسوایه ناظر در که
بالفعل سر انفصالدر و دیمشدر در که حالت نوم غفلته و حالت انتباه
یقطه و بصیرته اشارتدر پس وقت انتباه اشداء قلبک انتباهی کیدر
بعده وضویه حرکت توبه و انا بته اشارتدر بعده تکبیره اولی
توجه جناب الهی صورتیدر اشته ابتدادن بو محله کلنجه عالم ملک
ونا سوتدن عبور ایدوب عالم ملکوته د خولدر بعده رکوعه انتقال
عالم جبروته نجاوز واندن سجده به انتقال عالم لاهوته وصولدر که
مقام فناء کلیدر و بو مقامده وطن اصلی به وصول حاصل اولور بعده
سجده دن قیام حالت بقایه اشارتدر که و رایه رجوعدر و بوندن صورت
نزولده عروج و صورت عروجده نزول وارددر فافهم و رکوع مقام قاب
قوسین در که مقام صفات و ذات واحدی در و سجده مقام اوادنی در که
ذات احدیه در و حرکات سته که قیامدن رکوعه واندن قومیه به
واندن سجده اولی به واندن جلسه به واندن سجده ثابیه به واندن قیامه
حرکتدر الله تعالی نک سموات وارضی الی کونده خلق ایتدیکنه اشارتدر

۹ سجده بدر که فناء داندن
سجده ثابیه فناء داندن فناء
اشارتدر و بو معنا زیاده
مطلوب اولغله سجده بی
تکرار ایدوب رکوعی متکرر
اولدی

پس نمازك بر كعتنه اول سلو كدن آخر بنه دك اشارت وارد و وضوء
يعني ماسودن انفصال تام اولسه در جات مذكوره حاصل اولماز
وحياء ايمانندن شعبه اولق اكاناظر در زيرا ايمان نماز در تكيم مرورايتدي
وحياء وضوء ده غسل وجه در يعني غسل وجهه فرض بودر كه
الله تعاليدن حيا ايله سك تا كه سني امر ايتدوكي برده بوله ونهي ايتدوكي
مخلده كور ميه و امر ايتدوكي تجرد ونهي ايتدوكي تعلق در زيرا طالب
معراج معنوي اولان سالك ذروه مراده تجرد وترك تعلق ايله واصل اولور
و غسل وجهه سنت اولان خلوتده كشف عورت ايدوب بلا ضروره
موضع ادبه نظر دن حيا در و كندى نفسنده حال بو اوليحق غيرك
حقنده بطريق الاولى در كر كسه اول غير منكوحه سي و جاريه سي
اوسون زيرا كوزده ويوزده اولان حيا بودر بونك سري بودر كه
انسانك يوزى حقيقت جامعده در و كوزى آلت نظر در پس حقه
ومظاهر حقه نظره سزا اولان كوزى او مقوله قبح نسنه به آچق
ترك ايدن و بلكه عماي بصيرت در اكر چه شرعه تجويز اولمشدر
لكن التقوى فوق امر القنوى و رسواللهت وضوسندن متطايير و منصب
اولان قطرات طاهر ايدى بوسيدن صحابه تبركا انكه تمشح ايدر لردى
فاما غيرك وضوسندن متطايير و منصب اولان حقنده امام مالك طاهر
وطهور در ديدى و امام شافعى و امام محمد طاهر و غير طهور در ديدى
و امام اعظم لا طاهر ولا طهور ديدى زيرا ماء الذنوب در كه متوضى نك
كاهلرى اول غسله ايله افار كيدر و لكن بوقولده نوحا شبهه وارد
زيرا الله تعالى مشركر حقنده (انما المشركون نجس) بيوردي مع هذا
مشركت مس ايتديكي نسنه طاهر در زيرا عيني نجسه دكلدر بلكه
نجس اولان كفر يدر كه انك صفتيدر بناء على هذا ماء وضويه ذنوب
مختلط اولوب نجس اولماز زيرا ذنوبك نجاستى امر حكيمدر حسي دكل
و از باب حقايق امام مالك قوليله عمل ايدوب ماء مستعمل طاهر وانكه
طهارت ايتك دخی جائز در ديدلر زيرا اجترارده حرج عظيم وارد
و كافر ك بدن نجس اولمديغى صورته مؤمنك بطريق الاولى در

حتى بعض محققين ميت حقنده طاهر در وانى غسل ايتك توهيم نجاستدن
اوتور يدر ديدلر فافهم و قلا يسز باقر قابدن توضى ايتكي ابن عمر
مكر و هدر ديدى پس قلا يلى اولسه بلا كراهه جائز در
و هواسى بارد اولان امكندده ماء مسخن يعني آتشده اصممش صوايله
وضوء و غسل ايتك مرخصدر و دوام وضوء سنن اخيار در در
خصوصا كه اوقات بارده ده اسباج وضوء كفارات در در تكيم
معاذ بن جبل رضى الله تعالى عنه روايت ايلر كه بر صبايح رسول الله
صلى الله تعالى عليه وسلم صلاة فجر دن محبتس اولوب طلوع شمس
قريب چيقدلر و اقامت اولنوب خفت اوزره اداد نصكره صغلي بكرده
طور بكنز متفرق اولما كز ديو بيورديلر و بعده اصحابه متوجه اولوب
باعث احتباسد بيورديلر كه اصحابم بو كيجه مقدر اولان وقتده قيام
ايدوب نماز ايجنده ايكن نوم هيئتي كى انسلاخ واقع اولوب ربمى احسن
صورته كورد كده بيورديكه يا محمد بن دخی ليك ر بى ديو اقبال
ايتد كده (فيم يختصم الملاء الاعلى) بيوردي يعني ملائكه مقر بون
نه مقوله اعمالده اختصام ايدر و قنغى عمل افضلدر ديو برى بريله
صورت منازعه قبلور بيلور ميسن بن ديد مكه (لا ادري يارب) حق
بيورديكه كفارات و در جائده اختصام ايدر لر يعني سبب كفارات و باعث
درجات اولان عملدره اداره كلام ايدر لر بن ديدم يارب كفارات ندر
حق بيورديكه (مشى الاقدام الى الجماعات والجلوس فى المساجد
بعد الصلاة واسباج الوضوء على المكروهات) يعني يا غيله يور يوب
جماعته چقماق و ضرورت قويه اولمديقه دابه يه راكب اولماق زيرا
مشى اقدامده فضيلت زياده در و بردخی اداء فرض ايتد كد نصكره
مسجده اوتور و بذكر و تسبيح ايتك زيرا مسجده بلا ذكر ولا صلاة
قعود ايتك مكر و هدر و اعتكاف دخی بونده داخلدر زيرا انده دخی
تنظار الصلاة بعد الصلاة وارد و بردخی احوال مكر و هه اوزر بنه
اتمام وضوء ايتك يعني ياهوا بارد اولمغله و يا غيرى طبعنه ناملايم حال
و ارايكن اكاهالات ايتيوب شان وضوءده اهتمام و اتمام و اكمالنه اعتنادر

الحاصل کر چه کفارات ذنوب اولاجی اعمال چو قدر فاما اعمال مذکوره افضل مکفراتدر بعد دیدم یارب درجات ندر حق بیوردیکه (طعام الطعام ولین الکلام والصلوة باللیل والناس نیام) یعنی بواعمال ثالثه خصوص اوزرینه موجب درجات عالیہ در فاعمل بها و امر (تعبدده افضل اولان صلاتدر انکیچون حضرت رسول الله قیام لیلی سور و واقع اولان حوادثه تجدید وضوء ایدوب نمازه قیام کوسترلر ایدی و نمازده محازات الهیه واقع اولغله قفالرندن دخی کورلر ایدی حضرت موسی طور ده هر جانبندن کلام حق اشتدیکه کبی اذان واقمته تکریر تکبیرده سرالهی بودر که ابتدا که الله اکبر دیه بو کلام مفاضله ایچوندر یعنی کر چه الله تعالی ذات وصفاته دلالت ایچون اشیاء عظیمه خلق ایدوب تعظیمی ایله دخی امر ایتشد در زیر شعائر الله در ولکن موجدی اندن اکبر واعظمدر زیر مبدء عظمت کلد و ثانیاً که الله اکبر دیه بوراده اکبر زیاده مطلقه ایچوندر کویا که اولکی مرتبه دن ترقی ایدوب دیر که اشیانقدر عظمت ایله منصف اولسه ده ینه مسبک سببه افتقاری کبی موجدینه افتقاری وارد و کندی نفسنده عظمتی اولیان نسنه نک عظمتی عرضدر که حکم زوالده در پس الله تعالی اکبردر یعنی علی الاطلاق کبردر که عظمت ذاتیه وصفاتیله انکدر و غیرک انده اشتراکی یوقدر بوندن فهم اولور که اشیادن هیچ برشیده شرف ذاتی یوقدر زیر افتقارله متصفدر و شرف ذاتی دید کلری اعتبار یدر تکیم قرآنده کلور (تلا من عند الله) یعنی تزلک ذاتنده فحاشی افراد جنسد کوره در و حقه اضافتی شرف زائد و برشدریت الله و امشالی کبی ولکن بیتک سر وحدتی احتوا سی شرف ذاتیسی و مهبط ارواح و مطاف اصفیا اولدیغی شرف عارضیسیدر و مصلی اوزرینه قرائت قرآن واجب اولدیغیک سری بودر که قرآن جامع دیمکدر صلاۀ دخی الله تعالی ایلله عید اراستنده حالت جامع در انکیچون وضع یدین ایدر زیر صلاۀ الله ایلله عید اراستنده مقسومه در که سورة فاتحه نک نصف اولی

حقه راجع ونصف ثانیه که اهدنادن آخرینه دکدر عیده عائددر واورناده (ایاک تعبد وایاک نستعین) ایکیسنی جمع وضع ایتشدرا انکیچون ایکی النی وسطه منم وبری بری اوزرینه وضع ایتک لازم کلدی و آیات فاتحه ارازنده وقف و سکوت اقتضا ایلدی زیر عید (بسم الله الرحمن الرحیم) دید کده حق تعالی بیورر که (ذکرنی عبدی) وصل ایتسه تزلک ادب ایتش اولور که کلامی کلامه خلط ایلله عدم سماعدر و عید (الحمد لله رب العالمین) دید کده حق تعالی بیورر که (جدنی عبدی) و عید (الرحمن الرحیم) دید کده حق تعالی بیورر که (اتی علی عبدی) و عید (مالک يوم الدين) دید کده حق تعالی بیورر که (مجدنی عبدی) اشته بو نصفک جمله سی خالصا الله تعالی نکدر و عید (ایاک تعبد وایاک نستعین) دید کده حق تعالی بیورر که (هذا بینی و بین عبدی) یعنی بو معنی عید ایلله الله تعالی اراستنده مشترکدر و عید (اهدنا الصراط المستقیم صراط الذین انعمت علیهم غیر المغضوب علیهم ولا الضالین) دید کده حق تعالی بیورر که (هؤلاء لعبدی و لعبدی ما سأل) یعنی اولکبسی خالصا الله تعالی به راجع اولدیغی کبی بودخی خالصا عیده عائد اولوب دعاسی مستجاب اولور و مسئولی حصوله کلور و بوندن سورة فاتحه نک نمازده قرائتی واجب اولیق لازم کلدی پس هر مصلی آتی اوقومسه صلاۀ مقسومه مذکوره ایلله نماز قیلش اولماز و نماز مناجاتدر تکیم حدیثده کلور (المصلی یناجی ربه) بوجهندن نمازدر کرحقدر زیر مناجاتده البته ذکر حق لازمدر وذاکر جلوس حقددر تکیم بیورر (انا جلوس من ذکرنی) و برکسمه ذوبصر اولسه لابد جلوسنی کورر واکر کورمسه باری کورر کبی عبادت ایلله که اکار ویت خیالیله دیرلر و بور ویت مشاهده روحانیدن ادنی و ایمان غیبی مرتبه سندن اعلا در و عید حق تعالی بی قبله سنده اولمغی تخیل ایلله مأمور اولدیغی احاطه دن عجزی ایچوندر و هر مصلی ام قرآنی و سائر آیات و سوری عذر قعود اولمغی هر کعتمده قیامده اوقور یعنی فرائضده زیر قیام حرکت مستقیمدر و استقامت

مطلوبه و مأمور بهادر نتکیم قرآنده کلور (فاستقم کما امرت) وینه
 کلور (ثم استقاموا) وبردخی (اهدنا الصراط المستقیم) دیمکله
 مأمور اولمشوزدر پس هر کس عتده قیامده استقامتی طلب لازم کلدی
 واستقامتدن مراد قلب وقالب و قول و فعل ایله استقامتدر که
 استقامت اعتدالیه در یعنی هر نسنه ده افراط و تفریطدن حذر
 ایدوب طریق حقده اعتدال اوزره یور ییوب کتمکدر و بومعناده زیاده
 صغوبت اولمهله رسول الله علیه السلام (شبیثی سورة هود) پیوردی
 زیرا (فاستقم کما امرت) آیتی سورة هودده واقع اولمشدر وهر مصلی
 امامدر زیرا منفرد اولدیغی صورتده دخی اکا ملائکه اقتدا ایدر
 وامامت مراتب رسالتدندر ورسول نائب حقدر بوجهتدن الله تعالی
 لسان عبداوزرینه (سمع الله لمن حمده) دیدکده ملائکه وسائر
 حاضر اولنلر (ربنا لك الحمد) دیرلر پس مصلینک علو درجه سی
 بوندن معلوم اولدی واول مصلی که بودرجه دن غافل وادنی الامر
 اولان رؤیت خیالیله دن عاطلدر اول کیمسه فی الحقیقه مصلی دکلد
 وحقیقتده صلاة اودر که (ان الصلاة تنهی عن الفحشاء والمنکر)
 موجبجه انده فحشاء یعنی رؤیت غیر ومنکر یعنی رؤیت نفس اولیه که
 بونلر مغایر صلوة اولان امور دندر وصلوتک قره العین اولدیغی
 مشاهده محبوب ایله در و بصیر مصلی مقام رؤیتده مستقر اولسه
 اطرافه غیره التفات ایتمز انکیچون صلوتده التفاتدن نهی اولندی زیرا
 اختلاس شیطاندندر ورؤیت دخی کرک مجالی صوریه ده اولسون
 موسی به صورت نارد ورسول الله صورت شابامرده واقع اولان
 تجلی کبی وکرک مجالینک غیریله اولسون تجلیات ذاتیه ذوقیه معنویه
 کبی زیرا انسان کامل حق صرفی ادراک ایلر غیر بسی بوا دراکندن
 قاصر در و بومقامک بیانی بودر که الله تعالی مطلوب و محبوب اولمق
 انسان کامله واکا ذوقده مشارک اولان افراده مخصوصدر زیرا نور
 وجود کرچه هر موجود ایچون حاصلدر ریشه علی هذا طلب حقده
 قاصر اولور زیرا بلدم وواصل اولدم دیوزعم ایدر فاما انسان کامل

وامثالی ملابس تعین ده حتی ادراکد نصکره مراقی اطلاقده دخی
 مشاهده سنی طلب ایدر وقوت استعدادی جهتیه طلب مذکوره
 متأهلدر غیر یلرک مطلوبی ایسه یا شهود حق ویا دوام شهود
 ویا مرتبه قرب ویا معرفت ویا کندنه آنده سعادت اولان نسنه به
 فوز ویا روح ویا جیه ملایم اولان امره نبل ویا غیره ملایمی ازاله
 ویا بونلرک امثالی در بومطالعی طلب ایسه مرتبه اطلاق ملاحظه سیله
 اولان طلبک غیر یلدر پس غیر متأهل اولان کیمسه ادراک بسبب
 و مجرد ده اعتبار قیود وحبشیاته محتاج و مشاهده ده مرآی متعینه به
 مقتدر و شولکه محازات و مرآتیت صحیحه به متأهل اوله صفات
 وحالات وآلانه محتاج اولمبوب حقیقت مجرد بی و بسبب صرفی
 علی ماهو علیه ادراک ایلر کرک اول مدرک محض تعین اجالی ایله
 متعین اولسون وکرک جمیع تعیناتدن مطلق اولسون زیرا انسان
 حضرت الهیه و حضرت کونیه نک مجعیدر یعنی حقیقت انسانیله
 ایکسنه دخی مرآتدر و حضرت الهیه نک حکمی اطلاق و حضرت
 کونیه نک حکمی تقیددر پس احدا لوجهین که اطلاقدر تجرید قیودده
 قوت بولسه حق مطلقه دخولی حصول بولور و شولکه بوعالمسز حتی
 ادراک ممکن دکرکدر دیرلر بومعنی عروج کوره در زیرا مألوه یعنی
 عبد ابتدا اتاردن اله مؤثره انتقال ایدر که اکا توحید اطلاق اولنور
 آندن تجریده ترقی ایدر که (من عرف نفسه فقد عرف ربه)
 اکا ناظر در زیرا تجلی آفاق تجلی انفسده مندرج اولیحق ایکسشک
 معرفتی معرفت واحده اولور انکیچون من عرف الافاق دیمدی بلکه
 قصر مسافه قلدی ونفسی تخصیص بالذکر ایلدی زیرا حقده
 قریبدر که مرتبه اسم رب در الحاصل عرف الله دیمدی زیرا نفس
 مر یوب اولدیغی جهتدن اسم مذکور یولی ایدر و بواسطه دخی الله
 اسمنه مرآت واقع اولمشدر و چونکسه انفسدن دخی ترقی ایدوب
 بعدا تجرید تفرید بوله وایکی مرتبه دن بله منقطع اوله عین ثابته سی
 مرتبه سندن سر مجرده ترقی ایدوب توحید و تجریددن حاصل اولان

مایه معا و نیتله حق مطلق ادراك و مشاهده به صاعد اولور و بومقامی
 بود و ق اوزرینه ادراك ایدن الحاد و انکار دن قور تبلور و الحمد لله
 تعالی (و وجود عالم حرکت حقیقه معقوله دن حاصل اولمغه
 صلوتده اوج دورلو حرکت وجودیه طبیعیه بواندیکه
 اولکی سی حرکت مستقیمه در زیر صلوتده اولان قیام سفلدن
 علوه علی وجه الاستقامه حرکت ابله متحقق اولور و استقامت
 اولدریکه راس انسان سمایه صاعد در پس قیام حال انساندر
 وایکجیبسی حرکت افقیه عرضیه در طولیه دکل و افق اول
 دایره در که فلیکدن مرتی اولان ابله غیر مرتی فلیک فیصل ایدر
 و بوحرکت حال رکوع در زیر مصلی رأسی جانب افقه تحریک
 اتمدیکه رکوع حاصل اولماز و انساندن ماعد اولان حیوانک
 حرکتی حرکت افقیه در زیر نموده اولان حرکتی جانب افقه اولمق
 سائر حرکتدن اظهر در و اوچجیبسی حرکت منکوسه در که حرکت
 مستقیمه نك ضدیدر یعنی علودن جهت سفله حرکتدر حرکت
 نباندر زیر نبانک رأسی اصلیدر که آنکله تغذی ایدر پس نبانک
 حرکتی منکوسه اولمق ذاتنک انتکاسی حسبله در والا نفس حرکت
 مستقیمه در که اسفلدن اعلایه طوغری نموو صعود در و بویله دیک
 دخی جائدر حرکت مستقیمه قدمدن رأسه و منکوسه رأسدن قدمه
 اولان حرکتدن عبارتدر بوضوح حرکت منکوسه بلاناً و بل اولور
 و حرکت منکوسه حال سجده به اشارتدر زیر سجده انتکاس ابله
 متحقق اولور پس بواج نسنه نك که انسان و حیوان و نباتدر نمو
 و حرکتی وارد در و جادک یعنی نموی اولیان نسنه نك حرکت ذاتیه سی
 اولماز بلکه آنک حرکتی قسریه در و مرتبه جاد تشهدی مشتمل اولان
 قعده آخیره به ابعاد که انده حرکت بوقدر و بومرتبه اعلائی
 مراتب شهود در که مستقرکل اولیادری کمال بومرتبه دن
 تحریک اتمزل وابدال ایدن اندن مفارقت قلزل وحقایق عالمده
 ساری اولان حرکت وجود اوچدر اولکی سی حقایق عده مدن

وجوده نقل ایچوندر که حرکت منکوسه در یعنی اعلائی علین اولان
 تعین اولدن اسفل سافلین اولان صورت عنصریه انسانیه به حرکتدر
 وایکجیبسی حرکت مستقیمه در که اسفل سافلین دن اعلاء علینیه
 نقل ایچون حرکتدر زیر انسان مبدأ اوله رجوعه مستعد در که
 آندن انشا ابتدوی اصلدر و دیشلدر که (کل شیء يرجع الی اصله)
 ولکن انسانک رجوعی سلوکه در غیرک حالی بویله دکلدر
 و اوچجیبسی حقایق افقیه دن هر حقیقتی کمالیه ابصال ایچون
 حرکتدر که حرکت افقیه در زیر امر وجود دوریه در که هر نسنه حقه
 متهدر خطیه و مستقیمه دکلدر انکیچون جسم اولکی فلیکدر
 مدوردر و مصلی نك حرکات ثلاثی ذکر اولانان حرکات وجوده
 اشارتدر پس مصلی بوسر اوزرینه حرکت اتمدیکه سعی لازمدر
 و نمازده سجده جله احوالدن افضلدر زیر وصل حقه اشارتدر که
 مطلب اعلا اولان دخی غایت تذللدر که اول تذلل سجده ده موجوددر
 و وصف ارضده کلور که (هو الذی جعل لکم الارض ذلولاً) یعنی انسان
 ذلیل وجه ارضه باصمقله ارض ذلیل اولدی پس ارضک جبر
 خاطر ایچون اشرف اعضا من اولان بوزیمزی یره سورب سجده
 اتمدیکه مأمور اولدی انکیچون انسان اول حالده سائر احوال صلوتدن
 اللهه قریب اولدی زیر غیرک حقنه سعی ابتدییکی جبر خاطر
 ارضدر نفسک حقنه دکل و بوسعی کبار محققین سعی نفسدن
 افضل طوتدیلر زیر آنده مجاهده و بی غرض اولمق وارد در بوسیدن
 حضرت خضر آب حیات و اصل اولدی زیر عسکراسکندر ایچون
 صوطلبنده ایدی و جزا عمل جنسندن در دید کاری بودر انکیچون
 صائم (کلوا و اشربوا هنبأما اسلقتم فی الایام الخالیه) دنلسه کرکدر
 زیر ادنیاده اکل و شرب بی ترک ابتدکلرینه مکافات اودروناره دخولی مقدر
 اولان مؤمن عاصبنک مواضع سجودنی ناراکل اتمدیکه حدیثده صریحدر
 پس اول مواضع قابل احتراق دکلدر سمندل و یاقوت کبی و حدیثده کلور
 (امرت ان تسجد علی سبعة اعضاء علی الجبهة والیدین والركبتین

واطراف القدمین) وائف جبهه ده داخل در زیر عظمی بر در پس
انف و جبهه نك مجموعیله سجده کر کدر اگر انف اوزرینه اقتصار ایسه
بلا عذر ایسه جائز دکلر و اگر جبهه اوزرینه اقتصار ایسه
بلا عذر ایسه جائز مع الکراهه در وصولته کلام حرام اولدی
صومده دکل زیر صومده ممنوع اولمده حرج وارد در حرج ایسه
بوامتن مرفوعه در انکیچون امم سالفه بونک عکسنه ایدی یعنی صلوتده
سویلتک حلال و صومده حرام ایدی و اقوال صلوتدن افضل اولان
ذکر الله در تکبیر حق تعالی بی قید جهات و تحولات مختلفه دن تنزیه در
و تسبیحات ثلثه مشروعه اولدی که اولکبسی حس و ایکببسی خیال
و اوچببسی عقل ایچوندر یعنی الله تعالی کر چه مصلی نك قبله سنده در
ولکن حس و خیال و عقل ایله مدرک اولمده منزه در زیر اوصفی
ایس کشفه شی در پس تشبیه و تخییل و تصور نفس انسانیه راجعه در
حقه دکل و اصناف ارادتدن نیت مفضل اولدی زیر عملک قبول
ورد نده حکمی وارد و عامل اولیانی اجرده عامله الحاق ایدر و اعمالده
اولان نیتی ملک بلز بلکه الله تعالی بیلور انکیچون هر عمله کوره باشقه
سدره المنته اواردر و بعضی اعمال خفیه وارد که الله تعالی انی لوح
و قلم مرتبه رتبه ترقیه ایدر و بلکه علمنده مکنون قالور و ملک اندن
بی خبر در زیر تصرف ملک ظواهره کوره در و نیتک شرطی اخلاص در
و اخلاصک حقیقی شرک خفیه دن خلاص بولمده و شرک خفی
معدومی موجوده شریک قلمدر نیکیم قرآنده کلور (وما یؤمن اکثرهم
بالله الا وهم مشرکون) و جمیع اشیا فی الحقیقه معدومدر و ذنب وجود
دیدکاری وجودده تعددی توهم ایتمکدر پس اگر کنیدی وجودی
و اگر غیرک وجودیدر جمله سندن غائب اولوب وجود و احداثیات
ایتمکده اخلاص حاصل اولماز و حضور فی الصلوة دیدکاری نیتک
اجزاء صلوت اولندن آخرینه دک استصحابی در انکیچون دیمشدر که
مصلی قلبدر زیر اکثر ناسک قلبی بی حضور در و بعضی ارباب
مشاهده حسن ظن ایدوب دیمشدر که نمازک ظاهر و باطنی برینه

شقیه در یعنی حرکات ظاهره سبب اولان باطنده نیت و اعتقاددر و نیت
ابتدا کمال صلوته تعلق ایتمشدر انکیچون حکمی جمیع اجزاء صلوتده جاری
اولوب انشاء صلوتده واقع اولان و سوسه و غفلتک نقصی نشاء صلوتده
تأثیری اولوب حکمی مرفوع اولور (ان الله بالناس لرؤف رحیم) و فرض
عبادات وقت شروعده حضور حقدر و سنن عبادات حضور مکلف
فی العباداتدر مکلف اولدیغی جهتدن و فوق الكل امر مرغوب اولان
حضور فنائی در که جمیع افعاله احکام عبادته حق متولی اوله و مصلی ده
اصلا تصرف اولیده و دیمشدر که عند العارف حضور ایله ایکی رکعت
نمازدن جهنمه دخول اهوردر پس سهو باطن دیدکاری غفلتدر
و نمازده اکثر سهو شیطاندر انکیچون اول سهو سجده ایله مجبور اولور
که سجدهده شیطان مصلی به قریب اولماز اگر قریب اولسه سجده
سهو ده دخی سهو جائز اولوب امر مسلسل اولمق لازم کلور انکیچون
سجود سهوده سهو ایدن حقنده جبر مشروع دکلدر و بالفرض
سهو واقع اولسه شیطاندن عد اولتماز و شیطاندن اولمیچق ترغیم
دخی حاصل اولماز زیر ترغیم سهو و فعل شیطاندن اولان موضعه در
و سلامده اصل بودر که مصلی مناجی حق اولدیغی جهتدن جمیع
اکواندن و حاضریندن غائب اوله بوضو رتبه صلوتدن فراغ و مشاهده
اکوان و جماعته انتقال ایتمک مراد ایدیچک قادمک سلامی کبی انلره
سلام و برر زیر انلردن غائب ایدی قادمک اهلندن غیبی کبی وشول
مصلی که نماز ایچنده اکوانله حاضر اوله حاضر حاضر نیچه سلام
و برر ظاهرده سلامی ایسه بن حق تعالی قشده ایدم هنوز سزه
حاضر اولدم دیمکی اشعار ایدر بوا یسه کذبدر عارف مشاهدک سلامی
ایسه بویله دکلدر بلکه آنک سلامی بر حالدن بر حاله انتقال ایچوندر
آنکیچون ایکی کره سلام و برر که بری منتقل عنه ایچون و بری دخی
قدوم اتدوکی کیمسه ل ایچوندر نیکیم خلق ارا سننده دخی جاریدر که
بری مجلسه داخل اولدیغی زمان اهل مجلسه سلام و برر دیمکی کبی خارج
اولدوخی وقتده دخی سلام و بروب تودیع ایدر و حق تعالی کر چه

اهل مشاهد ايله هر موطنده معتله در ولكن صلوتده اولان ايكي
 تسليمه مراعات مراتب ايجوندر مرتبه دن مرتبه ايسه شهود
 وحضور يوزندن فرق واردر زير اسلام خلقه رجوعدر که فرقد
 وصلوته دخول حقه رجوعدر که جمدر وهر مقامك حضوري
 بر دور لودر فاعرف جدا (وديمشدر که تکبيره اولی بر وسلام ايکي
 اولدی زیرا توحيدله حقه دخول واثبیت ايله حقندن مفارقت
 حاصل ولور وديمشدر که ايام وليالي صحائف کيدير ونيات وقصود
 اقلامدر وعاملر کاتلردر وایمان مداددر زير مداد ایمان اولسه
 نقوش اعمال صورت بولماز وعباده عدم مرؤت ومعامله حقه قلت
 نهضت اولغله سلاسل ايجاب ايله انلری طاعته جرایدوب تسهیل
 وتخفيف ايجون اوقات دخی تعیین ایشدر اوقات صلوة و زکوة وصیام
 وحج کي فاما ما سوا الله دن حر اولنلر تکلیف الهی بله اولسه
 حرمت الوهیت ور بویت ايجون تعبد ایدر لر واجرت قیدنده اولمازلر
 زير انلر عبيددر اجرادکل و بونلردر که زنجير زرايله بهشته جراوانلور
 زير مطلوبلری مخلوق دکل بلکه خالقدر تکيم حد یشده کلور
 (عجب ربك من قوم يساقون الى الجنة بالسلاسل) واداء واجبات
 عبودیت محضه در ونوافل طاعانده روايح دعوی اولغله بعض
 اهل الله تقلیل نوافل ايتديلرو بعضيلردخی مشوبات عباداتی غیره
 هبه ایدوب کند يلر ايجون برسنه ادخار ايتديلر بلکه فضل حقه
 استاد ايتديلر که انلر مفلسون ديلر وعند الخفيه کفار اصول شرابع
 ايله مکلفدر فروعله مخاطب دکلردر زير فروع اصول اوزرينه
 مبیدر پس اصولك وجودی اوليحق فروع نه اوزرينه تأسيس اولنور
 فاما بعض خفيه وجيع ار باب حقایق عندنده اگر مؤمن واکر منافق
 واکر کافر جمله سی اصول وفر وعله مکلفلر و يوم قیامتده مجموعيله
 مواخذلر در الحاصل کافر کفرندن اوتوری مؤاخذه اولديغی کي ترك
 صلوة وغیر فروع ايجون دخی مؤاخذه واردر پس واجبدر که هر وقتده
 اصول شرابع وفروع عبادات محافظه اولنه وديمشدر که فرض ايکي

وجهله در بر فرض واردر که الله تعالی انی عبادی اوزرينه ابتداء
 ايجاب ایشدر صلوة و زکوة وصیام وحج وطهارت کي وبوفرضك
 فعلی اوزرينه وعدوترکی اوزرينه وعيد قومشدر وبفرض دخی واردر که
 عباداتی کندی نفسلری اوزرينه ايجاب ایشدر یعنی مزاجه
 ربویت ایدوب نذرايتشدر ونذر کرچه قربت مشرعه در فاما الله تعالی
 (فعال لما يريد) در که ايجاب ايتديکي نسنه بی ديلرسه اشلر و ديلرسه اشلر
 و اشلديکي تقدیر اوزره اکا لوم يوقدر و ايجاب ايتديکي محضا وعد
 مؤکدنی تصدير و عباداتی اطمینان اوزرينه تقریر ايجوندر فاما عباد
 نذرلری وجوده کتور مسهل معاقب اولورل ونذر ايتك بخيل اولنلرک
 شایدر انکيچون اهل الله دن نذرته صادر اولورل زير اهل اللهک
 شانی بودر که برخصوصده داعيه قلبیه اولورسه انی ايجاب الهی
 حکمنده بلوب اشلرل والا رباب عموم کي عمل وتکلف ايتزلر وداعيه دل
 اولديغی صورنده کرک انی لسانه کتوروب نذر ايتسونلر و کرک نذرايتسونلر
 ايتک فعلی اوزرينه واجب الهی اجرن بولورل زير اکنديلری صورت
 الهیه اوزرينه خلق اولنوب سر خلافت ايله متحقق اولمشدر در
 پس اول ايجاب فی الحقیقه حقه مضافدر انکيچون ديمشدر که
 انسان کاملدن صادر اولان اقوال وافعال شریعتدر پس مقلد ومعتمد
 اولانلر انکله عمل ايتك شرعه عملدر والهام حجت دکلدر دیدکری
 عامه به کوره در نظر ایلکه سلاطین صورتك قول وفعلی قانون اوليحق
 سلاطین معنائك نيجه اولمق کرکدر و بوراده قانون ديمك قانون شرعدر
 زير اهل الله دن مطلق قانون صادر اولماز شول جهتدیکه بعض
 قانون ظاهر شرعه مخالف اولمق محتملدر وصور واجباتدن غیري به
 نوافل دیدیلر واکر نافلهك فرائضده صورنی یوغیسه اکا بر دیدیلر که
 عمل مستقلدر واجرده باشقه مرتبه سی واردر وحق تعالی کمال کرمندن
 نشاء فرائضده سنن ونشاء سنن ده فرائض قودی تا که يوم قیامتده
 فرضك نقصاننی فرضله وستك نقصاننی سننله تکميل ایدوب عبادی
 نقصانندن تخلص ایلده وديمشدر که فضل انسان اتباعده در

ابتداء عده دکل زیرا ابتداء عده نوعا تقدم و سیادت وارد در متعبد به ابتداء
قبوسیدر که اوقاتنی سنن و فرائض مشغول قلسه انک بله عده سندن
خروج قادر دکلدر و لکن (من سن سنة حسنة) حدیثی موجب
فی الجملة رخصت وارد حتی امام شافعی دیمشدر که (من استحسن فقد
شرعه یعنی بر کیمسه بر سنت حسنه مسنون قلسه اول سنه مشروعات
معمول بهادن اولور زیرا حسنه اودر که نصه مخالف اولیه و سنت
مأثوره به مصادمه قلیسه والاسنت سینه اولور بعض ابائی فاضله ده
احیا ابتدکاری نوافل صلوة مستحبانددر تکیم امام غزالی احیا ده
وامام مکی قوت القلوب ده ذاهب اولمشدر بدعت دیدکاری فحش
اقتضا بتمز تکیم حضرت عمر رضی الله عنه تراویح حقنده (نعمت البدعة
هذه دیمشدر) واصحابک بدعتلری مستحسن اولق غیرک شرعه موافق
اولان بدعتلریک مستقیج اولسنی موجب دکلدر زیرا (علیکم بسنتی
وسنة الخلفاء الراشدين من بعدی) وارد اولدی (مارأه المؤمنون حسنا
فهو عند الله حسن) دخی صادر اولمشدر بوابسه الی يوم القيام اکامل
مؤمنین و افاضل مسلمینه شاملدر و بومقامده و هر عصرده علماء رسوم
چوق کیمسه قیاسات فاسده ایراد و کلمات کاسده اصدار یله طریق
معوج جرح ورده سلوک ایدوب تعصیلر کوسزمشدر فاماراه راستدن
منحرف اولدقلرنده شبهه یوقدر زیرا عقول ضعیفه اهلیدر صکه
کشوف قویه اربانه مانعتلری قله ادراکلرنددر و بومقوله اصحاب افکار
وار باب انکار حقنده فراعنه اولیاود جا جملة عباد الله الصالحین دیمشدر
نعوذ بالله من فساد الاعتقاد وسوء ظن با کابر العباد و کتب معتبره ده
کلور که رسول الله ک قیام لیلی زیاده حسن طول اوز رینه ایدی
بر وجهله رکوعی قیامنه و قومه سی دخی رکوعه قریب ایدی بوندن
فهم اولور که قومه رکوع وسجود اراسنی فصل ایچون مشروعدر
انکیچون وضع بد لازم کلز کرک اوراده طول قیام اولسون کرک اولسون
پس طول قیام اولان یرده وضع بد لازمدر دین سنه مخالف سوز سوزیلدی
زیرا رسول الله ک طول قوملری واریکن وضع بد اجمشدر بلکه ارسال
قلمشدر و صلوة تسبیحک قومه سی دخی بویه در که صورت فصلده

اولمغله اوراده ذکر مسنون اولق موجب وضع بد اولدی زیرانادر در
و بر دخی ارسال یدیهی سجدده انتقالی تذکیر ایدر پس وضع بد اولسه
رکوعه انتقال ابله سهو احتمالی غالبدر و نما زده سهو واقع اولق امامنده
عصمت شرط اولدیفته دلیدر تکیم حد یشده کلور (صلوا خلف کل
بر وفاجر) و رسول الله بن بعض سهو صادر اولق سائر خلقت سهوی
کی غفلنده و رعونت طبعدن دکلدر جاشا بلکه امته تشریع ایچوندر
تا که اول خصوصده اکا اقتدا ایدوب حکم شرع ظاهر اوله و بعض
سهوی دخی استغراق و انجذاب کلیدن ناشی ایدی انکیچون بعض
اوقاتده (کلینی یا حیراء) دیو حضرت عایشه به خطاب ایدر ایدی
وجنبه اقتدا صحیح اولمدی و اعمایه مکروه اولدی مکرکه علماء متقین دن
اوله زیرا شرائط ظاهره یوقدر و جنب باطنی و بصیرتی اعمی اولان
کیمسه به صحیح اولدی زیرا شرائط ظاهره سی وارد و جنب باطن دن
دهره تعلق ایله متلوث اولوب سباحه قرب حقندن بعید اولاندر
و اعماهی بصیرت معرفه الله بن و مشاهده جمال حضرتندن محجوب
و محرومدر و ازمنه و امکانه نک محوسیثات و تغلب طرف حسنات
وامداد و تکفیر و تضعیفده مدخل عظیمی وارد و حدیثده کلور که
(ان الله غفر لاهل عرفات و ضمن عنهم التبعات و انه یبذل يوم عرفة
الی السماء الدنيا) و فضلیت شهر رمضان و عشر ذی الحجه و ابله
نصف شعبانده و غیریلر ده و مسجد حرمد و صلوة واحده بوزیک
صلوته معادل و مسجد نبویه یک صلوته مساوی و مسجد اقصی ده
بشیروز صلوته بدل اولق حقنده وارد اولان احادیث شریفلر شرف
ازمنه و امکانه به دال اولدیغی لاریدر و صلوة نهاریه محاده مع الله در
و ایلیه مسامره در و قراة سریه اولان اختصاصدر و جهریه اولان
قام و قاعد و را قده تبلیغدر و حدیثده کلور (حبیب الی
من دنیا کم ثلث الطیب والنساء و جعلت قره عینی فی الصلوة)
سرتحییب بودر که طیبده ذوق انس و محاضره و نساد ذوق
قربت و وصلت و صلوته ذوق مکاشفه و مشاهده وارد پس

تجیب تعبیرندن غافل اولوب حب نسایی هوایه حاصل ایدن
جاهل کافر اولور سؤال اولور سه عدد صلوة نیچون بش اولدی
جواب بودر که (من جاء بالحسنة فله عشر امثالها) و فقجه هر بری
عشره ايله تضعیف اولیحق مجموعی الی وقت او اور که ليله معراجده
اصل صلوتندر سائر ام ایسه بومقوله تضعیفدن محروم اولوب هر عمله
بر ثواب و بر لیس ایدی سؤال اولور سه که صلوتک رکعاتی مثنی و ثلث
و رباع اولد یغنی ستری ندر جواب بودر که تا که عمل هیاکل ملائکه
اوزرینه عروج ایلله زیرا هر عمل هیاکل نورانیه ده مثل ایدر و بردخی
مثنی اولمق که صلوة فجر در که مرتبه لاتعین و مرتبه تعین ار اسنده
تمایزه اشارتدر یعنی مرتبه لاتعین که مرتبه جلالدر رکعت اولی اکا ناظر در
و مرتبه تعین که مرتبه جلالدر رکعت ثانیه اکا دائر در ولیل و نهار که
بوا یکی مرتبه به ایمادر بری برندن متمیز اولدیغی کی جلال و جمال
دخی متمیز اولوب رکعتین مذکور تین ایلله اثبیتی متحقق اولمشدر و کمال
احدیت مجموع رکعتین در وجهه نک رکعت اولیسی عبدک حقه ثنا
و تمجیدنی مشعر و ثانیه عبدک ملا اعلایه ثنا سنی مخبر در آنکیچون
خطبتان واقع اولدی که بری ثناء حق و بری دخی دعاء عبددر
وصلوة مغربکه ثلاثدر رکعت ثانیه سی رکعتین فجرده باطن اولان
کاله اشارتدر وصلوة عشا که رباعدر مرتبه جلالده اولان تعینات
اربعه به اشارتدر که تعینات ذاتیه و اسمائیه و صفائیه و افعالیه در
وصلوة ظهر مرتبه جمال الهیده اولان تعینات اربعه مذکوره به
وصلوة عصر مرتبه جمال کونیده تعینات مسطوره به اشارتدر و مراتب
مذکوره ده جلال الهی بالقوه و جمال الهی و جمال کونی بالفعل در
و فرائض وجود حقانیه رمز در که اکوان اوزرینه مطلقا منبسطدر
و واجبات وجودات خلقیه کونیه اخصیه به تلویحدر و سن وجودات
خلقیه کونیه خاصیه به ایما در و مستحبات وجودات خلقیه عامیه به
اشارتدر (سؤال اولور سه که اوقات خسه امت مرحومه احدیه دن
مقدم اقامت اولندیجی جواب بودر که خسک مجموعی خصائص

امتدندر اگر چه که هر بری برامت قلمشدر دیور وایت واردر (ان الله
زادنی صلوة) حدیثی دخی اکا دالدر یعنی الله تعالی خمس اوزرینه
بکا بر صلوة زیاده قلدیکه صلوة وتردر و بعض روایاتده کلور (ان الله
زادکم صلوة الا وهی الوزر) و تر سائر صلوة کی ليله معراجده مشروع
اولدی زیرا امام نسفی تفسیرنده ایراد ایدر که رسول الله علیه السلام
مسجد اقصی ده قلدیغی ایکی رکعت نافله ده امام الانبیا و سدره
المنتهی ده و ترده امام الملائکه اولوب اهل ارض و سما اوزرینه فضلی
زیاده اولدی و لکن رکعت ثالثه ده تجلی الهی واقع اولمغه بلا اختیار
المرن حل و ارسال ایلدی و بعضیلر دیدیلر که اول وقتده بعض
اهل ناره اطلاعه فرغ حاصل اولوب بدینی منحل اولدی بعدده جمع
قلب ایدوب دعاء قنوت او قودیلر و دعاء قنوت ابی بن کعب رضی الله
عنهم کتابت ایلدیکی مصحفده ایکی سوره اولمق اوزره ایدیکه اولکیسی
(اللهم انا نستعینک دن من یفجرك به کلنجه و ایکنجیسی (اللهم
ایاک نعبدن ملحق لفظنه دکر آنکیچون جمیع سور قرآن یوزاون
التیدر دیدی فاما مصحف زید که رضی الله عنه آخر مکتوب و معروض نبوی
اولان مصحف اولوب ایچنده دعاء مذکور معدوم اولمغه منسوخ اولوب
سور قرآن یوزاون دورت اولمق اوزره قالدی و حالا خلق النده اولان
زیدک مصحفی صورتیدر و اکا امام دیرلر که حضرت عثمان انکله عمل
ایدوب اطرافه دخی اندن منتشر نسخه لارسال ایتدی مصحف عثمان
دیدکاری بودر یوخسه کندی خطیله یازدیغی مصحف دیمک دکلدر
زیرا عثمانک کندی خطیله مصحف بوقدر و وتر بعض روایاتده رکعت
واحدده در زیرا بترا دن منهی اولان و ترک غیره نافله در الحاصل و ترک
غیریده رکعت واحدده مشروع اولما مشدر بلکه نوافل تنبیه و تریع
و تسدیس و تین اولور افراد و ثلث و تخمیس و تسبیح اولنماز و سری
بودر که الله تعالی نک صفی و تریت و عبدک صفی شفیعیت در
و تریت ایدر بری و تریت احدیتدر که مقتضای ذاتدر بوجهتدن
صلوة و تر رکعت واحدده در و بری دخی و تریت فردیه احدیه در که

مقتضای صفات در بوجه شدن صلاة و تراویح رکعت اولدیکه بری
ذاته و بری صفاته و بری فعله ناظر در و وتر دخی ایکی قلندیکه بری
وتر النهار در که صلاة مغربدر و بری دخی بعد العشا اولان و ترلیدر
انکیچون تأخیری مندوب اولدی تا که نهار صلاة مغرب ایله ختم
اولندیغی کی لیل دخی و تر مذکورله مختوم اولوب وحدانیت و فردانیتک
مقامات و مراتبک آخری اولدیغی باهر اوله و عبودیت ایکی در که
بری عبودیت اضطراردر که اداء فرائضدر و بری دخی عبودیت
اختیاردر که اداء نوافلدر و عباد شفعیت مرتبه سنه مظهر اولوب
اندن مطلوب اولان و تر اولغله و تر دن مقدم شفعی تقدیم ایتک سنت
اولشد در انکیچون صدر اولده بین الاذان والاقامه صلاة مغربده
ایکی رکعت نماز تقدیم ایدرلدی صکره سنت متروکه اولدی و اهل الله
حالا انک اوزرینه محافظه ایدرلر بس هر صلاتده تقدیم نوافل ایتک
نفسه ریاضت و خلوتدن مقدم عزالت و دعوتدن اول صدقه کی
اولدی و فرائضده جماعت مشروعه اولدی زیر عبودیت اضطرار
اولغله مساهله سز اولدی بلکه حضور تام و تنزیه خالق الانام
و جلال معبودی معرفت کامله لازم کلدی و حضور تام اولیجق جماعته
ضرورت قویه واقع اولدی زیرا افراد جماعتدن هر برینک صلاتدن
بر جزئی مقبول اولسه هیئت اجتماعیه سی صلاة واحده مقبوله صورتده
اولوب اجزاء باقیه غیر مقبوله به شفاعتیه جمله نک قبولی ایجاب ایدر
انکیچون بعض خواص هر وقتده تجدد وضوء و هر صلاتی جماعته
اقامت و هر کارده کتاب و سنت ایله عملا موفق اولدم دیو افتخار ایلدی
(*) الباب الخامس عشر فی الزکاة *

اولا معلوم اوله که الله تعالی اشیا بی منفعت انسان ایچون خلق ایلشد
و بعضی لر دیکر که اصالة تسبیح ایچون مخلوقدر و بالتبعیه انتفاع
ایچوندر و بویله ایکن بنه ابتلا دن خالی دکلدر انکیچون بعضی لر
(هو الذی خلق لکم ما فی الارض جمعا) آیتده لامی انتفاع ایچون
طوبیوب امتحان تقدیری ایله اجلیه معناسنه اخذ ایتشد ریعی

وجه ارضده اولان اشیا ک جمله سنی سزی امتحاندن او توری خلق
ایلشددر و بو معنایی تأیید ایلر شول آیت شریفه که کلور (انا جعلنا
ما علی الارض زینة لهما لنبلوهم ایهم احسن عملا) زیر بونده ایتلا
وامتحان صریحدر و احسن عملدن درت صورت مفهومدر بری
عمل جهندن قیجدر که آخرته التفات ایتامشدر و بری اقبجدر که
حقدن اعراض ایلشددر و بری عملده حسندر که طالب آخرتدر و بری
احسندر که طالب حقدر زیر مخلوقه تعلقدن خالفه تعلقی اعلا در
نتکیم مخلوقدن اعراضدن خالقدن اعراض بدتردر و اقبج اولان قیجدر
اکثردر نتکیم احسن اولان حسندن اقلدر انکیچون (زینة لهما)
دیددی زینة لهما و لاهلها دیددی زیر ایلوردیکه اخص خواص اولان
عبادی زینت دنیا به ملئت دکلدر نتکیم لسان اشارتده کلور که الله تعالی
عبادی جمع ایدوب مراد بکزندر دیدکده جمله سنی مراد بکزن سنسک دیو
ادعا ایلدیلر اندن دنیایی خلق ایلدکده مزبور مدعیان اون حصه
اولوب تسعة اعشاری طالب دنیا اولوب عشر واحدی قالدی اندن
آخرتی خلق ایلدکده عشر مذکور دخی اون حصه اولوب تسعة
اعشاری طالب آخرت اولوب عشر العشر قالدی اندن محن و بلا یایی
خلق ایلدکده عشر العشر دخی اون حصه اولوب طقوز حصه سی
جهال راسیات کی باد کران بلا به بر نیجه طاقت کنوره لم دیو حقندن
فرار ایدوب عشر العشر قالدقده انلر (فتناک فتونا) ای و طحناک
طحناک موجد نیجه پوتنه بلاده قال اولغله قایلری سلیم و آتش افکانه
ابراهیم کی القا اولغله تسلیم اولیجق خطاب کبریا وارد اولوب
سز نیچون قرار قلدیکر و سائر کی فرار ایتیبوب شویله قالدیکر دندکده
انلر دخی یارب علی کل حال بزم مراد بکزن سنسک هر نه و جهله معامله
قیلورسک راضی یزدید کارنده حق تعالی پیورر که (هو لاه عبادی حقا)
یعنی دنیا و آخرتی قیوب بلارم ایچره نی دیلینلر و ارادتلر نی بنم ارادتمده
افنا قیلنلر حقا قوللر مدر که انلرک دعوا رنده شائیه کذب یوقدر
وانلر صاد قیلر بلکه صدیقلر و مخلصلر بالکسر بلکه مخلصلر در بالفتح

انگیز چون تعرض نفس وهوی و شیطان و دنیادان سالملر و مستنار در
 نیکیم قرآنده کلور (الاعبادك منهم المخلصين) سائر که امتحانندن فرار
 ابتدای انلر کذباً قوللر مدر که قلبلری تعلقات ماسوائله آلوده در و دنیاده
 تعلقاته صالح امور **ک**رچه چوقدر ولکن اعظم اصنام ذهب
 و فضه در نیکیم قرآنده **ک**لور (واجبني و بني ان تعبد الا صنما)
 زیرا بعض اکابر علما بوراده اصنامی سیم و زر ایله تفسیر ایلشدر پس
 معدن ذهب و فضه اسم عزیزه مظهر در و وجودی آدمدن مقدمدر
 زیرا حیوان آدمدن و نبات حیواندن و معدن دخی نباتدن اقدمدر که
 بواوجه یعنی معدن و نبات و حیوانه موالید ثلاثه دیرلر و معدن ذهب
 اوتوز التي بیک سنه ده و معدن فضه اون سکر بیک سنه ده کمال اولور
 بوجهتندن دور سنبله نیک اکا تحمیلی اولوب خلقت آدمیه دن اول
 منشئی اولق لازم کلور نیکیم ترتیب طبیعی دخی اتی اقتضایدر زیرا
 انسانک نشأه عنصریه سی اسفل سافلین در که مراتب وجود اکا
 منتهی اولوب اسم جامعیه مظهر اولمش و مرتبه مطلقه سی اسم رفیعیه
 مقابل کلمشدر پس انسانک حرفی میم و مرتبه سنک حرفی و اودر فاعرف
 جدا و دنیانک ملعون اولد یعنی غالباً معدن مذکوره کوره در والا (دنیانک
 ما یشتغلک عن ربک) موجبجه هر نسنه که تعلقه صالح اوله ملعوندر
 و ملعون اولان فی الحقیقه تعلقدر بوخسه دنیاسنک امک یعنی اناک
 کیدر که ظاهر و باطنک مرینه در ظاهرده تربیه سی منافعی بوزندندر که
 جسمک عائد در و باطنده تربیه سی حقه دلائلی جهتندندر که
 روحک راجعدر زیر اجمع اشیا شواهد توحید در و علم غدای روحدر
 و حدیثده کلور (نعم المال الصالح للرجل الصالح) و بوندن فهم
 اولور که مال صالح غیر صالحه غیر صالحدر زیر حلالی حرامه صرف
 ایدر وائی متاع بلاغ قلیوب حقندن دور اولماسته باعث اولور نیکیم
 قرآنده کلور (ولو بسط الله الرزق لعباده لبغوا فی الارض) وقصه ثعلبه
 مشهوره در که اکا حمامه المسجد دیرلر ایدی زیر مسجد نبوی به
 زیاده ملازمی و ارایدی صکره دعاء نبوی سبیله غنا حاصل اولوب

اغنامی افزون اولدجه جمع و جماعته کلز اولدی و زکاة مال مطلوب
 اولدقد به محض غرامتدر بنم کیسه به بو رجیم بو قدر و بو حکم
 شرعدن شاردر اولیحق مردود شارع اولدی بعد زمان کتوروب
 عرض ایدر که مقبول نبوی اولوب خلافت صدیقیه دک شو یله
 قادی و صدیق دخی جناب نبوی به تابع اولوب قبول ایدی و فاروق دخی
 زمان خلافتده عدم قبولده صدیق پی رو اولدی زمان خلافت
 ذی النورین استقبال ایدر که ذوالنورین انک زکاتن رأی اجتهادی
 اوزره قبول ایلدی ولکن بو قبول ثعلبه نیک مردودینی رد ایتوب
 آخر نفاقله انتقال قیلدی نیکیم قرآنده کلور (فاعقبهم نفاقا فی قلوبهم
 الی یوم یلقونه بما اخلف الله ما وعدوه و بما کانوا یکذبون) بوندن
 فهم اولور که الله تعالی انسانک قلب و نیتله نظر ایدر بوخسه صورت
 عملنه التفات ایتز یعنی اگر باطنی حسن ایسه ظاهری دخی حسن اولور
 والا بالکزن حسن صورت کفایت ایلز و مردود اصلی قبول عارضی ایله
 سعادت بولماز محل خوفدر نعوذ بالله تعالی پس متاع دنیا متاع آخرته
 نسبت ایله قلیل اولیحق علوهت اهلی قلیله التفات ایتوب کثیری
 کوزه در بلکه جمله بی خالق القلیل و الکثیر اولان حقه ترک ایدوب
 صدیق کی جمیع مالندن البور فائده قالدیکه بالکزن زکاة ولکن قلوب
 ناس حب مال اوزرینه مجبول اولماسته ترکیه نفس و تخیلص جوهر
 روح یچون زکاة فرض اولدی و کلام عبساده کلور (قلب کل انسان
 حب مال فاجعلوا اموالکم فی السماء تکنون قلوبکم فی السماء) یعنی
 مالنی آخرته کوندن کیسه نیک قلبی دخی آخرته اولور و دنیا حالی دخی
 بویله در نظر ایلکه سامری حب مالک قلوبه ملصق اولدیغن
 بیلدیکندن اوتوری حلی بنی اسرائیلدن بر عمل صیانت ایلدی
 بو عملی انلر کوزلرینه قارشو قیلدی زیرا قلوب امواله تابعدر انگیز چون
 عبادت عجله مسارعت ایلدیلر و عبادت عجل ایله محبت مال ایکسی
 بر معنا ایدی ولکن صیانتدن اول صنم معنوی و بعد العمل صنم صوری
 اولدی بوجهتندر که هر عمل آخر کندی حقیقته مناسب اولان

صورته تمثل ايتسه كر كدر ومقد ماتي وقت احتضارده بلواولور
 وقرأنده كلور (فينبكم بما كنتم تعملون) وماله مال ديدكلى ميل
 نفوسدن اوتوريدر وانسان فقير بالذاتدر حوايج ايسه چوقدر ومال
 قضاء حاجات ايجوندر پس بالطبع وسيله مقاصد اولان ماله انسان
 ميلدن منفك اولدى وفقير بالذاتك معناسى بودر كه انسانك صفت
 ذاتيه سى فقر در تكيم الله تعالىك صفت ذاتيه سى غنا در انكيچون
 فقر وغنا اراسنده مفاضله بوقدر زيرا هر برى برنوعدنر انسان ايله
 ملك كى بلكه مفاضله نوع واحدك افرادى مياننده اولور زيد اعلم
 القوم كى وحقله مكونات اراسنده اولان مفاضله اعتباريدر انكيچون
 الله اكبر مقاله سنده زياده مطلقه معناسى وارد در ومعناى مفاضله به
 كوره حديثده كلور (اليد العليا خير من اليد السفلى) زيرا يد العليا
 فى الحقيقة يد الله ويد سفلى يد معطيدر كه رافع صدقه در آخذ
 دكل انكيچون رافعه كر كدر كه صدقه بى كفى اوزره قيوب فقيره
 عرض ايد زيرا اول صدقه بى انك كفندن ابتدا الله تعالى قبض ايدوب
 برينه غبرى صدقه خلق ايدر كه فقيرك اخذ ايتديكى بودر اولكبسى
 الى يوم القيمة تريبه حقه قالور سمرى بودر كه يوم قيامتده عبد
 متصدقى نجاتدن تخلصدر زيرا صدقه جزئيه سى خلوصنه بناء
 جبل شاهق كى كلور حضور انبيا واولياده سبب مسرت دل اولور
 باخصوصكه قلب نبوى به دخی مستجاب فرخدر زيرا اويله مجلس
 عالیده امتك ظهور كالى كندينك مستلزم انبساط بشرة جاليدر
 وحديثده كلور (اللهم اغني بالافتقار اليك) يعنى (يا ايها الناس اتم
 الفقراء الى الله) موجب صفت ذاتيه انسانيه فقر در تكيم مرور
 ايلدى وبوقدره عين غنا وارد زيرا فقير الى الله اولان خلقدن
 مستغنى اولور وغنى به فقير اولديغى جهندن غناء تام كلور كه
 فقيرك غنا فناسيدر تكيم كلامده كلور (الفقر لا يحتاج الى الله)
 مقصود صفت فقرك فناسى بياندر والاعبد الله تعالى به همان بر يوزدن
 دكل بلكه جميع وجوهدن مفقردر كه جميع اسما در وبومعناكل اوليا

حالبدر زيرا حقه انتسابلى قوى واسملى كلبدر سائر لك
 انتسابلى ايسه ضعيف واسملى جزئيدر وجزئيك كالى به نسبى
 على وجه الجزئيه در (الفقر فخرى) دخی حديث صحيح مذكورك
 معنا سنده در اگرچه علماء حديث صحتى جرح وباطل برينه وضع
 ايدر ل فاما معناسى دورست وحقدر وقرأنده كلور (وانفقوا مما جعلكم
 مستخلفين فيه) يعنى حق تعالى انسانى كرجه حقيقت فاعليه سى
 جهندن ماله مالك قبلى ولكن حقيقت قابليه سى جهندن خليفه
 ايلدى وخلافى جهندن امر ايتديكه مالك صدقه وز كاتن فقرايه
 اعطا ايد الحاصل انسان كامل اوزرينه خليفه الله اولديغى جهندن
 زكاة بوقدر بلكه امر الله ايله مال حقندن زكاة ويرر ومحل خطاب
 الهى وتعين كوفى اولديغى جهندن اوزرينه زكاة لازمدر والا
 مرتبه كون مرتبه وجوبه دخوله اختلال نظام حاصل اولور ومرتبه
 عبوديت ثبوت اقتضايديكى خود معلومدر پس عارف معرفه الله دن
 هر قدر غايت قصوايه ايرسه ورعونت طبعدن خلاص اولسه
 بيه بوموطنده تكايف شرعيه ده حكى جاهل محجوبك حالى كيدر
 انكيچون طهارت باطنه نظر اولماز بلكه ملوث الباطن اولنركى
 جناندن اغتسال ايدر وحدثدن طهارت ايلر ومعراج معنوى اهلى
 اولديغنه مغرور اولماز بلكه صورت صلاتى دخی اقامت ايلر ز برانجليات
 وجوديه تجليات شهوديهك آينه سيدر ويدنده نصاب بولنورسه تركيه
 دخی ايدر اگرچه مقتضاي معرفت بودر كه عبد حق اولنر ماسوا دن
 حرا اولور و برسنه به مالك اولماز واولسه دخی ملكندن اخراج
 ايدر حتى اوزرلنده تلبس ايتد كلى لباسلرين وقيصلرين بيله
 بر معتدل ينه تلبك ايدوب انك بدنندن استعاره ايدوب كيرل وبونده
 عبوديته اختصاص ايله تحقق وارد كه كل اوليا حالبدر پس
 بو تقريردن مفهوم اولديكه عارف بالله اوزرينه زكاة بوقدر بيان
 غلط ايلدى ومعرفتده قاصر اولدى مع هذا انسان كاملك نفسى
 مجموع عالمدر مجموع عالمده ايسه ماله ميل ومحبت ايدر چوقدر پس

اخراج زکاة ايله اومقوله لك حقنى توفيه ايتش اولور پس عارف
من وجه زاهد در كه كندى نفسى حالىدر ومن وجه راغب در ككه
غيره كوره اولان حالىدر و رسول الله عليه السلام یر دفعه صدقه مالى
اخراج ايتديكى بومعنايه تنبيه ايجوندر و امتى ايجون اضحية ايتديكلى دخی
اكا شاهد در و كندى ايجون اولان اضحية سى محضا قربت الهیه به
منبدر والا انبياء ادخار مال ايتديلر و موروث عنه دخی اولد يلر مال
مخلفلى بيت المسالده قالدی و خليفلر نه صدقه اولدى بودخی عدم
تملكه دليل روش ندر * و حضرت عيسا دن بطريق الحكا به كلور
واوصانى بالصلوة والزكوة * يعنى الله تعالى بكا وقومه عموما صلواته
ونصابه مالك اولنلره خصوصاً زكوة ايله امر ايلدى پس (اقبوا الصلوة
واتوا الزكوة) نصنده اولان خطاب كرحه ظاهرده عموم ايجوندر فاما
خطابه مستأهل اولان ايله مقيد در زكوة ايسه افراد مخاطبين دن
هر برى مستأهل دكلدر انكيچون بوكا اقتزان الخاص بالعام ديرلر زيرا
صلوة هر عاقل و بالغ اوزرينه واجبدر زيرا شرطى مودجودر پس غنا
وفقرله تفاوتى بوقدر زكوة ايسه غنى اوزرينه در فقط زيرا فقيره كوره
شرطى مفقود در كويا آيت عيساويه ده ديمك اولور كه بكا نمازله ايضا
وتبليغ حكم زكوة ايله امر ايتدى تبليغ ايله مأمور اولمقدن ايسه حكيمده
اشترك لازم كلز مع هذا حكمت الهيه ده زكوتك صلوة اقتزاني لازمدر
زيرا طهارت نفسه اشارتدر انبيا ايسه طهارت نفسده اكلدر پس
زكوة شرعية رذيله بخالسدن نفوس امتى تطهير و زكوة لغويه تعلق
ماسوا دن قلوب انبياي تركيه در بوجهتدن بعض علما (قويل للمشركين
الذين لا يؤتون الزكوة) آينده زكوتى ايمان وتوحيد ايله تفسير ايلدى
زيرا مشركك طهارت نفسى آنكله در و زكوة شرعية مراد اولد يغبى
صورنده يا كفار فروعله مخاطبدر دينك مذهبلر نه راجع و يا خود ترك
زكوة صفت اهل شرك اولديغك بئانه تارك زكوتك تقبيح حالنه عاثر
پس ترك زكوة ترك صلوة كى مقارب كفر اولور انكيچون برى برينه
افران اولدى و قرأند كلور * و اقبوا الصلوة ولا تكونوا من المشركين *

و بوتقر يردن ازواج مطهره حقنده * و اقبوا الصلوة واتين الزكوة *
خطابك مضمون دخی مفهوم اولدى زيرا يا فرض و نقد بيه محمول
ويا طهارت نفسه ناظر و يا نساء امتدن غنيه اولنلره دائر در و بومقوله
خطابات الهیه فى الحقيقة تأديب الصغير بالكبير باندندر * يا ايها
النبي اتق الله كى زيرا بنى عليه السلام اتقائه وامهات المؤمنين
اتباء الزكوة ايله مأمور اوليحق سائر افراد امت رجال اولسون نساء اولسون
بطريق الاولى در و رسول اللهك اختيار فقر ايتدوكى بر قاج معنايه
محمولدر اولكبسى فقر ظاهرى فقر باطن ايله تطبيق ايجوندر فقر باطندن
مراد قلبك ماسو الله دن خلوى در نتكيم قرأند كلور * و وجدك
عائلا فاغنى * يعنى سنى وجود فانيدن خالى بواوب بدله وجود حقانى
افاضه ايلدى ولكن حلول معناسته دكل بلكه ظهور معناسته نظر
قلكه ليل محل ظلمندر جو نكه ظلمات مرتفعه اوله نورنهار ظهور ايدر
پس نورنهار محل ليله حلول طريقيله دكلدر زيرا خارجدن كلز بلكه
تفاوت ظهور و خفا و سترله در نتكيم (واستغفروا) اكادالدر يعنى ظلمت
كثرتك نور وحدت ايله مغفور و مستور اولديغك طلب ايله و كثرتك
مستور اولديغى عيبك زوالى دكلدر زيرا علمده باقيدرك بلكه اعتبارك
سقوطى وتعلقك اضمحلال و فنا سيدر و بوفقيدرك سوا دالوجه
فى الدارين در يعنى فناء كليدر كه سيادت حقيقه انكله در زيرا بونك
اربابى ذاتيدر يوخسه بياض الوجه فى الدارين دكلدر كه
بقاء جاه كونين در زيرا بونك اصحابى صفا سيدر و سيادت
حقيقه اهلى برسنده تصرف كوس ستر مزل زيرا عبوديت تامه ايله
قياملى وارد و تصرف اقتضايسته حق تعالى و كيلارى اولديغى
جهتدن بنفسه متصرف و يا خود تنفيذ امر ايجون بواسطه خلق
ايدر زيرا سليمانك اصنى كى لمح البصرده عرش بلقيسى اظهار ايلدى
كرك عين حسييله و كرك تمثيل طريقيله زيرا ايكي سنده دخی
تصرف قوى وارد * ان الله هو الرزاق ذو القوة المتين * و ايكنجيسى
بودر كه اگر غنايى اختيار اتس ايلدى طمعه دوشلر ايدى و نفس

نفسه و اوقات عزیزه که بضاعت آخرت و سرمایه تجارت و صلندر
تحصیل دنیا به صرف ایدر ایدی و نفایس اخرویه و رغائب معنویه دن
محروم قالورل ایدی شان امت مرحومه ایسه بومقوله خستادن
عالی و ذالتدن متعالیدر و او چنجیسی بودر که اختیار فقرده تسلی
قلوب فقر و اورد که نظرگاه الهیدر زیر مقام ذاتی اختیار ایشلر و تعلقات
صفاته رخصت و برعکس در پس انلر قلوبی مراعات و محافظه ایتک
اغنیایا جانی معاهده دن اولی در و دور دینی بودر که دنیا الله تعالی
فاتنده خوردر و ملک سلیمان ایسه دخی تعلقه صالح دکلدر زیر
مخلوق قدر و عارفک مخلوقه تعلقی بحسب بدر و اگر دنیا نك الله تعالی
قتنده جناح بعوضه قدر مقداری اولیدی کافره بر ایچم صوو بر مزی
والکن اسم رحماندن جمله به مدد الهی واقع اولوب وجود دنیا ايله
امتحان او ایشلدر چونکه رسول الله اختیار فقر ایلدی الله تعالی
اکا تاج سلطنت معنویه الباس ایلد بکه تجلی ذاتدر زیر اکا واقع
اولان تجلی ذات آحاد انبیا دن بر فرد مبسر اولماشدر و کمال
استعداددن دنیا ايله معراجده دخی علما و جهارا رؤیت ايله
تفضیل اولندی زیر هیکل لطیف لری نورانیتده قلب پاکترینه معادل
بلکه قالب و قلب صورت انجاده ایدی و بر کیمسه رسول الله فقیر
ایدی دیسه تعذیر شدید لازم کلور تکیم شبان ایدی و باای ایدی
دیسه دخی بویه در زیر شول دولت ظاهره صاحبی ایدیکه خزان
سموات و ارضک مفاصلی اکا تسلیم اولمش و جمیع مناصب دنیویه
و مراب اخرویه انک استمندن منقسم ایدی دنیا دن ضرورتی اولوب
فقیر اولور و انک قبل النبوة راعی غیم اولدیغی اخلاق حسنه سنی
تکمیل ایچون ایدی که رفق و تسلیمدر انکیچون جدی اسماعیل
علیه السلام ذبح عظیم یعنی کبش ضخم ايله مقدی اولدی زیر اکتدینک
امر الهی به انقیادنه مناسب اولان صفت انقیادی غالب اولان فدا ایدی
انسان ایسه مختصر عالمدر انکیچون عالمک آیات مفصله اجمالیه سی نسخه
اجالیه انسانیده بالفعل مثبت اولوب آیات جلالیه سی قوتده قالدیکه

بومعنائک صورت الهیه سنه محض اکالدر و امیلاک دخی ساده دل اولمقدر که
نقوش و حی و رسوم الهام اکاموق و قدر و علما می اولمدیقه سلوک ایده من
و وصولری حسبیه دخی البته رسمک بر اثری قالور و اهلی قتده امت
حفظ قرآن و ضبط آثار نبویه بی منافی دکلدر فلان امیددر دیمک
انده نظر فکری و حکم عقلی ايله تصرف بو قدر دیمکدر بومرتبه نك
صاحبیه ایسه فتوح الهیه زیاده در زیر بونده طریق نقل و سماع
و سطوردن صدوره انتقال بو قدر و قید تصرف و فقود در قید ايله فیض
مطلق ایسه مجتمع اولماز انکیچون علماء رسومک اکثری فیض دل و قح
الهیه دن محرومدر زیر اعلوم لدنیه نك لوح قلبه انتقاشی مقدم رسوم علوم
نظریه بی محوه محتاجدر شول معناد نکه موازین عقلیه و اجتهادیه علوم
الهی بی رداید زیر ا بوعلوم جلیله طور عقول و میران افکارک
فوقنده در پس برمسالك کامل الندن سلوک محتاجدر مکرکه جذب
الهی سبق ایدوب بلا تامل انک حالته صورت و یره و نقوش غیری قلبدن
سلوبانی ساده دلر منزله ایر کوره بویه اولدیغی تقدیر اوزرینه دخی مرشد
کامله مراجعت و متابعتدن مستغنی اولماز انکیچون اکا مجذوب سالک
دیرل (و رسول الله هدیه قبول ایدر ایدی زیر امیرت و اکرام قبیلندندر
صدقه قبول ایتلر ایدی زیر ا صدقه ده از در و تحقیر واردر بوجهتدن
شافعه روح رسول ایچون سورة فاتحه اوقومزلر زیر اغیرک مرحومی
اولمق لازم کلور و زکاة دخی المازلر ایدی زیر اوساخ مالدر و لکن
علماء متأخیرین فقراء هاشمیه به اخذ زکاتک جواز یله فتوی
و یردیلر زیر ا صدر اولده خمس الخمس دن انلر حصه و یریلور ایدی
خلفاء اربعه دن صکره منقطع اولدی زیر امتکثر اولدیلر و نظام عالم
بردورلودخی اولدی حالاملوک عثمانیه نك یت المالدن او حیوز هاشمیه به
حصه و یردکری معنای مذکور ايله فی الجملة عمله بنیدر زیر ایشلدر که
(مالایدرک کله لایترک کله) و ملوک انلری تعظیمله معظم اولور
زیرا (الائمة من قریش) موجب شریف مکک نك خلیفه لیدر
و دیمشدر در که تعظیم امرا و ملوک الله تعالی بی تعظیم ندر زیر ا

اسماری کلی و رتبه‌ری عالی‌در زیر سلطنت مقام الوهیت و وزارت
مرتبه‌ری بویته ناظر در سایر مراتب کلیه دخی اکا قیاس اولنه
و تعظیم فقرا فقرارنده اولان انکسارلری جبرایچوندر واکر فقرا
طریقندن ایسه جبر دخی دگلدر زیر سن اکا تعظیم و اقبال ایتمک ایله
اندن فقر و انکسار زائل اولماز زیر غنی مطلق انک دا تمامشهودیدر که
انکسار انک ایچوندر نیکیم حدیث قدسیده کلور (انا عند المنکسرة
قلوبهم من اجلی ای لامن اجل الدنیا ونحوها) پس جبر دیدکاری
دولت معرفندن فقیرا و نلره کوره در وقرآنده کلور (من الذی یقرض
الله قرضا حسنا) بونده ایکی اشارت وارد بری بودر فقیره اولان
صدقه به قرض دیدیکی فقیرک جبر خاطر و تطییب قلبی ایچوندر کویا
دیمک اولدیکه معطینک فقیره اعطا ایتدیکه نسنه نک مقابله سنده
مکافات اخرویه وارد مفت دگلدر پس عطاده امتناندن حذر
لازمدر و بر دخی قرضی کننینه مضاف قیلدی و کننینه اهل ضرورت
منزله سنه تنزیل ایلدیکه اکا تنزل رحمانی دیرلر نیکیم حدیث قدسیده
کلور (مرضت فلم تعدنی وجعت فلم تطعمنی) و بونده فقیر و مریضه
شفقت و تطییف وارد که موجب تکمیل محبت و باعث انجذاب
حضر تدر و صدقات واجبه دن بری دخی صدقه فطر در زیر احدیثده
کلور (صدقة الفطر طهارة للصائم من اللغو والرفث و طعمة
للمساكين) لغو نموده اولمان کلامدر لاعن رویه و فکر صادر اولوب
لغو اینه جاری اوله لغو اصابیر و انلرک امشالی طبورک صوتنه دیرلر
ورفت خش کلامدر که ذکر ی مستقیج اوله یعنی صدقه فطر کلیات
ساقطه و فاحشه دن صائمه طهارت و سبب ترکیده در وجهه صائمین
بو طهارته محتاج اولدقلرندن اوتوری امام شافعی صدقه فطری
غنی و فقیر اوزرینه ایجاب ایلدی یعنی شول فقیر که صدقه فطره قادر
اوله کرکسه نصابه مالک اولسون غنی کی صدقه فطر و بر
پس مساکین بو حکمدر مستثنی اولورلر زیر مساکین (من لاشیء له)
معنا سنده در و مسکین اوزرینه دخی واجب اولسه مخالف حکمت اولان

خرجدن ماعدا غنبتک صدقه سنه محل قالماز بناء علی هذا خلقک کیمی
آخذ و معطی له و کیمی مأخوذ منه و معطی اولق لازم کلدی زیر اسماء
الهیة نک تفاوتی دخی تسخیر اقتضا ایدر و دیمشدر که آدمدن مقدم
مخلوق اولان اشیا اعمال ایچندن تسبیحه مشغول ایدیلر زیر مقتضای
ذاتلری بوایدی قربان عملی بوغیدی زیر الحکم قربان اکل ایدر بولنسه
قربان ضایع اولور آدم خلق اولاند قدسه تسبیحدن و سایر اعمالدن ماعدا
قربان ایله تقرب ایتمک دخی مشروع اولوب خصائص انسانیه دن
قلندی زیر اکل و مأکولک مجموعی وجود بوایدی زیر اکله آدمک
اکلی معتبردر یو خسه حیوانات بری برینی اکل ایتمک دکل شول
معنادنکه انسانده شرف زائد واردر انکیچون انسانه غذا اولان
حیوانات دخی جننه کیرلر و لکن اول موطنک اقتضا ایتدیکه صورت
اوزرینه داخل اولورلر و دخول جنت ایله انسان حکمدر بواور
زیرا غذا ایتلریله انساندن جزء اولمشلر در پس اکا مضاف اولان دخی
شرف زائد بولدی و عقیقه دخی آدمه مخصوص اولدی عقیقه مولودک
ولادتندن بدنی کوننده ذبح اولنان قرباندر که مؤنث ایچون بردر
میراثی اعتبار یله که نصفدر و مذکر ایچون ایکیدر (لذا ذکر مثل
حظ الانثیین) اعتبار یله و تسبیح ذاتی و تکلیفی شکر وجود ایچون
اولدیغی کی قربان دخی اکا منضم اولدی انکیچون بعض علما
و جوبنه ذاب اولدیلر و رسول اللهک بعد النبوة کننیدیلر ایچون
عقیقه ایتدکلری کتب سیرده مسطور در زیر حیاطده اولدیه ساقط
اولماز پس اضحیه حی و مینه اولور عقیقه ایسه انجق حی ایچون اولور
و اسمعیل علیه السلام اگر فداء کیش کلیوب فی الحقیقه بنفسه مذبح
اولایدی غیرت الهیه یوزندن هر کس الی یوم القیام اولادندن برینی
قربان ایتمک لازم کلور دی پس عقیقه ده اولان منت الهیه
نه اولدیغی ظاهر اولدی انکیچون بین الائمة و العلماء مجمع علیه دراشته
نفس وجودک شکری قربان مذکوردر و نافله نماز دخی وجود کونینک
شکرینه ناظر در و اما مفاصلاک شکری حقیقه صحیح بخاریده کلور که

(خلق کل انسان علی ستین وثلثمائة مفصل کل سلامی من الناس علیه صدقه کل یوم تطلع فیہ الشمس) سلامی واحد وجمع ایچون مفصلدر شیخ اکمل وابن ملک دیدیلر که صدقه بی سلامی اوزرینه ایجاب ایتدیکی بخازدر حقیقتده صاحب سلامی اوزرینه واجبدر بوفقیه فیه ایتدیکی بودر که بوراده علی لام تعلیل معناسنه در (ولتکبروالله علی ما هداکم) آیتده کی کی من اجل کل سلامی واشکره معناسنه در صورت استعلامده ایرادی بیان وجوب ایچوندر زرا شکر نعمت واجبدر پس معنا دیک اولور که هر انسانک اوچیز التمش مفصلی وارد رایام سنه دن اوچیز التمش کون مقابله سنه کویا که هر یوم بر مفصل اوزرینه دورایدر و بوعدد مفصل اوزرینه اوچیز التمش ملک تعیین اولمشدر که انی محافظه ایدرلر و آنک صدقه سی هر مفصلی طاعت حقّه صرف و هر عضو ی بر خدمتده استخدامدر که انکله وجودینه تزکیه و تصفیه حاصل اولور و آخر حدیثده کلور که ایکی کیمسه اراسنده عدل ایتک صدقه در یعنی صدقه اجری کی در و بر کیمسه به اعانت ایدوب دایه سنه حل ایتک صدقه در و یا متاعنی دایه سی اوزرینه حل ایتک صدقه در و کلمه طیبیه صدقه در و هر خطوه که نمازه مشی ایدرسن صدقه در و طریقندن اذابی ازاله ایتک صدقه در انتهى بالمعنی و بو بیانندن حاصل اولور که بهر یوم اوچیز التمش مفصلک هر بریچون ادنی الامر بر صدقه لازمدر که مجموعی اوچیز التمش صدقه در و اول عدد اوزرینه هر کس نسبت ایله صدقه و یرمک مشکل اولیحق امور مذکوره و ذکر الله و سایر افعال خیریه ایله تدارک واقع اولوب اجر صدقه و شکر نعمت حاصل اولور الحمد لله تعالی و بونده شکر نعمت کندینه مناسب اولان وجهله اولغه اشارت واردر و لکن مال ایله اولسه دخی شکر حاصلدر زیرا تحصیل مال دخی حرکات اعضا و مفصله منوطدر و بردخی بودر که مال قلب الصقدر پس انکله تصدق واجبدر زیرا نفسی محبت دنیادن قاطعدر و دیمشدر که الله تعالی انبیایی اقتداء سعدا و ابلیسی اتباع اشقیایچون خلق ایلدی

و انبیانک بضاعه سی آخرت و ابلیسک دنیادر ابلیس دنیایی کافرله عرض ایتدکده ثمنی ندر دیدیلر ابلیس دخی ترک دیندر دیدی انلردخی قبول ایدوب دینی دنیایه و یردیله زاهدلر بالکلیه اعراض ایلدیله و راغب اولنلردین و دنیانک ایکی سندن بیلکه کچمبوب ابلیسه دنیادن بزه بر مذاقه و یرکوره لم چاشنبسی نیمه در دیدیلر ابلیس دخی بونلردن رهن استدکده سمعلری و بصیرلری رهن قودیلر انکیچون اهل دنیا اخبار دنیایی استماع و زینتلری مشاهده ایتکی سورلر زیر اسمعی و بصیرلری ابلیسده رهنلر ابلیس دخی قبض الرهن ایدوب بونلره بر مذاقه و یردی بوجهندن زاهدلری نصیحتلرینه قولاق طوعمدیلر و عیب و قبایح دنیایی کورمبوب زخارف و متاعنی استحسان ایلدیله انکیچون حدیثده کلور (حبك الشئ یعنی و یعمی) یعنی بعض حب واردر که انسانی طریق رشدی ابصاردن اعمی و استماع حقندن اصم قبلور مکر که اوراده عقل رادعی و یادین زاجری اوله مقصود حقندن غیری به اغراق محبت لایق اولمدیغک پس اندر زرا حب دنیا آدمی آخرتدن و حقه دن جدا قبلور انکیچون دیدیلر که ابلیسدن خلاصه چاره بودر که دنیا سنی اکا و یره سن قاکه دینک سنک ایچون قاله زرا انسان ایتک دنیاسنه تعرض ایتدکجه اول دخی ایتک دینسه تعرضدن خالی اولماز و اتفاق مال ایتک ترک دنیادنلر و لکن آدم ترایدن مخلوق اولوب حکم تراب پیوست اولغله قبض و امساک اکا لازم کلور و چونکه هر نسنه نک علاجی ضدیله در انسان اول رزیه دن خلاص بولغله فدای مال و بلکه بذل روحه محتاجدر زرا اتفاق اغنیا اموالی جیبیدن اخراج و بذل فقر اغیاری قلبندن ازاله و صرف محبین ارواحی مجاری اقبضه دن عدم ادخاردن و زبان پارسیده کلور * ان درم دادن سخی را لایق است * جان سپردن خود سخای عاشق است * پس اوصاف وجود دن بالکلیه فنا بولمدیجه سخای روح و طهارت نفس حاصل اولماز و ائم سالغه ده زکا قرع مال ایدیکی بیکده ایکبوزالیدر و بوامتده ربع عشردر که بیکده بیکری بشدر و بونده رمز واردر که امت مرحومه

استعدادده ساز کردن اکل و قابلیتده اقوادر انکیچون مال و وجوددن
انفاق یسیرله قربت حق بولورلر و مقام عینه واصل اولورلر و بونلرک
برابر یعنی غیر یلرک چهل سالنه بدلدلر و زهد قلیلرلی انلرک رهبانیتدن
افضلدر (سؤال اولنورسه که الله تعالی دنیایی بالاصاله مؤمن و بالتبعیه
کافر ایچون خلق ایلدی انکیچون غنائمه فی دینلدی زیرا اصلنه
راجعدر پس بنه زهدله ندن امر ایلدی (جواب بودر که مؤمن
عروس کیدر و دنیا عروس اوزرینه نثار اولان سکر کیدر عروس
وختن ایسه اول سکری التقاط ایتک عیبدر انکیچون اولیا زهدی
اختیار ایتدیلر و بردخی بودر که منافع دنیاده مقصود بالذات اولان
منافع اخرویه و معنویه در پس دنیا آثار حق و شواهد توحید مطلق
اولق مؤمننه منفعت یتر و کاه اولور که نعمت سبب معصیت اولور
تکیم قرآنده کلور (ولو بسط الله الرزق لعباده لبغوا فی الارض)
مؤمن ایسه محمی و محفوظدر و حدیثده کلور (الدنیا حرام علی اهل
الآخرة و الآخرة حرام علی اهل الدنیا و هما حرامان علی اهل الله)
بوراده حرام ممنوع معنا سنه در یعنی اهل دنیا آخرتدن و اهل آخرت
دنیا دن و اهل الله ایکبسنندن بیله ممنوع اولمشدر و تصرفدن محجور
اولمشدر زیرا هر طائفه نك استعدادی بر معنایه در سؤال اولنورسه که
چونکه زهد لازم ایدی بو مکاسب و حرف نه ایچون وضع اولندی
جواب بودر که مکاسب و حرف الله تعالی نك علم محیط و قدرت
نامه سنه دلالت ایدن امور دندر تفسیر (وعلم آدم الاسماء) ده کلور که
الله تعالی آدمه مکاسبدن بیک حرفت تعلیم ایلدی و بیوردیکه یا آدم
اولادیکه افاده ایلکه اگر طالب دنیا اولورلر سه بو حرف ایله طلب
ایتمولر بو خسه دین و احکام شرایع ایله طلب ایتمولر زیرا دین
دنیا به وسیله اولماز بلکه بالعکس اولور و بردخی مکاسب جلب غنائم ایچون
دکدر بلکه دفع ضرورت و سعی مصالح مسلمین ایچوندر زیرا دنیا
مزرعه آخرتدر و بردخی حال عوامدر حال زاهد دکل و بردخی دنیایی
فایده طلب ایله حاصل اولیجی آخرت باقیه بطریق الاولی طایفه

منوطه اولمغه تنبیه در هر مطلوبك ایسه اسباب مخصوصه سی واردر
(*) الباب السادس عشر فی الصیام (*)

صوم کلمه توحیدد نصکره ارکان اسلامک اوچنچیسیدر ابتدا صومه آدم
علیه السلام مأمور اولدی و ایام بیضک صومی انلردن قالدی ایام بیض
ایام اللبالی البیض تقدیرنده در هر شهرک اون اوچنچی و اون دردیچی
واون بشنچی کیجه سی زهر او بیضا اولمغه نورانی جهتدن لبالی بیض
دینلدی و آدم اول کونلری صائم اولمغه قلب و قالی زیاده منور اولدی
و بردخی کسوف اولکیجه رده واقع اولدیغیدر کسوفده ایسه جلبالرحمة
و شکر الله تعالی صلاه و صیام و سایر اعمال بر ایله تقرب اولنور و قرآنده
کلور (کتب علیکم الصیام کما کتب علی الذین من قبلکم) بونده
خلقک عدم مرؤنه اشارت واردر که کویا اکرام سالغه اوزره
صوم مکتوب و مفروض اولیایدی بو مشقت انجق بزه در دیوضیق
صدر لازم کلوردی مع هذا طاعتده کر چه مشقت نفس واردر و لکن
مستجلب راحت دلدر زیرا انکله حقه ترقی حاصل اولور و روح تعبدن
قورتلور و طاعتک دخی مشقت اولدیغی اهل حجاب کوره در فاما
اهل کشف اولنلر تجلیات وجودیه ده تجلیات شهودیه بولمیرله طاعات
و عبادات انلر نفائس اطعمه و لذائذ نفسانیه کی کلور انکیچون
جو عاتک طعامه مسارعنی کی امثال امره مبادرت ایدرلر بوجهتدندر که
اهل کمال یاننده اشتغال و یروب عبادتدن کیر و قالمغه و سبله اولان
امور خبیث و حرامدر زیرا حق تعالی قرآنده بیورر (وما خلقت الجن
والانس الا ليعبدون) بعض مطعومات و مشروبات ایسه حلال
اولدیغی صورته بیله خواص رذیه سبله بدنی مشغل و نشاطله سلوک
راه خدادن عائق اولور و لکن اکثر عوام و خواص بو معنادن
غافل اولوب مباحدر دیو بولد قلوبی برلر و ایچرلر و سکران ککی
کندیلرندن کچرلر انکیچون عالمربنه جاهل و امیرینه باطل دیمک
جائز اولور و بعض نوارینجده کلور که ثالث ملوک بنی آدم اولان
طهمورث زماننده قحط و غلا واقع اولمغه اغنیا بعد غروب الشمس

بر کره اکل ایله اکتفا و غدای نهاری فقرایه بذل ایله مأمور اولدی لر
نتکیم مکّه مکرمه ده فقرا تعبدشدن عاجز اولوب پریشان احوال
اولد قلزنده جد عالی نبوی اولان هاشم ایام شتاده تجارت ایله طرف بمنه
وایام صیف ده جانب شاهه رحلتی احداث ایدوب اغنیانک اموال
تجارهتدن حاصل اولان ربحک نصفنی ارباب امواله و نصف آخرینی
فقرایه بخش ایله هلاکدن تخایصه سبب اولدی پس صومده قدر نعمتی
معرفت و سکون نفس و کسر فضول و مواسات ضعیفا و موافقت فقرا
وارد و محکیمدر که بر کیمسه ایام شتاده بشر حافینک قدس سره
مجلسنه داخل و آتی ثوبتدن عاقل بولوب تأثیر هوادن دتره یوب
اوتور و اثوابی شویله برنسنه اوزرینه القا و تعلیق اولنوب طورر
کورده و وجود ثوبله سبب عرادن سؤال ایتد کده بشر مذکور
جواب و یروب فقرایه شباهله مساعدیه قادر دکل باری تحمل برده
مواسات ایدیم دیدی و بومقامدندر که بعض اولیا هر وقتده فقرائله
برابر اولمقدن اوتوری ادخار ذخائر و زاد ایتدی زیرا بعد الادخار
طعام ناس غلا اوزرینه اولسه بونک حالی فقرادن خوش اولیق لازم
کلور و بونک نظیری بودر که بردفعه بغدادده حریق اولوب
دکان شبلی محفوظ اولد قدده شبلی او معنادن اخبار اولنجق الحمد لله
دیدی صکره بومقابلده حمدی ایچون چوق کره استغفار قیلدی
زیرا خلقت مصیبتنه قارشوحد ایتمکی مصائب نفسدن عد ایلدی
واول معنایی کندویه کلاه یلیدی و صومده مجاری شیطانی تضییق
و نور ربانی بی توسیع وارد انکیچون ارباب ریاضتک طاقت بدنیه
و قوت قدسیه لری غالبدر زیر نورک تأثیری غداکک تأثیرندن
مضاعفدر شول جهندنکه نور عالم ملکوتدن و غدای جسمانی عالم
ملکدندر و ملائکه و متروحن اولنلرک قوتلری مشهوردر که چره
(و خلق الانسان ضعیفا) وارد اولمشدر و لکن اقطابدن اضعف
واقوی یوقدر بوسیدنکه اولوالعزم سبقله مأمور اولدی لر زیر ذات
حقده مستهلکدر و قوتلری صحولنده امداد الهی ایله در زیر

هیچ بر کیمسه حقله مقاومت ایده من حقک قوی و متین اسملری ایله ایسه
انلره تجلیسی وارد پس ضعیف لری امر باطنی و اصلیدر و قوتلری
تجلی الهی به مضاعفدر که اودخی امر باطنیدر و بومعنادندر که
بعض غلیظ الوجود و الخلقه اولنلرک جلودین سلخ ایدر لر و انلر اصلا
تضجیر کوسترمز لر ضعیف حقیقی اهلنه ایسه وقت بشریتده فی المثل
کل بیراخی ایله طقونسک آه ایدر و طاقت کتوره من و حدیث قدسیده
کلور که (الصوم لی وانا اجزی به) یعنی هر عمل که ابن آدم آتی وجوده
کتورر کندینکدر صومدن غیریکه اول بندر و انک اجزیننه بن بنفسه
مباشراولورم ملائکه دکل و یا خود انک جزاسی بنم و صالم و جام
اولور وجه اضافت صومک اسرار الله دن اولوب هیچ بر فردک
اکا اطلاعی اولمیدیغدر انکیچون صائم ریادن بریدر سائر عباداته
ایسه حواس خلق واقع اولور و بردخی بودر که مشرک لر
اصنامنه صلوة و حج و غزا و قربان و سائر اعمال ایله تعبد ایتد لردر
ولکن صوم ایله تقرب قیلده مشرکدر پس صوم اسم الله کبی غیردن
مصون و محفوظ اولوب حقه مختص اولمشدر انکیچون جزاسی
سائر اجزیه اعمالدن ممتازدر کندی سائر قرباتدن سرافراز
اولدینی کبی و بردخی صوم اوصاف صمدیتدندر زیر الله تعالی اکل
شریدن منزهدر زیر انوردن نور ایسه غداکک غنیدر نتکیم ملائکه
نوردن مخلوق اولملری سبیلله سر صمدیت ایله قائملردر و رسول اللهک
(واجعلنی نورا) پیوردینی اول گروهه الحاق و سر مذکور ایله اتصافدن
اوتوریدر انکیچون صوم وصال ایدر لردی یعنی صومی بری برینه
وصل ایدوب برقاج کونده بر کره افطار ایدر لردی نتکیم حدیثده کلور
(ایکم مثلی انی ایت عندر بی یطعمنی و یسقینی) یعنی رسول اللهک
هیئت اعتدالیه مزاجیه لری قابل صوم وصال ایدی اول وقتده
حاضر اولان مخاطبلرک دکل ایدی و بردخی قوت انسلاخ حسبیلله
فیض روحانیتلری بدل مایهتخللر اولوب انحلال جسمی منع ایلردی
و بردخی اطعمه امثالیله ایله تغدی و تلذذ لری کافی ایدی زیرا اغذیه

حسبه به قریب وجهله اولمغه تقویتده وافی ایدی و امتی بومعنادن منع ایتدوکی شفقتنه دأرایدی یوخسه نهی تحریمی دکل ایدی وهرامر ونهی که علیه ایچون یعنی مضرتنه دأراولمه موجب حرام اولماز نتکیم قرآنده **کلور** (واشهدوا ذوی عدل منکم) یعنی بو امر اشهادی موجب دکلدر والا ترکله اثم لازم کلوردی و فعل ایله منهی دخی بویله در یعنی بعض نهیک فعلنده اثم یوقدر زیر اشقتلرنددر انکیچون اقویاء امت صوم وصال ایله عمل ایتدیلر صوم وصال جائز اولیحق صوم اید بطریق الاولی در انکیچون صوم نافله ده روایات مختلفه واردر تا که هر کس حالی اولان روایات ایله عمل ایدوب مجاهده دن قالمیه ورسول اللهک بر شهری تماما صائم اولمبوب شهر شعبانک اکثری ایله اکتفا قلدقلری صوم دهری و امثالنی منافی دکلدر زیر اعصار و امکانه و اشخاص حسبیه تفاوت واردر مثلا فصول اربعه حرارت و برودت ایله برابر اولدیغنی کی بلاد عرب و عجم و روم و سایر لر دخی مساوی دکلدر یعنی برکبسه اقویادن اولسه ارض خارده صوم وصال دکل صوم دهر دن بله عاجز اولور نتکیم ضعف دن اولسه ارض معتدله ده دخی تعب چکرینی حکیم در حکیم ایسه مریضک حالنه کوره معالجه ایدر پس تشدید و تخفیفدن هر برینک محل مخصوصی واردر انکیچون قرآن لغات سبع اوزرینه وارد اولدی تا که قبائلدن خرج مرفوع اوله زیرالسان و احداوزرینه اجتماع ایتک مشکل و متعسر در و اختلاف اثم و اختلاف امت رحمت اولدی تا که هر عامل متبسر اولان قولله عمل ایده وهر صانع صنایعدن حسب حالی اولانی اختیار ایلمیه نتکیم فروع شرایعه اختلاف دخی تسهیل و امزجه ناس و احوال خلقی راغات ایچوندر و دیملدر که برکبسه قرق کون طی ایدوب افطار ایلمسه عالم ملکوتدن قدرت عظیمه ظهور ایدوب و اسرار جایله منوح ایلمیه و بوندن ظاهر اولور **که** انسانی عالم ملکوتدن عائق اولان امور طبیعییه در زیر کشف وجوده باعثدر نتکیم ترکی سبب لطافت در ولکن هر سالک وجودنک اعتدالی

نه وجهله بولورسه اول وجهله ریاضت ایلمیه و افراط و تفریط ایلمیه والا بولادن قالور ویا طریقدن انحراف بولور و خبرده کلور که (نجوع ترانی مجرد تصل الی) اولکی سی افناء ظاهر وجود در که ریاضت ایله تلطف هیکلدر و ایکنجوسی جمله تعلقاتی قطعدن عبارتدر و تعلقات اجسام و ارواح و ما فوقنه شاملدر پس وصلت ورؤیتک شرطلری مختلفدر و مال بر در زیر وصلت ورؤیت بری برینی مستلزمدر و نجویم نفسده امانت نفس واردر انکیچون بعض احادیثده رؤیت موته تعلیق اولمشدر و موتک معناسی روحک بدندن علاقه سی منقطع اولمقدر نه طریقه اولورسه اولسون منام و انسلاخ و فناء معنوی و موت طبیعی کی زیر انوم دخی اخ المونددر پس میت حق موتندن صکره کوردوکی کی اثم دخی حیاتنده ایکن منامنده کورر فرق بودر که میتک لقادن صکره حسبه رجعتی یوقدر زیر موطن برزخده در تا اثم ایسه بویله دکلدر زیرا موطن دنیاده در و بقایه رد اولنان اهل فنائک لقاسی میتک بوم قیامتده بعدالبعث حالی کییدر که بردخی حقندن محبوب اولماز انکیچون عارفلر حقنده دیملدر که (انهم کما هم البوم یکنونون غذا ان شاء الله تعالی) وینه دندیکه (قیامه العارفین دأمة) حدیثده کلور که (جو عوا انفسکم لولیمة الفردوس) و بونده اغراض نفسانیه ایچون نجویم نفس ایدنی تحذیر واردر نتکیم بعض نفوس صائمه صوم وصال ایله شهرتی وسیله جلب دنیا ایتملدر بوسورتده (نجوع ترانی) نک معناسی (نجوع حتی تری ما اعطیک من مراداتک القاییه) دیمک اولور زیرا بومقولهیه رؤیت حقیقیه یوقدر اگرچکه کثرت ریاضت سببیه بعض صور خیالییه ظهور ایدر که خارج مرتبه قلبدن رؤیتدر و بوراده چوق مرتاض دام غروره بند اولوب قالمشدر و غرض نفس ایچون ریاضت و تعبید جهالت محضه در زیر ادنیاء دنی به تابعدر و حصول جمیع اغراض خلوصه دأردر انکیچون حبیب قدسیده کلور که (یادنی اخدی من خدمتی و اتعی من خدمک) و بومقامددر که دنیا صورت عجزه دکلوب بعض اولیانک دارنی کنس ایدر و بعضیلرینه

بادیه لده و مواقع ضرور آمده تازه قرصه و نان کنور ردی و علی هذا
 گلات بعض کبار ده که (من جعل ملکه خادما لدینه انقاد له کل شیطان
 و من جعل دینه خادما لملکه طمع فیه کل انسان) و بونده عبادۀ ملوک
 و امراه و اشاره سائر ارشاد عظیم و تنبیه جسمی و اردر تا که دینی
 و اخلاصی دستور العمل قیلوب غوائل دنیادن و آخرتدن خلاص
 بولر و لقمان علیه السلام او غلنه وصیت ایدوب دیدی (کل اطیب
 الطعام علی اوطاد القراش) یعنی اکثار صیام و نقله ل طعام و اهمال
 ادام ابله تا که نان پاره سکا اطیب طعام کی لذیذ کله زیر اشبعان اولان
 کچمه طعام لذیذ بل لذتی بولماز و اطالة قیام ابله یعنی منامی ترک ایدوب
 عبادت حقه قائم اول تا که باتدیغک زمان طیراق اوزری سکاملایم
 دوشک کی کله تنکیم ابتداء سبیلده مشاهددر زیر مقتضای تعب ملایم
 و غیر ملایمی عدم فرقددر بعد ذال الله تعالی حضرت تبری شهرور ایچنده
 شهر رمضان اختیار ایلدی زیر رمضان اسم الهی در تنکیم اثرده
 کلور (لا تقولوا جاء رمضان و ذهب رمضان و لکن قولوا جاء
 شهر رمضان فان رمضان اسم من اسماء الله تعالی) و بومقامده شیخ
 ابن عربی قدس سره پیور که بزم عند مزده افضل شهرور شهر رمضان
 بعده شهر ربیع الاول بعده شهر الله الاصم رجب بعده شعبان بعده
 ذی الحجه بعده شوال بعده ذی القعدة بعده محرمدر یعنی شهرور قریه دن
 سکر شهرک فضیله تزیلی بودر ماعداسی که صفر و شهر ربیع
 الاخر و جاذی الاولی و جاذی الاخردر بودردی فضلده منساو یلدر
 انکیچون ارالنده ترتیب بوقدر پس بونلرک محرمدن صکره رتبه لری بر
 رتبه در و رسول الله علیه السلام طقوز شهر رمضان صائم اولدیلر که
 اکثری ک عدد ایامی بکرمی طقوز ایدی انکیچون پیور دیلر که (شهر
 عید لایق قصان) یعنی شهر رمضان و شهر ذی الحجه بکرمی طقوز
 کلله بله اجرده او توز ابله برابردر یعنی ذکر اولنان ایکی شهرک
 عشر آخری صورتده ناقص اولسه دخی حکمده کاملدر زیر بونلر
 سائر شهرور قیاس اولمبوب برینک صیام و برینک حجه اختصاصی

وارد پس ایکیسی فضلده برابردر دیمک دکلدر زیر شهر رمضان
 حقه اضافت ابله ذی الحجه اوزرینه ترجیح اولمشدر ایکیسینده
 دخی عمل فرض بولمق مساواتی مقتضی دکلدر و عبادتدن
 صومک مختار اولدیغی دخی اضافت مذکوره دن ناشی در و رمضان
 اسماء الهیه دن اولمغه قیام رمضان لازم کلدی زیر (یوم یقوم الناس
 رب العالمین) موجبجه ملک ذکر اولندقدده و یا قدوم ایتدکده قیام
 واجب اولور و قیامدن مراد صلاوة تراویحدر و لکن دیمشدر که
 شروط و قیودی اوزرینه اولرسه ترکی اولی در زیر استهزا کبدر
 انکیچون صدر اولده و مابعدنده وقت سحره دک تطویل ایدرل
 و شانه اهتمام قیلورلردی زیر اگرچه نافله اولدیغی جهندن عبودیت
 اختیاریه در و لکن عبودیت اضطراریه اولان فرض حکمنده در
 فرائضده ایسه اهتمام و حضور تام لازمدر و حدیثده کلور که (اذا دخل
 رمضان یفتح ابواب الجنان و یغلق ابواب النيران و تصفد مرده
 الشیاطین و لله عند الافطار ستمائة الف نعلق من النار) صومک فتح
 ابواب جنان ابله مناسبتی بودر که صائمک عملی مستوردر زیر صیام
 عمل جوار حدن اولماغله عین وجودیه محسوسه سی بوقدر جنت
 ایسه ستروخفادن مأخوذ در و غلق ابواب نارله مناسبتی بودر که ابواب
 ناغلاق اولندقدده حر جهنم متضاعف اولوب آتش بری برین اکل
 ایدوکی کی ابواب نار طبیعت دخی اغلاق اولندقدده صائم استعمال
 مرطب ایتمد و کندن باطنده حرارت زائده بولور مرطب دن مراد
 اطعمه و اشربه ملایمه و میرده در و تقیید شیطاین ابله مناسبتی بودر که
 شیطاین صفات بعددر صائم ایسه صفت صمدیه قریبدر قرب ابله
 بعدایسه بریده مجتمع اولماز و عند الافطار عدد عتقا الی یوز یسک
 اولدیغینک سری بودر که بوم اسماء الهیه دن اولان دهرک تزلاتنددر
 هر اسمک ایسه ماعدایه شموی واردر ایام ایسه عند الله تعالی التبر
 تنکیم قرآنده کلور (ولقد خلقنا السموات والارض وما بینهما فی ستة
 ایام و الی کون اسم مفصله کوره الی یوز یسک اولور و هر کون مقابله سنده

الله تعالی حضرت تیرینک بر عتیق وارد و بوندن سردهرک جیع اشیا به
سریانی مفهومی و مدرز بر ارجح حقدر و قرآنده کلور (ورجی وسعت کل
شیء) و رمضان اسماء الهیه دن اولوب شهر صوم اکامضاف اولغه
ذنوبک بالکلیه ارتقاض و احتراقه اشارت وارد و امت محمدیه ایکی نور
اعطا اولندیکه بری نور قرآن و بری نور شهر رمضان در تا که ایکی
ظلمتک مضرتن کورمیه لکه بری ظلمت قبر و بری ظلمت ناردن یعنی
نور قرآن ایله ظلمت قبر و نور شهر رمضان ایله ظلمت نار من دفع
اولور و سری بودر که قرآن علمدر و علم نور در و نور مزیل
ظلمتدر و قبر منازل آخرتدن منزل اولدر و قرآنده بعثه و بوم
آخره ایمان وارد و بوسیله قرآنک ابتدا ازاله ایله دوی ظلمت
تاریکه قبر اولدی و شهر رمضانده فم و فرجی مفطراتدن
حبس وارد فم ایسه باب منزله سنده در چونکه صائم اتی کندنی نفسی
اوز رینه اغلاق ایله باب ناری اغلاق ایتمش کی اولور زیر حال
صومده نار حرارت غلبانده در پس دنیاده بو حرارت ایله مبتلی اولمق
آخرته حرارت نازک اندفاعنه سببدر مع هذا صوم باطن صائم
تبیض و تنویر ایدر نور و ظلمت ایسه ایدی بر پرده مجتمع اولماز و بوندن
طاعات و عباداتک فوائدی ظاهر اولدی انکی چون بر کیمسه امر الهی بی
استقبال ایسه کافر اولور زیر باطن امرده اولان رجیدن غافل اولوب
امور حکیمیه سنی عبثه نسبت ایلر و بوندن لیلته قدرک سری دخی
ظاهر اولدی زیر اسائر لیا لیک انواری انوار صفتدر که ثمرات طاعات
جسمانیه در لیلته قدرک نوری ایسه نور ذاتدر که نتیجه توجهاً
روحانیه در انکی چون احبابسته تحریرض اولندی زیرانی احبابکم
احباء روحدر و احباء روح سبب جلب فتوحدر که فتوح ذاتیه در
وصائمک افطاری بعد الغروبدر و لکن رسول الله صلی الله تعالی علیه
وسلم صلاة مغربه و الزهراء تسبیحه ایتلر یله یعنی نهاره اضافت قیطر یله
خواص ناس بوسره بناء بعد الفراغ من الفریضه افطاری مستحب
کوردیلر (واکله السحور) دیکلری ایکی وجهله در اگر ضم همزه ایله

اولورسه لقمه واحده کفایت ایدر تا که اهل کتابک صوم منسدن فرق
حاصل اوله و اگر فخله اولورسه غذا مراد اولور که اعتدال و معتاد
اوزره طعامدر اولکسی اهل عزائمک و انکی چیس ارباب رخصت
حالبدر و حدیده کلور (للاصائم فرحتان فرحة عند افطاره و فرحة
عند لقاء ربه) بو حدیده شرف غذا و قوتی بیان وارد زیر غذا
جسمانی اولان امر طبیعی ایله غذا روحانی اولان لقا و رؤیتی معادله
ایلدی و بعضیلر (اللهم اقسمت عليك باحتیاج الخلق کلهم الى
القوت) دیمکه دعاسی مستجاب اولدی زیر غذا صورت وجودیه
وانکله قائم اولان حیانتک مایه القوامدر و جیع انواعی مظهر صفت
بقادر که اسم قیومک سینه سننددر و قرآنده کلور (ولهم رزقهم فیها
بکرة وعشیا) بکرة و عشی به تخصیص اولندیغی دنیاده اولان عادت
معتادله رینه کوره در زیر صائم اولدیغی صورتده اکلتین انسانیندن
وزیاده سی حیوانیتدنر والا اکل جنت دائم و تلذذی غیر منقطعدر
و صوم حقیقی نفسی تعلقاتدن قطع و روحی ماسوی الله دن فطامدر
انکی چون صوم عوامی غیبت و کذب و غیبه و عین کاذبه و مرأه اجنبیه نک
محاسنه شهوت ایله نظراتکم مفطرا اولدیغی کی صوم خواصی دخی
فکر ماسوی الله مفطردر انکی چون اهل الله صوم دائم اوزرینه در
زیر افطار ایلمسه دخی قلبلری اغیاردن خالیدر پس هر کسک
صوم و افطاری حائنه کوره اعتبار اولور و صوم ست شوالی شهر
رمضانه الحاقک سری بودر که لیلته قدرده جناب نبوی به تجلی ذات
واقع اولوب شوالک التیسنه دک مستر اولمش ایدی پس اکا شکره بناء
صومی مشروع اولدی زیر متبوعه اولان نعمت و شکر تابعه دخی
نعمت اولوب مستدعی شکر در خصوصاً که اتباع ایچنده دخی اولک
ذوقله الی يوم القیام قائم وارد که انلور رثه رسولدر یعنی رسولک
حالات و اذواقنه بقدر الاستعداد وارثلدر و الارسلوک مقام مخصوصنه
کیمسه داخل اولماز و الا محترق اولور و لکن دوردن نظر و سیری مرخصدر
اهل ارضک سماءه نجومه نظری کی و بوندنر که دنیاده دخی ازواج

مطهره نك انجق شجره بنی کورلردی یعنی بعد دن قرالتیلرینه نظر
مرخص ایدی بوخسه قردن دکل زیر ازواجی نك اسرار خاصه سیدر
انکیچون (ولا تنکحوا ازواجه من بعده ابدا) موجبی اوزره ازواجی
آخرک تزوجی حرام اولدی وشیکله مریدک حال دخی بویله در ولکن
کریمه سن تزوج ایتک مرغوبدر زیر (ولا تقر بوا مال الینیم) قیلندن
دکلدر بلکه اتصال روحانیت اسرارند ندر الحاصل ازواج مطهره
اسرار ذاتیه دندر که عین منت و محض هیه دندر انکیچون (حور
مقصورات فی الخیام) و فقیهه (وخالصة لك من دون المؤمنین)
موجبجه رسول الله اختصاص ذاتی سی وارد روینات مکرمه اسرار
صفاتیه دندر که اسرار مذکوره دن کسبله تولد ایلش امر روحانیدر
انکیچون (لقد کان لکم فی رسول الله اسوة حسنة) مقتضاستجه
قابل اشتراک اولوب تورته صالحدر پس امور اختصاصیه شرایع مختصه
و غیر بسی شرایع عامه کی اولور و بوندن فهم اولندیکه رسول الله
خصائص شرعیه سی اولدیغی کی خصائص حقیقیه سی دخی
وارد نیکیم (لی مع الله وقت) اکادالدر سؤال اولنورسه که (عسی ربه
ان یتوفیک ان یبدله ازواج اخر امنکن) دلالت ایدر که اسرار مذکوره دن
خبر لو اسرار و ازواج مطهره دن افضل ازواج وارد مع هذا انلرخیر
نساء اهل الارض ایدی جواب بودر که آیت مذکوره نهیج والهاب
وتخو یف یابنددر و طلاق واقع دکلدر وعدم واقعه معلق دخی
غیر واقعه در و جائزدر که خیر دن مراد مریم و آسیه و حلیمه اولاه که
جتنده رسول الله تزویج اولنورل مریم و آسیه نك کالری منصوبدر
خدیجه کبرانک کالی کی سائر ازواج ایسه مسکوت عنها در و دنیاده
طلاق واقع اولمیق آخرتده مریم و امثالی ابله اجتماعلری منافی بوقدر
وامرار اللهیده دخی جمیع انبیاء و اولیاء جمله مواطنده الی ابد الابد ترقی
اوزنده در و رسول الله قرق نی قوی ویرلشدر که هر نیک قونی
قرق رجل قونی قدر ایدی مع هذا ظاهرده جوعدن شد جبر ایدردی
یعنی بطنلرینه طاش بفرلردی ناکه استرخاء واقع اولیه و بوخیزی

کرچه اهل حدیث و سائرین پرور اولنلر جرح ایدوب وضعنه ذاهب
اولدیلر ولکن اهل الله قتنده صحیح المانی در زیر جوعدن مراد جوع
بطنی دکلدر بلکه جوع روحانی در که کمال استعداده دن ناشی
فیض الهی به ری یعنی قائم کلیمه دایماتعطش و تجوع اوزرینه
اولد قلدردر و بو معنی جانب ملکوتیه جاذب قوی اولمه لطفات
جسدیه لرندن بنفسه عالم علوی به پروازه مقارب اولورلردی بوجهندن
بطنلرینه جسم ثقیل اولان جری شد ایدرلردی ناکه انکله استساک
حاصل و وجه ارضده عباد حتی ارشاد مستر اوله و بوسره مبنیدر که
بعض بکاشیان و امثالی سره لری اوزرینه شد جبر ایدرلر اسکرچه
بواعصار ده محضا زینندن اولمشدر و دنیاده مکشدن مقصود دعوت
ناس و ارشاد فقر و حدوث عالمه نظر ایدوب تجلی بقالیله تنعم ایتکدر
والا آخرت دنیادن خیرلو و مولای باقی جمله ماسوادن اعظم و اکبر
واقایه اوجیدر انکیچون هیچ برنی حیات ایله انتقال اراستنده مخیر اولدی
الافاء حتی اختیار ایلدی و بوندن فهم اولندیکه سماروح علوی
وارض جسد سفلی ایچوندر و جسد ارضده مدفون اولدیغی بطریق
الامانه در و الامالده مفری جنت عالیه در پس ارض موطن خلافت
اولمه سعادن افضل اولمق لازم کلز زیر توطندن مقصود کماله
وسبله اولمقدردر و جسد روحه تابعدر پس ارض دخی سمایه تابعدر
پس جسد و ارضک هر بری قابل و روح و سماتک هر بری فاعلدر
و قابل فاعلین متأثر و منفعلدر درجه تأثیر ایسه اسماء ذاتیه به راجعدر
و قرآنده کلور (الرجال قوامون علی النساء) فافهم جسد
سؤال اولنورسه که الله تعالی عبده مضاف اولان عملک اجرنی عشره
قیلیدی نیکیم کلور (من جاء بالحسنة فله عشر امثالها) و کندیته
مضاف اولان صومک اجرنی بلا حساب قیلیدی نیکیم کلور (انما یوفی
الصابرون اجرهم بغير حساب) پس بونقص و زیاده ندن کلدی
جواب بودر که تفاضل مذکور اضافتدن مفهومدر ناکه حقیق
رتبه سی عیددن متمیز اوله بوجهندن مکرمه مکرمه حرم الله اولوب

حقه اضافتیدن اوتوری انده بر عمل یوز بیک عمله بدل اولدی زیر
الوهیت محترمه سلطنت ظاهره کبیر در سلطانه خدمتک اجری ایسه
مضاعفدر زیر باب فضل و درگاه کرمدر و مدینه منوره حرم رسول اولوب
خلفه نسبتدن اوتوری انده بر عمل بیک عمله معادل کلدی و قدس
شریف حرم سلیمانی اولمغله بشیر و زایل تشریف اولندی و بدمشلردر که
اوج نسته نیک قیمتیه نظر اولماز که خاتم و دایه و سیفدر بلکه صاحبک
قیمتیه نظر اولنور مثلا صحابه نیک قلچلر بیک قایشلری و جائلی که نجات
دیرلر جلود جلدن و مقبضلری دخی عظام خسته دن ایکن ینه
اله کرمه نقدر تعظیم و تبرک اولنور زیر صاحبی معظم اولان نسته نیک
کلدی دخی معظمدر الحاصل سلاطین صوریه به مضای اولان سیوف
و سهام و اسواط و ثباب و امثالی مطیع اولنلریاننده تعظیم اولیحق
سلاطین معنویه به منسوب اولان امورک حالی معتقدلر عندنده نیجه اولی
کر کدر بوجهندن مؤمن اولنلر تبرک صالح اولان نسته لری حفظ و حل
و تعلیق ایدرلر و بمبتلر بولورلر و قبرلرنده بله دفن اولمغه توصیه قلورلر
زیرا نظر باری به باعث و تعظیم ملائکه به سیدر و بوسره داردر که
جبهه مبت اوزرینه بسماله و یا کفی اوزرینه عهد نامه یزارلر و یا بونلرک
امثالی اسباب مغفرت و تعظیم عمل قلورلر و عهد نامه خصوصنده ابن
مسعود روایتله مصابحه کلور که بر کون رسول الله صلی الله تعالی علیه
وسلم اصحابنه خطاب ایدوب سزندن بریکرندن عاجز اولور که هر صباح
و مساء عندالله تعالی اتخاذه عهد ایله دیو بیوردی انلردخی یا رسول الله
توجهله اتخاذه عهد ایله لم دیو کفینندن استغفار ایدیکجک جوابده
افاده بیوردیلر که هر صباح و اخشام بویله دیه سز که (اللهم فاطر
السموات والارض عالم الغیب والشهادة انی اعهد الیک بانى اشهد بان
لا اله الا انت وحدک لا شریک لک وان محمد عبدک و رسولک وانک انت کلک
الى نفسی تقر بنی من الشر و تباعدنی من الخیر و انی لا اتق الا برجتک
فاجعل لی عندک عهدا توفینیه يوم القيمة انک لا تخلف الميعاد) پس
بر کیمه عندالصباح والمساء بوعهد نامه به ملازمت ایله انک اوزرینه

نوردن مهراور بلوب تحت العرش وضع اولنور و قیامت کوننده بر منادی
ندا ایدوب قنده در که شول کیمسه لکه انلرک الله تعالی قنده عهدلری
وار ایدی دیدکده منخند عهد اولنلر قیامت ایدوب جنته دخول ایده ل
سؤال اولنور سه که صوم نافله ده نقص واقع اولسه قضاء مثل ایله اکتفا
اولنور فرضده ایسه بر کونک کفاری التمسش کون اولور پس
فرق ندر جواب بودر که نافله عبودیت اختیار به اولمغله عبودیت
اضطرار به اولان فرض یاننده قلیل الاعتباردر پس فرضده احترام
الوهیت ایتین انک ضعیفه مکلف اولور و بوم واحدک صومی سرده
اوزرینه شهر کامله ساری اولدیغی نقضی دخی ساری اولوب کویا
اوتوز کونک صومنی نقض ایتش اولور و اوتوزک ضعیفی التمسش اولور
و کفارت متداخلدر دینلرک اصل کلامی معنای مذکوره راجعدر زیر
ایام متداخل اولیحق اوتوز کون بر کون حکمنده اولور بحکم السریان
و بناء علی هذا کفارت دخی بر اولور و غیر متداخلدر دینلر احوال و تفصیلی
بری برندن فرق ایدوب تشدید محنت ایتش اولورلر که بطریق التغلیظ
حال عوامه مناسبدر و التمسش مسکینه اطعام ایتک دخی معنای مذکوره
راجعدر و بوندن فهم اولندیکه بر عمل وقتندن فوت اولسه محل اولک
فضلندن التمسش درجه ساقط اولور و فضل اوله وصوله تدارک عظیم
لازم کلور و لکن صومله صلاوة و امثالک فرق بودر که صوم و قتله جار بدر
و حقه مضای اولمغله و قتله تضعیف و تشدید اولندی سائر اعمال ایسه
صورتده بویله دکلدر اگر چه ادا و قضا اداسنده مطلقا تفاوت
عظیم وارد و بعض اهل حقایق بیورمشلردر که عهد اولان ترک
و نقض ایچون قضا لازم کلر زیر اقصدا هتک حرمت ایتک عقاب عظیمه
مستحق اولور شویله که بالفرض قضا ایسه دخی قضا انی اول قضا دن
قورنارمز پس بونده تنبیه وارد که مؤمنک حالی سهو و نسیاندر یوخسه
عهدا عصبیان دکلدر و صومک قبولی شفاعت فقرایه موقوف اولمغله
اغنیاء صدقه فطریله مأمور اولوب (اغنوههم عن الطلب فی هذا اليوم)
وارد اولدی و حدیثده کلور که (اتخذوا عند الفقراء ایادی فان لهم دولة

یوم القیمة) دولتندن مراد نفوذ کلام دولتیدر که شفاعت مقبوله در
پس شفاعت خصوصتده نافذ الکلام اولانک سائر احوال شریفه سی
دخی اکا قیاس اولنه وشهر رمضانده شان رسول الله بوایدیکه سائلی
بای وجه کان صفر الیدرد ایتمزدی سائر اوقاتده ایسه مساعده یوغیسه
تکلف ایتموب آنکم الله من فضله دیوتطیب خاطر ایدرلر دی واصل
اولان عدم سؤالدر مکر که ضرورت قویه اوله انکیچون اغنیایه لایق
اولان بودر که جای سؤال قوموب محتاجلره مواسات ایلله لوفقر الیدندن
کنیدلره واصل اولاجق عطایای الهیه به منتظر اولالرمع هذا ارباب
حقیقت یانلرنده انتظار دخی یوقدر زیر اصدقده حقندن حقه در وفناقی الله
اهلنک حالی عبودیت محضه در وحق تعالی حائض ونفسایه صلاتی
صدقده ایدوکنک سری بالاده ذکر اولندی ومعدود اولنلره صومی
صدقده ایتموب افطاری مباح وقضایی فرض قلدی وعلماء شریعت
قتنده مریض ومسافره صوم خیر اودر مکر که زیاده خرجی مقتضی اوله
زیرا قرأنده کلور (وان تصوموا خیر لکم) ولکن ظاهر اولان بوایت
(وعلى الذين يطيقونه فدية) نصندن مفهوم اولان مطبق مقوله لرینه
کوره در زیر اوائل اسلام واواسطده تحریم دفعیسی مستلزم
خرج اولان اموره موجب حکمت الهیه اوزرینه تدریج مراعات
اولنوردی تنکیم خرده واقع اودی وصوم دخی مشاق طبیعیه دن
اولغله مکلف اولنلر ابتدا صومله فدیبه مایندنده بخیر اولوب فعلده صوم
ترجیح اولنلشددر خیرک (وانهم ما اکبر من نفهمهما) موجبجه ترکی ترجیح
اولندیغی کبی صکره تخیر مذکور منسوخ اولوب (فن شهد منکم الشهر
فلیصمه) وفقجه مقیم مطبق اولنلره قطعاً ادا لازم کلدی مریض
ومسافر اولنلره (ومن کان منکم مریضاً او علی سفر فعدة من ایام اخر)
حکمجه قضا واجب اولدی انکیچون بعض اهل حقایق مریض
ومسافرک صومنی روا کورمدی ومریضک صومی ادا برینه کیمبوب
فی الجملة علی برعد اولندی ومسافرک صومی فرضه بدل اولدیغندن
پردخی اولوب تکرار قضای لازم کلدی زیرا حدیثده کلور

(لپس من البر الصيام فی السفر) سری بودر که مسافر اولان سالک
کبی سائر در واسم رمضان کرچه الی انقضاء الشهر مستدعی صومدر
ولکن سفر ومرض مقتضی قوت اولغله افطار ترجیح اولندی بوندن
فهم اولنور که (فعدة من ایام اخر) آیتندن مفهوم اولان امر ایجاب
ایچوندرز براوجوب اولسه مسافرک صومی فی الجملة اعمال بردن اولوردی
وبومعنی ایام صیف حاره ده وبلاد حاره ده ظاهر در سائر ایام وبلاد
معندله دخی انلره الحاق اولندی زیر اسفر ومرض مطلقاً حرجدن خالی
دکلدر ایشته یوقدر پردخی فرضه کوره در که مسافره سفرده اتمام
صلاة کیدر انکیچون صاحبی معنی اولور زیرا احسان الهی بی رد
وعطاء حتی عدم قبولدر فاما نافله ده امر اهوردر بعد ذاعوام وخواصک
میاننده فرق واردرا کر فرضده واکر نافله ده زیر اخواص ناس امر
الهی به ناظر دروداعیه قلبه تابعدر باخصوصه که انلرک قوت قدسیه لر
سائرک قوت جسمانیه علیه لرینه قیاس اولنماز انکیچون مشایخ حمزی
قدس الله اسرارهم ایام حرارته وانباء سبیلدن ایکن صائم بولدیق
(وعلى الله قصد السبیل) (وعلى المؤمنين ترك الغال والقبل والعمل
بما یقتضیه الدلیل سواء کان دلیلاً یذکر علیه الشرایع والاحکام
اودلیلاً یثنی علیه حقایق الالهام) وبوتعمیمدن مقصود احوال
ارباب باطنی تعدیلدر اگرچه اصحاب ظواهر انلری جرح ایدوب رد
ایتمکدن خالی دکلدر زیر اهل ظاهر عموم ماده ده را کبلر وخصوص
حالده راجلاردر نظر ایلله خضر علیه السلامه قصه موسی ده ظاهره
مخالف ایش طوتدی مع هذا عاصی اولدی زیرا (وما فعلته عن امری)
بیوردی وتدنیس عرض ولایت ونیوت ایدن معنی ایسه ذنب صوری
دکل زیرا هر صورت ذنبده اولان معنای ذنبده اولماز تنکیم مرورایلدی
عصمتنا الله وایاکم من عمل الذنوب وسترعلینا وعلیکم ماوقع من العیوب
(الباب السابع عشر فی الحج)

حج ارکان اربعة اسلامیه نک رابعیدر که مناسی وجودیتددر زیر
طواف زیارت ارکان بحدنردمدار طواف ایسه یتدرو بیت الله اولایت ایلله

متصفدر تکیم قرأندر کلور (ان اول بیت وضع للناس للذي ببكة)
 زیرا احدیت ذاتیه به اشارتدر انکیچون فرضیت حج تفرد ایشدر
 یعنی عمرده برکره فرضدر سائر عبادات ایسه متکرره در زیر اسماء
 وصفاتک تکررینه اشارتدر که مرتبه واحدیتدر و فرضیتی علی الفور
 اولدینی قلم اعلی اعتباریله قرب عهدوعدم واسطه بی مراعاتدن
 اوتوریدر زیر انسانک کرچه صورت عنصریه سی اسفل سافلین در
 ولکن صورت روحانیه سی اعلای علین در که عالم ابداعه انکله مبدع
 ملک و ملکوت اراسنده واسطه یوقدرز براتعین اولدرتا خیرایسه وسائط
 اعتباریله در چونکه محندن مقصود اصلی قلبک رب الیبتی زیارتیدر که
 اولت ایل متصفدر پس زیارت قالب دخی اکا تابعدر و بوندن مفهوم
 اولدیکه الله تعالی حضرتلری احدیت ذاتیه سی اعتباریله عموما نقطه
 عالم و خصوصاً مرکزینی آدمدر یعنی تعینات افاقیه وانفسیه نک مداریدر
 ونقطه دائریه تو جهی برابردر پس بوتعین احدیت وسطیه جمعیه به
 ایکی مظهر لازم کلدیکه بری عقل اولدر که روحانیدر زیر تعین قلبه
 اشارتدر قلب ایسه تعینات وجودیه نک اولیدر یعنی وجود انسانیده
 متعین اولان قوائک اولی قوت قلبیه در انکیچون عقل اولکله روح
 جمعی در قلب عالمدر که جمیع ادوار باطنه اصالة و جمله ادوار ظاهره
 تبعیه انک اوزرینه دوریدر بوجهتدن مظهر اسم رحمان اولمشدر
 و قرأنده کلور (الرحمن علی العرش استوی) یعنی رحت کلیه نک ظاهرا
 عرش مجید و باطناعرش وجود اوزرینه استیلاسنه اشارتدر تکیم کلور
 (ورحنی وسعت کل شیء) تکیم بومعنی (ومارسلناک الارحه للعالمین)
 نصندن زیاده روشندر زیر ابوارسال مطلق ارسال جسمانی و روحانی به
 شاملدر انکیچون هر وجودده حصه نوریه محمديه واردر ولکن
 بعضنده بالغعل ظهور و طلوع یوقدر که محلاک ظهوره عدم قابلیتنددر
 محرور المزاج اولان شربت عسلی و خفاش نورشمسی قبول ایتدوکی
 کبی و اول ایکی مظهرک بری دخی جسمانی در که بکده اولان کعبه در
 مکّه مکرمه بکه دندیکی قطع اعتاق جباره ایتدوکی اینچندر انکیچون

کعبه به بیت عتیق دندیدی زیرا تسلط قها هرده دن معتقد و بری دخی
 قدیدر زیر اول حدوث عالمده صورت احدیه به مظهر در پس کعبه نک
 وجودی آدمک وجودندن مقدم و اول مبدعات عالم ملکوت اولان
 ملائکه دن بریدر آیت مذکوره ده للناس دیو تقیید اولدینی غرض
 اصلی مطاف ناس اولدینندن کرکسه آدمدن نیجه یوز بیک ییل
 مقدم وضع اولسون و وضعی دخی نه هیئت ونه ماده اوزرینه اولورسه
 اولسون زیر امهم اولان وجود کعبه در مطلقا پس کعبه ذات احدیه نک
 صورتی و قلب معناسیدر و بویله دیمک دخی جائزدر که کعبه قلبک
 و قلب دخی ذات احدیه نک مظهریدر و قلب مداریت سابقه دن
 اوتوری وسط انسانده وضع اولدینی کبی کعبه دخی وسط عالمده
 تأسیس اولمشدر زیر ربع مسکونک وسطیدر قبه الارض دیدکری
 محل تمام دنیانک وسطی اولدینی کبی الحاصل کعبه ارض مسکونه
 و معموره نک و قبه الارض جمیع ارضک یعنی عامر و خرابنک وسطیدر
 و قبه الارض جبل سرندییک ماوراسنده برجزیره و ارض معتدله در که
 اوراده ساعات لیل و نهار ایدی مستویه در و نهر نیلک بر شعبه سی
 انک خلقنده اولان بحره منصب اولور و بوندن فهم اولدیکه کعبه
 مظهر سر احدیت اولمغله نظرگاه غیب الغیو بدر و بومعنایه فضل
 ذاتی دبر و فضل عرضیسی اودر که مطاف ملائکه و انبیاء و اولیا
 و قرارگاه ارواح اصفیادر بوجهتدن انده اولان علم و عمل سائر
 پیونده اولاندن اکلدر و سائر بیوتله فرقی فی المثل جوهرایله حجر و مدرک
 فرقی کبیدر و انسانه کمال علم لازمدر که صفت روحدر انکیچون نفس
 انسان صورت علمی اوزرینه محشور اولور و کمال عمل دخی لازمدر که صفت
 جسددر انکیچون جسم انسان صورت علمی اوزرینه مبعوث اولور الحاصل
 صاحب قلب اولق استین افاضل امکنه به ملازمت ایدر زیر وجدانی
 سریع و قحی قریدر و قرأنده کلور (ربنا انی اسکنت من
 ذریتی بواد غیر ذی زرع) سؤال اولورسه که بیت مکرمی بومقوله
 وادیده وضعک حکمتی ندر جواب بودر که اگر مکّه و اگر طریق
 ضیاع و جنان و انهارى مشتمل اولسه قاصد بیت اولنر اغراض

نفسانیه دن خلاص بولزلر وحقه اعتمادی ترك ایدرلردی و جبارل
مسكنی اولوردی و ساكن حرم اولنلر زراعت و حراشه اشتغالله
خدمت جقه دن قالدورلردی و تعلق دنیا مانع توجه حرم ملكوت
اولغله طرف ملوك كن حرمین اهلنه صره تعیین اولناندن بری
اهل الله حرمین دن پریشان اولوب مجاورتی مفارقتیه تبدیل ایتدكلری
مقرر در و طواف بیت طواف عرشك نظیریدر یعنی (وتری الملائكة
حافین من حول العرش یسبحون بحمد ربهم) موجبیه ملائكة
مقر بون دار العز حتی تنقیذ امر ایچون طواف و تسبیح و تحمیدله
دور ایلدكلری کی حذاء عرشه اولان بیت الشرف وحدتی مؤمنلره دخی
ذا کرین و شا کرین اولدقلری حالده زیارت و چوره سنده دوران
ایدرلر کویا دار الملک والسلطنه در که حراس حوالیسنی المشلردر
پس سر دوران بودر که عالم وحدتده قید وجهات یوقدر
قلب عارف کی انکیچون قالب دخی طوافده اکا تابعدر که جهاتدن
بر جهت ایله تقیددی یوقدر صلاة ایسه ظاهرده مقید و باطنده
طواف کی مطلقدر زیر اقلبك وجه کلیدن توجهی حق مطلقده در
و کعبه نك عرش اوزرینه فضلی بودر که یمین الله اولان حجر اسودی
مستلدر که اکا مبايعه حقه مبايعه در و بوندن مافی الوجود الا الله
سری ظاهر اولور و حقیقت زیارت اودر که کعبه مؤمنی طواف
ایلیه و یاغنه کله انکیچون غرقادن بری کعبه بی یرنده مشاهده ایتیمک
یارب کعبه نیمه اولدی دید که خطاب الهی وارد اولوب جاریه لر یزدن
برخی استقبال ایچون کندی یوردی مکر اول وقتده رابعه عدویه
کعبه بی زیارته کاور ایمش کعبه نك قدومی اکا ایمش و دیمشدر که
خرسانده نیجه کجسلر واردر که انلر بیت شریفه طائف بیت اولاندن
اقر بدر و کعبه نك یرندن غیبی تمثیل طریقله در ولکن عین رائیده
مفقود کورینور تا اهل طواف ایتدیکی وقتده معلق کورندیکی کی
نظیری روضه شریفه ده وجه مبارک نبونك اقبال و اعراضیدر
یعنی مواجهه ده ظالم و عادل جمع اولسلر حالت واحده ده ظالمین

معرض و عادله مقبل کورینورلر عالم مثالک حالی بودر که جامع
الاضداددر زیر حقیقت مطلقه نك وجوه کثیره سی واردر که هر بری
بر طرفه ناظر در و بومعنی قابل وعدم قابلدن کلور و حق تعالی انسان
کاملی صورت الهیه اوزرینه خلق ایتکله انک یمینی حجر اسود و قلبی
کعبه المقصود و جسدی حرم مطهر و سری عرفات و نفسی محصب
و فیضی زمزم و دعوتی سر منبر و دهانی سر البابدر و بیت معموردخی
فی الحقیقه قلب انساندر اگر چه صورته بدنی فلاك اوسونده برخانه
نورانیدر که حضرت ابراهیم علیه السلام اکا مسنددر و بو بیت
و کعبه و عرش بری برینك محاذاتنده در و هر فلکده دخی بر بیت
اولوب اوراده اولان ارواحه مطافی اولمشدر و بیت معمور سمت
کعبه دن اصلا مفارقت و انتقال ایتمز زیر اسموات مقارنده ثابته در که
حق تعالی انلری بزه سقف بیت کبی سقف مرفوع قیلسدر بلکه
بر جانبیدن بر جانبیه انتقال ایدن فلکدر زیر هر کوکب ایچون بر فلاك
مخصوص واردر که اول کوکب سیاحتی اکا منوطدر تکیم قرآنده
کاور (کل فی فلاك یسبحون) و بونده جمیع عقلا اجرامی تحریک
ایچون تعیین اولنان ارواح مدبره اعتباریه در که ارواح انسانیه کی
انلره دخی نفوس ناطقه فلکیه دیرلر مدر که معناسنه در زیر نفس
افلاکک حیاتی حیات ذاتیه در که باطن روحدر و محرک اولان نفس
روحدر انکیچون انسان اوج دورلو حیاتی حاویدر که بری حیات
ذاتیه و بری حیات روحانیه و بری حیات حیوانیه در و بونلر بری برینك
نزایدر و اصل الكل اولان حیات ذاتیه در که نجلی نورینك باطنیدر
انکیچون هر حیات ظاهره بو حیات باطنه ایله قائمه در و حیات ظاهره نك
مفارقتی حیات باطنه نك مفارقتی مستلزم دکلدر انکیچون میتک حیات
ذاتیه سی واردر اگر بو حیات اولسه نیجه میتلر تکلم ایتزلردی مع هذا
بعض موتلك تکلمی منقولدر حتی اصحاب شیخ ابن عربیدن بدر جشی بی
غسل ایچون سریر اوزرینه وضع اولند قدغه غاسل انک هیبتندن
متحیر اولیحق بدر مذکور فتح عین ایدوب غاسله (اغسل) دیدیکی

وامثالی بو مقام دندرو بیت معموره بهر یوم یتش بیک ملائکه دخول
ایدوب بردخی عودت ایتمزل انقاس انسانیه کی وقلب عارفه بهر یوم
داخل اولان اسرار الهیه دخی یتش بیکدر وقلوب بنی آدم بیت معمور دن
مخلوق اولغله هر ایل ونهار که بیکرمی درت ساعت نجو به بی
مشتلدر یتش بیک خاطره دن بلا زیاده ولانقصان خالی دکلدر
وبو یتش بیک خاطره دن یتش بیک ملک خلق اولنوب هر کون بیت
معموره داخل اولان یتش بیک ملکه ملاقی اولور لر و بونلرک ذکر لری
اصحاب خواطره الی القیام استغفار اولور ولکن قلبی ذکر الله ایلله
معمور اولانک خواطرندن مخلوق اولان ملائکه سائر دن ممتازدر
و کعبه بی هدم ایتمک بنیان حتی یعنی انسانی بغیر حق قتل ایتمکدن
و خاطر دن کسر ایتمکدن اهورندر بو جهتندندر که اولیای دمدن بری
قاتلندن عفو ایلمسه قصاص ساقط واخذ دیت لازم کلور و اهل اسلام
اهل حرب اوزرینه غالب اولسه لر بیلله اقتضاسته کوره صلحه میل
ایدوب اخذ جزیه مشروعدر و ضرورت داعیه اولسه کافر
وجاهلی قتل ایتمک عضو متا کل و یا ملسوع حبه بی قطع کیدر که
انده اعضا باقیه سلامت وارد و نفسدن اعظم حبه یوقدر
انکیچون حبه وامثالی حل و حرمدن قتل اولور زیر مکانک شرفی
او مقوله نک ترکی محلل دکلدر بلکه شرف کعبه و شرف وجود
او مقوله مودی و مضری اول ساحه دن ازاله ایلله در انکیچون حبه
جنتدن اخراج اولندی وقلب انسان کعبه الله ایکن اصنام ماسوا به
تعلق کوسنوب عاید هوی اولق ساحه کعبه بی تلویدر و بر کیمسه
مسکن حق اولان قلبی تلویث ایتمسه اذیت حق ایتمش اولور که غایتی
ملعون اولمقدردر تکیم قرآنده کلور (ان الذین یؤذون الله ورسوله
لعنهم الله فی الدنیا والاخره) بونده اذیت حق تلویث محل جهتندن
واذیت رسول قلب انک تنزلات روحانیه سندن اولغله در روح
مقام معرفت وقلب مقام تجلیدر و معرفت وسیله تجلی اولدیغی کی
روح دخی وسیله قلبدر ز براسر الهیتک قلبه نزولی وساطه روحله در

وقلب بعد تکامل النشاء روحدن افضلدر زیر صاحب کمالدر که
جبال روحانی و جلال جسمانی بی جامعدر بو جهتندندر که مضغه
صنوبریه مخروطیه ظرف دل اولدی روح ایسه ظرفدن مستغنیدر
و کعبه به بهر سنه وارد اولان حجاج الی کربه یوز بیکدر دیدیلر اگر
ناقص اولور سه ملکدن تکمیل اولور و بونلر ائم سالفه ایچون اولان
اللی بیک سنه ده کلان صور ارواح کعبه تفصیلدر که یوم محمدی
اولان بیک سنه نک تفصیلی اولان یوز بیک ایلله مجموعی اسماء سبعه
عددیچیه بدی یوز بیک اولور بوندن فهم اولور که امت مرحومه
اهل حل و حاضر و ائم سالفه اهل آفاق و غائب کیدر انکیچون
حدود واردین الی بیکه تخصیص اولندی و جائزدر که الی کربه یوز بیک
ایام سنه اعتبار یله اولاکه ایام خلقدر و بومعنی عالم صورته کوره در
سنه به اختصاصی وارد و اما عالم معنایه کوره بهر یوم کعبه به الی کربه
بلکه بدی کربه یوز بیک روح داخل اولور (والله و اوسع علیم) بعد اذ
کعبه وضع اول اوزرینه شکل مکعب ابدیه اوج رکن مشتمل ابدی
انکیچون کعبه دینلدی زیر کعبه تشبیه اولندی کعب قدم و ساقک
ملتقاسته اولان عظمدر که طپوق دید کلریدر و فی الحقیقه ذات
الرکنین در که رکن حجر اسود و رکن یمانیدر زیر رکن شامی و عراقی
سر تربیع ایچون احداث اولمشدر پس وضع اولک رکنین ایلله تفریدی
ذات حقل حضرت احدیه او واحدیه یعنی مرتبه ذات و مرتبه صفات
و سر جبال و جلال و حکم لطف و قهرله تفریدنه اشارتدر و مثلث الشكل
اولدیغی قلوب انبیایه ناظر در زیر انلرک خواطری اوچدر که بری
خاطر رجائی و بری خاطر ملکی و بری خاطر نفسانیدر و وضع حادث
اوزره چارارکان اولدیغی قلوب مؤمنینه اشارتدر زیر قلب مؤمنده
خواطر ثلث مذکوره اولدیغی کی خواطر شیطانی دخی وارد که
انبیا ایسه بو خاطر دن معصوملدر سائر دکل پس عامه خلقک
خاطر باطنی بحسب الغالب ظاهرنده مؤثردر انکیچون خطوات شیطانه
اتباعدن خالی دکلدر در خواص خلق ایسه محفوظلدر زیر تذکر

الهي ايله متذكر اولوب مبصر اولورلر تنكيم قرآنده كلور (ان الذين اتقوا
 اذا مسهم طائف من الشيطان تذكروا فاذا هم مبصرون) وركن
 حجر اسود خاطر الهي وركن يماني خاطر ملكي وركن شامي خاطر نفساني
 وركن عراقی خاطر شیطانی منزله سنده در زیر اشارع ركن عراقی ده
 (اعوذ بالله من الشقاق والنفاق وسوء الاخلاق) ديمكي مشروع
 قبلدی مریاتب ارکان ایسه ذکر مشروعه معلومدر و بوارکان اربعه
 مقابله سنده اوتا دار بعه وضع اولمشدر که هر بری بر ركنه ناظر
 وئلك سريله دائر در واتمام كعبه دنصكره دعوت ابراهيميه واقع
 اولق امتحان ناس ایچوندر تا که عالم ارواحده حقیقه سنده مجیب ايله
 ساکن اولان بری برندن متمیز اوله انکیچون مدعو اولنلرك بعضیسی
 اجابت ایتدی و بعضیسی ایتدی واجانی متكرره اولنلرك حجبی دخی
 متكرراولدی تنكیم تکرار تلبیه دخی اکا ناظر در واجابته توقف ایدنلر
 حجبی تأخیر ایدیلر بلدیلر که لسان خلیل لسان جلیلدر و مسارعت
 امثال لازمدر سوال اولنور سه که تکمیل بناء كعبه دنصكره
 الله تعالی یواقیت جنتدن اولق اوزره حجری ازال ایدوب محل معهوده
 وضعله امر ایلش ایدی واول وقتده حجر ایندن ایض ایدی پس اول
 نسنه که طینت آدم انکله تخمیر اولسان یمین الهي منزله سنده ایکن
 سواد لون ايله متغیر اولق نندن کلدی جواب بودر که حجر مكرم جنتدن
 خروجی آدمک خروجی کیدر یعنی آدمک خطا سببیه جنتدن هبوطی
 وجه ارضده خلافت و سیادت ظهور ایدوب جنته رجوعی کمال انسانی ايله
 اولق سر نه مبنی اولدیغی کبی حجر اسودک نزولی دخی سیادت مخصوصه
 ایچون ایدیکه یمین الهي منزله سنده اولمقدر تا که اثر سیادت ايله
 جنته رجوعنده امثالندن متمیز اوله واول سیادته سبب فی الحقیقه ابن
 آدمک لمس و تقبیلدر زیر خطائک اثری سواددر یعنی خطا سببیه اهل
 سیادت اولان آدم واولادک لمس و تقبیلی دخی باعث سیادتدر
 پس بنی آدمک خطایاسی انی تسوید ایتدوکی سیدقلدی دیمک معناسنه
 محمولدر بو صورتده اسود سیادتدن اولور سواددن دکل والوان ایچنده

سیادته دلالت ایدن اولولق رنك سواد اولمغله انکله تقیید اولنوب حجر
 اسود دنلدی ولسان فارسی ايله كلور * هفت رنكیست ز بهفت اورنك *
 نیست بالاتر از سیاهی رنك * بو بیتده طائفه صوفیه نك هر اسمده بر نور
 کورب بدیجی اسمده نور سیاه کورد کوری نه تلمیح واردر یوم فتح مکه ده
 رسول اللهك دستار سیاه ايله تعمم ایتد کوری معنای مذکوره دالدر
 و بعض شعر ایدمشدر که * کر بچشم پاک در صنع الهي بنکری * کعبه
 مقصود خود را در سیاهی بنکری * مرویدر که حضرت عمر رضی الله عنه
 داخل مطاف اولدقده استقبال حجر ایدوب یا حجر لا یضر ولا ینفع
 اولدیغی بیلورم واکر رسول الله سنی تقیل ایدرکن کور میبدم تقیل
 ایتمدم دیدکده بو کلام عمری سمع ملی به ایردکده بیوردیکه بلی یا امیر
 المؤمنین بو حجر یضرو ینفع مقوله سیدر زیر کتاب الهیده **كلور**
 (واذا خدر بك من بنی آدم من ظهورهم ذریتهم واشهدهم علی
 انفسهم الست برکم قالوا بلی) یعنی الله تعالی آدمی خلق ایدوب
 ظهرنی مسح ایتدکده ذریتی متمثل اولوب اقرار ربوبیت و اعتراف
 عبودیت ایدیک عهده و میثاقلری مأخوذ و برق اوزرینه مکتوب
 حجره افتم فاك دینلوب اغرنه القام اولندی تا که مسلم اولنلرك توحیدلرینه
 آخرتده شاهد اوله اشته ضرر و نفعی بودر دیدکده حضرت عمر رضی
 الله تعالی عنه انصاف ایدوب (اعوذ بالله ان اعیش فی قوم لست فیهم
 یا ابا الحسن) دیدی بو جتدندر که استسلام حجرده (اللهم ایماناک
 و تصدیقا بکناک و وفاء بعهدک و اتباعا لسنة نبیک) دیمک مأثور اولدی
 و بعض مکاشفین کلمه شهادتک فم حجره دخول و قعرنه وصولی مشاهده
 ایلدی پس هر حاج صافی و مستم مخلصک شهادتی حجره ایداع
 اولندیغی لاریدر و نامه ید ايله تسلیم اولمغله سر ایداع بوندن مفهوم
 اولدی زیر حجر یمین منزله سنده در تنكیم سبق ایتدی و بر دخی ایداع
 حجر ایتک ایداع کعبه حکمنده در زیر حجرک طرف اخیری باطن کعبه به
 ملاصقدر و کعبه انسان کاملک قلبیدر و انسان کامل آخرتده
 شاهددر انکیچون حجر هر عصرده کلن کاملک یمینی صورتیدر که مباحثه

و تقبیلی لازمدر و بر کیمسه زمانک امامی یلمسه واکا مایعه قلمسه اول
 کیمسه جاهلیت و بدعت اوزرینه در و امام صوری سلطان اعظم
 و معنوی قطب الاقطاب و سائر ائمه ارشاد در که الی یوم القیام ارشاد لری
 دائم و خانه دنیا انلرک رکن وجود لریله قائمدر و بوتقر بردن فهم اولندیکه
 کرچه کعبه و حجر اسود رموز و اشارات مقوله سیدر زیر الله تعالی
 مکان ایله محاط و عین ایله موصوف اولمقدن منزهدر و لکن فی نفس
 الامر مراتب و منازل اعتباریله حقایقه راجعدر انکیچون (خلق الله
 آدم علی صورته) کلامنده واقع اولان صورندن مراد کرچه صورت
 حقیقه در که کلیات اسماء و صفاتدن عبارتدر پس بوصورنده اطلاق
 صورت مجاز اولور فاماتنزلات رجاییه حسبیه حقیقتدر انکیچون شاب
 امرد صورتیله تمثیل ایلدی نتکیم حدیث صحیحده واقعدر و مراتب
 اوزرینه ماشی اولان کیمسه به ذلل و عثار بوقدر پس بواسیا مظاهر
 اسماء و لمغله صورت حق اوزرینه در اگرچه اسماء جزئییه اسم اعظمک
 و سائلی در بناء علی هذا کعبه به دعوتدن مقصود جذب قلوبدر
 تا که بیتدن رب البیته ترقی ایلده لر زیرایت سراحیدی مشتمل و انک
 صورتیله قائمدر و بومعادندر که شیخ عربی قدس سره بر کیمه
 مظافده کعبه به نظر ایدوب سنکه حجر و مدردن مبنی سن بوقدر
 تعظیمه ندن سزا اولدک دیو کعبه بی شانندن تنزیله متعلق کلماتی واقع
 اولدقده کعبه دخی حجر اسودله شیخک مقاتله سنه قیام کوسرتوب
 اوزرینه حمله و هجوم ایدیچک الندن خلاص بولامیوب بالاخره
 مدیحنده برقصیده انشاسنه تعهد ایله ارا لنده مصالحه واقع اولدی
 نتکیم تفصیلی فتوحات مکیه ده در پس صورنده فالیوب معنائله دخی
 آشنالتی کر کدر محکیدر که بعض عارفین قصد حج ایندکده ابن صغیری
 دخی رفاقتنی نیاز ایدیچک پدری مساعده کوسرتوبوب سنک هنوز اول
 معنایه صلاحیتک بوقدر دیدکده غلام دخی بو حرمان تا خوردن
 کریان اولدی زیرایتی کوران رب بیتی کورردی وطن ایش ایدی والیدی
 دخی انک سوز و حرارتی کوردکده استصحاب ایدوب طی مراحل

وقطع منازل ایده رک داخل حرم و مشاهده یتله مکرم و محترم اولیچق
 اوراده غلام هیبت مقام و مشاهده آثار جمال ذوالجلال والا کر آمدن
 متأرا ولوب خاکه خرور و وداع دارالغرور ایله جان عزیز ی متاع نفیس کی
 خزانة ملکوتہ تسلیم ایلدی پدری بو حالت هائله به مطلع اولوب دیدیکه
 ولدی و قطعه کبیدی دیو محترق آتش فراقی اولیچق ذابیه
 یتندن نداء غیبی کلدیکه سن بیتی طلب ایلدک بولدک اوغلتک رب البیتی
 استدی اولدخی بولدی دندلی و اول اثنا ده ید ملائکه ایله جسد غلام
 مرفوع اولوب نوجهله اولدیغی معلوم اولدی نتکیم بعض اولیانک
 موتلری قریب اولدقده اهل و اولاده وداع ایدوب غائب اولورلر
 و رجال الغیبه اتصال بولورلر و مراد الهی اولان محله دفن اولورلر
 و کعبه وضع معین ایله محدود اولق حجر اسودک مبلغ انوارندندر یعنی
 رکن بابه وضع اولندقده نوری جوانب ار بعددن زویه دک بالغ اولدیسه
 حکمت الهیه موجبجه حرم اولوب اورادن بلا احرام تجاوز ایتک
 محجور اولدی تا که محرم اولنلر نورذاته نور صفاته مهتدی اوله لر انکیچون
 خارج حرم افعاله و داخلی صفاته و نفس کعبه ذاته اشارتدر پس حرم
 اطلاقی احترامی واجب اولدیغندندر و اعظم اسباب احترام احرامدر که
 تجردی مستلزمدر و لکن بالکلیه تعری ایتک عادت جاهلییه اولمغله محیطک
 غیر ایله استنفا اولندی زیر محیط ده ترکیب وارد مقام احدیت
 ایسه ترکیبی منافیه در الحاصل صورت حج معنایه ناظر اولمغله قاصد
 بیت و رب البیت اولانه تجرد صوری و معنوی لازم کلدی و حدیث قدسیده
 کلور العظمه ازاری و الکبریا ردائی یعنی حق تعالی کندی نفسی ازار
 وردا ایله وصف ایلدی قیص و سراویل ایله دکل زیر ازار وردا
 منسوج ایسه ده محیط دکلدر بوجهتدن بساطته اقریدر
 قیص و سراویل ایسه محیط و مرکبدر بوسره بناء محرمه لبس محیط
 حرام محرمه به حلال اولدی زیر ارجل مرکبدن مخلوق ایسه ده
 ساططه اقریدر مرأه ایسه مرکب محققدن مخلوقه در که رجددر انکیچون
 بساطتدن بعیده اولوب مرکب اولان محیطی لبسه اصلی اوزرینه

قالدی ورجله ملحقه اولدی رجل ایسه ترکیبدن مرتفع اولوب اصلانه لایق اولان وجهله ترك تخیط ایلدی و نفسنده مرض مضعی جهتندن تجرده مانعی اولانه قربان لازم کلدی زیر اقریان نفسه بدادرانکیچون عقیقه مسنونه اولدی تا که شکر نفس بوانه که موارد در تکیم تفصیلی مرور ایلدی انکیچون نحر هدی ایتدوکی وقتده عتی نفسی تذکراتک کر کدرز یر انحرک هر عضوی متقربک بر عضونه بدل وفدا اولسه کر کدر و خبرده کلور که الله تعالی حضرتلری هر سینه نصف شهبانده کعبه به نظر ایدر پس هر کیم که عالم ارواحده دعوت توحیده مسارعت اجابت و بعده دعوت ابراهیمه اقبال استماع واقع اولدیه لبله بر آنده قلبنه میل و حنین دوشوب حجه عزیمتی در کار ایدر و درت سینه ده بر کره شوق و انجذابنی تازه انوب اجابت مکرره واقع اولدیه حج مکرر دخی واقع اولور بعنایه الله و توفیقه و بعض حکایات لطیفه ده کلور اهل ثروت و غنادن بر یسی حجه تحدیث نفس ایتمه مش یعنی زاد و راحله به استطاعتی و رایکن حج ایتمکی اصلا خاطرنه کتوره مش ایدی اتفاقا امیرمکه به غمزا و انوب قتل اولتمی ایچون احضار اولندی و اول وقتده امیرمکه عرفاتده بولندی حضور امیره مغلول العنق و مقید بالحدید اولدیغنی حالده احضار و انوب امیرسؤال ایدوب اول واجب القتل اولان کیمسه بومیدر دیدکده بود کلدر ایها الامیر غیر بدر دیو جواب ویر یلجک امیر اعتذار ایلوب اول مقیددی اطلاق ایلدی اول دخی اغسال و نیت و تلبیه ایدوب عرفاتدن مغفورا و بعد الحج مقامنه مسرورا عودت ایلدی پس بوندن (عجب ربك من قوم یساقون الی الجنة بالاسلار) سری ظاهر اولدی و اول کیمسه دن کرچه موجب احضار و مؤاخذه اولور امر صادر اولمش ایدی و لکن عنایت الله مقارنتیه الله تعالی و ایشبنک قلبنی تحویل ایدوب وقت استفسارده خلافتک سوبلندی و مقصود اولان کیمسه بود کلدر دیو دینله کتوردی تکیم مغر بده بر رجل صالحی ارباب الحاد و زندقه دندر دیو سلطان عصره غزه ایتدیلر سلطان دخی احضار ایچون اعوان کونده روب یولده کلور کن

برخیاز دکانسه مرور ایلدکده اول کیمسه خیابازدن نصف خبر الووب تصدیق ایتدی و حضور سلطانه کلدی سلطان دخی غمزایدن جماعته بالمشافهه خطاب ایدوب بو کیمسه حقنده نوجهله شهادت ایدرسن دیدکده لسانلری نطق خلافتدن بسته اولوب رجل صالح سنی بلورز دیدیلر اول کیمسه دخی تصدیق سبيله الارندن خلاص بلوب مقامنه کلدی و دیمشادر که حضرت ابراهیم یبنی بنا ایتدکده انک ایچون سقف قومدی بلکه مکشوف الرأس قلدی بوجهتدن ملوک سالقه جواهر جلیله دن والواح ذهب و فضه دن و نیحان مرصعه دن و انواع حلبدن نذور القا ایدر لردی تا که کعبه ایچنده کتر عظیم مجتمع اولدی و شیخ اکبر دن منقولدر که بشیوز طفسان سکر تار یخنده تونس ولایتده اول کتزدن ملائکه اکابر اوح ذهب کتور مشلرایدی که اوزرنده سریانی خط واریادی و شیخ انی ادبامع رسول الله ینه موضعنه رد ایلدی زیرا رسول الله اول کتزی بلوردی و بروقتده اخراج ایدوب انفاق ایتمک صددنده اولدقدده رأی متحول اولوب حالی اوزرینه ترك ایلدی و حضرت عمر دخی ایام خلافتده اخراج صددنده اولدقدده رسول الله اقتداء ترك ایلدی پس اول کتزالی الان مخزون و مکتومدر که انی آخر زمانده حضرت مهدی رضی الله تعالی عنه اخراج ایتسه کر کلدر انک خروجی و ظهورند نصکره سائر کنوز دخی ظهور ایدوب کرامات منشره و جهادات متکلمه اولسه کر کدر و اول کتز مؤمنک قلبنده اولان کتز معرفت و توحید در که یوم قیامت ایچون مدخر در و مقام ابراهیم دن مراد فی الحقیقه انفاق مال و بذل ولد و نفس و خلعت و حلم و اواهی و تسلیم و انبساط و یقین و رضی و امثالی صفات جلیله در که بو مقامه دخول ایلد نارد و زخ و بعد و قطیعه دن نجات حاصل اولوب فردوس اصلی و مقام قرب و وصل و مشاهده وجود بولور و حدیثده کلور که (الحج عزمه) یعنی مقام سره دخول ایتمکجه حج معنوی حاصل اولماز و حج اکبر دید کلری حج اصغر دن احتراز در که عمره درز برا اوج عمره بر حجه بدلدر و بلکه شهر رمضانده بر عمره نیک اجری

حج قدر در زرا عمده وقت شریفك تأثیر عظمی واردر و بعضا
دیدیلر که حج اکبر وقفه نك يوم جمعه به مصادفه سیدر که حج وداعده
واقع اولمشدر پس موافقت حج رسول سبب تضعیف و مزید قبول
اولدی زیر وقتك تأثیرندن انسان کاملک و اکامتابعت و موافقتك تأثیری
غالبه در و کعبه ده مقیم و حاضر اولان کعبه هر سنه حج ایتك مسنون
وترکی مکروه در که فضیلت عظمی و مثبت مثلی دن حرماندر تنکیم
مسجد ده قاعد اولان کعبه یادکر و باصلاته مشغول کر کدر شویله
فارغ او نور مقی مکروه وترکی اولی بایندندر پس احتیاط اودر که بهر
سنه حج کر بسته عزیمت اوله و هر بار که مسجد کربوب اونوره امور
اخرویه دن برنسنه به اشتغال کوستره و اهالی زمان کبی مسجدی مساوی
خانه ائیمه زرا مسجدده فضول دنیا سوبلک حسنائی اکل ایدر نار حطی
اکل ایتدوی کبی و حج ایتك غزادن افضلدر ذکر الله کبی زیر اقتل
نفوس دفع استیلاء کفار و عصمت حرم و اموال ایچوندر که اعلام کلمه
اللهه تا بعدر حج و ذکر الله ایسه فی نفس الامر مرغوبدر زرا انلرله اعدی
الاعدا اولان نفس اماره بی قتل و نظرگاه حق اولان قلبی احیا واردر
انکچون حمله جهاد من وجه توامدر زرا حمله انفاق مال و انخاب
نفس ایله سر جهاد اصکبر بولونور تنکیم صومله قران و صلاتله
زکات و ایمان ایله اخلاص نوأملدر و بر کعبه حج مکرر ایله هر حجه
اجر فریضه و یریلور و حج عن الغیر ایسه کندی حقیقه حاج اولوب
ثواب کامل و یریلور و محجوج عنه اولانه ثواب حج و یریلور و نفس حج
و یرلر زرا کندی بنفسمه زیارت ایتدی و لکن کرما من الله تعالی
آخرنده بحاج ایله محشور اولور و دیمشدر که حج ناس اوزرینه فرضدر
ولکن اهل مکه حاج اوزرینه فرضدر پس لازمدر که دلیل انلردن اتخاذ
اولنه تا که اکرام و مواسات بولنه و سائر ضعیفاء فقرا به دخی انفاق و حسن
معامله دن حالی اولیه و قرأنده کلور (ومن یرد فیه بالحد بظلم نذقه
من عذاب الیم) یعنی هر کیمکه حرم الله ده قصد ظلم ایسه قصد ایتدوی
سنه کرک اندن واقع اولسون و کرک اولسون مؤاخذه اولنور زیر مقامک

حرمتی واردر فاما حرمتک غیریده همله مؤاخذه اولنماز بلکه فعلله معاقب
اولور و عدم فعل صورتنده اکثری من اجل الله ایسه حسنیه یاز یلور والا
نه له سنه ونه خود علیه سنه برنسنه یاز نماز و بو مقامک صعود بندن
اوتوری ابن عباس رضی الله عنهما اجلاء اصحاب و افراد اولیادندر
مکه ده مجاورتی ترک ایدوب طائف دیدکری شهر که حالاطی و حذفله
عباس دیرلر اورایه انتقال ایلدی و قبر منیقلری دخی اوراده زیارتگاه
عالمیاند طائف اصلنده قرای شامدن ذات الانهار و الاشجار برقریه
ایدیکه جبرائیل علیه السلام انی باذن الله تعالی یرندن قلع ایدوب
کعبه محاذاته وارد قدده بیتی سفینه نوح علیه السلام کبی طواف
کعبه ایتکله طائف دنددی و بعد الطواف حالاموجود اولان موضعه
وضع ایلدی که برکات مکه نك اکثری اورادن مجلویه در و بر کعبه
طریق حجه وفات ایله انک ایچون ثواب حج یاز یلور قال الله تعالی
* ومن یرج من بیتة مهاجرا الی الله ورسوله ثم یدر که الموت فقد
وقع اجره علی الله * بوندن فهم اولنور که حاج صوری به اجر
وصول حاصل اولدیغی کبی حاج معنویه دخی بویله در زرا انقطاع علری
امر سماوی حسبیلدر و باطننده اتصال همت دخی واردر زیر اگر
فتور و کسل کلوب خروج و سلوک کنه پشیمان اولد یسه اقبالی
ادبار حکمنده در و معرضه اجر یوقدر زرا اجر عزیمت و اخلاص
اوزرینه مبنی اولان عمه کوره در و بو مقامده صوره و معنی چوق
کعبه مل یولده قالمشدر و واصل اولدق دینلر دخی منزلده سرایدن
غیری سنه بولما مشلدر در انکچون مرشد کامل و مربی حاذق کر کدر
خطر انده باذن الله تعالی دستگیر اوله و بوندن علمائله مطلقا رفاقتک
فضلی ظاهر اولدی * الباب الثامن عشر فی المجاهده *

مجاهده عدوی مدافعه ده استفرغ و ساعد یعنی دشمنی طاقتی
اولدیغی مرتبه دفع ایتکدر و مجاهده اوج نوعدر بری مجاهده عدو
ظاهر و بری مجاهده شیطان و بری مجاهده نفسدر که بو اوجی
(وجاهدوا فی سبیل الله حق جهاده) امرنده مندر جدر زیر حق جهاد

اعداء ظاهره و باطنه ايله حسب الطاقه محاربه و مقاتله در و حديده
 كلور (جاهدوا اهلواكم كما تجاهدون اعداءكم) و اعداء باطنه دن مراد
 نفس و شيطاندر زير شيطانك دخي نفس كي تسلطى باطندند
 اگر چه ظاهرده طرف قفادن خرطومنى قلب انسان اوزرينه وضع
 ايدوب القاء و سوسه ايدر انكيچون خناس ديندى زيرا اگر قلب
 متيقظ اولوب ذكر ايدرسه شيطان خنوس و تاخر ايدر زيرا نور ذكر
 اتى احراق ايلر بوجهتدندركه رسول الله صلى الله تعالى عليه وسلم
 توصيه جبرائيل ايله بين الكتفين احتجام ايدردى زيرا احتجامده
 تضعيف ماده شيطان و تضيق مرصد وارد و شيطانك مجراى دمده
 جريانى حديث ايله ثابتدر زيرا جسم لطيف اولديغى وجهله هر محله
 نفوذ ايدر واصلى ناردن اولمق نفوذ ايتديكى برى احراق ايتك لازم
 كلر زيرا انسان عناصرار بعه دن تركيب خاص ايله متركب اولديغى كي
 انك دخي تركيبنده نار و هوا مزاج مخصوص بولمشدر و خاتم نبوتك
 بين الكتفين اولديغى و سوسه دن عصيته اشارتدر و صدرده لير قلب
 اولمغه قرآنده (فى صدور الناس) ديوتقييد اولنسى و الاوسوسه سى
 قلبه واصله درمكر كه محفوظ و امين اوله و نفس ايله مجاهده ايتك اصلدر
 زير شيطاني دخي نفسى اضلال و اذلال ايلمشدر و نفس مرتبه طريقت
 و شيطان مرتبه شريعت ناظر در و بوايكى معنائى جامع جلال
 الهيدر كه مرتبه حقيقته دائر در و مجاهده يد و اسان ايله اولمغه شاملدر
 تكيم حديثه كلور (جاهدوا الكفار بايدكم و السنه لكم) يعنى جهاد
 اصغره كوره ايدى ايله اولان مجاهده سلاحله اولان مجاهده
 و السنه ايله اولان مجاهده كفاره اذاي اسان ايله رنجش خاطر و یرن
 مجاهده در و جهاد اكبره كوره ايدى ايله اولان اعمال شاقه بدنيه
 و السنه ايله اولان جهر و اخفا ايله اولان ذكر الله در زيرا
 كره سالكك دفع مضرت نفس و شيطان و جلب رحمت رحمانده
 مدار شغلى ذكر الله در و لكن عمل بدن ايله اولان مجاهده سى دخي
 معين مقصود و وسيله مراد در شول جهندنكه عالم نزولدن غرض

اعمال قلب و قالدر كه تمام تكليف و ابتلا انكه حاصلدر و ابتلا نك غايى
 جله اسماء يوزندن حقه ارتباط و جميع و جوهدن اتصالدر و جهاده
 نصرت دين و قهر اعدا و اعلاء كلمه الله نيت ايتك كركدر و ظاهر
 دين شرايع و احكام و باطنى اسنسلام و حقايق و حكمدر بو معنائك
 حصولى جهاد اصغر و اكبر مجموعنه منوطدر و ديمشدر كه بر كيمسه بدایت
 حالنده صاحب مجاهده اولسه بو طر يقندن شمه بولماز زير اسلوك حقيقى
 نفسى مألوفاتدن قطع و خلاف هوا سى اوزرينه جلدركه زياده
 صعب بولودر انكيچون فنا فى الله مؤيددر كه مقام لقادر و شيخ ابو على
 الروزبارى ديمشدر كه سالكه آفت اوج بردن دخول ايدر اولكبسى
 سقم طبيعتدر كه اكل حرامدر و اينكجيسى ملازمت عادتدر كه نظر
 و استماع حرام و غيتدر و اوجنبجيسى فساد محبتدر كه نفسمده هيچان
 ايدن شهوته تابع اولمقدر و مخالفت نفس رأس عبادتدر و جميع دوا مخالفت
 هواده در و هواى ميل نفسه مبنى اولان كارددر كه برهان سماوى و دليل
 عقلى اكا مساعده ايتبه و فى الجملة مساعده سى صورتنده دخي اغراض
 باطله و امائى فاسد دن خلاص اولميه زيرا كاه او اور كه كار شريعت
 دخي اغراض فاسده به مقارنيله باطل اولور حتى نفس بر طاعتى استجلاء
 ايتسه اورادن تحويل كر كدر و قرآنده كلور (يا ايها الذين آمنوا
 قاتلوا الذين يلونكم من الكفار) بو آيتدن صوفى و هر موفى اولان
 كيمسه نك حظى بودر كه نفس اماره سنه نظر ايليه تا كوره كه اتى هر
 واجب و مندوبدن محظور و مكروهه نيجه جل ايدر زيرا مخالفت
 اوزرينه مجبوله در و سائر اعدادن كندونه اقربدر پس بر كيمسه اتى
 يا قتل و يا اسير ايتد كجه شرنندن خلاص بولماز و انك انسان اوزرينه
 تسلطى ايكي سيف ماضى ايله در كه رقاب صناديد رجايى انكه قطع ايدر
 و اول ايكي سيفك برى شهوت بطن و برى دخي شهوت فرجدر كه جميع
 خلائقى اسير ايتمشدر و لكن شهوت بطنك شهوت فرج اوزرينه
 غلبه سى وارددر زيرا شهوت فرجه تأييد شهوت بطندن كلور بوسبیدن
 تزوجه قادر اولبان صومله مأمور اولدى زيرا رياضت كسر شهوت

ایتم کردن خالی دگر در خصوصاً که ادامی خل اوله و حدیثه کک لور که
 (اعدادك نفسك التي بين جنبك) یعنی بین الجنین ایله تقیید ایتدو کی
 بودر که صفات نفسانیته ناکثر آثاری ایکی پهلوار اسندن ظاهر اولور که
 اکل و شرب و شهوات پس بطنلری پر شهوات اولنلرک نفس لری
 شهواتله نقض عهد شرعه توسل ایلیوب عداوت اهل دین اوزرینه
 اولورل نفوس خالیه موالات اوزرینه اولدقلری کی و حدیثه کلور که
 (اعظم الجهاد جهاد النفس فانها غیر مأمونه) یعنی نفسله جهاد ایتک
 جهاد اکبر در زیراکار یا صغیر و بردخی دشمن پنهاندر و بردخی یدی
 باشلور در در که سرلری کبر و عجب و ریاح و حسد و غضب و حب مال و حب
 جاهدر و بوصفات رذیله دن نفسی ترکیه ایتکده عسرت عظیمه وارد
 اژدره ایله مقاومت و مصارعتده عسرت اولدیغی کی پس نفس محل
 علل و آفاتدر چونکه بالکلیه مقتول اوله اذاسنی اماطه یه ازاله حاجت قالماز
 انکی چون صف عدوده مقتول اولان شهید غسل اولماز مکر که جراحتی
 متغیر اوله زیرا الله تعالی حضرتلری قتل حیه اوزرینه اولور سه ده
 شجاعتی سور انکی چون وهن و ضعف و جبندن نهی اولمشدر تکیم
 قرأنده کلور (ولا تهنوا فی ابتغاء القوم) و نفس اماره حیه کبیدر و بالفرض
 اسلامه کلسه دخی اخلاق دسه سنک آثار نی غسل ایتلوردر انکی چون
 مشرکک بعد الاسلام غسلی مسنوندر پس ذات و صفاتک
 مجموعنی پاک ایتک کر کدر و برکپسه سلطان ظاهرک جنود عامه سندن
 اولسه اکاموافقت لازم کادیکی کی سلطان باطنک جنود خاصه سندن
 اولان سالک دخی صاحب الوقته متابعت ایدوب بالکلیه ارادت سندن
 خروج ایتک کر کدر و الا تحت اللوادن خارج اولان کیمسه هلاک اولور
 بعیر شارد کبیدر و نفس عدوة الله اولدیغی جهندن موالاتی معادات
 اولیا کبیدر حربه مبارزه حقدر زیر اظه و غلبه سنه سبیدر و بوصورته
 نقض عهد حاصلدر شول یوزدنکه الله تعالی حضرتلری سندن اخذ
 عهد ایتش ایدی که دشمنه ملاقاتده ثابت قدم اوله سک و زحفدن فرار
 ایتدیه سن و سن بلوردک که ایاغک امانتدر پس فرارله ایاغکه خیانت

ایتدک و اول دخی سندن آخرتده حقه شکایت ایتسه کر کدر و اعضائک
 شهادتلری قرأنده مسطوردر و مؤمن اهل یقین و تمکین اولان اضطراب
 نفسیه اویماز و حقه توکل ایدر زیرا الله تعالی حضرتلری بکه موجود
 حقیقیدر اکا استناد ایدن منصور اولور مؤمن کی و اصنام و طاغوتکه
 امور مخبله در اکا اعتماد ایدن مخذول اولور کافر کی سؤال اولور سه که
 پس نیچون مؤمن بعض اوقاتده مخذول اولور جواب بودر که
 معتقدی مخیل مقوله سیدر و الاحرم الوهیت حقیقه ایدن منهزم
 اولماز زیرا شعب ایمانی وافی و اعتقاد صحیحی کافیدر و انهرامی تشدید
 محنت قیلندندر یو خسه کافره نصرت یوقدر زیرا نصرت منصب
 شریفدر که مؤمنه سزا در یقین و تمکین اسباب نصرتدندر اکا قوت
 باطنه دیرل و حضرت علی کرم الله وجهه کلامده کلور که (انی ما قلعتم
 باب خیر بقوة جسمانیة ولا بحركة غداية لکنی ایدت بقوة ملکوتیة و نفس
 بنور بها مضیئة) و قلع باب خیر قصه سی مشهوره در اکرچه
 بعض محدثین اصلی اولماغه ذاهبلردر و لکن محل مثلدر که نوابغ
 زنجشیری ده کلور (مثل مذهبی و قدره کتل مذهبکم و قدره) زیرا
 کمالات علیه دن ذهول و اقدار الهیدن غفولدر و علینک ذوالفقاری
 مشهوردر تکیم دیمش لردر که (لافتی الاعلی و لاسیف الا ذوالفقار)
 یعنی شجاعت و مجاهده و مسایفه ده علی ککبی اولق کر کدر
 و اول سیف فی الحقیقه قوه باطنه در که ذکر و توحید و تأیید ملکوتیدن
 حاصلدر و شهداء محبت شهداء سیوفک فوقنده در زیرا جهاد اکبر ایله
 رؤیت و جهاد اصغر ایله جنت حاصلدر تکیم قرأنده کلور (ان
 الله اشتری من المؤمنین انفسهم و اموالهم بان لهم الجنة) دیمش لردر که
 بو اشترای عالم قدمده و با عالم بلی ده و یا صلب آدمده واقع ایدی تکیم
 عرض امانت دخی صلب آدمده ایکن ایدی یعنی آدمه عرض اولنق
 ذریتنه عرض حکمنده در محکیدر که ابلبس یوم قیامتده احتجاج
 ایدوب یارب عبادکدن اموال و انفسی اشترای ایدوب جنتی انلره ثمن
 و پردک و لکن حکم شرع بودر که مبیعک عیبی ظهور ایتدکده رد اولور

پس حکم شرعیه عبادی بکار دایله زیر ماللری و نفسلری عیلمودر
دید که حق تعالی بلی حکم شرع بودر و لکن مشتری مبیعی عیبی ایله
قبول ایدیجک رد اولماز دیو مجیب اولیجق ابللس نجیل اولوب دنوب
خائبه کیده و لفظ شرایله واقع اولدیغی جهادی تسهیل ایچوند زیرا
مبیعی تسلیم عایه بی تسلیمدن اسهلدر که بطریق المعاوضه در و شراه
مال و نفس اوزرینه واقع اولدی قلب اوزرینه اولدی زیرا قلبک قیمتی
جنتدن اکثر در که محل معرفت و معرفت وسیله رؤیتدر پس نفس و مالی
جنت و قلب و روحی معرفت و رؤیت ایله اشتری ایلدی و معرفت و رؤیت
جنتدن اشرفدر زیرا جنتیه قاصر لر و محجوب لر دخی دخول ایدر لر
و مقام کشیده هفتده بر کره رؤیتلری تقدیری اوزرینه دخی و راه مجاهدن
نظر ایدر لر و قرآنده کلور (ومن كان في هذه اعمى فهو في الآخرة اعمى)
یعنی دنیاده اهل بصیرت اولیلر آخرتده دخی اولماز مکر که طریقه
وفات ایلده لر بو صورتده وعد الهی اوزرینه مقصود حاصل اولور
و آیت کریمده سوره انفالده انفاق مال تقدیم اولندی زیرا حب مال
و حرص دنیا و بخل و سایر صفات ذمیه باقی ایکن بذل نفس ایتک معتبر
دکلدر پس انفاق مال ترک دنیا به اشارتدر که بحجاب ظلماتدر
و انفاق نفس ترک عقابه رمزدر که بحجاب روحانی در که بونلره
خطوتان دیر لر و بویکی خطوه تک غایتی و مولدر که جنت ایچینده
جنتدر زیرا هر عبارتده اشارت داخلدر و جائزدر که اد نادن اعلا به
ترقی بایندن اوله زیرا ترک مال توحید افعال و ترک اولاد توحید صفات و ترک
نفس توحید ذات مقابله سنده در که حضرت ابراهیمدن علیه السلام
توارث اولمش ملت حنیفه و اسلام حقیقی در زیرا کرچه توحید ذات
مذکور و مراتب مسطوره قوم ابراهیمده بالفعل ظهور ایتدی و لکن
نشان ابراهیمده مجموعی استکمال ایتش ایدی صکره بواتمده متبعو علرینک
کماله تبعیت ایلهر دورلو کمال ظاهر اولوب اتمه وسط اولدیلر و سایر
ایمک بولد قلمی مرتبه بی بولدیلر و قرآنده کلور * وان خفتم عیلة
فسوف یغنیکم الله من فضله ان شاء * یعنی حکمت الهیه موجبجه
فقرک برینه غنا کلور و فقردن مراد اموال عاریه نک انفاق و صفات

فانیه نک زوالی و نفس بی ثباتک اضمحلالی و غنادن بدل خیر و صفات
وجودیه باقیه نک حصولی و ذات حقانی نک وجودیدر نیکم حق نبویده
کلور * و وجدک عائلا فاغنی * چونکه انسان میل مال و محبت حیات
اوزرینه مجبولدر فرضیت زکوة و جهاد لازم کلدی تا که مد عیلم
صادققدن متمیز اوله لر زیرا صادققدن عهد قدیمه و فایدوب مال و منال
و سروجانه قیاسلر و دعوالر بی حجتیه ایله اثبات ایدر لر و مد عیلم
لفظ مجردله شویله بی معنی قالور لر مع هذا معنی دعوادن اول کرکدر
نیکم دیمشدر که انجیر اغاجیله سائر اشجارک فرقی بودر که شجره
تینک معناسی که میوه سیدر و رقتدن مقدرمدر که دعواسیدر سائر
اشجار ایلسه بالعکس درو بعض اشجار وار که دعوای مجرد صورتنده در
زیرا بر اغی وار و لکن میوه سی یوق و میوه دن میوه به دخی فرقی چوقدر
و کلام علی ده دخی کلور که * خیر الغرائر فی الفی الشجاعة و السخاوة
* بویکی صفت توأم در زیرا شجیع سخیدر و بالعکس و شجاعت
زنده به تعلق ایدر زیرا مرده بی تکرار قتل ایتک اولماز و سخاوت کماله
دخی خیار امواله کوره در و جبن و ترک انفاق تهلیکه در و نفسی
تهلیکه به القا ایتک ایلسه منهیدر نیکم قرآنده کلور (ولا تلقوا باید یکم
الی التهلكة) بوجهتدن خیر غرائر ایله عمل لازمدر و ادنی الامر
بذل مجهوددر نیکم قرآنده کلور (والسذین لا یجدون
الا جهدهم) و تحدیث نفس بالجهاد در و الانفاق و جاهلیت
اوزرینه قالور و موتی خلاف سنت اوزرینه اولور نیکم حدیثده کلور
(من مات ولم یغزو ولم یحدث نفسه بغز و مات علی شعبة من نفاق)
یعنی جهاددن متخلف اولان منافقدر * زیرا عملده منافقه منسبهدر
پس (من تشبه بقوم فهو منهم) موجبجه بلا عذر تخلف ایدن
اهل نفاقدر و قرآنده کلور (ایس علی الاعمی حرج ولا علی الاعرج
حرج ولا علی المریض حرج) یعنی مجاهده خصوصنده اهل عذر
اولوب عزائم ایله عمله قادر اولمیان رخصتله ایله عمل ایتسه ینه مجاهده
اهلی حکمنده در حق تعالی به ایکبسی دخی احبدر و حدیثده کلور

(ان اقواما خلقنا بالمدينة ما سلكنا شعبا ولا واديا الا وهم معنا حبسهم العذر) یعنی غزوه نبوکده عذرله متخلف اولانلر اچرده مجاهدله مشارکت ایتدیلر ذاتلریله مفارق ایسه لدخی نیتلریله معتلری وارد و بونده اعمی ایله مراد شواهیق جمال و جزا زبحور و اقطارارضده بولنوب مر شده مهتدی اولیانلردر و اعرج امام الوقته واقف اولوب ولکن مشیله سفر و سیاحتدن عاجز اولنلردر زیرا طریق حج صوریده زاد و راحله نك لزومی کبی سلوک حج معنویده لدخی مجلس مر شده ترده اقتدار لازمدر لاسیما که بلاد قاصیه ده اولان مر یض انحراف مزاج اوزرینه مجبول اولنلر و یا خود بعض عوارض سماویه حسبیه تغیر طبع بولنلردر زیرا سلوکده اعتدال مزاج و قوه طبع شرطدر بناء علی هذا اهل تسلیک اولنلر خلوت اهل ارادت ایچون ایام معتدله اختیار ایدرلر زیرا وجود ناس حرورده استرخا و زمهر یرده انقباض اوزرینه در پس اعتدال هوا و مزاج تحصیل مطلوبه معیندر و مسئله صلح لدخی مذ کوره ملحقه در یعنی انده لدخی سهولت و رخصت وارد در تکیم قرانده کلور وان جنحو للسلیم فاجنح لها و کینحسرو دن منقولدر اعظم الخطایا محاربه من یطلب الصلح و یمشردر که خلقه مدارالازمدر سلامت انده در و سباع و زنا بیری مرابض و مقارندن نشر ایتمک مورث ندامت و باعث خسارتدر و کاه اولور که جره دن نار عظیمه مشتعل اولور و بوندن ظاهر اولور که نفس سالکده قهرله استیلا اولسه سالک لدخی نفسه لطفله معامله ایتمک کرکدر یعنی ریاضت و مجاهده ایله محاربه ایتمک نفوس شدیده آیه مستکبره به کوره در پس شول نفسده که حقه استسلام و امره انقیاد اوله تضییق و تشدیده محتاج اولماز و سهولت ایله معامله اولنور اهل ذمتدن محاربه مر فوع اولدیغی کبی و بو معنائک نفسده حصولی امر ضروری به موقوفدر که جذبه الهیه در و یا خود احکام کثرک قلتندن ناشیدر انکیچون مر شد کامل طیب حاذق کیدر که مر اتب طباع اوزرینه ترتیب ایلر و بو معنایه حکمت دیرلر زیرا حکمت اودر که علم ایله اشیا بی موضوعنده وضع ایلیه

پس امر اتفاقی بر نسنه موضعنک غیری به وضع ایتمک حکمتدن خارجدر که ظلم و افساد در انکیچون حق تعالی عدل ایله موسوم و حکمت ایله موصوفدر و جهاد ایله امری افساد بنیه انسانیه ایچون دکلدر یعنی کافره کوره دفع استیلا و غازی به نسبتله احیاء قلب ایچوندر تکیم قرانده کلور (ولا تقواوا لمن یقتل فی سبیل الله اموات بل احیاء ولکن لاتشعرون پس شهداء صور بهیه اموات دیمک جائز اولمیجی شهداء حقیقه اولان صد بقره بطریق الاولی در انکیچون خواص ناسه لسان ترکیده اولدی دیمک منهیدر بلکه انتقال ایتدی و یادنیادن کوچدی دیملور در اکر چه موت عامدر یعنی عوام و خواصک روحلری بدنلرندن مفارقت ایدر ولکن میتدن میته فرق وارد بلکه بعض میت حی حکمنده اولغله اکامیت اطلاق صحیح دکلدر زیرا قلبی میت اولنلر بعد الموت صور اسرافیل ده محبوس و غیر متحرکدر و نفسی میت اولنلر قیددن ازاد اولوب مر ادا یتد کلری عوالمده سیرایتمک مأذونلردر دنیاده اولان حالت سنبه لری کبی و حدیثده کلور (لکل احد حرفه ولی حرفتان الفقر والجهاد فمنا احبهما فقد احبنا ومن ابغضهما فقد ابغضنا) صناعته حرفت دندلدی زیر انسان اکامتحرف و متماثل اولور و یا حرف طرف معنایه در و حرفت بناء نوع ایچوندر جلسه وقعه کبی کسمرله معنایه محترفه یعنی مکنتسب اولان کیمسه به لازم اولان حالت دیمکدر فقر و جهادی حرفته تشبیه ایلدی زیرا حرفت کبی انسان اکامشتغل و معتاددر بوندن فهم اولنور که جهاد اعلی المکاسبدر زیرا افضل انبیا کار بدر تکیم حراثت ادناسیدر زیرا بوا عصارده بحسب الغالب احسن ناس ایشیدر انکیچون اذتاب بقرن اخذ واستمسک ایله اکتفا ایتمک مذموم اولدی اگر چه زمان آدمده و بعده ذریتنده بمدوح ایدی و اول الحرف دندلوردی شول معنادنکه خلقتک اکا ضرورت تامه سی و ارایدی اما چونکه ضرورت دنیایی عمارنه متعلق ایدی اکا اشتغال ایتمک امر دینه اهتمامدن نصارف اولغله مقتضای علوهیمت اوقاتی جهاده صرف اولدی انکیچون رسول الله علیه الصلاة والسلام (بعثت بالسيف) پیوردی و احیاء

دین و اعلاء کلمه الله ايله مقید اولدی و امنی دخی اکا تحر رض ایلدی
 و قرآنده کلور (یعلمون ظاهر امن الحیوة الدنیا و هم عن الآخرة غافلون)
 یعنی اهل غفلت اودر که بنیان قصور و تشقیق انهار و غرس اشجار
 و حفر آبار و عمارات ارضله مقید اولوب امور دینییه ده تساهل ایلدی
 سؤال اولنورسه که صدر اولده محاربه اولنان کفارک بعضیلر ینک عدم
 ایمانلری مقطوع ایکن حجت و برهان و سیف و سنان ايله طریق حقه
 دعوتک معنایی ندر جواب بودر که دعوت اولند قلمری دخی عین
 ثابته لر ینک مقتضایاتندندر پس انلرک کفرلری مقتضای اولدیغی کبی
 شر و شرورلری دفع و الزام حجت دخی مقتضای در واکا قضای قضایله
 رد برلر انبیا و اولیایه حیرت کبری کتورن بومعنادر که اسرار قدر دندر
 صکره انقطاع نصله ایمان و کفر محتمل اولوب انک اوزرینه محاربه واقع
 و دعوت الی الله جاری اولدی تا که مقر اولنلر نجات بوللر و مصر اولنلر
 محجوج اولال و مجاهد اولنلر احراز ثوابات و فضائل ایدلر زیرا اجرده
 مدعو اولنلر قبوللر ینک تأثیری یوقدر بلکه عدم قبول صورتند دخی
 داعی اولنلر مأجورلر در تنکیم قرآنده کلور (ان اجری الاعلی الله)
 پس امکم ضایع اولدی دین جاهل اولدی و شیطان و نفسک خلقندن
 بری محاربه جاریدر زیرا خارجه شیطان و داخلده نفس اماره افساد
 مملکت وجود ایتکدن خالی دکلدر بنا علی هذا اعداء ظاهره ايله
 محاربه اقتضا ایتسه دخی اعداء باطنه ايله محاربه باقیدر حتی محراب
 دندوی موضع حرب اولغله در زیر مصلی اوراده نفس و شیطانله
 محاربه ایدر و اصل محاربه امامکدر تنکیم حدیثده کلور که امام جنه در
 یعنی عسکرک قلقانیدر که عسکر انکله تستر ایدرلر و قلوب جماعت
 و هم عسکر امامله بیله اولدیغندن قلب و قالب ايله امامی تقویت
 ایدرلر و بومعنایه جنکده مشارکت قلوبلر انکیچون جماعت اراستنده
 اتفاق کله لازمدر یعنی اتحاد دل کرکدر که توجه اولنان کارده دفعه
 تأثیر ایلله و مقصود حاصل اوله زیرا تفرقه ده ضعف اولدیغی مقرر در
 بوسیدن تفرق و اختلافدن نهی اولنلر شدراشته جهاد اصغر و اکبرده

بو بر شرط عظیمدر که وجودی سبب نصرت و عدم باعث خذلان
 و خسارتدر و بوتفرقی دفع ایچوندر که تخلف جهاددن نهی اولندی
 زیرا (انما المؤمنون اخوة) موجبجه اخوت صدقاتی و صداقت دخی
 اجتماع و ابتلا فی مستلزمدر مکر که تخلفی عذرله اوله بوسورنده نیت
 و همت ايله اجتماع کافیدر تنکیم بالاده کذر ایلدی و قرآنده کلور (ومنهم
 من يقول ائذنی ولا تغنی الا فی الفتنة سقطوا) یعنی دنیا فتنه سندن
 احتراز ایدرکن دین فتنه سنه دوشد کلمری فتنه انلر کافیدر تنکیم
 دیمشدر که (اذا دبر الامر کان العطب فی الحيلة) و بونده دخول دائرة
 عزیمت و سلوک طریق حقه حقیقتدن ایا و امتناع ایدنلر تنبیه تأکید
 و توبیخ عظیم واردر یعنی آدمک ارضه هبوطی ابتلائی عشق و زرق
 معرفت حقی ایچوندر پس هر کبکله جاده پدردن خروج ایدوب
 بن بوطر یفتک عهده سندن کلمه م انکیچون صاحب الوقت الن
 اله م دیسه و رطبه تنزله دوشوب قالور و منزل طیبه عتده قرارله یوان
 یا کلور زیرا مجروح اولان کیمسه مرهم ایچون جراحه مسارعت ایلر
 و دردی اولان عاشق سرنی بر محرم رازه سویلر و مرض و کدورتدن
 خلاص بولوب شفا و صفا بولور و بعضیلر ایلوسی ضعیف ناحل الجسم
 یعنی مهزول کورد کده و جهندن سؤال ایدیجک جوابنده بنم جسممی
 بوسورته قویان و فی الحقیقه جائمه قیان فی سبیل الله سهیل خیلدر
 دیدی بونده جهرله ذکر الله اشارت واردر که شیطانله زیاده مایه غم
 و باعث درد و الم در زیر اصاح و صفال آغری و جسم نحیف اولوب
 اریمک بحسب الغالب مرض و غم قلبله حاصل اولور و بوندن فهم
 اولنور که ذکر جهری شیطان و نفسی برک حران و ش صولدردیغی
 کبی روی دل و جانی موسم بهار کبی کلدر زیرا اکثر جهردن بدنه
 ذبول کلور و بو بهانه ايله دیده جان دخی مظالعه دیداره یول بولور تنکیم
 بعض کبار بیورمشلر که (کل من خاف علی هیکله لم یالله جهار او علنا)
 و قرآنده کلور (ولا یدخلون الجنة حتی یبلج الجمل فی سم الخیاط) زیرا
 بواشته اشارت واردر که انسان جنت قلب و مقام رؤیته دخول ایتک جل

نفسه ریاضت و بیروب اکنه د او کندن بکجور ملودر زیر انسانه رؤیت
موتله در موت و مرض ایسه مزیل فضول تن و مذیب فضلات بدنر
پس تن پرور اولان بوضخامت و جسامت ایله امید سرعت مقام کتب
ایتمسون و ثقلت ایله او جغه هوسلنوب سبکبار اولنلره همراه اولمغی
ضمیرنده طومسون و قرآنده کلور (لوکان عرضاقر بیاوسفرا قاصدا
لا تبعوك) یعنی طالب آخرت و راغب حضرت اولان کیمسه طریق
حقده منافع بدینه به التفات ایتمز و امائی و آمال طرفه کمتر و مشقت سفر
هر قدر غالب و دور و درازی منزل هر چند راحت دل و جانی سالب
ایسه ده روز و شب طور میوب کیدر و غنیمت غایت و سعادت انجامه نظر
ایدر نتکیم قرآنده کلور (انفروا خفافا و ثقالا) یعنی حرکت و نهضت
نفسه خفیف اولسون ثقیل اولسون باقبوب مخالفت ایتمک کر کدر و خفت
و ثقلتک دخی اسباب کثیره سی واردر صحت و مرض و غنا و فقر و قلت
عیال و کثرت اولاد و تعلقات مال و منال کبی پس بونلری ترک مجاهده به
عذر اولمبوب فی الجملة امکان و قدرت وارکن صرف مقدور و بذل مجهود
ایتملور و دوداودک علیه السلام جالوت ایله محاربه به خروجنده بکی خانه
بنا ایدن و هنوز متزوج اولان و بونلرک امثالی امور ایله قلبنده علاقه
بولنان معیت ایتمسون دبدیکی ترک علاقه به تنبیه در بوخسه ثقال
اولد قلری جهندن سفردن تعویق و غزادن تشبیط دکلر نتکیم اهل
دله روشندر و قرآنده کلور (الابتفروا بعد بکم عذابا الیما و یسئدل
قوما غیرکم) بونده رمز بودر که ذواته اسئبدال جاری اولدیغی کبی
صفاتده دخی جاریدر زیر اوصفک تبدلی ذاتک تبدلی حکمنده در شول
جهتندر که وصفک قیامی موصوفله در نظر ایله که عرض مرض ایله
صحت و اعتدال مزاج تبدل اولسه تبدل ذات کبی اولور انکیچون بعض
مرض حقننده کویا که اولکی آدم دکلر دیرلر پس غزا و جهاد دن
تخلف ایدن کیمسه نک صفات روحانیه سی صفات طبیعیه به تبدل
و تحویل اولوب حیوان صورته کیرر و صفات غالبه سی اوزرینه محشور
اولور زیر آخرت عالم صقندر و بوندن فهم اولور که آدمک انسانیتی

حیوانیتی اوزرینه لباس کیدر چونکه لباس انسانیت مسلوخ اوله
حیوانیتدن غیر قالماز زیر نظر معنای انسانیت در صورته دکل زیر
صورته دخی معنی اوزرینه عارضه در و عارض معدوم اولیحق اصل
نه ایسه اول قالور الحاصل صورته اعتبار اولمغی معنادندر پس معنی
اولیحق اصل صورته مجرده قالور و جبانه ارسلان دیمک کبی اولور
و کافره انسان دیمک دخی بو بایدندر و دیمشدر که (ره راست باید نه بالای
راست) * که کافرهم از روی صورت چوماست (وینه دیمشدر که
(چه قدر آورد بنده خوار دیس * صورت که زیر قبا دارد اندام پیس)
و حدیثده کلور هر جراحت که غزاده حاصل اولور قیامت کوننده اندن
اقان قاندن رابحه مسک اشششام اولور بونده مسکی مدح واردر کرچه
اصلی سره غزالده منعقد اولان دمدر ولکن حکم نجسدن خارج
اولوب عظیم فیل و امثالی کبی ظاهر اولور زیر امام اعظم عظام موتی ایله
امشساط وادهائی لایسدر دیمشدر اگرچه امام محمد و شافعی و مالک
عدم طهارتنه ذاهب اولدیلر و بو اختلافه بناء فقها استعمالی مکروه
کور دیلر و بوقانده روح حیوانی به اشارت واردر زیر مجاهده که غزای
اکبر بولنده نفسنه جراحتلر آچه و قتل قوای طبیعیه قلمقده نیجه قانلر
صاچه انک دم حیوانیسی مسکه منقلب اولور و یاخود حکم جوارله
جذب بوی روحانیت قیلور نتکیم بعض برک کل ایله مجاورت و اتصالدن
بوی خوش بولور و بلاد عربده بعض ازهارک تأثیر عجیبی مشاهده
اولندی بوندندر که مرشد کامله مقارن اولان کیمسه خارا یسه ده کل
طبعن بولور و مرمر ایسه کوه اولور و قان ایسه شیرله همرنک
و یامسکه دنک اولوب وزن و مقداری سنکین قیلور و انبیا دن جهادله
مأمور اولنلر اولوالعزم اولنلر در و مأمور اولان البسه منصور در نتکیم
تزیلده کلور (انالمنصر رسلنا) و مأمور اولنلر دن نیجه لرینک اسنشهاد
اولند قلری (و یقتلون الانبیاء بغیر حق) آیندن معلومدر و انبیانک
مقتول اولد قلری رتبه شهادتی احراز ایچوندر و الاصدیقیت و نبوتلری
انلره کافیدر و رسول اللهک علیه السلام اکمله خیبرده مسموما

وفاتلری دخی معنای مذکوره راجعه در اگر چه تأثیر سمک ظهوری
درت سنه دنصکره واقع اولمشدر زرا غزوه خیر هجرتک بدخی
سنه سنه ایدی وعند الموت تأثیری موتک طبیعت اوزرینه ورودنددر
پس بوندن معلوم اولدیکه رسول اللهک دعوت وارشادی مرتبه
روحدن ایدی انکیچون مدت مذکوره ده سمک تأثیری اولدی زرا
روحانیت امور جسمانیه دن متأثر اولماز طبیعت ایسه بویله دکلددر
وبعض امراضله ابتلاری نوعاتنزل طبیعتدن ناشیدر خصوصاً که
معالجه بی امته تشریعه داردر انبیا واولیا امور بشریه دن معصوم
ومحفوظ اولسه لخلقک سوء اعتقادنه باعث اولور پس ابتلا وامتحان
امر عامدرو بعض کبار پیوردیلر که انسان من حیث المسمی اوج نسنه نک
مجموعندن عبارتدر بری جسم طبیعی وبری نفس حیوانیه وبری مدبر
هیکل اولان روح مجرددر وهر فعل که انساندن صادر اولور بواوچک
هر برنک انده مدخل ونصبی واردر مثلاً بر مجاهد فی سبیل الله سالم
وغنم اوله اولانده صورت طبیعی سنک نصبی واردر که غنیمندن انتفاع
ایتدیکي ما کول ومشروب وملبوس وامثالیدر وثانیا نفس حیوانیه سنک
حصه سیدر که دشمن اوزرینه غالب اولغله قهر وانتقامدن ناشی
حاصل اولان لذت وتشغیدر که بوایکبسنه حظوظ حیوانیه ذیلر
واوچخی مرتبه که حظ روحدر آخرته قالور زرا که حق تعالی نک
وعندده صادق اولدیغنی بلور وایمانی وصدق وعزیمتی وطریق
حقده چکدیکي مشافی مقابله سنده اولاجق اجره مترقب اولور زرا
بواجرک دنیاده حصولی متعذر در شول جهندن در که دنیا تنکدر
وحق تعالی حضرتلری هر مجاهده بوز درجه احسان ایسه کرکدر
هرایکی درجه نک اراسی بین السماء والارض در که بشیوز بلاق بولدر
پس بوصورنده اوج قسم اجرک ایکبسی دنیاده وبری آخرنده اولور
اما غنیمت وسلامت بولدیغنی صورتده تمام اجر آخرته قالور ومجاهده
کرکدر که ملاحظه اجرده اولیوب تصرف ظاهر وباطنی حقه ترک
ایله وارادتی افنا ایله والا اجر اولور عبید خادم اولماز فضل

وشرف ایسه عبودیتده در وعبد حقیقی مانع ومعطی حق اولدیغنی
بلور وخدمتی مقابله سنده عطا واجرو فتح وامثالنه بقهر زرا کد اچشمکدر
واکرم الا کریمینه اساعت ظن کیدر وفتح اوج درلودر که قرآنده مذکور
اولدیغنی اوزره فتح قریب وفتح مبین وفتح مطلقدر تنکیم سورده
صف وفتح ونصرده مبیندر ولکن ارباب حقایق عندده فتح قریب
مقام قلبده فتح ملکوت افعالدر وبومقامده نفسک حجاب حمی
منکشف اولوب افعالی افعال حقده فنا بولور وفتح مبین مقام روحده
فتح جبروت صفاتدر وبومقامده نفسک حجاب خیالی زائل اولوب
صفاتی صفات حقده فنا بولور وفتح مطلق فتح لاهوت ذاتدر وبومقامده
نفسک حجاب وهمی مرتفع اولوب ذاتی ذات حقده فنا بولور وبوندن
فهم اولدیکه افعال صفاته وصفات ذاته حجاب اولدیغنی کبی قلب
دخی روحه وروح دخی سره مجابدر ومجاوبک اعظمی حجاب حس در که
مشاعر ومدرکاتدر بعده حجاب خیالدر وخیال دماغک بطن اولی
مؤخرنده برقوتدر که مدرکات حسی حفظایدر وسالکک اکثری
بوخیالده قالمشروانی عین البقین ظن ایلمشدر وبعده حجاب وهمدر
ووهم دماغک نجویف اوسطی آخرنده برقوتدر که محسوساته متعلق
اولان معانی جزیه بی ادراک ایدر شجاعت زید وسخاوت عمروکی
وبوقوت جمیع قوای جسمانیه اوزرینه غالبه وحاکه در اگر چه
خیال جله دن اوسعدر زرا حتی وعالمی حتی عدمی بله تصورایدر
وواقعاتک صوری خیاله منصوبدر انکیچون علمی صورت اینده
ویا عسلده ویا خجرده واسلامی صورت قبه ده وقرآنی صورت
سمنده ودینی صورت قید ده وحقی صورت انسانده کورر
وفتوح مذکورده نک حصولی تأیید ملکوتی به موقوفدر اگر چه
بمجاهدات ظاهره دخی شرائطدر ندر تنکیم قرآنده کلور (هو الذی
ایدک بنصره و بالؤمنین) پس عهد طریقت اوزرینه قائم وریاضت
ومجاهده ده دائم اولنلر نه دملر سورر لر ونکث ونقض ایدنلر دخی
نه تنزلر کوره لر نسأل الله القیام بالحق علی الدوام

* الباب التاسع عشر في الرياضة *

رياضت نفسی و یابدنی کثرت استعمال الله تذليل و تسهيل و منقاد ایتکه
 دیرل (یقال راض المهر ریاضا و ریاضة ذلله فهو راض و الجمع
 راضة و روائض و ارتاض المهر صبار مر و ضا) مهر ضمه ولد فرسه
 دیرل راض سهل و سلبس و منقاد اولاندر ضدی صعبدر پس
 مهره کوره ریاضت امر ابتدا ایدر که تلین ایچون اوزرینه تحمل
 یاز و یاغیری وجهله استعمالدر و کاه اولور که ریاضت مهرک غیره کوره
 امر انتهائی اولور فرس رهانک ریاضتی کبی یعنی شول ایلر که
 مسابقه لری اوزرینه مرهونه و مخاطره ایدرل یعنی اوج قورلر اتون
 و قاش و حیوان و سایر اموال کبی رکض و مسابقه لرندن بر قاج کون
 مقدم بعض اسباب معهوده ابله ریاضت ایدرل تا که عدو و حرکنده
 سر یع اوله ل و انلرک سابقه مجلی دیرل مصلی و زنی اوزرینه واک آخر
 وارد اولانه قسکل دیرل و رسول الله علیه السلامک عادت سنیده لرندن
 ایدی که مسابقه ایتدیرلر و اول باول کللره مال و برلر و فسکه دعا
 ایدرل ایدی و بونده (سبقت رحمتی غضبی) سرنه اشارت واردلر
 یعنی رسول اللهک مسابقه ایتدرمکدن مراد لری رحمت حقک سبقتی
 بیان ایدی تا که قولله و فعلله بومعنی متین اوله نتکیم بعض بکار
 پور مشلدر که عبد عاصی بی مؤاخذه ایچون غضب الهی توجه
 ایتدکده منتقم اسمی کلوب غفور و رحیم اسملرنی کندنی سبق ایتش
 کور یحک رجوع ایده و عید مؤاخذه دن خلاص بوله اشته صورت
 سبق افراس و حقیقت سبق اسماراسنده در و بونک نظیری بودر که
 بوم قبایعده صور اعمال حسنه عرش اعلانک بمیننه و صور اعمال سیئه
 یسارنه متفرق اولوب اصحابی طلب ایچون سعی و مسارعت ایدرل
 صور اعمال حسنه نک جمله سی اصحابی بولوب و اصحابی انلره راکب
 اولوب جنتیه روانه اوله ل و صور اعمال سیئه نک بعضیلری اصحابیه
 مصادفه ایده میوب پریشان اوله ل ز بر ا مصادفه لری تقدیری اوزرینه
 اصحابی اوزرینه راکب اولوب جهنم طوغری کنسه لرک رک ایدی

ولکن عنایت از ایه سبق ایدوب حال عبدی تدارک ابله معامله
 مذکوره دن تخلیص ایتدی و بعضیلر حقننده میثانک حسناته تبدیلی
 دخی عنایت مذکوره دندر (بفعل الله ما يشاء ان الله بالناس لرؤف رحیم)
 الحاصل ریاضت بحسب الغالب صعب الانقیاده اولور و عالم وجودده
 نفسدن صعوبتلو نسنه یوقدر انکیچون دیدیلر که ریاضت اخلاق
 نفسانیه بی تهذیبدر تا که ظلمات طبعدن خلاص بوله و تحمل اذی
 و امثالنده سهولت بوله ز بر شرائط طریقندن بری دخی عدم التأذی
 باذی الناسدر بو معنائک حصولی ایه کثرت ریاضته موقوفدر
 تا که بقیه طبع قائمده ذلول اوله بور ریاضته ریاضة الادب دیرلر که
 طبعدن خروجدر و بر ریاضت دخی واردر که اکا ریاضة الطلب
 دیرلر یعنی طلبی ابله مرادی ندرانی تصحیح ایده ز بر اولا تعیین مطلب
 لازمدر و ثانیاً مهم اولان اسباب معینیه بی اصلاحدر تا که وصول
 مبسر اوله و بالجمله ریاضت عند المحققین تحسین اخلاق ایچوندر و عند
 الحكماء تصفیة محل ایچوندر یعنی حکما دیدیلر که ریاضت و ترک
 دنیا لازمدر ز بر آثار روحانیه نک ظهوری فراغ محل و استعداد منوطدر
 الحاصل محل غیره مشغول ایکن نه توجه روحانی بی قابل ونه خود وارد
 غیبی حاصلدر انکیچون دیمشکر که (ثبت العرش ثم انقش) یعنی اساس
 اولدجه بناقورلر و آینه پاک اولدجه بوز کورلر و علی کل حال ریاضت
 منتج فتح دکلدر ز بر فتح عین منت و محض فضلندر اکر سبب
 خارجسی اولسه مکنسب اولق لازم کلور بلکه اسباب خارجیه به
 نسبت و وسائطه تعلق ایتک محافظه اوقات ایچوندر تا که عبادت
 شرعیه سز کذر ایتیه و عابد علی وجه الادب نظر الهی به منتهی اوله
 واعظم اسباب اشتغال ذکر الله در و ذاکره لازمدر که حضرت مخصوصه
 قصر ایتوب امرنی حقه تفویض ایلله تا که حق تعالی حضرتلری
 خرائن جودندن مستحق اولدیغی فیضی اکا افاضه ایلله و اعمال ایکی
 دورلور بری اعمال بدنییه در صلاة و صوم و جهاد و سایر اعمال حسیه
 کبی و بری دخی اعمال نفسانیه در که اکا ریاضت دیرلر تحمل اذی و صبر

و ملذذات نفسانیه دن قلبیه رضا و موجوده قناعت ایتک کفایت
مرتبه سی دکل ایسه ده و نفسی شکوادن حبس ایتک کبی و اصحاب افکار
یعنی حکما که بعض فتوحده اهل الله ایله مشترک اولمشلردر
یعنی خلوت و ریاضت ایدوب طریق نظریدن واصل و اهل الله دخی
ریاضت و مجاهده ایدوب طریق ایمانیدن نائل اولمشلردر بونلرک کرچه
طر بقلری مختلف و مألده مدر ککری بردر ولکن صورتا مدر کده
اشتراکلرندن ذوقده دخی اشتراکلری لازم کلز پس فی الحقیقه ایکی
مدرک میاننده تفاوت بولمش اولور یعنی ادراک اهل الله اقوادرکه تغیر
قبول ایتز ادراک اهل نظر ایسه بویله دکادر پس بویکی ادراک
مایتنده فرق خیال ایله قلبک فرقی کیسدر و بعض کارکر ریاضت
حائده سمین اولورل سببی وجه محبوه به نظر در زیر بونظریدن که غدا
روحانیدر قوت باطنه حاصل اولوب حکمی بدنه ساری اولور و بدن دخی
هر دم نشاط تازه بولور و جائزدر که نعیم مثالینک تأثیرندن اوله یعنی عالم
انسلاخده تمثیل ایدن نعیم خیالینک اثری ظهور ایدوب ظاهر جسمده
نضارت حاصل اولور زیر نعیم ملکوتی مواد دنیویه فایدهدن اولما مغله
لذت زائده و قوت فاضله بی حاویدر پس جوع و عطشی قاطع
اولد بگندن ماعدا باعث سمانت و ضخامتدر و کتب معتبره ده مسطوردر که
حضرت ادریس علیه السلام اون الی سنه اکل و شرب ابتدی و منام
یوزن دخی کورمدی آخر بور ریاضت ایچنده فلک شمسه مرفوع
اولدی تنکیم قرآنده کلور (ورفعناه مکانا علیا) و ابو عقال مغربی مجذوب
الهی اولوب درت سنه مکدمکرده ده بلاغدا مکشدن صکره افطاری
موتله ابتدی و شیخ اکبر حضر تلری مغربده طقوز آی افطار ایتوب
خلوتده شویله اوتوردی تا که خفیت ایله مبشر اولدی و سائرلر دخی
اعتدال مزاج و انجذاب روحانلرینه کوره شان ریاضته اهتمام و اعتنا
ایتدیلر و معارف الهیه و حقایق ذوقیه و منازل قاصیه به بتدیلر و بعض
ار باب محبت که بدتلرینه ذبول و تحافت کلور انک دخی سببی بودر که بونلر
قیام لیل و مناجات مع الله ار بابی اولمغله ملذذات اطعمه و مشتهیات

اشربه دن امتناع ایدرلر زیر بخار و رطوبات دماغه تصاعد ایتدکده
اعضایه اشترک غالب و نوم ضروری مستولی اولوب نیجه فضوله دخی
باعث اولور بوسیدن طعام و شرابی ترک ایدوب قدر حاجت ایله اکتفا
ایتدیلر و نضارت ابدانی استمدیلر بلکه محبوبک ذکر و فکری انلری
ضعیف الحال و رفیق البسال قیلوب عواصف عشق و شوق و محبتدن
صولدیلر و برک خزان صورتن بولدیلر تنکیم دیمشلردر * صوردم صاری
چیچکه بکرک ندن صارردی * دیدی چهره عاشق بویله صاری اولور *
بونندن فهم اولور که شول مدعیلر که اطعمه شهیه به و اشربه لذیذ به
نهالکدن صکره ار باب مرآت استنباط و اصحاب ذوق صحیح استقدار
ایتدکلری امور خبیثه بی ارتکاب و بلکه حل و اباحتی حقنده رساله و کتاب
یزارلر انلر آخر زمانده ائمه مصلون و دجاله کذابون مقوله لر ندنلر
نعوذ بالله من شرورهم و تلجی الیه فی قصص ظهورهم و فتوحات مکیه ده
بر حدیثده روایات مختلفه اولسه هر روایت ایله عمل ایده یعنی بر وقتده بر
روایت و وقت آخرده روایت اخرا بی درکار ایلیه و اگر تحریم و یا تحلیله
دارایسه کندی نفسی حقنده حرمتی تغلب ایلیه تنکیم اولو العزم
اولنلرک شانی و اهل تقوانک مقتضای دین و ایمانیدر تحلیل و تحریمک
ماعدا سنده هر روایت ایله عمل ایده و مباح موافقت نفسه اقرب ایسه
اندن خدرا یلیه زیرانفسه اقرب اولان دخی نفسانی و تأویل بعید ایله القا
اولنانه معنی شیطانیدر و دیمشلردر که علما و اهل معرفتک ابتداع ایتدوکی
سنه لر که صریح شربعتده انکله امر وارد اولما مشدر بدعت دکلمدر
مکرکه سنت مأثوره به مصادمه و مخالفت ایلیه و الامحود در خلق رأس
ولیس مرقعات و قلت طعام و شراب و منامله ریاضت و ذکر اوزرینه
مواضبت و هیئت مشهوره اوزرینه جهریه و خلوت و امثالی کبی زیر
بومقوله سنن اکبره نوامیس حکمییه دیرلر یعنی حکمت ذوقیه به متعلق
اولان شرایع حقه در که باطن شرعدن اخذ اولوب معمول بهادر
پس اول امور مبتدعه سنه صحیح اوزرینه مبنیدر انکیچون صور بدعتده
سنن درو قرآنده کلور (ورهبانیه ابتدعوها) یعنی حق تعالی حضر تلری

امم سالفه بی ابتداع ابتدگری امور رهبانیه اوزرینه ذم ایتدی بلکه
حق رعایت ایله رعایت ایتدی و عمل اوزرینه محافظه قلمدیلر دیو
عتاب و توبیخ ایلدی و اول رهبانیت لبس مسوح و خلوت فی الغیران
وترک اکل لحوم و دسوم و صحبت زنان و امثالی سنه لرایدی بونلر ایسه
فی نفس الامر اصلاح نفسه مدار و هر پرینک طریق وصولده فائده لری
وارددر پس بوآیت استخسانه دلیل اولدی تنکیم شافعیدن مر ویدر که
دیمشدر (من استحسن فقد شرع) یعنی مؤمن کاملاک مستحسن
گوردوی سنه امور شرعیه دن معدود در سؤال اولنورسه که رسول
الله دن نیچون صادر اولدی جواب بودر که لسان نبوت لسان عمومدر که
احکامدر و لسان خصوص اندن مستنبط اولان حقایقدر پس
عبارتدن اخذ اشارات ایدوب امور مستحسنه وضع ایتکده شرع کامل
اوزرینه زیاده لک یوقدر بلکه اکثار نوافلدر که مقرب حقدر الحاصل
اول امور مستحسنه ضمنا و بطریق الإشارة مراد شارعدر و لکن
اظهاری خواص امته تفویض اولمشدر زیر اصدراولده اکثر معبدات
فرائض و لاسیما جهاد ایدی پس اول وقتده قصر و تقلیل مطلوب ایدی
غیرقرونده ایسه حال بویله دکلدر زیر ازمان تعطیلدر و زمان تعطیلده
اسباب تحصیل و فرتنده فوائد کثیره وارددر پس بدع حسنه مسنون
قلنلرک مراد لری اعمال خلق و دفع کسل و اجالدر یوخسه تنکیم
شرایع و توفیر احکام دکلدر اگرچه صوفیه محققین بعض
امورده مدخولدر و لکن دخل ایدنلر جهل لارندن دخل ایدرلر و جمله
امور دن بری خلوت و ریاضتدر که رسول الله انلری ایتدی دیدیلر
بو ادعا ایسه صحیح دکلدر زیر اقبل النبوة جبل حراده بقیه دین ابراهیم
اوزرینه تعبد و کاه برهفته و کاه بر شهره قریب خلوت و ریاضت لری متواتر
و بعد النبوة اعتکاف و صوم و صال لری مشهوردر وار بعین شریعت
موسی دن متواتر و مقرردر پس رسول الله دن عدم صدوری عدم
مشروعینی مستلزم دکلدر بعض امورک قبل النبوة اولسی دخی بویلد ر
و صوفیه نک خلوت و ریاضت و سایر امور خاصه لری قبل النبوة اولان

احوال نبویه کیدر زیر ا عالم فناءه ناظردر و امور باقیه بعد النبوة اولان
احوال کیدر زیر ا عالم بقایه ناظردر و فناءک حکمی خفا و بقانک حالی
ظهوردر یعنی انبیا بعد النبوة تبلیغه و خلقی حقه دعوتیه مشغول اولدقلری
کی اولیا دخی بعد البقا تعریفه و عوامی طریقه خواصه ارشاده
مشغولدر مع هذا و اخر عمرده نهایت بدایت رجوع و کثرت وحدته
دخول ایتلودر تنکیم سورة نصرده (واستغفره) اکاشا رتدر فافهم
الحاصل مسلاک علماء ظاهر رخصت اولمغه طوا هر ادله به باقرل و مذهب
علماء باطن عزیمت اولمغه بواطن براهینه نظر ایدرلر اگرچه رخصت ایله
دخی فی الجملة عمل قلورلر زیر امر تبهری اسماء الهیه بی جامعدر و علماء
رسوم و اهل رسومک حال لری عجیدر ک ریاضت و تقلیل غدا بی ذم
ایدرلر و کندیلری ایسه کثرت اکل و علی الدوام شبع ایله متصف لدر
مع هذا شبع و کثرت اکلده اولان زواجر اکثردر ریاضته ایسه افراط
اوزرینه اولمغه دخی دواعی چوقدر پس حقه اقرب اولان محبوب
و حقیقتدن ابعداولان مبغوضدر (والحمد لله علی ترک الدنیا الدنیه
و علی سلوک الطریقه السنیة السنیة) و دیمشدر که جوع سهری
متضمندر عزلت صمت لسانی منضمین اولدیغی کی و غایتی صمت قلبدر که
حکم جوارله قالبدن انتقال ایدر تنکیم قلبک دخی بعض آثاری قالبده
ظهور ایلر و جوع دخی جوع الاختیاردر که جوع السالکیندر و جوع
الاضطراردر که جوع المحققیندر زیر احقق اولان کیمسه نفسنی تجویع
ایمز بلکه غدا سنی تقلیل ایدر اگر مقام انسد ایسه و اگر مقام هیبتده ایسه
کثیر اکل اولور که کثرت اکلنی نور حقیقتک قلب اوزرینه صحت
سطوته دلیلدر سالکک کثرت اکلنی ایسه اللهیدن بعدنه و بایندن
طردنه و صفت شهوانیه بهیمیه ایله نفسک استیلا سنه علامتدر
تنکیم سالکک قلت اکلنی تدبیر جسمدن فراغی حسبیه عطای الهینک
قلب و روحه ورودنه نشانددر و جوع بای وجه کان اگر سالکک و اگر
محققه احوال عظیمه و اسرار جلیله به نبل وصوله سبب قوبدر مادامکه
افراط اوزرینه اولیه و الاذهاب عقل و فساد مزاجه وودی اولور

واگر بر سالک مطلوبه وصوله ساعی ایسه جوع و ریاضته امری شجمله
 مباشرت اتمک کرکدر والا منقطعدر که منزله وصوله سبیل یوقدر
 و اگر منفرد و شجیدن جدا ایسه کرکدر که تقایل طعام واستدامه
 صیام ایدوب بین الابل والنهار اسکله واحده اوزرینه اقتصار
 ایلله و برهفته ده ایکی کره ادم یعنی قانی بیه بر شیخ بولجه بواسطه
 اوزرینه مستراوله اگر مرادی انتفاع ایسه و چونکه شیخی بوله
 امرنی اکا تقویض ایده پس شیخ اعرف بالمصالح اولمغله انک امرنی
 تدبیر ایدر و اصلاح طبیعتنه مدار اولان وجهله حرکت ایلر و جوعک
 حالی و مقامی واردر حالی خشوع و خضوع و مسکنت و مذلت
 و افتقار و عدم فضول و سکون جوارح و عدم خواطر و سائر احوال
 منیه کی و بومقوله جوع سالکک جوعیدر فاما جوع محققک حالی
 رقت و صفوانس و ذهاب النکون و عزت الهیه و سلطنت ربانیه ایلله
 اوصاف بشریتدن نزهدر و جوعک مقامی مقام صمدانیدر که
 مقام عالیدر زیرا چوق اسرار و تجلیات و احوالی مشتملدر و جوع
 معرفت شیطانی ایراث ایدر زیرا شیطان مجرای دمه جاریدر که
 عروقدر جوع ایسه اول مجرای تضییق ایدر و دمک محلی نور ایلله
 توسیع ایدر و قوت قدسیه کتورر و محکبدر که ابویزید بسطامی
 قدس سره زمان ریاضتنده بطیخ اخضر یعنی قارپوز بعدی زیرا
 رسول الله علیه الصلاة والسلام زه دن و نوجهله قطع ایتدیکنه
 قطعی علمی بوغیدی تا که سنت ایلله عمل ایده و شمس تبریزی قدس
 سره ابویزیدک بومقوله زهدنی حجاب عدایتدی و لکن دیمشدر که
 ابویزید طریق ریاضتدن و شمس تبریزی طریق معرفتدن و اصل
 ایدی زیرا موصل حق اولان طرق حقه چوقدر که انفس خلایق
 قدردر لکن طریق ریاضت احکیم و اثبتدر پس زهد غایی اولانه فتح
 الهی ثانی ایلله کاورسه ده قوتلی کاور انکیچون حلاج کندنی
 ضبطه قادر اولمیدی و جوعده بنایع حکمت واردر و مفتاح دنیا
 شمع و مفتاح آخرت جوعدر و حضرت داود علیه السلام و شی

اولندیکه یاد اود اصحابکی اکل شهواتدن تحذیر ایلله زیر شهوات دنیا به
 متعلقه اولان قلوبک عقولی بندن مجبویه در و دیمشدر که ترک شهواته
 یا خوف مزعج و یا خود شوق مقلع لازمدر که اولکبسی عابد لر
 و ایکبسی عاشق لر حالیدر و قرآنده کاور (اذهبتم طبیاتکم
 فی حیوتکم الدنیا) یعنی دنیا ده استیفاء لذات ابدن طبیات آخرتدن
 محروم اولور و طبیات نفسیه ملایم اولان اموردر و حلال ایلله طیب
 ارا سنده عموم و خصوص واردر زیرا هر حلال طیب اولماز و طیب
 دخی شرعیدر که مقبولدر و طیب طبیعیدر که مردوددر انکیچون
 هر طبعه ملایم اولانه مباح صورتنده ایسه ده رخصت و یرمک کرکدر
 (و فضیل ابن عیاضدن رحمه الله تعالى زهد ایچون ترک طبیات ایدن
 کپسه دن سؤال اولند قده جواب و یروب دیدیکه الله تعالى اکل
 طبیاتی کراحت ایتز حرامدن پرهیز بولند بقه و امری یرینه کلدیکه
 یعنی مؤمن اولان بر والدین و مسئله رحم و شفقت جار و مرحمت
 مسلمین و کظم غیظ و ظالمدن عفو و مسینه احسان و صبر و تحمل
 و امثالی صفات جلیله ایلله متصف اولمق کرکدر یو خسه مجرد
 ترک طبیات ایتکده فائده قلیلدر و بعض کبار پیورمشلردر که
 طعام و شرابده اعتبار اولنمالمی ایسه دخی معتبردر زیر الباس دخی جسمک
 غذا سیدر که هواء حار و بارددن انی حفظ ایدر طعام و شراب جوع
 و عطشدن حفظ ایتدکی کی پس حرو برددن صیانت ایده جک قدر
 لباسله اکتفا ایتک کرکدر نه مقوله لباس اولورسه اولسون کرک حله
 و کرک عباتیکم سد جوع و ظماء مقداری طعام و شرابه قناعت لازمدر
 کرک طبیات اولسون و کرک غیری زیرا مقصود جسمک عبادتده
 بقا سیدر یو خسه حظ نفس دکلدر و الانفس انسان مطعم و مشرب
 و ملبس و منظر و مرکب و مسکن و امثالک احسن و اعلا سن کوزه در
 و بلکه تحصیل اغراضی ایچون حلالدن شبهه به و شبهه دن حرامه
 و خبیثه تجاوز ایدر و بوضوئده مساعد ایدن دخی (الطبیات الخبیثه
 و فقیحه خبیث اولورنیکم حد شرع اوزرینه ماشی اولان) (والطبیات

للطیبین) موجب نجسه طیب اولور و امور خبیثه نك انتاج ایلدوکی اقوال و افعال و احوال خبیثه و امور طیبیه نك اراث ایلدوکی اقوال و اعمال و احوال طیبیه اولدیغی مالا کلامدر تنکیم ارزندن بنه ارزن حنطه دن بنه حنطه حاصل اولور (ولایلد الحیه الا الحیه) دیدکلی مثل مشهور اکادارد (واذا طاب اصل المرء طابت فروعه دخی اکاناظر در و قرآنده کلور) ولایلدوا الافاجرا کفارا) الحاصل حلالدن جسمک طاعته و قلبک مناجاته و لسانک تلاوت و ذکره و عینک سهره تفرعی حاصل اولور حرامدن خلاقی حاصل اولدیغی کی و تقلیل حلالدن ذهاب کسل و طاعته نشاط و جود بولور و نومی جلب ایدن انجیره مرطبه نك قلنی سیدله سهر دخی حصوله کلور و ابراهیم بن ادهمدن قدس سره مر ویدر که دیمشدر اخشام طعماندن برلقمه ترك ایتک مجاهده نفس طریقیله قیام لیل دن خیرلور (فاملی و عاء شرمن بطن ملی بالحلل) و بعض اکل وارد که امتلایه مؤدی اولوب یا طبیعی و یا دینی ضرری چکلور ضرر طبیعی سی بودر که فساد اعضا حاصل اولور زیرا انجیره فاسده دن الام و امراض تولد ایدوب هلاکه مؤدی اولور تنکیم ملوک شامدن سلیمان بن عبید الملک بن مروان برزئیل بیض مطبوخی انجیره اکل ایدوب قبره دخولنه سبب اولدی و شیخ شبلینک اوغلی کثرت اکلدن تخمه اولدقده شیخ پیوردیکه بو حال اوزر بنه وفات ایلسه نمازن قیلزدم دیدی زیرا نفسنی قتل ایتمکه معصیت کیره اشلش اولور و ضرر دینسی بودر که هلاک ایده مقضی اولور زیرا فضول کلام و نظر و مشی و جماع و انواع حرکات موزبه دن خالی اولماز و قرآنده کلور) ان لك الا تجوع فیها ولا تعری و انك لا تطعم فیها ولا تضیی) بوندن فهم اولور که ضروری اولان لباس و طعام و شراب کفایه در که بونلره احتیاج جله افراد انسانه شاملدر فاما مسکنه هر وقتده ضرورت یوقدر زیرا مساجد و مغارات و کهو فوده اولقی قابلدن بس لسان عامه ده مسکنی امور ضروریه یه الحاق ایتدکلی عموم اوقاته کوره دکلدر بلکه متزوج و مریض و امثالنه

کوره در دیدیلر که رأس دین ورع و زهد در و هر عمل که اکا ورع مصاحب اولیه انك صاحبی مخدوعدر و کسب و عمل یددن اکل ایتک افضلدر اگر صانع و محترف ایلسه والا ابراهیم ادهم کبی یا حفظ بساتین و یا امثالی اعمالدن حاصل اولان نسنه اوزر بنه افطار ایلده زیرا ورعه اقر بدر محکیدر که حارث بن اسد المحاسبیکه ائمه قومنددر پدری وفات ایتدکده میرانشدن برنسنه اخذ ایتدی مع هذا اموال کثیره سی قالمش ایدی و دیدیکه بنم پدرم قائل بالقدر ایدی قدریه ایلسه بوامتک مجوسبسی بدر و حدیثده کلور (لایتوارث اهل ملنن) و امام مالکک تلمیذی ابن القاسمک والدی و فاتنده نیجه ییک دیناری قالب اوغلی انك بر دینارنه وضع ید ایتدی و دیدیکه بنم والدم تاجر ایدی و ربان احتراز و سائر مقاسه ددن پرهیز ایده جک قدر علم حالی یوغیدی بلکه من حیث لایشر معامله سنده ر ببولنه دیوامتناع ایلدی و مذکور ابن القاسم بروقتده سفرا یچون کر ایلده دابه طوندقده بر کیمسه اکابر مکتوب کتوروب شونی فلان کیمسه یه ایصال ایده سن دیچک اولدخی بو دابه بی اکثرا ایتدو کم زمان صاحبندن مکتوب و یاغیری امانت حل ایتکی اشتراط ایتدم دیومکتوبی المدی اشته اهل ورعک بومقوله دقتلی واردر که سالکله مراعاتی لازم و محافظه سی واجبدر و بعضیلر علامت ایلده متنبه اولورل ایدی تنکیم حارث المحاسبی یه شبهه لو طعام تقدیم ایتسه لر بر ماغفک طبری حرکت ایدردی و ابو یزید بسطامینک والده سی ابو یزیده حامل ایکن طعام حرامه الن مد ایده مزدی و بعضیلرینه تورع دیو خطاب کلوردی و بعضیلرینک معده سی بولانوردی و بعضیلرینه طعام قان کورینور ایدی و بعضیلرینه سیاه و بعضیلرینه خنزیر صورتنده ظاهر اولوردی و طعام حلالک اثری بودر که قلبی رهط کثیره و فایدر ز برابر کتلوردر تنکیم میراث نبویدن علیه الصلاة والسلام حصه مند اولنلرک طعاملرنده مشاهده اولمشدر یعنی مطلقا ارث نبویسی اولان کیمسه برکت طعامه دخی وارث اولور تنکیم حدیث مسلمده کلور که رسول الله صلی الله تعالی علیه وسلم

بروخته بسط نطع ایتد کده بعضیلر بره قدر بغدای و بعضیلر دخی
بقدر الطاقه خرما کتورب قدر یسیر مجتمع اولدوقده فخر عالم برکت ایلله
دعا ایلدی و هر کس اندن ظرفلرن و طغارجقلرن طولدور دیلر و بو
معنی لباسده دخی جار یدر نیکیم بعض رجال برزپاره سنی دامنن التنه آلوب
اوجنی خیاطه کوستردی و حاجتک مقداری قطع ایلله دیدی خیاط دخی
خارق عادت اولور و جهله شوقدر بزکس دیکه اوصانوب شو برزپاره سی
نحجب تمام اولدی دیدی اول دخی انی قالدیروب رمی ایتدی اشته تمام
اولدی دیدی و اگر بویله دیمسه نهایت بولمسه کرب ایدی و میراث
نبوی دن حصه مند اولان بعض اولیانک کراماتنددر که طعامدن
احضار ایتدیکه اون واحدالوان مختلفه به منقلب اولور یعنی اگر حاضر
اولردن بعضی سخن وقصه ایچنده موضوع و اکل اولان طعامک
غیری اطعمه مختلفه به اشتهای ایلله طعام واحد و مشتھاسی اولان
طعامک لذتی بولور مثلاً اکل لحم ایدرکن صحنده اولان لحم فالوزچه
و بالبنه و باغیری مشتھایه منقلب اولور و بومقام صاحبنه جن و ملک
الارزاق خدمت ایدر و محتاج اولدیغی طعام و شراب و لباسی کتورر
و یاخود هواده معلق کورب آلوب انکله انتفاع ایدر و اکا آجی صول
طنلو اولور و بوجله ایلله متحقق اولق غداء حلالدن کلور و غداء
جسمانی غداء روحانی به موصل اولوب انواع حکم و حقائق ایلله تنعم
و تدوقه باعث اولور پس ارض وجودی اصلاح انجین کیمسه محصول
حکمت الهیه و معارف ربانیه امیدانک بعیددر حتی اکل حلال صورتنده
بله غفلت ایلله تساول ایلک دخی مورت تنزدر زیرا اکنجینک نسیان
ذکر الله ایلله ترلایه دانه افشان اولسی کیدر که برکتی یوقدر و سرغدا
ابتداء حیاتدر و وجود حیاتدن صکره بقاء حیاتدر پس حیات و بقاء
غدادن متولد اوور و غدانک جمیع موجوداته سریانی وارددر و لکن
انسان و حیوانده اظهار و نباتده ظاهر و جادده خفی و عقولده اخفی در
زیرا عقول دخی علم و ادراکله حی در و غدانک مرآتیی وارددر که
غداء اوله منتهی اوور و غداء اولدن مراد تجلی حق و قبض مطلقدر که

بقاء کائنات اکا منوطدر شویله که اگر نور الهی خلقدن بر نفس منقطع
اولسه جهله سی ظلمت عدمه داخل اولور و انسان کامل تعین اول و جمیع
جمیع اسماء و مظهر تجلی ذات اولغله غداء الکائناتدر و قلب اخلاصه
و نفس ایمانله و روح توحیدله و سرادبله تغدی ایتدیکه کمال انسانی حاصل
اولماز بلکه بومرتبه لردن صکره خلقی هدایت و ارشاد و نصیحه
مسئعه اولوب مقام رسول و حال وارث حقیقی ایلله تحقیق بولمقددر که
بجمیع الوجوه سعادت ابدیه بی احرازانک مقامات مذکوره به وصول
و منازل کمال و تکمیلله دخولده در و بوانساندر که صاحب الوقت و الزمان
و مصرف الاکوان و موضع نظر رجائ و محمل اوامر سبحان و سر
القدر محرم الاعلاندر انکیچون عبادالله المخلصین اعین اهل شریک
و نفاقدن مستوردر و انواع بلا و امتحان تحتنده مقهوردر و بوسیدن
اثری ناپدید و دور بین اولمیلر و ادراکری بعیددر مکر که تعریف الهی
واقع و یا ذوق صحیح جامع صاحبی اوله اللهم اناسئلك اللحق باولیانک
و الوصول الی منازل اصفیانک فارحنا برحمة خاصه نعم اجزاء الوجود
انک اهل الکمال الفضل و مزید الجود (*) الباب العشرون فی بیان
الطریقه و السلوک و الشیوخ الثلثة و سایر الاقطاب و الرجال *
عنوان کابده اشارت اولدیغی اوزره بو کتاب خطاب شرایع و حقایقندن
یکرمی بابی مشتمل اولغله بحمد الله تعالی تعین الهی ایلله ترجمه لری
مقرر و هر بابک حاوی اولدیغی نقد معرفت محرز و وعد کریم ربانی
منجز اولوب یکرمی بابیه دخول و انجام اشارت محدودده به وصول مبسر
اولدی و لکن بویاب امور متعدده بی محتوی و اشای متوعه اوزرینه
منطوی اولغله فصول مختلفه اوزرینه ایراد اولندی تا که بری برندن
ممتاز اولوب ناظر اولمیلر دخی مباحث شریفه سن علی حده احراز ایدر
* فصل * بو فصل طریقت بیاننده در که صوفیه محققینک مسلکی
و سالک اهل یقینک مذهبدر عظماء طریقت و رؤسای اهل حقیقت
نصیح ایتدکری اوزره حدیثده کلور که (الشریعة اقوالی و الطریقه
اطواری و المعرفة رأس مالی و الحقیقه نقد حالی) شریعتدن اقوال ایلله

تعبیر ایلدی زیر شریعتدن مراد وضع الهی اولان احکام دیندر که
عباد الله و صولی نبی داعی و رسول هادی اسانبله در یو خسه شریعت
اقوال مجرده در دینک دکدر نیجه اقول مجرده در که نسخه آفاق
وانفسک حقائق انده مندرج واسرار غیبیه الهیه نک دقائقی
انده مندرجدر ولکن ناظر قشیر اولان لذت میوه بی بلز و شیرله قناعت
ایلین سمن وزبد دن حظ آلاز بلکه رموز وحدت و کنوز حقیقت
اچله خوف کفردن ناشی (ابدال ذبیم چنکدر مصحف زد) و فقهیه
الن مصحفیه اوروب ظواهر دن ابرلاز و بونله ناظر در شول معنا که
حدیده کلور (ترکوهیم و مایدینون) و قرآنده کلور (ولا تجادلوا
اهل الکتاب) و طریقتدن اطوارله تعبیر قلدی مقصودی افعال
مرتبه سته ترقی در یقال فعل کذا طورا بعد طور ای تاره بعد تاره و قول
مشهورده کلور (رحم الله امرأ عرف قدره ولم یعد طوره) یعنی مقداری
بلن کیمسه حدنی تجاوز ایتمز پس بوراده طور حد معنا سته اولور
ولکن هر حده وصول بر فعل و حرکت ایلله اولمغه حد تاره معناسنه
مشمول اولدی و قرآنده کلور (ولقد خلقکم اطوارا) بو اطوار دن
مراد تارات سبعة در که (ولقد خلقنا الانسان من سلاله من طین)
آینده میندر یعنی انسانک طور اولی یعنی نشاء جسمانیه سی جهتندن
طین در که تراب و ماء ایلله مختلطدر بعده نطفه و بعده علقه و بعده
مضغه و بعده عظام و بعده لحم و بعده نفخ روحله صورت اخرا در
پس انسانک خلقت طبیعیه سنک کمالی تارات سبع مذکور اوزرینه
مبنی اولدیغی کبی نشاء روحانیه سنک تمامی دخی اطوار مختلفه اوزرینه
عبوره موقوفدر زیر سلوک راه حقه کرکدر که منازل عناصر
کشفه دن مراتب موایده سفر ایلله بعده درجات طبایعه ترقی قبله
بعده عالم ارواحه متوجه اوله بعده عالم علمه دخول ایده بعده عین
حقیقه کر بسته عزیمت اولوب کیده و بو حقیقه جنت مضافه
دیرلر نکیم قرآنده کلور (فادخلی فی عبادی و ادخلی جنتی)
و بو جنتک قیوسنه سرادقات عزت چکیلوب خانه دانندن نظر خلق

بالکلیه منقطع اولور و ملائکه مقر بین بیلله انلره اطلاع دن قالور
انکیم چون انسان کامل معلوم و مجهولدر یعنی آثار حسیه سی جهتندن
معلوم و حقایق معنویه سی یوزندن مجهولدر حق تعالی حضرت نوری
معلوم و مجهول اولدیغی کبی فافهم ولا تسأل فانه بالعبارة لا یخل
الحاصل قاصد کعبه اولان کیمسه هر کون بر منزلله انتقال و بر مقامه
ارتحال ایلدیکی کیمکه اکاکرات حرکت و مرات زول دیرلر سالك راه
وحدت اولان دخی نفس بنفس بر اسم الهیدن بر اسم سفر و بر حال دن
بر حاله گذر ایدوب مطلب اعلی و مقصد اقصی به دك سیر وسیعی ایدر
اول اسفار و حالاته اطوار دیرلر که حال عروجده اولان منازل دیرلر
نتکیم زولده دخی اول اطوار اوزرینه یور یوب هر برندن عبور ایتمش
ایدی و سفر اول که زولدر غایتنه غربت دیرلر زیرا مقام عیندن جدا
دو شوب اسفل سا فلین اولان نفسیه و وجود عنصری به تنزل
ایتمشدر بو مرتبه ایسه اصلندن انک بری دکدر بلکه اورایه سفر
ایتمشی اسماء الهیه بی سیر و صفات حقیقه اطلاع و جمال
افعالی مشاهده ایچوندن و سفر ثانیکه عروجدر وطنه تو جهدر که
نفسنی بولدقد نصکره رب سنی دخی بولمغه عزیمتدر پس بولدقده
وطنه داخل اولور ولکن بو مرتبه به من وجه غربت دیرلر زیرا اول
مرتبه نک آشناسی اقل قلبلدر و اکا اشارت ایدوب حدیده کلور (فطوبی
للغرباء من امتی) یعنی غربا ایکیدر بری غرباء صور بدر که اوطان
صور به دن جدا دوشمشلدر و بری دخی غرباء حقیقتدر که موطن
کونین دن یعنی اکثر ناسک مقید اولدیغی منازل جسمانیه و روحانیه دن
بعید دوشمشلر و سیر اکواندن واجبه ترقی قلمشدر و بوایکی طائفه نک
حقنده کلور (من مات غربیا ففقد مات شهیدا) یعنی طائفه اولی به کوره
ظاهر شهادتدر که ملائکه نک شهود و حضور بدر و طائفه ثانی به کوره
باطن شهادتدر که حقیق مشاهده و معاینه سیدر و باطن شهادته
صدیقیت دیرلر که ظاهر نبوتدر پس سعادت غربت ظاهره نک مداری
جنت و باطنه نک رؤیتدر و رؤیت جنتک فوقنده در صدیقیت

شهادتک فوقنده اولد یغی کبی و بوتقریدن ظاهر اولدیکه طریقت
مجدیه نیک دخی ظاهر و باطنی وارد که ظاهری اعمال شرعی و باطنی
احوال مرعیه در که (والطریقه اطواری) اکادارد یعنی اطوار
مجدیه اولان طریقت خصوص اوزرینه طریقتدر که اهل
حق و وصول حقه خصوص اوزرینه سالت اولد قلمری بولدر
خلافت امامتدن خصوص مرتبه اولدیغی کبی پس هر امام خلیفه
اولدیغی کبی هر اهلی شریعت دخی خصوص اوزرینه اهل طریقت
اولماز زیرا اهل شریعتک سعی اعمال اخرویه به در اهل طریقت کبی
احوال غیبیه به دکل واحوال غیبیه کرچه امور شهادیه مندر جدر
نتکیم دیمشدر که (التجلیات الوجودیه مرآة التجلیات الشهودیه)
فاما اکا اطلاعی اولیان کیمه اندن اعنی واجتیدر زیرا بالفعل اهل
مشاهده دکلدر پس انک حالی شول فقیر بکر که خانه سنده کنز دین
واردولکن اول کنزه و قوفی اولدیغندن شویله فقیر قالمشدر انکیچون
علماء رسوم اولنلر علماء حقایق یاننده فقرادر و بوتقریدن اقوال
واطوارک سر تخصیصی باهر اولور یعنی شریعتدن اقوال و طریقتدن
افعال واحوال ایله تعبیر اولندی مع هذا شریعت اقوال مجرده دکلدر
نتکیم بالاده ذکر اولندی زیرا حال دید کلری معنی بولدیغی شریعت
قال مجرد کبی اولور انکیچون اهل ظاهره ارباب قبل و قال دیرلر کویا که
بالکلبه لباس عملدن عاریلدر و بویان بدیعدن ارباب طریقت دخی
ایدن علماء قشورک جهالتلری ظاهر اولور زیرا مسلت صوفیه محققین
عموم و خصوصه دائر اولان طریقتدر که طریقت مجدیة مطلقه در
وسائرک ایسه طریقت مقیده در که طریقت ظاهره در مجموع ظاهر
و باطن دکلدر فاعرف و طریقت مذکوره بحسب الغالب قطع علائق
وعوائق و ریاضت و مجاهدات و اعمال شاقیه منوط ظاهر و باطن نیجه
احوال و معاملات مر بوط اولغله عزایم ایله علمه و محافظه آداب و ارکانه
طریقت دیرلر یعنی بومقوله معناده عرف خاص اولدی و الارخصت لایله
عمل ایتمک دخی مقامه کوره حر اسم حق دندر انکیچون ذوعزیمت

اولنلر اما کنده کوره عزائم و رخصت هر بریله عمل ایتمکی عزیمتدن بلورلر
شول جهتدیکه ایکسنتک بله اتیاننده محبة الله وارد طریقتده نافض
اولنلر ایسه رخصتله رخصت و برمیوب غلط ایدرلر پس انلر ترک
نوافل ایدنلر بکرلر مع هذا اتیان نوافله محبة الله وارد نتکیم حدیثده
کلور (لا يزال عبدي يتقرب الي بالنوافل حتى احبه) و بومعنادن غافل
اولنلر و خلافت طوتنلر صوفی وارد دیرلر زیرا کر طریقی عشقه فی الجملة
حرارت کسب ایتمش اولسیدی اومقوله تکلفه دائر اولان زهدی احراق
ایدر و ازادهلر یولونه کیدردی (بعدذا رسول الله معرفتدن رأس مال ایله
تعبیر ایلدی زیرا رأس مال که مایه در تجارتده ربح و نمایه سبیدر
معرفه الله دخی ترقیات جلیله به باعثدر نتکیم قرأ نده کلور
(هل يستوی الذین یعلمون والذین لا یعلمون) زیرا بو علمدن مراد علم
مطلقدر که علم شرایع و احکام و علم حقایق و الهامدر و عالم بالا حکام
اولنلرک امیلر اوزرینه فضیلتی نیجه ایسه عالم بالله اولنلرک دخی عالم
باحکام الله اولنلرک اوزرینه رجائی اویله در پس کار و سود دنیاده
معرفه الله در که اندن بی بهره اولان سرمایه سز تاجر کیدر و بی سرمایه
اولان اکثر یامدیوندر و مدیونه قضاء دین لازمدر انکیچون حدیثده کلور
(اللهم افض عنی دینی) یعنی ظاهر و باطن دینی قضا ایله که دین ظاهر
مال و دین باطن اعمال و احوالدر و بومعنادن امانت ایله دخی تعبیر اولنلر
زیرا جمله اعضا و قوی امانتدر که هر برندن بر حکم الهی مطلوبدر
پس قلبدن مطلوب اولان اخلاصدر و روحدن مطالبه اولنلر
معرفتدر و معرفت عمل و تقوی و سلوک یوزندن حاصل اولان علم
الهی در که اکا شبهه و حیرت و قدح دخول ایتمز و کشف محقق ایله
اسما و صفات و افعال حتی بلیان اهل علم و معرفت اولماز لسان عامه ده
اهل علم و یا اهل معرفت اطلاق اولنلر کیمه لک اکثری عالم
باحکام الله و عارف بلوازم الاسماء و الصفات دیمکدر و معرفتدن مراد
فی الحقیقه علمدر زیرا علم اکلدر و اکل ناس اولنلر عارف دید کلری
علماء ظاهر دن تمیز ایچوند ر و الاحقیقه علماء عارفادر فافهم جدا

و طریقت باطن شریعت اولدینگی کی معرفت دخی باطن طریقتدر
زیرا طریقت مخصوصه دن سیر و سلوکه حاصل اولان معانی
و حکمدر که اسما و صفاته تعلق ایدر اسما و صفات ایسه مراتب ذاتدر
پس مراتب ذاتدر حاصل اولان اسرار دخی اسرار ذاتدر و حقیقتدر
نقد حال ایله تعبیر ایلدی زیر نقد خلاف نسبتدر که حاضر در
و تمیز الدراهم و غیرها معناسنه دخی کلور معرفتدر مراتب ایسه عیندر
یعنی علمدن عینه وصولدر و سر الحقیقه عینک متحد اولدینغیدر زیرا
هر کثرت بر وحدت ایله و جمیع وحدات دخی عین واحده ایله قائمدر
بس و اصلارک حالری نقددر که عین حقیقتدر و بومعنی قبل الوصول
دخی نقد در ولکن محبوب اولان وصالدن غافل اولغله اکا کوره نقد
نسبتدر اولدی تنکیم رجوع دنلدی مع هذا رجوع دیمک ارتفاع و سائط
حسیله در و الامعینه رجوع اولماز مکر اعتبارله اوله که بر اسمدن بر اسم
سفر و انتقالدر و حقیقت نقد طرف اولدینگی کی نقد در که جمید
وز یوف طریقتی تمیز و حال صحیحی غیر صحیحدر تشخیص ایلر زیرا
علم حاله محتاج دکلدر فاما حال علمه محتاجدر انکیچون علمدن و بلکه
مطلق معرفت احوالدن افضلدر و حقیقت دید کلری معرفتک باطنی
و غایتدر کویا شریعت عالم اجسام و طریقت عالم ارواح کیدر که
ما فوقی عالم علم و آنک دخی ماوراسی عالم عیندر و عالم اجسام شهادت
مطلقه در انکیچون شریعت ظواهر ایله عملدر و مرتبه ارواح
عالم غیب اضافیدر انکیچون طریقت و معرفت مرتبه لری شریعت کوره
غیب و حقیقت نظر ایله شهادتدر زیرا ظواهر حقیقتدر و نفس حقیقت
غیب ذاتی و حقیقتدر که باطن البطوندر پس انسانک ظاهری اسم
ظاهرک مراتب ناظر و باطنی اسم باطنک مقایماته دائر در انکیچون
کالات ظاهره و باطنیه جامعدر و شول سالک که سرشریعتدن غافل
و عمل ظاهر دن عاقلدر انده سر الهی یوقدر بلکه طریقتی زائغه
و معرفتی باطله و حال الحاد محضدر نعوذ بالله تعالی و بواعصارده
بوزیع و ضلالک اربابی حد حسابدن بیروندر (قائلهم الله انی یوفکون)

* فصل *

بوفصل سلوک پیا ننده در معلوم اوله که سلوک لغت هر بده کتمک
معناسنه در و سالک مطلقا کبدیجیدر که عجم اکارونده در تنکیم کلیمی به
آینده در سلوک کرک عالم برده سیاحت اولسون و کرک عالم بجرده و کرک
عالم ظاهرده سفر اولسون و کرک عالم باطنده فاما اصطلاح اهل طریقت
و ارباب حقیقتدر رفت و سیر مخصوصدر که جهلدن علمه و اخلاق
ذمیه دن اخلاق حمیده به و کندی وجوددن وجود حقه حرکتدر
یعنی عالم ارواحدن بری کذر ابتدوی مراتب وجوده علم و نعوت کوبه
والهیه ایله اتصاف و جمیع اعتبارات و جله تعلقاتدن و بلکه کندی
نفسنی به احساسدن فناء کلی و حقه بقاء ذاتی لازمدر که سلوک
مکمل و کل مقاصد محصل اوله پس سالک محصل و سلوک تحصیل و کذا
سالک مجاهد و سلوک مجاهده و کذا سالک نانی و مثبت و سلوک نانی
و اثباتدر یعنی کندی و ماسوایی نانی و وجود حتی اثبات ایدوب عالم نعینه
کوره صورت توحید اولان لا اله الا الله و عالم لاتعینه کوره حقیقت توحید
اولان لا موجود الا الله سر به قائم و بواسطه اوزرینه دائم
اولمقدر که اولی سلوک و آخری وصولدر و بومعنادن او توری دیمشدر در که
(خطوتان وقد وصلت) تنکیم نظم فارسیله کلور * یک قدم بر نفس خود
نه وان در کرد کوی دوست * هر چه بینی نیک بین باین و آنت کار نیست *

یعنی منزل وصل الهی ایکی خطوه در که بری ماسوادن اعراض و بری
حق مطلقه اقبالدر ولکن بوائنده ظاهرده رهبر کردر که مرشد کاملدر
و باطنده معین لازمدر که عشق پاکدر پس عشق الهی بین النورین
برناردر که ماسو اسوزدر انکیچون مقام عشق و شوق و محبتدن حصه مند
و حلاوتندن بهره ورا و لبتلر لذت ندر بلزلر و نپادن بی مذاق چقوب
کیدر و بویله بی مذاق اولنلرک تأله و ریاضتدرینه اعتبار یوقدر زیرا
اصل الاصول اولان معنی قوت اولمشدر بلکه افراط ریاضات ایله
کندی نفسلرینه یوق یره عذاب ایدرلر عاشقه ایسه دنیا و آخرنده
عذاب یوقدر و دیمشدر در که سر معرفت عین ریاضتدر و ریاضت نجسین

اخلاق و یا تصفیه محل ایچوندر که معرفته وسیله و فتح باب تجلی به در پیجه در بناء علی هذا معرفه الله کمال اوزرینه اولیجی افراط ریاضته حاجت قالماز و بعض ریاضت وارد که ثمره سی اولماز و اولسه دخی مقاصد دن دکلدر ریاضات فلاسفه کی زیر انترقوت ریاضت ایله حرکات افلاکی اشتغالدر و بعض مرتبه اذواق حاله دخی یشمشلدر افلاطون الهی کی ولکن طرف افکار و نظر غالب و سلوک طریق ایمان شرعی نابود اولغله معرفت لری قاصره و عالم حس و ملک متجاوز دکلدر پس سالکده طریق اوزرینه طلب لازمدر زیر قرآنده کلور (وابتغوا الیه الوسیلة) بوندن فهم اولنور که سلوک دیدکاری طلبدر و مطلوب حقیقی الله تعالی حضرتلر بدر زیر طالب مطلوبی تعیین ایتدیکه طلبی صحیح اولماز و الایجهول مبهمی طلب لازم کلور و طلبده دخی ظاهرا و باطنا اسباب معینه کر کدر ظاهرده اولان اسباب منهاج سنت اوزرینه عملدر یعنی شارعدن وارد اولدیغی وصف اوزرینه عمل و مقارنت معلم و شیخدر و باطنده ایمان و اخلاص و احساندر زیر ایمان مأمور به در که اصل سعادتدر و اخلاص و احسان ایمانک لوازمنددر و انلرله مقید در تنکیم قرآنده کلور (مخلصین له الدین) وینه کلور (وهو محسن) و ادنای اخلاص توحید شرعندر که لامعبود الا الله در و اخلاصک اعلاسی توحید حقیقندر که لاموجود الا الله در و ادنای احسان شهود سریدر که بلا تقید وجه مطلقه نظر در الحاصل بو شروط بولنان سلوک حال ایله اولمش اولور زیر علم مجرد ایله سلوک اولماز یعنی برکیمه علم یوزندن جیع مقاماتی بلسه ولکن علم اکاعین و ذوق و حال اولسه اکاسالک دینلر بلکه اهل علم و اهل اصطلاح دیرلر تنکیم بوا عصارده کتب و رسائل و افواهدن اخذ ایدنلر چوقدر ولکن باطنلرنده اصلا ذوقلری بوقدر و بلکه مرتبه علملری به سقط و محبطدر زیر تقلید ده غلط چوق اولور و بعض کار پیور مشلدر که سلوک اولماز بر عمل مشر و عدن عمل آخره انتقالدر که هر بری علی وجه الفقه اولمق شرطدر کر کسه اول عمل فعلدن فعله اولسون کر کسه ترکدن ترک اولسون و کرک فعلدن ترک

اولسون و کرک ترکدن فعله اولسون اشته بونلردرت مرتبه در که انلر ایچون خامس بوقدر یعنی سالک صورت منزلدن منزله انتقال ابتدیکی کی سالک حقیقت دخی عملدن عمله انتقال ایدر ولکن اول عمل نفس فعل اولمق لازم کلر بلکه گاه اولور که ترک صورتنده بولنور زیرا کر کدر که سالک اوقاتی امر مشر وعی و یا نهی مشر وعی استیعاب ایلیسه تا که بلا عمل کذر ایلیه واجب و مندوبه تعلق ایدر ترک حرام و مکروهه تعلق ابتدیکی کی زیر اطر بق خواصده مباحه تعلق اولمز که مباح انلره کوره محض امتحان الهیدر مکر که ضرور یاندن اوله انکیچون ملک مباحه دعوت ایتز بلکه شیطان دعوت ایدر زیر مباح طریق مکروهدر و مکروه محظوره مؤیددر پس سد ذرایع لازمدر و ثابا بر امدن بر امدن انتقالدر که سر قیامت معرفته اشارتدر زیر هر اسمک تحتنده معارف کثیره و حکم و فیه وارد و اصول اسمی اون ایکیدر که بدیسی فنیاه و بشی بقایه دائردر تنکیم بوقاروده ذکر اولندی و ثالثا تجلیدن تجلی به انتقالدر زیر اهر معرفت موجب تجلی دکلدر و تجلیاتک اولی تجلی افعال و بعده تجلی صفات و بعده تجلی ذاتدر و بواو ج مرتبه به تجلی عینی دیرلر که خصوص اهلنک حالددر و اهل عموم و اهل علمی ارشاده قادر اولنلر بونلردر و سائرلرک توحیددی و تجلیسی صلیدر که انلر مرتبه ارشاده و اصل دکلدردر زیر ارشاد عینله اولور علم ایله اولماز تنکیم طریق مقاصده دلیل اولنلرده بللوردر یعنی برکیمه بر طریق بر قیچ کره سالک اولسه آخره دلیل اولماز والا ایکیمی دخی طریق کعبه دن چبقوب ترکستان بولنه کیدرل نظر ایله کبرکیمه احوال حج و مقامات کعبه به نقدر عالم و واقف اولسه ینه علم کفایت ایتیبوب کعبه بی معاینده دلیله محتاج اولور نیجه مغرور لری بمقامده هلاک اولوب غیر یلری دخی افساد ایتیشلدر و حقیقنده سلوک بر نفسدن بر نفسه در که اول نفس نفس رحانی بی مشتملدر انکیچون عارفلر هر نفسده ایکی عید ایدر لری که بری نفس داخل و بری دخی نفس خارجدر زیر ادخول و خروجی حقله در

تکیم قرآند کلور (وقل رب ادخلنی مدخل صدق و اخرجنی مخرج صدق) زیرا ادخال و اخراج صدق معنای نفسک بالکلیه فناسی و حقک بقاسیله اولمقدر و بوندن فهم اولنور که حقک صفتی محض صدق و نفسک حالی محض کذبدر و هر کجید که اثر نفس اولسه اثر کذبدرن خالی اولساز بوجهتدندر که عباد مخلصین دینلدی یعنی فتح لامله زیرا کدورات نفسدن تصفیه و تخلص اولمشلردر و شایبه غیریدن پاک قلمشلردر و نفس پاک اولیحق نفس دخی پاک اولور فافهم جدا و دخولاک اولی عالم ارواح بعده عالم مثال بعده عالم اجسام و یا خود اولی عالم ارواح بعده عالم طبایع بعده عالم مولدات بعده عالم عناصردر و خروجک اولی مذکورک عکسبله دراشته بومعنا بوعالم حسه دخول و بنه اندن خروج ایدوب عالم اصله سیر و سلوکله وصول اعتبار یله در که فناء مطلقدن عبارتدر و بویله دیمک دخی اولور که خروجک اولی علمدن عینه در که عالم ارواح و ما بعدیدر بوعتبار یله دخول عالم ذاتدن صفاته و صفاتدن افعاله و افعالدن آثاره در الحاصل سفر اولده حضرات اسمایه و صفاته و افعاله و آثاره دخولله تعقید و احتجاب حاصل اولدقدن صکره تزولدن عروجیه حرکت و نهضت ایله سفر ثانی ده تعقیدی تحلیل و احتجابی کشف ایدوب فنا مطلق ایله ذاته دخولدن صکره موفق اولنره بر کوره دخی خروج ایدوب بقاء مطلق ایله عالم آثاره دخول ایدر پس اصله عروجی استفاضه و فرعه تزولاری افاضه عباد ایچون اولور کویا صله رحم ایند کدن صکره و طن اصلی سنک هدایاسن الوب احبابنه انکله عودت ایتمشه دوز بسرا لله لنا و لکم السفر الالهی و السیر الالی و بواسفارده بر حالدن بر حاله و بر مقامدن بر مقامه انتقال ایده نه سالک دیدیلر و بومقاماتک کلیاتی مضبوط و جزئیاتی نامحصور در زیر کماله کوره هر نفسده حقله بر قیام اولدیغی کی ناقصه کوره بر ذله واقع اولور و بر خطر بولنور و بوعقباندن عبوره مجاهدات بدنی و ریاضات نفسیه لازم اولدیغندن ماعدالحوال

سلوک کایذیغی واقف بر مرشد مقارنت لازمدر و الا بویله راه خطر ناکک هر خطوه سنده بر نوع ذلل و هر ذللدن بر دورلو هلاک حاصل اولوب منزلدن قالمق دکل بلکه بالکلیه راه منزلی یا کلور تکیم اکثر سلاکک حالی بودر و بعضیلرینه حکم و جوب غالب اولوب سهولت ایله سلوک ایدر و بعضیلر دخی اویسی مشربدر که من عندالله اخذ ایلر زیرا صحبت اوج درلودر بری صحبت جسمانی در که افواه مشایخدن اخذ اولنور و بری صحبت روحانی در که ارواح کلدن استفاده اولنور کرک انتقال ایتمش اولسون و کرک حیاته و بلاد بعدیده بولسون و بری دخی صحبت الهیه در که بالذات حقدن استفاضه اولنور صحبت اولی اغلبدر زیرا اکثر ناس حسله الفت ایلمش و عالم صورتدن اخذ ایده کلمشدر و صحبت ثانیه نادر در زیرا اشخصین ما بیننده مناسبت روحانیه اولق تلطیف مزاج و تعدیل طبعله اولور کثافت عنصریه و غلبه حکم امکان ایسه اکا مانعدر و صحبت ثالثه اندر در یعنی ازدن ازدن بر مناسبت سریه ذاتیه به موقوفدر بوا یسه مناسبت روحانیه دن اصعبدر اویس القرنی ده رضی الله عنه بومناسبت ثابت اولغله بالفعل حق تعالی دن اخذله سرافراز و انک طریقتنه اویسیه دیدیلر حضرت موسی علیه السلام زماننده برخ اسود دید کلدی بنده سیاه چرده دخی مشرب اویسده ایدیکه درگاه حقده درجه محبوبینه ابرشمش ایدی و کبراء متقدمین دن بر جماعت که امور حقیقی بی واسطه زبان بری برندن بحالسه مجرده ایله اخذ ایدر لدی اشراقبون کی انلره بر خیابان دیر لدی دین محمدی ظه و رندن صکره اول وصف اوزرینه اولنره اویسیان دیدیلر و انلر که بی واسطه زبان بری برلندن اخده قادر اولار حقدن دخی اخذه اقرب اولورلر و مشارب سلاک مختلف اولغله طرق مختلفه حقه وضع اولندی جلوتی و خلوتی و قدری و ادهی و بیرامی و عشاقی و امثالی کی تا که هر سالک هم مشرب اولانه مقارنت ایلله و سهولت اخذ سیبیلله منزله ایره و یولده قالمیه و بومقوله تسهیل و تخفیفک نظاری وارد

و قرآنك لغات سبع اوزرينه نزولى دائمه وائمه امتك امور دين و دنيا ده
 اختلافي كي زيرا مجتهدينك استنباطاتده اختلافي رحمت اولديغي
 كي سائرلك دخي صنايع و حرف امثالنده تباين و تخالفري رحمتدر كه
 آنكه امور دين و دنيا به تيسير حاصل اولور و مقصود اصلي كه حقه
 وصولدر هر نه درلو سلوكه اولور سه معتبردر برو بگردن قاصد بيت
 اولنلك حالي كي وديد بلكه انسانك سلوك كننده استقامت
 و اعوجاجي غايات مقصوده حسييله در مثلا بر كچه قاصد كعبه
 اولسه تركستان يوانه كتمك اهو جاجدر و سالك تركستان اولسه راه
 كعبه به متوجه اولق انحرافدر زيرا ايكي صورتده يله موصل دكلدر
 و موصل اوليان طريقه سلوك ايتمك عين جهالتدر و غايات ديدكاري
 مقامات و يامنازل در جاتدر كه انلره وصوله كالات نسبيه حاصل اولور
 مثلا رومدن قاصد كعبه اولنلك شامه وصول وارض مقدسه به
 دخولري كال نسبدر كال مطلق كعبه به بلوغ و بلكه بعد العوده
 وطنه و اوجدر و كعبه غايه المقاصد ايكن اكا رسیده اولق دخي
 رب البيت وصوله كوره كال نسبدر و اوليانك وصول انبياه كوره دخي
 حالري بودر پس مظهرده كال مطلق رسول اللهك و ظاهرده
 الله تعالى كنكدر فاعرف و بر نسنه به غايت ديمك بدايتي ايله معلوم اولور
 زيرا امور اضافيه دن اولغله بدايت سر غايت اولماز و طرق دخي
 بدايات و غايات ارا سنده متين اولور يعني بدايات و غايات متعين
 اولد قد نصكره ما بيني مسافه و طريق اولور و طرايق في الحقيقه
 سير و سلوك كه شروع ايلديكي بدايت مرتبه سنك احكاميدر غايت ابر نجه
 پس سير و سلوك اودر ككه ساير و سالك اولان كچه اول احكام
 متعينه و احوال مختصه به تلبس ايتمكدر تلبسي دخي جذب و رفعله
 واخذ و تركله در يعني تلبس ايلديكي احكام و احوالك بعضيسي جذب
 واخذ و بعضيسي دخي دفع و تركه دائر در كه امر و نهيك سر يدر
 پس اوامر دن اولان شروط وجوديه در كه اني وجوده كتوره بيان
 مقصوده واصل اولماز و كذلك نواهي دن اولان امور مانعه در كه

اشلسه مرادي وجود بولماز صلاته كوره وضوء و طهارت مكان
 و امثالي كي زيرا نجاست مكان مانع صلاتدر پس ازاله سي لازمدر
 و هر كار ده غايتيه وصوله دك بويله شرائط و موانع واردر نتكيم
 جلب منفعت و دفع مضرت ديرلر (و شرائط سلوك سكر در ككه
 دوام وضوء و دوام خلوت و دوام صوم و دوام سكوت و دوام ذكر
 و دوام نفي خواطر و اعتقاد بك و ترك اعتراضدر الحاصل كر كدر كه
 مطلوبي اولان غايتيه وصوله دك مناسب اولان احكام و احوالك
 جمله سنه تلبس ايدوب توحيد عزيمت و جمع همت ايله حكمد نصكره
 حكميله منصبع و خالد نصكره حاله انتقال ايليه كد بومعنايه سلوك ديرلر
 چونكه قبله توجه و غايت مبنعاسي اولان مطلوبه واصل اوله
 بدايتدن بو غايتيه دك تلبسي لازم اولان احكام و احوالي استيفاء ايتمش
 اولور اند نصكره امر آخره استيناف ايدوب مستأهل اولديغي كال
 حقيقي به وصوله دك سيرايدوب پس بواستيناف اولنان امر آخره
 سفر بردن نصكره سفر بحر كي اولديكه سفر بر ك تداركي بر يوزدن
 و سفر بحر ك نظامي بر غيري يوزدندر پس هر برينك حالته كوره
 شروط و قيودنه رعایت و موانعي مدافعه ايتلودر و اندن طوعري
 يوله كمتلودر و كال نسبي اولان غايتيه وصوله قناعت ايتيوب انك ورا سنده
 نتيجه به دخي بلوغ ايچون اسباب مرتبه ايله ايش طوعلودر زيرا
 بو دنيا ده حاصل اوليان كال آخريته حاصل اولماز و بوند
 اعني اولان انده دخي اعني اولور و طريق مجاهد به بي خور
 كور ممك و استثقال ايتمك لازمدر زيرا طريق سلفدر كه زمان
 خلفه دك توارث اولمشدر و جنيد بغدادی به قدس سره سؤال
 اولنوب نائل اولديفكر دولت حقيقته نه ايله نائل اولديكر دنلد كده
 جواب و يروب شو درجه نك التنده اوتوز سنه جلوس ايله نائل اولدم
 ديدى و دارنده اولان بدرجه به اشارت ايلدى و ابو زيد بسطامي اون
 ايكي سنه نفسك حدادی و بش سنه دخي قصارى اولدى و زنار
 ظاهرني قطع ايتمكده سكر سنه عمل ايلدى و زنار باطني قطع ايتمكده دخي

نیجه سنه را اجتهاد قیلدی بوجه دنصکره دخی نیجه عقباتی قالدیکه
توفیق الهی ایله آخر انلری دخی کذر ایدوب مقصد اقصایه ایردی
وتکمیل نشأ ایدوب انسان کامل اولدی والله الداعی وهو الهادی
(* فصل *) بوفصل شیخ و مرشد کامل و مکمل کیمدرانی بیان ایدر
معلوم اوله که شیخ اولدر که مرید و سالک حال تربیه و سلوک و کشفنده
شیخوخه اهلینته منتهی اولنجیه دک محتاج اولدیغی امورک جمله سنی
جمع ایلیمه و هر طورده امور ملایمیه و غیر ملایمیه عارف اوله و جذب و دفعه
تربیه ایلیمه و واقعات و خواطر و واردات و کشفاته کما ینبغی مطلع
اولوب خیال و حقیقت و علم و عینی بری برندن تمیز و تشخیص قله و اگر
سلوکی مرتب اولوب عناصردن موالیده و موالیددن طبایعه و طبایعدن
مقام لوح و قلم و اندن علم و عینه طوغری ایسه مشاق کثیره چکلور
و اگر اول امردن سر حیاتک صریانی منکشف او اورسه طرفینه آسان
اولور زیرا سالک حاله کوره شیخ دخی مجاهده چکر و زجت کورر
چونکه سالک و اصل اوله و برازخ و قیوددن نجات بوله شیخ دخی انی
(ولکل قوم هاد) موجنبه اشارت حقله مقام تربیه به تعیین و ارشاد
ناس ایچون مأذون قلور و ضرورت اولان موضعه ارسال ایدر و خلیفه
ایلمرتکیم رسول الله علیه الصلاة والسلام معاذ بن جبلی بمنه کوندردی
و اگر رسول رسول الله دیرلردی پس رسالته اضافت ایله اولدخی رسول
اولدی اگرچه که انک رسالتی فی الحقیقه لغوی و رسول الله رسالتی
هر فیدر فاما بر قاج سنه دن بری بزم زمانمز کلنجیه کار طریق شول غایته
ایردیکه عمرنده مرید اولیان کیمسه ز ادعای شیخوخت ایدوب کمال
جهالتریندن جهال و ضلاله مشیخت ایله اجازت و برر اولدیلر تا که
ذکر لری منشرو ناملری مشهر و مریدلری متکثر اوله اشته بوشان عظیم
وشأ و جسمی لعب صبیان و ضحکه شیطان قلیدیلر بر وجهله که ارالنده
بری وفات اینسه برلری توارث اولنوب اوغلارن صغیر و کبیر
مقاملرینه اجلاس ایدرلر و انلردن خرقة و تاج کوب اوزاده در و عزیز
زاده در دیو تبرک ایدرلر و مشایخ منزله سنه تنزیل ایدرلر فهذه مصیبه

قدعت و لعل هذه طریقه قدعت فاند رست آثارها والله اعلم باخبارها
و دیمشلردر که بر شیخک که ادب شریعتی و طریقتی اولیمه اگر حالنده
صادق ایسه ده! کا اقتدا صحیح دکلدر زیرانی ادبه اقتدا ایدن دخی بی ادب
اولور ادب ایسه سر حقیقه و اصل اولان کیمسه نک صفتیدر یعنی مقام
سره و صلتک اثری ادب کاملدر و سائر مقاماتک حالی دخی بودر نتکیم
سلوک مرتب صاحبیه ابتدا عالم حس غائب منکشف اولوب خلق
خانه لرنده طاعات و معصیتدن نه کارده در ظهوره کلور و اکاجدار
و یا ظلمت لیل و امثالی حائل و حجاب اولماز پس بوصورتده اگر اسم سنار ایله
متحقق اولوب هتک اسرار ایدر سه ترک ادب ایتمش اولور و انک حاله
شیطان قارشور و نائل اولدیغی کشفندن آخر محجوب اولوب خسارت
بولور انکیچون بومقامده حیوانیت صفتی ایله منصف اولیق کر کدر
و ستر حال ایدوب شیخدن غیری به کشف ایتمک لازمدر و اگر شیخ
بی ادبک حال صادقی و ارایسه نتکیم لا ابالی مقامنده اولان مجذوب بلرده
اولور بوصورتده اقتدایه صالح دکل ایسه حال صادقندن اونوری
احترام و تعظیم اولور قهر و جلالتدن خوفانعرض اولماز و بوندن فهم
اولندیکه ترک ادب ایدن حال اهلنه اقتدا صحیح اولمیچق خالدن خالی
اولان ادب سزه نیجه اقتدا اولنور نتکیم بومقوله ره اقتدا ایتمک جهلاء
اعصارک شعار ایدر پس شیخ اودر که پر ادب و کامل اوله که سیرالی الله ده
غایت مقاماته بالغ اوله ز براسیر فی الله نهایت یوقدر و کذلک مکمل
اوله صیغه فاعل اوزرینه که طالبلری حقه ارشاد ایدوب تکمیل
ایتمک قادر اوله یعنی کمال کندی نفسی و تکمیل غیری حسبیله در نتکیم
قرآنده کلور (الا الذين آمنوا و عملوا الصالحات و تواصوا بالحق و تواصوا
بالصبر) و دیمشلردر که بر شهرده بر شیخک ایکی خلیفه سی اولماز زیرا
بر جسدده ایکی جان کی او اور نتکیم ایکی صدیق دخی اولماز زیرا
عبث کی اولور و حاکم و محکوم متمیز اولماز زمان اولده بر شهرده ایکی
پیغمبر و یاز یاده اولیق تفاوت حسبیله در یعنی بری قطبیت کبری ایله
قائم و ماعداسی اکا نابعدر و ایکی آله اراسنده وجود عالم و ایکی مختلف

الشریعة رسول میبایسته مکلف و ایکی زوج ما بینده برخاتون اولدیغی
 کبی ایکی شیخ اراسنده برمرید اولماز اگر مرید تربیه وسلوک ایسه و اگر
 صحبت تربیه یوغبسه جمیع شیوخله صحبت ایسه لا بأسدر و اکا صحبت
 برکت دیرلر ولکن اولی اولان بر قویه ملازمتدر خصوصاً که اعتقاد
 و تسلیمده رسوخ اولیه و بعض کامل که بردن زیاده شیخه خدمت ایتشد
 انک اصلنده صحبت تربیه ده اشتراکی یوقدر بلکه بر شیخک برمدت
 تربیه سنده اولوب انک حالی نقد ایتد کدنصکره اذنبه آخره انتقاددر
 و یا وفاتی سیبیه ناقص قالوب غیره زرد و مر اجتهدر تنکیم شیخ اکبردن
 منقولدر که پیور مشلدر هر قنغی شیخک بیه سنه دخول ایتک مراد ایتدم
 ایسه ابتدا طهارت و اغتسال ایدوب قیوسنه واردم و مقدم اولان حال
 و معرفتمک جمله سنک نقشی قلم بدن سلیم بعده شیخه داخل اولدم
 زیرا مجلس شیخه طلو و ران آدم شیخدن اخذ ایتدیکنی وضع ایده جک
 برولامز زیر اقلبی غیره مشغولدر و بونده فنبیه تنبیه واردر تا که عارف
 کندنی بلور برینه قومیه و معرفته مغرور اولیه و الا صحبت ایتدوکی
 کیمسه دن فائده لیمز تنکیم لسان فارسیده کلور * تراکی بود چون چراغ
 التهاب * که از خود پری همچو قندیل از آب * یعنی قندیل صوابله طولو
 اولسه شمعنک ضیاسی اولدیغی کبی عجب و پندار اهلی اولان کیمسه نک
 قلبی دخی بویله در پس اوصاف رذیله دن پوشالمق کرکدر تا که قابل
 نور و جالب صفا و جاذب ذوق و معرفت اوله یوصورتده نقصان مرید
 جاننده در و شیخ طرفنده دکل و دیملدر که انسانک کمالی زیاده
 و نقصان قبول ایدر زیر ادبیا و آخرتده علمی متزاید اولمقدده در حق
 ایسه غنی مطلق اولدیغی جهندن علم و کمالی زیاده و نقصان قبول
 ایتز و بزم وجود شهادی بمن آلت حقدر ایدی اسمائله اظهار
 آثار و احکام ایچون استعمال ایدر پس ظهورانده اولان قصور
 بزم جائز دندر که ضیق استعداد مزه داردر یوخسه طرف
 حقندن و اسماسندن دکلدر زیرا حقلک اسما و صفاتک حد و پایانی
 یوقدر و یوقصوردن اوتوری شارع شری بزه و خبری کندینه

مضاف قبلدی اگر چه خیر و شرک مجموعنی ایجاد و خلق ایدن حقدر
 تنکیم حدیده کلور (والشر ايس البک) یعنی شر تعینات انسانیه به
 دائر در که محل کاینک مقتضاسیدر والا وجود باسره خیر محضدر
 فافهم جدا و عدم قابلیت و سوء فهم و قلت ضبطدندر که بعض
 شیوخ سلفه اتباع کچنلر انلره افترا و بهتان ایدوب شانلر بنی تنزیله
 سبب اولورر مثلاً حیدریه طائفه سی کردنلرینه نیمور حلقه کچوروب
 کز لر مع هذا شیخ قطب الدین حیدردن صادر اولما شدر بلکه
 بر نیمور جینک قزمش و آتسه دوغمش نیمورنی آلوب حال غالی حالنده
 بو بنه کچوروب بر ساعتد نصکره بنه چیقارم شدر و بو معنا انک
 کرامات کونیه سندن عد اولمشدر خارق عادتده ایسه تقلید جاری
 دکلدر و جوالبقه طائفه سی خلق لحیه ایدر لر مع هذا مشروع
 دکلدر و بنکاشیه قولاقلرینه حلقه طقارلر خانولره تشبهدر که
 زیاده منهیدر و بلکه باعث لغتدر و خلوتیه نک شیخ عبدالقادر
 الجیلانی به قدس سره نسبت ایدوب ضرب طبل ایتد کلمری افتراء
 محضدر زیرا عبد القادر دور و ورقص ییله ایتما شدر و حالا بغدادده
 دائره سنده ایتزلر فکیف ضرب طبل ایتک که ذکرله لهوی خلطدر
 و بعض اهل طرق صفالرن قبضه دن زیاده قص ایدر لر انلر اشقلر
 و ملحد لر در و بعض امور که بعض شیوخدن رخصت حالنده صادر
 اولمشدر شرع اختصاصی کیدر پس مریده واجب اولان شیخک
 عزیمتلرینه تابع اولمقددر مساهله لرینه رخصتلرینه دکل زیرا منتهی
 منزلده و تمکینه در مبتدی ایسه بر زخده و تلویینده در ولکن شیخه دخی
 لازمدر که اگر صححو حالنده ایسه اتباع یوزینه رخصته متعلق ایش
 طوعیه تا که فعلده انی سند ایتدیلر و اگر سکر حالنده ایسه حکم غالبکدر
 بو صورتده دخی اتباع لازم کلر ز بر اشاذ کیدر و حلول و اتحاد دعوی
 ایدنلرک قدملری مقام جمعه دلال بولمشدر زیرا اول مقامک شهید سی
 قویه اولمقله دلیل مرکب اکا موافقت ایده مز انکیچون اول مقامه
 داخل اولان سالکک مرشدی اولسه تلفدن خوف اولور تنکیم

حلاج تلف اولدی زیرا حال اهل جمع و اهل سکر اکا غالب ایدی
ولکن انک دعواسی حلول و اتحاد دکل ایدی زیرا بو دعوی اصلنده
باطله در صوفیه محققین طریقه بوقدر بلکه دعوی حقیقت
ایدیکه تجلی ذاتی به دأردر و لکن محل کبائینک اول دعویه تجلی
اولوب امر محذوری ایهام اینکله جرح اولندی یوخسه دعوان
قطع نظر جمع اهل جمعک ذائنده اول معنی بالفعل در فافهم و دیمشدر که
ورثه انبیا اهل عموم یاننده معلومدر زیرا اوزرلنده خرق عوائد ظاهر
اولور فاما وارث محمدی اولان کیمسه عموم اهلنه مجهول و خصوص
اهلنه معلومدر زیرا انک خارق عاداتی کرامات کونیه دکلدر بلکه
کرامات علمیه و حالدر پس انک احوال ظاهره سی حکم عادات ایل
جریان اینکله هم معروف و هم مجهولدر و بوقیلدن اولنرک ماعدادن
فرقلری کوب کب صغیره فرق فرقی کیدر زیرا بونلر عبید الرب اولوب
خلقی حقه دعوت ایدر کرامات کونیه اربابی ایسه رب العید اولوب
عکس ایدر بوصفت ایسه عند الکمل مرضیه دکلدر پس شرکی
آتی محوه اولان مقبول و نوری نور الانوار موصولدر و انک شرف
زایدی ندر آخرنده صورت بولسه کر کدر الحاصل ختم الانبیا ایل
سائر انبیا انک تمایزی نوجهله ایسه وارثلرینک تمایزلی دخی بویله در
وعالم بالله اولان من حیث الاصطلاح الهی و عارف بالله اولانه ربانی
دیر زیرا قرآنده هر نه موضعه که عارف ذکر اولندی دعاسی ربنا الله
تخصیص قبلندی اسم رب ایسه اسم الله تابعدر تنکیم قرآنده کلور
(الحمد لله رب العالمین) بوسیدن میانلرنده فرق سلطان و وزیر کی
اولدیکه مرتبه الوهیت مرتبه سلطنت و مرتبه ربوبیت مرتبه
وزارت کیدر و شیخ اکمل اولدقده اسم جامع ایل تجلی ایدر زیرا
نشسته سی جمیع نشانی محیطدر و اکاماست کبرا دیر که ارض و سماده
اولنرک جمله سی اوزرینه حکومتدر و ادنی مراتب الامامه انسان
کندی جوارحی اوزرینه امامتدر و اوسطی اهل و اولاد و تلامذه
و محالیک اوزرینه امامتدر و بواماماته اشارت ایدوب حدیثده کلور

(کاکم راع و کاکم مسئول عن رعیتیه) و قرآنده کلور (قال انی
جاءک للناس اماما) زیرا ناس بالعباره مرتبه افاقه و بالاشاره مرتبه
انفسه ناظر در و بر کیمسه نک عبدی وفات ایلسه عبده اضافتله اولان
سیادت دخی زائل اولور زیرا قول و جاریه صاحبیدر دیمک انلرک
وجود لرینه و حیثاتلرینه کوره در فاما حق قوللر اوزرینه سیادت
باقیدر زیرا جمیع مواظنده اوزرلرینه حاکم و جمله اطوارده حافظدر
فاما عبد الحق اولان انتقال ایلسه سیدینک بقاء سیادتله انک دخی
سیادت باقیدر زیرا انسان کامل بقاء الله ایل باقیدر ماعداسی ایسه
ابقاء الله ایل باقیدر و ما بینلرنده فرق بودر که بقایله باقی اولانه دوام عین
و ابقائله باقی اولانه دوام امثال واردر انکیچون انسان کامل ازلا و ایدا
حی باقیدر که عوارض ایل متغیر و لمقدن میرادر انسان ناقصک حالی ایسه
بویله دکلدر بوجهتنددر که انسان کاملک بعد الانتقال بدننه
انحلال کلز و روحی کما کان جمیع عوالمده دور ایدر و دنباده ابتدکی
تدبیرلی ایلر تنکیم قرآنده کلور (فالمذبرات امرأ) و انک اعقابی
قالمسه دخی سلسله سی باقیدر تنکیم قرآنده کلور (ان شئتک هو الاثر)
و عمری قصیر اولمق بقاسنه منافی دکلدر زیرا دیمشدر که قرآن عالم معنا
ولیله قدر عالم ارواحدر و قرآنک تنزلی عالم ارواحددر تا که هر روح
اندن نصیبی اخذ اید و جسدنی تدبیری زماننده انکله عمل ایلیه
و وقت تدبیر و صفت و ضیقده لیل کیدر که گاه طویل و گاه قصیر اولور
و قصیر اولدیغی لیل قدر اولماسنه منافی دکلدر زیرا قصری
حالنده دخی نوری محدوددر شول معنادنکه نور الانواردر و جمیع لیالی
ایل قدر دن تفرع ابتدکی کی جمیع کتب دخی قرآندن مأخوذ در
و انسان کامل صورت قرآنده در که انک اخلاقیه متخلفدر و قرآن
باقیدر انکیچون صورت مجدییه و صورت ورثه دخی باقیدر و انسان
کامل لیل قدر کیدر که اکا مطلع اولان نادر در مکر که تعریف
الهی اوله و دهر سنین و شهور و اسایع و ایام و ساعاته نیجه شامل ایسه
ایل قدر دخی جمیع لیالی بی مشتمل و نوری جمله انواری حاویدر پس

اما كنده عرش و اجرام نبرده شمس و لیلایده لیلۀ قدر و كلامده قرآن
و اسماده اسم الله نیجه محیط ایسه جمیع موجوداتده دخی انسان کامل
بویله در موجوداته هر قدر ممکنات ایسه ده (والله علی کل شیء قدیر)
موجبه نهایت یوقدر بناء علی هذا انسان کامل و آدم جامعه دخی
نهایت یوقدر و نهایی اولیان نیجه فانی و منقرض اولور بلکه
ظهورنده تفاوت بولنور فافهم والله اعلم اشته شیخ اولجه بوصف
و بوعلم اوزرینه اولق ~~کر~~ کردتا که ذکری باقی و اثری قائم
و فیضی دائم اوله و استاذ حاذق و مرشد کامله ضرورت اولقدر در که
بر کچسه ابویزید به طامی زماننده شاگردنه دیمشکه بر ~~کر~~
ابویزیدی کورمک یک کره الهی کورمکدن خیر لودر زیر حلقه خلقه
ظهوری علمری قدردر پس استاد یوزندن تعلیم بولندجه مجرد حق
کورمک کفایت ایتمز زیر کوردکی حق اولدیغن یلز انکیچون اکامشاهده
دیر لرؤیت دیمزل تنکیم تحقیقی کدر ایتمشدر و مبايعه اولسان صورنا
اوج طائفه در که بری رسل و بری شیوخ ورثه و بری سلاطیندر و فی الحقیقه
الله تعالی حضرتلری در و ذکر اولنان طوائف بیعت اوزرینه الله تعالی
حضرتلری ایچون شاهدلر در و بو طوائف شرطی قیام بامر الله در
و مبايعه ایدنلرک شرطی مأمور اولدقلری برده متابعتدر و رسل معصوم
و شیوخ محفوظ اولدقلری جهندن معصیت ایله امر ایتمزل بلکه شرطلری
اولان قیام بامر الله اوزرینه دائملر و عدل تام ایله قائملدر و سلاطیندن
شیوخله مخالطه و انلره متصل و بیعت کرده اولنلر دخی محفوظ
و منصورلر در و الاساقط و مخدوللر در زیر حلقه حقیقه ارتباط یوقدر
تأثیر ایسه باطنندن ظاهره کلور پس باطن ظاهره محراب وسند اولسه
ظاهره قوتی ضعف بولور و قوت صورتنده اولان حالی دخی استدراج
و مکره محمولدر و حفظ قلوب مشایخ لازمدر و الاذاسی مقابله سنده
بر مؤذی ایله مبتلا اولور و قرآنده کلور (یا ایها الذین آمنوا اطیعوا الله
واطیعوا الرسول واولی الامر منکم) بوراده اولوا الامر دن مراد اقطاب
و خلفا و اولادینلر لکن واجب و محظور طاعة الله و طاعة رسول الله دندر

و اثم انجیق مباحده تصرف ایدرلر و مباح انده اجر و اثم اولبانه دیرلر
مکر که احکام شرعیه دندر دیونیت ایدوب عمل ایده بوصورتده مأجور
اولور پس امامکه سمع و طاعت اوزرینه مبايعه اولمشدر بر امر مباح ایله
امر اتسه طاعتی واجب و مخالفتی حرام اولور و اول مباح مأمور به
واجبه متحول اولوب عملی مقابله سنده اجر واجب و یریلور زیرا امر امام
لاحق اولغله حکم اباحت مرتفع اولور شول جهندنکه امام شارع
منزله سنه تنزیل اولمشدر و شول کچسه که حق تعالی حضرتلری اتی
کندی منزله سنه تنزیل ایتمشدر کاتباع و اطاعت واجبدر بناء علی هذا
سلاطین عثمانیه مقتیلرندن صاحب التفسیر ابو السعود علیه الرحمة
بعض مسائل منفردده تقویه فتوی ایچون سلطان سلیمان تلمیض
ایدوب حکم آلوردی و ابو القحح استنبول ایچنده بنا ایدوکی جامعه
و اباصوفیه ده لیالی رغائب و براءت و قدرده بعض تطوعات قیلانه
دیو و وقفیه سنده درج و امر ایتمکله اول نوافله لر سنت مؤکده مرتبه سن
بولمش بلکه واجباتدن اولمشدر بومعنايه بدعت سیئه دیمک نیجه صحیح
اولور خصوصاً که امر سلطان رأی علماء خوله منضم اوله و دخانه اباحتی
تقدیری اوزرینه سلطان مراد رابع و بعده کلن ملوکک الی هذا الان
نهی لاحق اولیچق اباحتدن چیقرو کراحت مؤکده ایله مکروه و بلکه
خییثه و محرمانه متصل اولور اشته دلیلک افاده ایلدوی معنی بودر
پس اطاعت سلطانندن خارج اولان مبتدع و ضال اولور و ویردیکی
فتوی و یازدیغی رساله به خط بطلان چکیلور و ظاهرده اولوا الامر
اولنلرک رتبه امری بو اولیچق باطنده اولوا الامر شیوخک رتبه سی
نه اولق کرکدر فهم اولسه خصوصاً که امر ظاهره امر باطن دخی
منضم اولوب اولوا الامر مطلقاً بر ماده ده متحد و متفق اوله لر
بوصورتده وجوب عمل متأكد اولوب خلافتده اولنلر نفسانی و شیطانی
اولورلر و شیخ که انسان کامل اوله ملاأعلا انک رؤیتنه ازدحام ایدرلر
خلق پادشاهک رؤیتنه ازدحام ایدنلر کی و قرآنده ~~کلور~~
(وانه لما قام عبد الله يدعوه كادوا يكونون عليه لبدا) یعنی نخله دیدکلری

موضعده رسول الله صلى الله تعالى عليه وسلم صلاة بفره قیام ایتد کلرنده
 جندن بر طائفه انلرک عبادت و قراءت لری اوزرینه مزدحم اولوب تعجب
 ایتدیلر و مدینه منوره ده صلاة عبده خر و ج ایتد کلرنده قبائل
 عرب مشاهده لر یچون زیاده مجتمع و متراکم اولدقلر یچون تکبیرات
 زائده ایتدیلر و اندن مقصود لری عظمت و کبریایی حقّه اثبات
 و کنیدیلرندن نفی ایدی اشته وجه ارضده جن و انسان و عامر سموات
 اولان ملائکه رحمان انک مطاعه سنده حیران و سرگردان اولدیلر
 پس هر عصرده جلوه کر عرصه وجود اولان اهل شهود دخی
 انلرک کاشن حسن و جمال لرندن بر ورق و آینه دهرده رونما اولان
 صور مطلقه الهیه دن بر صورت حق اولمغله (ملک لک کوکده بنده لک)
 (بر بوزنده آدم افکنده لک) موجبجه حسرت نگاه اهل زمین و آسمان
 اولدی و بوسر الهی آن دید معنادن ظهوره کلمدی زیرا هر
 جالده آن اولماز و هر خوب مدحت اثرین بولمز تنکیم (انا الملع) بواطافتی
 بیانه وافی و ترجیح جمال بوسف اوزرینه اثر کافدر پس بوسف دن
 الملع اولیحق ملاء اعلا دن الملمینی بطریق الاولی در و عشق و محبت
 قدیمی فحلی و مشاهده دیدار و صحبت یاراسکی تسلیدر الحاصل
 انسان کامل جبع موجودان هین مقصود و مجلای نور الانوار
 و مشهد جناب کرد کاردر و بوجال فائق و کمال رانقدن اوتوریدر که
 انک بوزن کور میان اعمی و کلامن کوش ایتیمان اصم و خبرن تصدیق
 ایتیمان حیوان بی دل و بلکه انکاری اوزرینه مصر اولان مسلوب
 الایمان اولقی خوف اولور زیرا مرتبه جمعه انسان کامل حق در
 اگر چه ظاهرا جبع مراتب الهیه و کونیه بی جامعدر یعنی صر ذات
 و اسماء و صفات و افعالی حاوی اولدیغی کی مراتب الهیه در حقایق
 عقول و نفوس کلمیه و جزئییه بی و آخر تنزلات وجوده دک اولان
 معانی مراتب طبیعی مشتملدر که مراتب کونیه در الحاصل کتاب
 وجود حقیقینک اسراری و کتاب وجود ظلینک لطائفی انسان کاملک
 جامعه سنده در و حروف و کلمات و آیات و سور مطلقا انک مصحف

فعلی تکوینی ذاتنده در بناء علی هذا انسان کاملک محبتی قلمبندن طرح
 ایتک مصحفی قاذورانہ القا ایتک کیدر که اماره تکذیب اولمغله کفر
 محضدر واکا کفر حقیقت دیرلر و اساس خراب اولیحق بنادن خیر
 اولماز (وما یعقلها الا العالمون) و انسان کاملک عبادتی عبادت
 شهودیه در عبادت حجابیه دکلدر انکیچون رؤیه الله اکا جزا
 طریقیه در انک درجه کالنده نازل اولان آیه کوره ایسه جزا
 اوزرینه زیاده لک طریقیه در تنکیم قرآنده کلور (للذین احسنوا
 الحسنی و زیاده) بوسر الهیدن اوتوریدر که حق تعالی معاوضه
 اوزرینه زیاده لک ذکر ایتدی رسول الله علیه السلام بر کیمسه به که
 وزن ایچون میزان طور ایتدی (ارجح) دیو امر ایلدی یعنی یاوزان
 میزانکی آغرایله تا که استحقاق مرتبه سندن زیاده اوله دیدی پس
 اهل وزن اولنلر بوسر له عمل ایتک ککر کدر تا که رؤیت حقّه
 مظهر اوله لر و جزاء وفاق بولال و بوتقریردن مفهوم اولدی که انسان
 کاملک درجه سی قرب حق بلکه جمع مطلقدر (و شیخ ولی عرفیدر
 یعنی ولایت که ولی دن مأخوذدر مطلق قرب معناسنه در انکیچون
 حبیبه ولی دیدیلر زیرا محبت قریبدر اصطلاح صوفیه ده قرب حق
 معناسنه در و قرب مشهودک غایتی دایره بی ایکی قسمه تقسیم و ایکی نصفه
 تنصیف اولین خطدر که قاب قوسین دیرلر و لکن بوقریبه زیاده
 اتصال بولمغله ولایت خاصه ذاتا وصفه و فملا فنانی الله ده استعمال
 اولندی پس سالك نفسنده بالکلیه فنا بولدقده حقله قیامنه ولایت
 دیرلر که مرتبه استهلاک محضدر و بومرتبه به سیر اول و کاملیت دیرلر
 صکره اسماء و صفات حقله ظاهر و نشاء آثاره راجع اولیحق اکابقا
 بالله ایلله سیرتانی حاصل و اکملیت ایلله دایره ولایتی اتم اولور واکافی
 فی الله و باقی بالله دیرلر و ولایتک درجات مختلفه سی وارددر تنکیم محلنده
 ذکر اولور و هر عصرده عدد اولیا عدد انبیاقدردر و کاه اولور که زیاده
 دخی اولور و بوعده ده تخصیصک وجهی اختلافی مشاریدر که
 بین الانبیا و الاولیا مفاضله انکله در زیرا تجلیده تکرر اولماز و الا عبث

اولور بلکه (والله واسع علیم) موجب نجلیده تنوع اولوب و مشارب
انبیا مختلفه و لیحق وارثی اولان اولیانك مشاربی دخی مختلفدر والا
هر بری بر پیغمبرك حکمه وارث اولق لازم کلز و عددلری قبل اولور
بس بوامتك کالی کالات انبیانی جامع اولمغله الی بیک سنه ده متفرق کلن
انبیانك مدت محمدیه اولان بیک سنه نك هر عصر نده انلرک عددی قدر
اولیا کلدی و بو اولیا علوم شرعیه و حقیقیه ایله مقام انبیایه قائم اولدیله
بو جهندن ختم الانبیاد ن صکره نبی کلمك اقتضا ایتمدی و حسنبنك
رضی الله تعالی عنهما نبوته ذاهب اولان کیمسه بومعنادن غافل و کمال
محمدی یه جاهل اولدی تنکم حدیثه کلور (لابنی بعدی) صدق
رسول الله و بغدادین ینه بغدادی بتر دین طنبور الحادك نغمه سن
ارتوروب جله هاشمیلرک نبوته قائل اولدی بلمدی که نبینك نبوتی
ورسولك رسالتی و قطبک قطبیتی مرتبه مقوله سیدر که انتقال و توارث
اقتضا ایتمز زرا بعض علومك انتقالی مرتبه نك دخی انتقالی موجب
دکدر ز بر امر تبه وصف زائد و امر خارجدر نسأل الله خیر المسائل
والحفظ عن الوقوع فی المہالک) * فصل * (بوفصل شیوخ ثلثه
بیاننده در معلوم اوله که نبوت و ولایت ظهور اعتبار یله ابتداری هلال
وانتهاری قریبدر که اون درت کیجه لکدر نبوتك ابتداء ظهوری
ابوالبشر اولان آدمه علیه السلام و انتهاء ظهوری ختم الانبیاده در
و ولایتك ابتداء ظهوری امام علی ده کرم الله وجهه و انتهاء
ظهوری ختم الاولیا اولان شیخ محی الدین العربی ده در قدس الله سره
و امام علی ده ابتداء ظهورك معناسی سلسله طریقت اعتبار یله در
والانندن مقدم اولان خلفاء ثلثه دخی اولیا و بلکه بالاتفاق قطبیت
کبرایله قائم اولمشدر و بر دخی صباوتی حسبیلده در زیر ایدی باشنده ایکن
متابعت نبویه ایله سرافراز اولمشدر انکیچون پیورر که (سبقتکم بالاسلام
طرا) و ابتداء ولایت دیمك امته نسبت یله در والابی نبوت و ولایتك
مجموعنی جامعدر زرا نبوت ولایت اوزر ینه مبنیدر اگر چه نبینك ولایتی
نبوتندن افضلدر و بوندن معنای ظهور دخی مفهوم اولدی یعنی

امام علینك مبدأ ظهور ولایت اولدیغی فی نفس الامر کمال ولایتی منافی
دکدر بس ذاتنده ولایتی کامل ایدیکه حقایق ولایت بالفعل اکا حاصل
ایدی و لکن خارجه ظهوری هلال مرتبه سی کی ایدی و اندن صکره
ظهور قرنا بعد قرن متراید اولمغه باشلندی تا که ختم الاولیا یه کلدکده
بدر اولدی انکیچون ختم مذکور دن اول کلن اولیاء امت و اصفیاء ملت
رموزله ک تغایلدیلر و اسرار حقیقی تفصیل اوزر ینه اولان لبا سیله
سو یلدیلر زرا مأذون دکلر ایدی بلکه هر بری بر مقدار اشارت قلدیلر
و ختم الاولیا ظهور ایتدکده مأذون اولدیغی وجه اوزره بیان سر و حدت
و کشف رحمت قلدی بروجله که عقول عقلا دن خارج اولمغله بعض
قاصرین انی اکفار دخی ایدوب شیخ اکفر دیدیلر بزم فهم ابتدیکمز
اوزره اکبر دلدوکی اکبر اولیا و اکبر مشاهد حق اولق جهنیلده در تنکیم
کتاب فتوحاتدن مفهومدر و اکفر اولدیغی ک کفری طاغوته تعلق
حسب یله در تنکیم قرآنده کلور (ومن یکفر بالطاغوت و یؤمن بالله)
وانك ک لامنده کلور که (وجنة الفردوس للکافر) یعنی جنت فردوس
که اعلى الجناندر وجود مجازی ظلمتی وجود حقیقی نور یله سترایدن
ایچوندن و طاغوته کفر دخی بومعنا یه در که جمیع ماسوادن بوشالمقدر
تنکیم قرآنده کلور (ووجدك عائلا فاغنی) و بومعنا یه شیخدن زیاده
فقر و غنا یله متصف یوقدر بوسیدنددر که قلم اعلا یله لوح محفوظ
اوزر ینه مثبت اولان اوجیوز الشمس کره اوجیوز الشمس در لو علموم
اجالیه بی تفصیل ایلش و قلم کتور مشدر که اندن غیر یه مقدر
دکدر پس طاعن اکفر دیمك فی الحقیقه شیخه نسبت مدح اولدیغی
بلیوب مدح بمایشبه الذم ایدرو بو کمال ظهوره تناسب زمان دخی مقتضای
حکمت اولمغین اول شیخ حقیقت شناس و معرفت اساس مدن الفیه نك
اواسطنده کلمشدر تنکیم ترجمه سنده ظاهر اولور و شیخ حقیقه وارد
اولمشدر (انت مسکنی و خزانه غیبی و مستقر علمی) یا محی الدین بنم مسکنم
سن و غیبك خزینه سیدن و علمك مستقر یسن پس شیوخ ثلثه نك
اولی سر الانبیا ختم اولیا الشیخ محی الملة و الحق و الدین ابو عبدالله محمد

ابن العلی العربی الطائی الحائمی الاندلسی الشهیر بالشیخ الاکبر
والمسک الازفر قدس الله سره الاظهر در شیخ من بور بلاد اندلس در
مریسیه ده بشیوز الشمس سنه سی شهر رمضانک اون بدیجی اثین کیجه سی
ولادت ایلمش وعلوم شرعیه بی تحصیل و معارف یقینیه بی تکمیل
و کتب جلیله کثیره تصنیف و اجزاء عالمک اسرارنی بری بریله تألیفدن
صکره الی یوز اوتوز سکن سنه سی شهر ربیع الاخرک بکرمی ایکنجی
جمعه کیجه سی دمشق الشامده اخرته انتقال وصالیه ده دفن اولمشدر
اندلس شهرنی حضرت نوح اوغلی یافث اوغلی اندلس عمارت ایتمکله
انک اسمیله تسمیه اولندی تنکیم دمشق حضرت ابراهیمک مملوکی ده شاق
اسمیله و مصر دخی مصر بن بیصر بن حام بن نوح بنا ایتمکله نام لریله
مسما در و اکثر بلادک اسامیسی منوال مذکور اوزرینه عامر لرینه دأردر
شیخ مکاشفک (اذا دخل السین فی الشین یظهر قبر محی الدین) کلامی
و قبحیه خواقین عثمانیه دن سلطان سلیم اول فتح مصر ایچون
تشمیر ساق اجتهادی زماننده شامه مرورنده شیخ جلیل القدرک قبر
منیفنی اظهار ایلدی زیرا عرب متعصب لری قبری اوزرینه مدت
طویله دن بری القاء نکاسات ایدوب مزبله زار ایتمشدر ایلدی و اوزرینه
قبه عالییه و حریمنده جامع لطیف بناقلدی الی الان زیارتگاه عالمباند
و شیخک کلماتنده کلور که (لکل عصر واحد یسمونه و انالبا فی العصر
ذک الواحد) انکیچون مرجع داستان و دللرده دستان اولمشدر و شیخک
طریقت مخصوصه به انتسابی یوقدر بلکه طریقی وسطی جمیع طرق
حقه نک مجموعه سیدر پس سالکان طرق حقه دن براهل طریقی یوقدر که
انک علمندن اخذ ایتمه وانک کندیکی یوله کتبه مکر که ذوقنده ناقص
وسلو کنده قاصر اوله حتی الی یوم القیام دائره ولایت خاصه به دخوله
مستأهل اولنلرک ارواحی حضورینه احضار اولنوب جله سنه نفخ روح
و افاضه نفس نفیس ایتمشدر و یوقدر دخی اوراده حاضر بوانغمه
تقبیل فی تسبیل فیض کرم ایله بین الاقران مختص نفس رحمانی قلنددر
الحمد لله علی منحه الکثیره والشکر له علی مننه الوفیره و یورمشدر که

اگر دلسم قیامتہ دک کلجک اقطابی اسملری ونسبتلری ایله تعیین
ایدردم و لیکن هر عصرک خلقنه مرجه ستر ایلدم زیرا بعد العلم
اولان ضلال و انکار قبل العلم اولاندن اسد در زیرا علم ایله عذر
اولماز و لیکن بعض جهل عذر اولور و شیخک مذهبده انتسابی امام
مالکدر و لیکن باطن حالده احدی المذهبدر که جمیع مذاهبی جامعدر
زیرا الهامله عمل ایدر اگرچه ظاهر حالده دفع اختلال ایچون خلط
مذاهب ایلز زیرا وجود اولیا مدار نظامدر خلا فی دخی انکیچون
قنغی مدعیکه دخول نفس و شیطان ایله هر ج و مرج و اختلاله باعث
اولمشدر عن اصل حظ ولایتدن بی بهره در و فرعونک ایمانته ذهابی
و حقنه وجود مطلق اطلاق و وحدت وجود و شمول رحمت و جبر
محض و امثالنه قوی کچی علم یوزندن مباحثه و امتحان و کیمی الهام
جهتندن متابعت وحی رحانبدر که بو وجهله شیخک مرادی فهم
ایتدم دیه نک فهمی فوقنده دخی شیخک مرادی وار در که کندی
و کل اولیا یلور و قرآن ایله اخوان اولمشدر در سیف ایله مهدی برادرل
اولدقلری کبی و قرآن بکردر دیدکلری علوم رسمیه اهلنه کوره در
زیرا انلر ادراک حقایقندن قاصر در حقایق قرآنییه ایسه (لم یطمعهن
انس قبلهم ولا جان) قیلندن و دخی (حور مقصورات فی الخیام)
عدادندنر انکیچون بین علماء الظاهر حسادی بسیار و اکثر فقها
و محدثین اکا اغیار در زیرا دیمشدر که (لا يزال المرء عدوا لما جهل)
و شیخک رتبه فیضی اولقدر در که جمیع علومک الفاظ و معانیسنه متعلق
لطائف بدیهه و اسرار غریبه سو یلمشدر که اهل فنونک تأسیس
قواعد مرجع لری و تشبیه مبانی و معانیده معاد لری اولنلرک عقللری
ایرتمش و اصلا فکر لرینه کیرتمش و شیخ حضرت آدمدن ختم
الانبیایه دک مبعوث اولان انبیاک جله سن مشاهده ایتمش (واسئل
من ارسلنا قبلك من رسلنا) مضمونی اوزره حضرت هود و یحیی و عیسی
و ادريس و امثالندن بعض معانی و حقایق و حکم استفسار ایلمشدر
و جمیع انبیایه مؤمن اولنلری بر پرکورمش و قیامتہ دک کلجک خاص

و عامه نظر ایر کور مشدر و دنیاده هر کچه نظری تعلق ایتدیه شفاعتیه
 موعود اولمشدر و روزه اعتقادی و یاطر یقره سلوکی اولنلر شفاعتمزه
 محتاج دکلدر بلکه بزم شفاعتمز به اذواجفا و بزی انکار ایدنلره در
 دیمشدر زیرا حقک رحمت واسعه سنه مظهر در و شیخ مهدینک
 وزیر روحانیسی اولسه کرکدر زیرا مهدینک یدی عدد وزیر
 جسمانیسی اولسه کرکدر که اصحاب کهفدر وایکی عدد دخی وزیر
 روحانیسی اولسه کرکدر که بری روحانیت امام علی و بری دخی روحانیت
 شیخدر و مهدی و زراسی عددنجه دنیاده مکث ایتسه کرکدر که
 هر وزیر بر در لوعلمله قائم و بر نوع تدبیرله عاملدر و مهدینک ولادت
 عدد حروف بسمله نفادند نصکره در فافهم جدا و شیخ قدر عبودیت
 کامله ذوق ایش یوقدر زیرا جمیع تصرفاتدن تبری وجهله ملاحظاتدن
 تعری ایشدر اگرچه کنندن هزار خوارق عادات صادر اولمشدر
 و لکن اصلا کندی تصرفیه دکلدر و کلی یوزندندر که حقدر تنکیم
 قرآنده کاور (فاتحه و کیلا) و شیخک جمیع اعضا و جوارحی بزی
 ماخلق له مزده استعمال و استخدام ایتدی دیو حقدشکر ایشدر
 و حجر اسود شیخه مبايعه قبیلش و کعبه انی طواف ایشدر زیرا حجر اسود
 یمین الله در که فی الحقیقه ید انسان کاملدر و صورت معنایه تابعدر
 و کعبه قلب الانساندر که کعبه المقصود در و کعبه بر در وجهله قلوب
 اولیا قلب واحدن عبارتدر انکچون برینک قبولی جمله نک قبولی
 و برینک ردی جمله نک ردی و بلکه حقک قبول وردینک عیندر
 انکچون انکسار قلوب خواصدن احتراز لازمدر و شیخک اسفار
 و سیاحتی چوقدر بلاد رومیه دن قونی و سیواسه دلسیر ایشدر
 و هر موطننده اهل الله دن مشرب مخصوص اوزره برولی به ملافی
 اویش کینی کلخنده و کینی دخی خرابانده بولمشدر و حرم الهی ده
 حجره سی وارد در که حالا مسدود در و مدینه منوره ده اکا مضاف
 بر سعادخانه وار در که محاسنری اولان مواضعه سرارده چکلشدر
 حالا زبانه در و شیخک بر کریمه سی رضاعی حالنده شیخله مکالمه ایش

و محمدن شامه عودنده هذا ابی دیو سو یلشدر و شیخک وفاتند نصکره
 بر جاریه سی زیاده کریان و سوزان اولدقده شیخ بر کون زی و هیئت
 اوزرینه تمثیل ایدوب و مقام کریمه کبروب و جاریه به ظاهر اولوب
 نه اغلرسن بزبوراده یز دیمشدر و شیخک ختم الاولیا اولد یغی خصوص
 مرتبه در زیرا آمدن الی یوم القیام اولان خلافت مطلقه حضرت
 عبسی ایل و خلافت مقیده محمدیه حضرت مهدی ایل و خصوص
 مرتبه حضرت شیخله مخومدر تنکیم عدل فلان حاکمه و تدبیر ممالک
 فلان وز برده و سیف فلان پادشاهده و علم و حلم فلان کچسده ختم
 اولدی دیرل مقصودری خصوص مرتبه بی بیاند راول باید و امقوله
 آدم اولمق و آنک نظیری کلک محالدر دیمک دکلدر زیرا هر باید و مرتبه نک
 کمالی جامع بر کیمسه ظهور ایدده کیشدر پس ختم الاولیا نک معنایی
 اند نصکره اولیا کلز دیمک دکلدر بلکه او مشرب مخصوصده ولی کلز
 دیمکدر الحاصل حضرت شیخک کمالاتی ضبط قلدن بیرون و ادراک
 عقلدن خارجدر زیرا مفصل اسمنه مظهر اولوب حقایق الهیه
 و کونییه بی علی التفصیل قلمه ابتدا او کتور مشدر و الفاظ نبویه دن اخذ
 اولندیغی اوزره اصطلاحات قومی اولا او وضع ایشدر اندن مقدم
 ذات و صفات و افعاله کایدیغی لباس کیدر مش یوق ایدی اگرچه اسرار
 فهم ایدر چوق ایدی و اظهار ایلدوکی اموره مأذون اولمقله کچسده
 اکا ظفر بولدی و وجودنه سوء تعرضه قادر اولدی حتی بر دفعه
 مفتی شام قتلنه فتوی و یروب علمایی جمع ایتد کد نصکره مصالحت اغسال
 ایچون حوضه غوص ایلد کده برید قدرت ظاهر اولوب بوغازنی صدقی
 و جاتی مضیق بر زخه طفدی و نمازنی قلمق ایچون ینه شیخه مراجعت
 ایتدیلر پس او مقوله به تعرض صد دنده اولمق سبب سخط قهار و باعث
 انتقام جبار در و حدیثده کلمور (اشدد غضب الله علی من قتل
 نبیا و قتله نبی) و نفی بلد ایتک دخی قتل حکمنده در و بالفرض قتل و یانی
 بولنسه حکمی یش بیک آدم تلف اولمقدن تنکیم زمانمرده دخی مشاهده
 اولمشدر زیرا حق تعالی نک اولیاسی ایچون غضبی اسد غضوبک

شبلی ایچون غضبی کبیر و حدیث قدسیده کلور که (یاموسی هل والیت لی ولیا و هل عادیة لی عدوا) یعنی حق ایچون اولان عملک بری موالات اولیا و بری دخی معادات اعداد در خلاقی اولمق که موالات اعدا و معادات اولیا در کفره برابر اولان معاصید ندر و لکن بومعنائی فهم ایدر نادر و اکثر ناس ادر اکسندن قاصر درزیرا ابتدا ولی وعدو کبیر بملک کر کدر تا که موالات و عداته صالح اوله بومعیر ایسه اقل قلیله احسان اولمش و از یرده بولمشدر انکیچون بوا عصارده رجاللری مهادی برینه قومشدر و مهادیلر بک یوزلر بی کورمکدن او بومشدر در پس مؤمنلره واجب اولان کاملره حسن اعتقاد و سوء ظنندن احتراز و دنیا ده معرفت لری و آخرتده شفاعت لری احراز در محق اولانلره معامله بوا و ایچق مبطل اولنلره دخی معامله نه اولاجنی نمایاندر والله الهادی الی سبیل الرشاد و منه التوفیق لصحبة الاخیار الامجاد (و شیخ ثانی رئیس الاعالی ابوالمعالی صدر الملة والدين محمد بن اسحق بن محمد بن يوسف القنوی بدر قدس سره اصلنده ملاطبه دندر که ضابط ملاطبه اولان سلطان یوسف احفاد ندر اول طرفه استیلاء اعدادن اختلال کلدکده والده سن یانته آلوب قونیه ده قرار ایشدر والده سی والد اسحقک او طه لغی در اول وقتده قونیه علاء الدین سلجوقی النده ایدی که کمال عداله موصوف و تمام انصافله معروف شه نشاه ذی شان ایدی بوسیدن بکار علما سایه لرینه کلورلر و مستریم اولورلر و رعایتلر بولورلر ایدی حتی حضرت مولانا به سلطنت بنم دکل سز کدر دیشدر زیرا مولانا دخی صدر الدین کبی پادشاه زاده ایدی که پدري سلطان العلمای بلخ پادشاهی سلطان محمد کریمه سندن تولد ایشدر و مولانا مجلس صدر الدینه واروب انلردن حدیث استماع ایدرلر و ابن اثیرک جامع الاصولی دکلرلر ایدی و بری برلرینه اعزاز و اکرام کلورلر دی آخر مولانا شیخ صدر دن برسته مقدم وفات ایلوب نمازی شیخه و صبت ایلدی و شیخ اکبر حضرتلری قونیه به شیخ صدری ارشاد ایچون قدوم ایند کلرنده صدرک والده سن زوج ایدوب بر مدت اوراده سکوندن صکره کلوبینه شامده قرار ایلدی

و شیخ اکبر دن منقولدر که شیخ صدره پیوره شلردر بلاد اندلسدن چقوب بحر رومه کلدکده نفسم اوزرینه اویله عزیم ایلدمکه بحره را کب اولیم تا که حق تعالی بکا آخر عمرمه دک احوال ظاهره و باطنیه می بلدوره بس حضور تام و شهود عام و مراقبه کامله ایله توجه ایلدم حق تعالی بی جمیع احوال و مصلح قلدی حتی پدرک اسحق ایله و سنکله اولاجق صحبتی و سنک احوال و علوم و ادواق و مقامات و تجلیات و مکاشفاتکی و حق دن جمیع حظوظکی بلدردی بعده بصیرت و یقین ایله بحره را کب اولدم و اشهاد اولندیغم امور بر کلوب ظهور ایلدی دیو افاده قلدی و شیخ صدر علوم ظاهره و باطنیه بی جمع ایلش و نصیر الدین الطوسی ایلهارالنده اسؤله واجوبه واقع اولمشدر قوت حالندن ماعد اقوت علمیده عباراتی اولقدر در که مقدم و مؤخر کلنلردن بریسی اول عبارات عذبه و الفاظ ملیحه ایله تأدیه مرام و افاده کلام ایتکه قادر اولما مشدر و قطب الدین العلامة الشیرازی ابن اثیرک جامع الاصولی شیخ دن بالتمام اوقومش و کندی قلمی ایله یازمش و افتخار ایلشدر خط یدیه اولان کتاب مذکوری بوفقیق استانبولده رجال دولندن برینک کتاب خانه سنده کوروب تبرک اولندی علامه نک کمال اعتقاد و حسن حالته بومعنی کافیدر کاشکی شیخ دن سلوکی دخی اولمش اولایدی ساراینه جنس اولان فضلا اوزرینه جمیع علومده تقدم ایتدوکی کبی علم تصوف و ادواقده دخی فائق الاقران اولوردی و لکن اعتقاد و محاسنه سی قدر ایله منتفع اولدی و من الله التوفیق لطریق التحقیق فی کل امر جلیل و دقیق (و شیخ مؤید الدین الجندی قدس سره حضرت صدرک افاضل خلفا سندنلر که ابتدا کتاب فصوصی او شرح ایشدر فضل ظاهر و فیض باطنی اول شرحدن معلومدر زیرا ایچنده درج ایلدوکی رموز کنوزه بر شارح دسترس بولما مشدر حقا که انا القرآن و البع المثنی دین شیخ اکبرک مصحف حقائی حکمتدن حضرت صدر آیت کبری اولدیغی کبی حضرت صدرک دخی دائرة ولایتدن جندی مذکور نقطه عظیمدر و بروسه ده اسوده او اوب مشارق و مغارب ارضده

ذکری سائر و سری ساری اولان مولانا فناری صدرک مفتاح الغیب نام
کتابی اوقومش و صکره بروسه ده قطب الاقطاب اولان شیخ حامد
الافسر ایمن دخی نفس آلوب پدري حضرت صدرک اتباعه دن
اولق مناسبتله مولانا فناری پدردن دخی نفس الوب اخلافه نام
نیکو قومشدر و بونفس نفیس ثمره سندن اول دخی تفسیر فاتحه یازوب
ایچنده تصوفاته چوق معانی درج ایلش و کتب شیخین و تائویلات
نجمیه و امثالک مقاصدن فهم ایدوب عارفانه خیلی سوزلر سو یلمشدر
و حضرت صدرک فاتحه تفسیری حقنده کتابم تکمیل عین الزمان بمثله
دیمشدر فی الحقیقه صدر کندی شیخی شیخ اکبرک نقادی و خانه حکمت
ابادک یکجراغ وقادی اولدیغی روشندلانه خنی دکدر و انک علم تصوفده
ایراد ایلدوکی مبادی و مقاصد و اصطلاحاته اسلافدن بر کیمسه ظفر
بولمشدر و نائل اولدیغی تفصیل علوم اجمالییه بر کیمسه نائل اولماشدر
تکیم کتب جلیله سی شهادته کافی و اسان حکمت آمیزی بیانه و افیدر
بوجهندن عقل اوله ثانی اولسه سزا و قلم اعلایه احد الشقین اولسه
روادر نیجه اولسونکه سبب حیات عالم اولان شیخ اکبر خضر مشربک
ساغر سرشار معرفتدن ایچمش و عالم هرزه هزارک تعلقندن بالکلیه
کچمش و مقام اطلاق حقیقی و منزل بسیط غیبیه کوجمشدر حتی حضرت
صدرک کاب نفحاتنده ایراد ایدوب پیورر که التیوز الی اوج تاریخنده
شوالک اون بدنی سبت کیجه سنده شیخ اکبر و اکلی رؤای مبشره
شریفه ده کوروب ارامزده کلام کثیر جریانی اثنا سنده دیدمکه آثار
اسماء احکامدن و احکام دخی احوال دن و احوال دخی بحسب الاستعداد
ذاندن متعیندر استعداد ایه امر غیره ملادر شیخ بو کلامدن مخطوط
اولوب باشی صالوب سرورلندن یوز لرنده بشارت و بشاشت اثری
یوز کوستردی و ملیح ملیح دیو پیور دیلرین دیدمکه سلطانه ملیح
سنسن که انسانی بومقوله معانی لطیفه بی ادراک ایتکه ایشدیر سن
ولعمری اگر انسان سن ایسک ماعداسی لاشی در بعده یدکریمه زن
تقبیل ایدوب سزه بر حاجتم قالدی دیدم دیدیلر که سل یعنی مقصود

نه ایسه ده روادرین دیدم سزدن مرادم بودر که شول نجلی ذاتی
ابدیکه قرارگاه کلدن و اندن صکره دخی حجاب بو قدر بنم ذاتمده دخی
حصوله کله و سرم اول سرسریدن حصه مند اوله انلر پیور دیلر که نعم
بومعنی سنک ایچون مبدولدر و سن بیلور سنکه بنم بو قدر اولاد و اصحابم
خصوصا او غلوم سعد الدین که واریدی سکا ميسر اولان امر مطلوب
انلردن برینه ميسر اولدی و بن چوق نفوس قتل ایلدم و چوق قلوب
احبابم و لکن بورتبه علیا و فضیلت عظمی انجق سکا احسان اولندی
دیو انجام کلامه رسیده اولدقده بن دخی دیدمکه یاسیدی الحمد لله علی
اختصاصی بهذه الفضيلة انک نجی و تمیت و بوندن صکره کلام آخر
دخی جاری اولدی که افشاسی ممکن دکدر بعده بیدار اولدم انتهی
بالمفهوم حضرت صدر التیوز تمش اوج تاریخنده و داع عالم قانی
قلوب قونیه ده خارج قلعه ده کندینه مضاف اولان کابخانه و جامع
شریف حریمنده دفن اولمشدر و لکن تربه سی اوزرینه قبه قبول
ایتموب هر چند که بنا ایتلمشدر منهدم اولمشدر حالا صندوقه لری مر مردن
واوستی اطرافی مکشوف قصر مختصر اسلوبنده اخشابدن مصنوع
و بعض خطوطله مطبوعدر و حضرت صدر حیاتنده بحسب الصورة
نجم اهل اولمغله مولانایه خطاب ایدوب ملوکانه کچنلم فقیرانه
پاته لم دیدکده مولانا دخی فقیرانه کچنلم ملوکانه پاته لم دیمشده انکیچون
تربه مولانا مختشمانه در و مولانا لفظی حضرت صدرک نفسیدر که الی
هذا الان صاحب المثنوی جلال الدین محمد البلیخی اسکله شهرت یابد
ولکن رتبه حقیقته حضرت صدرله ارالی بین السماء و الارض در
دیو بعض کل اولیادن منقولدر و حضرت صدرک صورتا تجملی امتحان
ایچون ایدی انکیچون بر کیمسه انک زیارتی ایچون مجلسنه داخل
اولدقده کوشدن لکن و ابریق کوروب اسنیه ایتدکده حضرت صدر
اشارت ایدوب لکن و ابریق بقدره الله تعالی یور یوب یاتنه کلدی
اول کیمسه دخی بو حال عجیبی مشاهده ایتدکده سوء ظن ایتدوکنه
نادم و تائب اولدی و حضرت صدرک کابخانه سنده کندینک و شهنشک

خطلمریله بعض کتب الی الان محفوظدر واول کتابخانه ده وفق
اوزرینه مبنی برطشت وارد که حضرت صدر زمانلرنده انک صوبن
مرضایه ایچوررل و مرضی لر شفا بو اوردی و بر خرقه شریفه دخی
وارد که الواندن بر قاج قاندر و نکنده لی در ویشلر مرغی کی
دیگلمشدر ملوک عثمانیه دن سلطان مراد رابع بغداد سفر نه کیدر کن
زیارت ایتد که خرقه مز یوره نک تبرکا یقاسن قطع ایدوب یانه المش
وخزینه سنه قومشدر واول خرقه مشهور اوله یعنی اوزره جنتدن
اخراج اولتوب بغدادده شیخ عبدالقادر الجیلانی به الباس اولمش ایدی
عبدالقادر دخی انتقالنه قریب اصحابنه وصیت ایدوب بندن صکره
مغربدن بر عزیز الوجود کیمسه ظهور ایتد که بو خرقه بی اکا تسلیم
ایده سزیدی صکره شیخ اکبر ظهور ایتد که خرقه بی اکا تسلیم ایتدیلر
شیخ دخی وقتی کلد که اوغلی حضرت صدره دفع ایدوب صدرالدین
دخی انی کلب خانه سنه و دیعه قلدی الی الان اوراده محفوظدر زیارت
وتمسح اولنور و حضرت صدرک تصنیفاتی دخی اقطار ارضه منشوره
وکلانی بین المشارق والمغارب مشتهره در شوبله که بین القوم شیخین
دنلسه شیخ اکبر و شیخ صدر الدین مراد در و بونلرک معرفتلی
چهره سنه اکرکال آفتاب کی لامع و اثرلی آفتاب کی جمیع آثار کمالیه
اوزرینه بارعدر خصوصاً که اولیادن معدود اولنلرک اکثری جمال
وجلل اراسنده قالمش و کلیمنی صودن چبقاره میوب بحر حیره طالمشدر
و حضرت صدر فارسی دان دخی اولمغله بعض رسائل اول زبان
اوزرینه یازمش و زیاده خوب وجهله ترتیب ایدوب دوزمشدر و بوندن
خصوص اوزرینه لغت فارسیه عربیه ملحقی اولدیغی مفهومدر
زیرا اهل بار لغت عجمیه ایله تکلم ایدرلر دیدکلری فارسیدن غیر ی به
نسبتله در تکلم بعض آثار مرده مشروح و مفصلدر و مشایخ فرسک
اول لغت اوزرینه تقریر و تحریرلی دخی حسننه دال و قبولنه نشاندر
اگرچه بلاد رومیه ده بعض کل اول لساندن امتناع ایلمشدر زیرا
بو اعصارده سفها اغزلرینه دوشمشدر و ظاهر اولان بودر که السنه

ایچنده عربی فائق و فارسی رائق و ترکی فصیح دخی قبوله لایقدر
اگرچه جمیع السنه مختلفه معلم من عندالله اولوب آدم علیه السلام
انلرله سولمشدر فافهم فانه دقیق و بالتفکر حقیق (و شیخ ثالث الشی
لابنی الا وقد یثلاث) موجبجه فردیت اولی به نشان و کواه شیخیم سقدم
السید عثمان ابن السید فتح الله الفضلی الهیدر قدس سره استانبولده
نشو و نما بولمش و آت بازاری امیر افندی دیو شهرت باب اولمشدر و آت
بازارنه نسبتی سعادتخانه لرینک اول محلله قریب حسیبله در شیخ مزبور
اوائلمنده بعض اصحابنه تعلیم کتاب فصوص ایدر کن استانبولک
متعصبلی اراسنده شیوع بولدوده کندیلمرینه و مصنف کتابه
اطاله لر سبیلله اولکیمجه خطاب غیبی واقع اولوب جدک یوان طوتکه
ستر یولیدر دندلده سید الطائفه جنید بغدادی مذهب ثوری اوزرینه
افتایه اشغال ایله تستر ایندوکی کی انلر دخی بکرمی سنه دن متجاوز
تدریس علوم ظاهره ایله تستر ایلیوب اول ائشاده علم مناظرده حنفیه
اوزرینه و مختصر و مطول و تنقیح و تلویح کتابلری اوزرلرینه حواشی
و شروح تحریر ایتمشدر وینه اول ائشاده صوفیه بی تربیه دن خالی
اولمیوب یوزاللی خلیفه قدر اطراف ارضه ارسال ایلمشدر که هربری
علم حکمتده ماهر و تدریس فنون شتابه قادر ایدی بعده ازوال اختیار
ایدوب شیخ صدرک مفتاح الغیب نام کتابی شرح ایلدی بعده لائحات
برقیات دیو علم اذواقده برکاب جلیل دخی تصنیف ایتدیکه اهل عقولک
خیالنه گرمش و بلکه برنجلی ذاتی اهلی کشفله اکا ابرمشدر و بوائناده
رساله رحانیه فی بیان کلمه عرفانیه دیو اسماء الهیه به متعلق برکاب
حقایق مشحون دخی یازمشدر بعده درت آی اختفا ایدوب حضرت
صدرک فاتحه تفسیری اوزرینه شرح مفصل تحریر ایتمشدر که تصنیف
کابدن دورت یوز سنه دن زیاده در هیچ برولی علامه زمان ایه ده
شرحنه ظفر بولمش و شرحی دکل بلکه فهمنه بله قادر اولمشدر
حتی کل اولیادن اولوب بروسه ده آسوده و متواری خاگ اولان افتاده
افندی قدس سره عجب ابو کابی بوا عصارده فهم ایدر واری اوله دیو

فهمنی بله استبعاد ایلشدر فکیف که ذوقبله متحقق اولوب مقاصدنی
تقریر مساعده بوله و یا حقائقنی تحریر قادر اوله بوجهتدن حضرت
صدر تفسیر مذکورده بیور مشدر که بزم الفاظمزدن مقاصدیمزی
استخلاص ایتک بله کوجدر معدن ومنبعنه اطلاع شو بله طور سون مکر که
اکابر محققین سلککنده منتظم اوله پس حضرت صدرك شهادتبله
شیخم مزبور فضلی انهی اکابر محققیندن اولدیغی مقرر اولدی
وشهادتدن قطع نظر کوزلویه کرلواولماز و خورشیدکل ابله طلا بولماز
اول شرح کیرده کرامت علمیه سی شولقدر در که برقاج موضعده
حضرت صدرك مساحه سن بولمش و کاینبغی مقامی تحقیق و تقریر
ایلشدر وجیع اطواری اصطلاحاتی ابله بروجهله تفصیل قلمشدر که
اوزرینه بر حرف زیاده سنه امکان قلمشدر و اول مجالی علم الاهی
خلفده کیمسه بولماز و سلفده بر فرد دخی بولمشدر و ختم الختم
اولدیغی بو معنا دن روشن و عند العقلاء مبرهندر و تصنیفات
مذکورده دن ماعداتحریرات و آثاری حد دن افزون وعدم
انضباطه مفرودنر خصوصاً که کشف صحیح یوزندن امام جلدکی نک
کتب کیماده مرادن فهم و رموزن حل ایلش و اول فنده بر رساله
جامعه تألیف قیلشدر و وجیع علومک علی التفصیل کندویه منکشف
اولدیغن خصوصاً که علم کیمیا و وقوف و اطلاع بولدیغن جم غفیر
اراسنده بیان و خواص و عوام یاننده عیان قیلشدر و سلطان محمد
رابع کوننده زیاده اعتبار بولوب بعض خواصی فن مذکورده رغبت
کوستردکده سزده و فایوقدر زیرالوفاء للملوك دیودفع ایلشدر
و استانبولده زور بازور کوننده دین و دولته اختلال تام حاصل اولد قده
بعدالاف مجدد رأس مائه اولی اولمش و اول وقتده آیت کبراسی ظهور
ایلشدر و بعض تحریراتنده کلمور که (ان ذاتا تدل علیها حروف
اعتم صارت طبقا بقدر حساب حروف کج) یعنی بر ذات که اکا عثمان
حرفلری دلالت ایدر یکریمی اوج سنه قطب اولمش و بعض تحریراتنده
کندی نفسلرندن کنایه ایدوب بیوردر که (تاریخ ولاده الفلان سنه

احدی وار بعین و الف فی اليوم التاسع عشر من شهر ذی الحجه وقت
الاشراق و تاریخ وفات الفلان سنه اربع و مائه و الف فی اليوم التاسع
عشر من شهر ذی الحجه وقت الاشراق و هذا اليوم التاسع عشر من
ذی الحجه من شهر سنه ثمانین و الف اول يوم من اربعین من سنه
العمر فیکون البقاء الی ثلاث وستین اربعاً و عشرين سنه سنه واحدة
من الاربعین و ثلاث و عشرون من فوقها و مابین اول البقاء و اخره
ثلاث وستون سنه انتهى (یعنی عمر لرندن قریقنی سنه ده مرتبه فنا تمام
اولوب التمش اوجکه سن نبویدر اکا وارنجه یکریمی اوج سنه مرتبه
بقاده قرار داده اولدقلرن بیاند ز بر امتد و حی نبوی یکریمی اوج
سالدر الحاصل تکامل و استواء نشأة سالهای عمر دن یارأسن اربعینده
و یا حادی وار بعینده در یعنی یا اول کوننده و یا خود اول ساعتمده
و تکامل نشأة دن مراد مبداء اوله و صولدر که حضرت غیب الذات
و عماء الاحدیة العلیة الذانیة در و شیخم مقدس الذاتک سلوکی
حضرت صدرك سلوکنه موافق و حضرت صدرك سلوکی دخی
شیخ اکبر حضرت ترینت سلوکلرینه مطابق کلوب سائرلر دن بووجهله
امتیاز بولمشدر در زیر طریق مذکور اوزرینه سلوک ایتک زیاده
ند رنده و سرفنا و بقاسن نبوی اوزره اولیق غایتده قلمنده در و شیخ
نادر السلوک و عزیز العلوم اسلامبولدن جله دن منقطع و مزوی
و متوجه محراب معنوی ایکن وزرادن بعض اهل فجور اغراض فاسده
نفسانیه سنه بناء جزیره قبرسده قلعه ماغوسه یه اقصابیدوب اهاتی
ظاهر اولدقد شیخ سنجیده شیم بروسده بو فقیرده نامه اشتیاق تحریر
ایدوب قبرسه قدومی استعدا ایلشدردی فقیردخی مطیه استجماله
راکب و بلکه مشیا علی الوجه سالك اولوب بعدالملاقات والوصول
ما بینمزد عادت قدیمه اوزرینه کلمات کثیره جاری اولوب اول حال
اوزرینه برقاج کون مکشدن صکره بیور دیلر که بورایه کلهلی کر چه
برسنه اولدی ولکن اوج یاشادق یعنی عمریمز سنه لرندن التمش بره
ایروب کما لمز غایتنه واصل اولدق و ایکی سنه مز منسوخ اولدی زیرا

تکمیل نشاء ده اکا اقتضا بولمندی و آخر يك يوزايكي سنه سي حاوی
اولدینغی ذی الحجہ غرسنده خسته لوب تعیین ایتدکاری کونده نفویض
نفس نفیس و تسلیم جان عزیز ایدوب قلعه مذکور خارجندن
شهدار اسنده دفن اولندیلر و خصمی نامنه اولان وزیر پرچور شیخندن
برقاج کون مقدم بر معرکه ده مقتول و یانجه فرق الی بیکدن متجاوز
کمپسه رخنی شربت مرالمذاق اجلی نوش ایلوب قصاص الهی
یرن بولدی و برجان عزیز ایچون نیمش یک قان اولدی و قرآنده کلور
(فاما نذهبن بك فانهم منقمون) یعنی عادت الهیه اوزرینه موت
اعدا انتقال احبابی تقدم ایده کلمه در ابوجهل و ابولهب و سائر
عنده اهل شرک تقدیمی کبی و بالفرض تا آخر ایتسه دخی اسم منتقم
اعدا اوزرینه حواله در وقت استدراج و زمان مکروامهال تمام اولدوقده
استیصال مقرر و نکال مجزومدر و بومعنا انبیدان توارث اولوب اولیا
دخی حصه مندا و ملشر در بناء علی هذا شیخ جلیل القدر دخی وارث
معنای مذکور اولوب قبل الا انتقال انتقام دشمن ایله متدارک من عندالله
اولدی و خصمی منکوس الرأس حضور یندا حضار اولوب بعد از تعزیر
بلاسن بولدی و شیخ حقیقت شعارک کلشن ملکوت خرامنده
بوفقیه بیک دیدیکی تاریخدر

* بلبل خوش لهجه کلزار معنی یعنی شیخ *

* بولدی آخر بو فایده بقادن رایحه *

* قد سیان پاک دل حتی ال آچوب دیدیلر *

* روح پاک ایچون عزیزک اوقو یالم فاتحه *

و ذکر اولان کالات باهره و آثار جلیله باطنه و ظاهره شیخک شیخین
حضراته اتصال اقتضا ایتکله ثالث ثلثه قلندی اولنک آبائی جفائی
بمثلهم پس طالب علوم ذوقیه اولانه شیوخ ثلثه نک کتبی مطالعه کافی
وزخم درون شرحدارنه مرهم و افیدر ز بر علم الهیه بحر اوقیانوس کبی
محیط و شرح قلم اعلا ده لوح محفوظ کبی عربض و بسطدر تکیم
طالب اعمال شرعیه اولانه امام غزالی نک احیاء العلوم نام کتابی تتبع

بترزیرا بوبابده تألیف اولنان ادواتدن قدری برتر در هذا هو الکلام
الذی لا یحید عنه فاستفد منه فان الحق لا یقول الا الحق و کذا من کان
حقیا فاعلموا ان الحق لله الامن کان عصیا شقیبا شقیبا و شیخ پاک نهاد
وقوی الاجتهادک طرق حقه دک انتسابی جلوتیه در جیم ایله که مقابل
خلوتیه در خاء معجمه ایله و خلوت خاء معجمه ایله ماسوی الاهدن
تخلیدر یعنی ماسوانک علاقه و ارتباطندن خالی اولمقدر صور و علمندن
دکل تکیم (لا اله الا الله) اکا دالدر که مرتبه فنا فی الله در و جلوت
جیم ایله اوصاف الهیه ایله اوصاف و تخلیدر یعنی وجودنه اتی ظاهرا
و باطنا حلیه و زینت ایتکدر تکیم (محمد رسول الله) اکا اشارتدر
مرتبه بقا بالله در و بوایکی مرتبه نک جعنه اشارت ایدوب حدیثده کلور
(نحن الاخرون السابقون) یعنی صورتا آخریت معنی اولیتی منافی
دکل در زیرا بقا بالله فنا فی الله اوزرینه موقوفدر پس سر خلوت
بولمدر خاء معجمه ایله سر جلوت جیم ایله حصوله کلز بوسیدندر که
جلوتیه جیم ایله خاتمه الطر قدر خاتمه ایتسه سر ختم الانبیا ظاهر در
انکیچون (محمد رسول الله) دنلدی ایدر رسول الله دنلدی ز بر رسول
اللهک احدیتی عالم ارواحه ناظر در که مقام خلوت و تجرد محضدر
تکم محمدیتی عالم اجسامه دالر در که مقام جلوت و تعلقدر ز بر مقام
تبلیغ و مرتبه دعوت و ارشادک حکمی اوصاف الهیه ایله ظهور و دأره
کثر تده نقطه کبی خلقه پروزد در که بومرتبه دخی قبل الموت متحول اولور
و صورت اخری بولور انکیچون قرآنده کلور (واستغفره) یعنی امر
تبلیغ و دھوت تمام اولدقدن صکره ظلمت کثرتی نور وحدت ایلد ستر ایتک
مطلوبدر ز بر اصلدر رجوع و مبدأ اوله عودت و قنیدر و بوندن فهم اولنور که
بقا بالله مرتبه سی فنا فی الله دن افضلدر ز بر مرتبه انبیدار اگرچه بقایه
مردود اولنلرک بعضیلری کندی نفسلری تکمیل ایچون رد اولنورلر
و بعضیلر دخی تکمیل خلق ایچون بقا بولورلر و بعض فنا اهل دخی
بعض اهل بقادن مرتبه ده اعلی اولور و بومعانی اهل فنا و بقانک
استعدادلرینه دائر و قابلتیرینه ناظر در مثلا ابوزید بسطامی کرچه

جوار جناب حقه قرار و فتای اختیار ایشدر انکیچون ارشاده مقید
اولما مشدرو لکن بعض اهل بقادن خیر لودر انکیچون حضرت شیخ اکبر
حق تعالی به سوال ایدوب یارب ابو یزید سنک نه مرتبه ده قولکدر
دید کده محبوبمدر مناقب شیخ ایلده دیوامر ایلدی و بعض کبار
یورمشدر که جلوت جیم ایلده خلوتدن خاء معجم ایلده اتمدر زیرا جلوتینک
جیم ایلده هر لحظه علم الهی سی زیاده اولمده در اشته بو اتمیت فهم
محقی اولنره کوره در وشول کیمسه که فهم عن الله ایلده مرزوق دکلدر
خلوت خاء معجم ایلده انک یا ننده اتمدر زیرا خلوت حق ایلده منفرددر
یعنی خلوتی اولان کیمسه کثرت مشهوده بی حقه حجاب عد ایدر زیرا
هنوز کثرت و حدت بولما مشددر مع هذا فی الحقیقه خلوت بو قدر
شو معنا دنکه کندی وجودی و خلوت خانه سی و بساطی و ادواتی
و مأکول و مشربی و امثالی کثرتدن معدوددر انکیچون فتوحات
مکبه ده کلور که * لا خلوة فی الوجود لانه لا بد من شاهد و مشهود
فی خلوة الاسرار جلوة الجبار و فی خلوة الاشباح جلوة الملازمین
من الارواح * یعنی خلوت صرفه نیجه ممکندر که حق تعالی مطلع
و بعض ملائکه کرام حاضر لدر حفظه و کتبه و غیر بکر کی الحاصل
اهل خلوت خاء معجم ایلده علم واحد اهلیدر که جمیع اشیا بی و علمونی
حقه و علمنده افنا ایشدر بو معناده ایسه فی الجملة رایحه زندقه
وارد که اسمایی و اشیا بی انکاردر اهل جلوت ایسه جمیله سیر فی الله ده
علوم زائده بی تحصیل ایتکده در که بوز زیاده لک مطلوبدر تنکیم کلور
* و قل رب زدنی علما * و حضرت شیخ ارجند حقیقت بندک سلسله
طریقتی سلطان اهل الهدی شیخ محمود هدایی الاسکداری قدس
سره متصلدر و هدایی نک نه مرتبه ده صاحب الکمالات و راقی ذروه
مقامات اولدیغی آثار حسنه سندن باهر و لسان صدقندن ظاهر در
تفسیر القرآن و کتاب مجمع الفضائل و رساله الجمع والفرق و طریقت
نامه و کتاب التجلیات و امثالی کی مذکور هدایی بروسه ده نائب و مدرس
ایکن نائب اولوب (یت) * دوشنلر بولوردی انکله قیام * اکا کرچه

افتاده دیرلردی نام * ماصدق اولوب بلاد رومیه ده قوت توحید و مزید
تأیید و کرامات عجیبه و خوارق غریبه و معارف لطیفه و مناقب
شریفه ایلده شهرت باب اولان الشیخ محمد افتاده به قدس سره اعتقاد دل
و عقد بیعت کوسرتوب آب حیات معرفته قائمش و بوستان حقیقه سده
زکس شهلا کی او یانمشدر شیخ افتاده دخی مقعد خضرده ده و ساطیله
الحاج بیرام ولی الانقروی به قدس سره مرتبط و شیر کی انک سکر
ذوقیله ممتزج و مختلطدر و حاجی بیرام طبقات رجالده بر قوی ار و نیروی
بازوی تصرفده کویا بر شیرز اولدیغی معلوم عوام و خواص و مسلم
اهل اختصاصدر خصوصاً که محمدی المقام اولان شجره طوبی کی
هریره بر قول صالمش و شعبه لایله بلاد روم طولمشدر زیرا زفرات آهیلده
اوراق کتاب سیم سیاه اولان صاحب المحمد به انک دوحه تربیه سنک
شعبه سی و برادری صاحب الدر المکنون انک بر سر مکتومی و صاحب
النظم الرائق شیخی کرمانیه که سبوحیان نعتیله سبحه کردندر انک
عقد الاثلی وارنر معارفک واسطه سی لاسیما سلطان محمد فاتحک
رونق چهره فتی حضرت شیخ آق شمس الدین قدس سره انک فروع
خرشید عالمتاب نظری و روی کالده بر نقطه خال وارخوش اثریدر
و مذکور حاجی بیرامکه لقاء ملک علام ایلده عبد اکبر ایلش و حریم کعبه
قدسی طواف قلمش و حاج رب البیت اولمشدر انلردخی بالاتفاق قطب
الاقطاب آفاق اولان شیخ حامد الاقصرانی نک قدس سره مائده
فیضندن نواله خور اولمش و حامدا لله و مصلیا علی رسوله مزید نعمت
معرفت بولمشدر و علی هذا اوتوز برنجی مردولی حضرت امام علی ده
ارتباط ولایت تمام اولمش و غایت بولمشدر و الحمد لله تعالی علی سلسله
الذهب والسلوک فی اسد المذهب * فصل * بو فصل قطب الاقطابی
بیان ایدر که اکا غوث اعظم دخی دیرلر زیر املهوف اولنلر اکا التجا ایدرلر
شول جهندن که کلمات جامعه الهیه نک اجعی و مظاهر اسماء حسناتک
اعظمیدر پس اکا التجا ایتک سلطان اعظمه التجا کییدر که اسعاف
مرام ایتکده سائرلر دن اقدردر و قدرتی دخی قدرت ذاتیه در بقاسی

کبی که بقا بالله در یو خسه سائر لری کبی بقا بابقاء الله دکلدر و قدرت ذاتیه دخی عجز و فقر ذاتی بی منافی دکلدر زیرا عجز و فقر ذاتی صفت عبودیتدر تکیم غنا و قدرت صفت ربوبیتدر پس قدرت ذاتیه دن مراد سائر لک قدرت کبی اقدار له اولق معناسنه دکلدر دیکلدر بلکه ذاتیه صفت قدرتک ظهوری اعتبار یله در و بومعنایه قطیدن اقدر و اقوی بوقدر تکیم صفت عبودیتی جهتمدن قطیدن عجز و اضعف بوقدر تکیم قرآنده کلور (وخلق الانسان ضعیفا) اکا اشارتدر و قطبک مرتبه سنه قطبیت کبری دیر که باطن نبوتدر بوجهتمدن قطب الاقطاب و خاتم الولایه اولان باطن خاتم نبوت اوزرینه اولور ظاهری اوزرینه اولنر علماء شرایع و احکامدر بوجهتمدن شریعت محمدیه ظاهر و باطن اوزره الی یوم القیام باقیه در که ظاهرینه نبوت و باطننه ولایت دیر و قطبک عند الله اسمی عبد الله در که عبودیت حقیقیه بی ذاتقدر و عبد الجامع در که حاطه اسماده جمله اوزرینه فائقدر و حضرت آدم دن انقضاء دنیا یله دکلهر زمانده قطب ارشاد چوق اولور و لکن قطب وجود بر اولور زیرا بر آینه ده ایکی صوره تک کورنمد و کی کبی بر عصرده دخی ایکی قطب مجتمع اولماز و بر شهرده ایکی صدیق اولق مخالف حکمتدر و نقدر اقطاب و ارایسه حضرت ادریس علیه السلام نایب لریدر و ادریس الی الان فلک رابعه حی در و دیمش لردر که جمیع ارواح انبیا علیهم السلام روح محمد علیه الصلاة والسلام دن مستمد در ز بر اولو و آخر اقطاب اولدر که روح ادریس دخی انک روحا نیتدن مستفیضدر پس هر نبی سابقه و ولی لاحق امداد و افاضه اندر ز بر جمیع مواطنده حکمی و جمله اطواره سریانی وارد و بومقامنددر که وارد اولمشدر (نحن الآخرون الاولون فی روایه) (السابقون) یعنی عین خارجی ایله ظهورده آخر لر و علم الهی و وجود روحانیده اولرز و سر اولیت فی الحقیقه ساریدر انکی چون صورتده تقدیم و تأخر کثرت معناده اولیت و وحدتی منافی دکلدر و اولیت و آخریت دیمک فی نفس الامر علم و عینه و کثرت مظاهره

نسبت ایله در والا امر واحدده تقدیم و تأخر و کثرت و وحدت اولماز الحاصل وجود واحد در که صور مختلفه ده کورنمش والبسه اسماء و صفاتله بورنمشدر فافهم جدا (اوتاد اربعه که عبدالحی و عبد العلیم و عبدالمزید و عبد القادر در) اوتاد اربعه اصلیه تک نایب لریدر که ادریس و الیاس و عیسی و خضر در و بودرتدن ادریس علیه السلام قطب عالمدر که اکاموت و صعق عارض اولماز و سائر لری کبی تبدل و تغیر بولماز زیرا موضع نظر الله و مدار وجوددر و نایبک انتقالندن نفسی بلا فصل نفس آخره متصل اولور پس اکادخی حکما موت اولماز فاعرف قطب ایله حق تعالی ایمانی و الیاسله و لایتی و عیسی ایله نبوتی و خضر ایله رسالتی حفظ ایلر و بومجموعه دین حنبی محفوظ اولور و جمیع اولیا دائرة قطبیده در زیرا قطبک اسمی جامعدر تکیم مرور ایتدی طائفه افراد دائرة قطبیدن خارجدر دید کلری دائرة قطبیده اولدقلرینه شعور لری بوقدر معناسنه در زیرا جلال حقه مهملدر در مثلاً حرم سلطانده اولان خواص خدام افراد صورتنده در و وزیر اعظم اولان کرچه ظاهرده انلره مداخله ایتمز و امور لرنده تصرف کوسترمز و لکن وزیر صورت سلطانده اولملله جمله بی محیطدر و افرادک شرح و بیانی فصلنده کلمور ان شاء الله تعالی و گاه اولور که قطب الوقت خلافت ظاهره ایله دخی ظاهر الحکم اولور خلفاء اربعه و امام حسن و معاویه اصغر و عمر بن عبد العزیز و متوکل علی الله کبی عباسیه دن متوکل کرچه اهل سیر یاننده شریله متهمدر و لکن مستوردر و اکثر اقطابک ظاهرده حکمی بوقدر بلکه خاصه خلافت باطنه ایله قائملدر ابو یزید و احمد ابن هارون الرشید السبکی کبی سبته نسبتک وجهی بودر که یوم سبکی کسب حلاله تخصیص ایدوب ایام باقیه ده تعبند اینردی شیخ اکبر قدس الله سره الاظهر حضرت لری زمانلرنده روحانته لری صورت جسدانیه لر یله تمثل ایدوب مطافده شیخله مکالمه ایتشدر و خلیفه ظاهر قطبک نایبی و طلبدر لکن قطب صفت عدله متصفدر خلیفه ظاهر ارایسه گاه اولور که جورله دخی متصف اولور زیرا ظاهرک حکمی

باطن کبی دکلدر بلکه طبیعت منصلد و طبیعت پاک اولسه امور جسمانیه
دخی مختل اولور بوجهتدندر که ابتدا اصلاح طبیعت مشغول اوورل
ومن الله العون (و قطب تسمیه سنه وجه بود که قطب اصلنده برداره نك
وسطنده اولان نقطه و میگزدر که اول دارة انك اوزرنده دور ایدر
قطب آسیاب کبی یعنی دکر من ایکی دیدکاری دمی میل که دکر من انك
اوزرنه دور ایدر و دارة وجود قطب اوزرنه دور ایتکله قطب اطلاق
اولندی بس قطب دیدکاری شول شخص انسانیدر که عالم روحانی
و جسمانی نك مدار ایدر که ظاهر یله عالم ظاهری و باطنی یله دخی عالم
باطنی حفظ ایلر زیر اقطبتدن مراد مصالح عالمه نظرده خلافت حقدر
وزیرك پادشاهه نسبت ایله خلافتی کبی و بر کیمسه قطبیته مستأهل
اولدقده الله تعالی انك ایچون حضرة المقلده بر سر بر نصب ایدوب
اوزرنه اجلاس ایدر عظماء اناسك سلطانی تحت اوزرنه اجلاسلی
کبی تا که علوم مکاندن علوم مکانت و رتبه ظاهر اوله نیکیم (وسع کرسبه
السموات والارض) آتی علو و عظمت حتی تمثیلدر و بعد الاجلال
باشنه تاج وقار و جلال و اوزرنه خلعت فاخره اسماء حسنی وصفات
علیا الباس ایدوب مبايعه سبله امر ایدر و ابتدا مبايعه یه داخل اولان
عقل اول بعده نفس کلیه بعده عمار سموات وارضدن ملائکه مقدسون
بعده مدبر هیا کل اولان ارواح که موت طبیعی ایله اجسامنی
مفارقت ایتددر بعده طائفه جن بعده مولدات بعده مکران
و ممکن و محل و حالدن سائر اشیا در که جمله سی تسبیح خوان
اسماء الهی در و عقل اولك قطبه مبايعه سی ملک و روح اولق
اعتبار یله در و الاقطب حقیقی عقل اولدر پس بر کیمسه کندی نفسنه
مبايعه ایتز بوسر اوزرنه در که تشهده کلور (السلام علیک ایها
النبي) اگر تشهده بو کلام رسول الله دن ثابت ایه کندی نفسلرینه
خطابی جمعدن فرقه و ولایتدن نبوته و ملکیتدن بشریته در و اگر
بواعتبار اولسه خطاب صحیح دکلدر زیرا خطاب اثین متغایرین
ماینده اولور که بری مخاطبدر کسرله و بری مخاطبدر قحله و تغایر

حقیقی بولنمیان موضعده تغایر اعتبار یله عمل اولنور الحاصل ذکر
اولنان اجسام و ارواح سمع و طاعت اوزرنه قطبک الن طوترل
و قطبک طرفندن وعد ثواب و درجات و آخرک التزام طاعتی بیع
و شری صورتنده اولغله اول حالته مبايعه دبدیلر و سمع و طاعت ایکی
وجهله در که ارواحه و آنك حکمنده اولان اشیا یه کوره انقیاد ذاتی
و اختیار ی و اجسامه و اهل تکلیفه کوره که ثقلین در ذاتی و اضطراری یه
شاملدر یعنی شول مکلف که ملک مشربدر انك انقیادی ذاتیدر که
انك یاننده منقاد و مکره بر در زیر اقلبا و قالبا و روحا و جسماسمع و طاعت
اکا محبوبدر و شولکه بشری غالبدر انك مکرهده انقیادی ضرور ایدر
زیرا طبعی صلاح قبول ایتامشدر پس منشط و مکره دیمک انس و جنه
کوره در ملائکه یه و سائر کوره دکل انلرک حالته نه منشط و نه مکره
دیرلر زیر اهر نسنه ضدیله بلنور بناء علی هذا مکره اولمیان یرده منشط
دخی دنلر و اکا عبودیت ذاتیه ذوقیه شهودیه دیرلر اهل جنتک حالی
کبی که تلذذ محضدر و قطب اوزرنه مبايعه ایچون داخل اولان
ارواحدن هر بروح قطبه مسائل علم الهی دن بر مسئله سؤال ایدوب
قطب دخی اکا ایکی وجهله جواب و بر که بروجهی سائلک معلومی
و بری مجهولیدر و مجهولی اولان وجهله استفاده علم زائد ایدوب
مجلسدن بیرون اولور و قطب متجدد اولدقده اکا دخی قطب سابق
کبی خاطرلرینه خطوط ایدن مسائل الهامیه دن سؤال ایدرلر یعنی
هر قطبه کوره باشقه بر سؤال جاری اولور یوخسه سؤال اولی اعاده ایتلرلر
و قطبک علمی علم حقه تابعدر نیکم علم حق دخی ماهیات غیر مجعوله یه
تابعدر و قطب محل القدمین در که امر و نهی در و مستوی الرحمن در که
جیع اشیا یه رحمتی ساریه در یعنی حقیقت قطبیه فلک الرحمتیه
مظهر در که اول فلک عرش کریم دیرلر نیکم فلک الحیوة و عرش الذات
ایله دخی متحققدر که اکا عرش محیط دیرلر پس قطب قلب العالمدر که
کون اعلی و اسفل اوزرنه روح الحیوة افاضه ایدر و روح حک جسمده
سربانی کبی اعیان ظاهره و باطنه یه ده سریان ایلر و اسعددر که حاد

و غایت قبول ایتمز زیرا حق تعالی انک شئونند ه تقلب ایدر شئون
 و افعال حقه ایسه نهایت اولمز و کثیر النکاحدر و لکن نکاحی اهل
 جنتک نکاحی کیدر که تلذذ محض ایچوندز زیرا محبتدن صکره نار
 العشق و بعده نار الشهوة الحقیقه توالد ایدر که شهوت طبیعه نک
 غیر بدر و نفسنده تناسلی احضار ایتمک امر مشروع ایچوندز که
 مراعات کتاب و یا متابعت داعیه در پس حق روحانی حق خدا الهی
 اوزرینه ابقا ایلدوکی کبی حق طبیعه یعنی دخی حد مشروع اوزرینه
 اعطا ایدر و مظاهر ایله متعبد اولماز و لکن هر شی ده وجه حق مطالعه
 ایدر اگر چه مطالعه می فی الحقیقه اطلاق اوزرینه در گاه اسبابله
 عمل ایلر و گاه اولور که اسبابه التفات ایلز و مالی وار ایسه عبادت
 سید کریمک مالنده تصرفی کبی متصرف اولور و اگر یوغبسه حاجتی
 اخص احبابنه عرض ایدر تکیم رسول الله علیه الصلاة والسلام
 ایام عسرتده اصحاب ثروتدن بعض احباب و اصدقای زیارت ایدر
 و ضیافتنور لر بعده ایام یسرتده مکافات و مساوات ایدر دی ویت
 صدیقه ده دخی دفع ضرورت ایده جک نسنه بولنسه سنت قدیمه که
 حقه التجا و دعاده الحاح در تکیم کلور (کان علیه الصلاة والسلام
 اذا حزبه امر فزع الى الصلوة) یعنی رسول الله بر امر هائل نزول
 ایلسه صلاته التجا و مناجاته میل کو ستر لر دی و اول مشکل منحل و ضرورت
 مندفعه اولور دی و قطبده حال اولماز بلکه علم الهی اولور یعنی طی
 ارض و مشی علی الماء والهواء و من غیر سبب اکل و غیر خرق عوائد
 اولماز برارته سی مقام عبودیتدر انکیچون اسمی عبدالله در بوجهتدن
 سیادت طرفنه میل ایتمز زیرا عبد الرب ایکن رب العبد اولمق اقتضا ایدر
 شول جهتدنکد عوام ناس کرامات کونیه بی سوزلر وار باینه تعلق عظیم
 کو ستر لر اقطاب ایسه مستورلر و نعوت کونیه ایله مخجلدر در انکیچون
 دیمشدر که قطبک حقه معامله سی دائما وراء حجابندر که انده صفت
 خطاب وار و لکن صفت شهود یوقدر زیرا دیوان الهی صاحبیدر که
 هر کسه حائده کوره معامله ایتمکده در پس انک حقه انقاسی موت

و انتقالله در و جمیع عالمدن مسؤلدر ز برارعتی در و جمله عالم دخی اندن
 مسؤلدر ز بر امامدر انکیچون کلور (من لم يعرف امام زمانه مات میتة
 جاهلیة) و هر عصرک خلقی اول عصرک قطبک تحت او اسنده محشوردر
 و قطب قلب اسرافیل اوزرینه در یعنی حصه ملکبه سی جهتدن
 ماده حیاتی حاملدر و انده حکم جبرائیل نشاء انسانیه ده نفس ناطقه
 کیدر و حکم میکائیل حکم قوت جاذبه و حکم عزرائیل حکم قوت دافعه
 کیدر قوت جاذبه اودر که غدایی فدن معدییه و اورادن کیده و اندن
 قلبه و سائر عروق و اجزاء بدنه نقل ایدر و هر مکنده غذا استیفاء حق
 ایتد کد نصکره قوت دافعه انی مکنندن دفع ایدر تا که غیره مزاجه ایتیه
 و دیدیلر که قطب طویل العمر اولور یعنی بدایت و غایتی اعتبار ایله
 یو خسه قطبی حائده دکل ز بر انتقالندن اول ایکی ساعت قدر تقطب
 ایتمشروارد در و قطبیت مرتبه در انکیچون اولاده میراث اولماز علوم
 الهیه ایسه بویله دکلدر یعنی بدرك بعض علومی اولادنه انتقال ایدر
 فاما مرتبه سی انتقال ایتمز تکیم جناب نبوتک حسنینه فیض و لایتلری
 حاصل اولدی فاما نبوتلری میراث اولدی تکیم کلور (انقطعت النبوة
 و بقیت المبشرات) بعد ذالمت مر حومه دائره سنک مر کرلری اولان
 اقطاب پراخشام و مدار تعاقب روز شامک عددلری بسیار کی ماضی
 و کی دخی عرضه انتظارد در و لکن اتم سالفه ده کلن منارات طریق
 ارشاد و مدارات صلاح عالم کون و فساد مضبوط و زمام اعدادی
 خلقه تعیین و حصره مر بو طدر که یکریمی بش قطبدر و انلرک اسماسی
 بونردر ذکر اولنور المفرق مداوی الکلام البکار المرتقع الشفاء الماحق
 العاقب المنحور شجرة الماء عنصر الحیوة الشرید الراجع الصانع
 الطیار السالم الخلیفة المقسوم الحی الراحی الواسع البحر المملصق
 الهادی المصلح الباقي و بواسما اصلنده لسان سریاتی اوزرینه اولوب
 صکره بعض مکاشفین ذکر اولندیغی اوزره تعریب ایلشدر در آدمک
 اوغلی هابیل اوزرینه مرتبه سریانیه سن لسان عربی ایله نظم
 ایتد کلری کبی پس بومعنی موافق و لفظ مخالفدر سؤال اولنورسه که

آدمدن ختم الانبياءه كنجه مدت طويله ده كه تقریباً بش پيك النبیوز
 سنه در كه یك رمی بش عدد اقطاب اقل قلبا در پس وجه تقابل ندر
 جواب بود كه وجه مذکور ایکی معنادر اولكیسی امم اولیك طویل
 الاعمار اولدیغیدر حتی وهب بن منبه دیمشدر كه اولآدمدن هنوز
 با كوره باغ وجود وسر و خرامان بستان شهودا اولوب دخی غنجه كبی
 اچلمش وقبای زكسین عیش بالاسنه بچلمش ایكن بادنكباء مر كدن
 بك ریزودست روز كار بیوفایه تسلیم جان عزیزایدن ایكیوز
 باشنده ایديكه عرامت مرحومه یه كوره ایکی كره ازل عمر اولور
 وایكیجیسی بود كه ازمنه متطاولة متقدمه نك اهاالسی غایبا
 جام سرشار سرکشی وغروردن سرخوش وقدر مفسان میده
 كبی دلیری فیض اذعان وادرا كدن بوش اولغله حكمت بالغه الهیه
 موجنجه اكثر اعصارده انبیاء معجز بیان ومعجز نشان مبعوث اولوردی
 ناكه اول حیوانات شديدة الشكبة تازیانه آیات باهره ايله یوله كله ار
 وخواه ناخواه سرفرو قیله لر پس اول جبار عنید و دیو مرید مقوله لر
 دعوت وارشاده اقطاب بدل انبیاء اولق مشكل اولغله پرتوقطاب
 جهره انبیاء حقیقت سیماده لامع اولدی بوامت مرحومه ایچون ایه
 کوسفند خانکی وار بالا اختیار کرد نلرین قناره تسلیم اولغله ضرب
 سوط سوقه محتاج ومناطحة خول علما وکباش القوم ایدوب باعث شجراج
 ولجاج اولدیلر بوجهندن قطیبت بدل نبوت اولوب دیوار استوار
 ختمیت دخی خلل پذیر اولدی بومعنادن کمال کمال علماء امت ظاهر اولدی
 تنکیم (العلماء ورثة الانبياء) اکا دلیل روشندر پس ادعاء نبوت حسنین
 ایتک تنکیم بعض جهله معاصریندن صادر اولدی فیه عرض
 نبوی اولان معنابه تصدی وسنن اهل سنتدن انحراف وایماندن کفره
 تعدیدر والعباد بالله تعالی من سلوک طریقه الاتحاد بعد استنباط منهاج
 الرشاد * فصل * بوفصل قطبک یمین ویسارنده اولان امامین حضراتی
 بیان ایدر (معلوم اولاکه قطبک صاغ وصولنده ایکی امام واردر که
 انلر قطبک ایکی وزیرلری منزله سنده در وهر زمان ایکیدن زیاده اولمازلر

ومعنای وزارت انبیسادن توارث اولمشه در تنکیم حضرت موسی دن
 بطریق الحکایه تنز یلده کلور که (واجعل لی وزیرا من اهلی هرون اخي)
 وحضرت سلیمانک وزیر ی آصف ایدیکه عرش بلقیسی احضار ایلدی
 زیرا اقطاب عبودیت تامه ايله قائم وفقر کلی ايله متصف اولغله کندی
 نفسلر یچون تصرف کوستر مرزل بلکه انلرک امورنی ووزراسی تنفیذ
 وبارنی وکلاسی در کردن عهده ایدرلر انکیچون وزیر دندلی زیرا وزیر
 کسرله ثقل وحمل ثقیل معناسنه ومتکفل سعادت دارین سلطان الثقلین
 حضرت نلرینک دخی ووزراسی وارایدی تنکیم حدیثه کلور (انلی
 وزیرین فی الارض ابابکر وعمر ووزیرین فی السماء جبرائیل واسرافیل)
 وفی بعض الروایات میکائیل بدل اسرافیل یعنی ارضده اولان وزیرلری
 جهت جسمانیندن امداد وسماده اولان وزیرلری جانب روحانیندن
 اعانت ایدرلر دی تنکیم قرأنده کلور (هو الذی ایدک بنصره وبالمؤمنین)
 وصاحب السیف الصارم ابوالفتح حضرت مهدینک وزراء سبعه سی
 خودبالاده ذکر اولندی وملوک عثمانیه نك یدی عدد قبه وزیرلری انلره
 تقلید وضع وتعیین اولمشدر وکلمات اکبری ده کلور که * ان الامام الی
 الوزير فقیر * وعلیهما ملک الوجود یدور * والملك ان لم یستقم احواله
 بوجود هذین فسوف یبور * الاله الحق فهم ومنزه ما عنده فیمایر یدوزیر *
 جل الاله الحق فی ملکوته * عن ان براه الخلق وهو فقیر * بعدذا امام
 یمینک اسمی عبدالرب در که محافظه عالم ملکوت اوزرینه مقصودر
 وامام یسارک اسمی عبد الملك در که مشاهده سی عالم ملک اوزرینه
 محصوردر وقطبک اسمی عبداللهدر که مرکز عالمه جمیع دوائر علویه
 وسفلیه یه ناظردر وخصوص اوزرینه آیت (وانه لما قام عبدالله) در
 وعمرم اوزره اشارت (قل اعوذ برب الناس ملک الناس الله الناس) در
 پس هر برینک اسم کونیسندن ماعدا خصوص اوزرینه اسم
 الهیسی دخی واردر که عندالله انکله مدعوردر وهر عصرده کلن اقطاب
 وائمه اسماء مذکوره ايله مسمالردر وقطب وفات وانتقال ایتد کده صاحب
 البسار اولان عبد الملك قائم مقامی اولور تنکیم قرأنده کلور (واصحاب الیمین

ما اصحاب اليمين واصحاب الشمال ما اصحاب الشمال (يعني اصحاب شمال
اصحاب يمين حكمنده در نتكیم امام محرابك عند استقباله القوم يساري
يمين اولديغي اكا رمز ايدرو بردخی يسار عالم جلالدر كه عالم ملكدر
خلافت ايسه ارضله متقيده در نتكیم تنزيله كلور (اني جاعل في الارض
خليفه) وينه كلور (يادودانا جعلناك خليفة في الارض) پس ارض مركز
عالم ومحل فناء بني آدم در وحديده كلور كه (لا يملأ جوف ابن آدم
الا التراب) فافهم جدا الحاصل خليفه حق اولان آدمك ظاهري
عالم اجسامه ناظر اولمغله محافظ اجسام محافظ ارواح اوزر ينه تقديم
اولندي زبر ارواح محل ارفعدن تنزل ايلوب هر چند مجرد ايسه دخی
جسمله تعين بولش وهبوطی صورت تنزله عين ترقی اولمشدر
وحديده كلور (ان الله خلق آدم على صورته) اگر صورت ذكر اولميدی
مركز آدم عالم ارواح ويا جنان اولوردی بوايسه صورت ناقصه اولمغله
كال آدمی منافيدر وبردخی كالات بشريه ابتلايه منوطدر ابتلا ايسه
عناصر كیفه نك احكامندن كلور بس عالم طبيعت لطيفه ابتلاي
منافي اولمغله ارض مقر آدم اولدی وعشق ديدكاری روح وجسدك
ازدواجی جهندن تعلق واشينبتدر كه ابدی زائل اولماز زير زائل
اولان سطوقی وصورتی در يوخسه باطنی اولان نور محبت باقيدر شول
جهندن كه محبتده اعتدال وعشقه افراط واردر وبومقامدن ديرل كه نور
ونارك اصلی بردر وناردیمك نورك شدتی اعتباريله در حوادیمك آدمك
تنزلی اعتباريله اولديغي كبی نتكیم قلم ولوح دندلی وبومقامده اشينبتدن
مراد حجاب امكان وراء كبريادر كه ابدی باقيدر والا ممكن واجبه منقلب
اولتی لازم كلور ونجليات وجود به عبث اولور وشاهد ومشهود
اتحاد بولور اينده سز ايسه بوز كور غم نتكیم اهل كشفه روشن وار باب
تجلی به عياندر) * فصل * (بوفصل اونادار بعه بی بيان ايدر
اوناد وتلك جمعيدر مخ معناسنه يعني اكسر وقازقدر كه مترزن و متحرك
اولان نسنه انكه احكام اولنور وقاموسده كلور كه اونادالارض جبال
واونادالبلاد رؤساء واونادالفم اسنان انتهى وارض وجود اونادله ثابت

اولمغله انلره اوناد وجبال ديديلر نتكیم كلور (الم نجعل الارض مهادا
والجبال اونادا) بودندر بر كچسه منامده برطاغی برندن زائل اولمش كورسه
برواينك انتقالنه اشارتدر وسر مناسبت ايچون بعض رجال الله جبالده
ساكن اولديلر ومحل سكانلری نظر كاه الهی اولمغله اثر خزان كور ميوب
برك وباروسبره سی صولمدی وخضره عليه السلام دخی وجه تلقب
بو اولديكه بر كره جلوس ايتدوكی ارض بابسه تروتازه اولدی و كاه سبرله
نشوونما يوا دی واوليايه بومهني انلردن قالدی زيرا اكثری انك نفخ
روحي زنده سيدر واونادك مقاملرينه اشارت ايدوب ابلبسدن حكايه
طر يقبله قرأ نده كلور (ثم لا تينهم من بين ايديهم ومن خلفهم وعن
ايمنهم وعن شمائلهم) يعني الله تعالى بوجهات اربعی اونادار بعه ايله
حفظ ايدر واوناد دخی بوجهندن محفوظ اولوب شيطان انلره دخول
ايدمه مز وجهات ستك باشقه حفظه سي واردر كه محمندن كلوران شاء الله
تعالی الحاصل اونادار بعه نك بری شرفی حفظ ايدر كه اكا عبدالحی ديرلر
وبری غربی حفظ ايدر كه نام الهیسی عبدالعلمدر وبری شمالی حفظ
ايدر كه عبد المرید ايله موسومدر وبری جنوبی حفظ ايدر كه
عبد القادر ايله مسمادر وقتوحات مكيه ده كلور كه اوناد دورت عدددر كه
انلر ايچون خامس بوقدر وانلر ابدال دن اخص در وامامان اوناد دن
اخص وقطب اخص الجماعه در وبواونادك بری قلب آدم وبری
قلب ابراهيم وبری قلب عيسى وبری قلب محمد اوزرينه در وكذلك
برينك امدادی روحانيت اسرافيلدن وبرينك روحانيت ميكائيلدن
وبرينك روحانيت جبرائيلدن وبرينك روحانيت عزرائيلدن در
وهر وتلك ار كان يبتدن بر ركنی وار در يعني قلب آدم اوزرينه
اولانك ركنی ركن شاميدر وقلب ابراهيم اوزرينه اولانك ركنی ركن
عراقی در وقلب عيسى اوزرينه اولانك ركنی ركن يمانيدر وقلب محمد
اوزرينه اولانك ركنی ركن حجر در وانلردن كه رجال ايله تعبیر اولنور
كاه اولور كه نسادن دخی اولور لكن ذكر رجاله تغليب اولنور
هانكچون بعضيلرينه سؤال ايدوب ابدال قاج نفر در ديدكلرنده قرق

نفس در دیو جواب و برمش و دیمش لکه نیچون قرق ر جلدر دیو تعبیر
ایتمدیکز اول دخی دیمش که گاه اولور که ارالنده نسا دخی بولنور
پس نسادن اولوق منافی کمال دکلدر انکیچون شیخ اکبر حضرتلری
و بعضی شیوخ کبار بدایتلرنده نساء عارفات کامله دن نیچملر ینک
صحبترلرینه داخل اولدیلر و تربیه لرندن فیض الهی و ترقیات
جليله بولدیلر بو جهتند ندر که بعضیلری ائمه نسا نك صحت
امامتیه ذاهب اولدیلر * فصل * بو فصل ابدال سبعة پی بیان ایدر
انلر هر عصرده بو عدد دن زیاده و نقصان قبول ایتمزلر زیر انلرله حق
تعالی اقالیم سبعة پی حفظ ایلری یعنی هر بدل ایچون برا اقلیم تعیین
اولمشدر که انک ولایت و تصرفی اول اقلیمه مخصوص صدر آخره تجاوز
ایتمز اولکی سی قدم خلیل اوزرینه در که اقلیم اوله ناظر در ایکنجیسی
قدم کلیم اوزرینه در که اقلیم ثانیه موکلدر او چنجیسی قدم هرون
اوزرینه در که اقلیم ثالثه متولی در درنجیسی قدم ادر بس اوزرینه در که
اقلیم رابعه متصرف در بشنجیسی قدم یوسف اوزرینه در که اقلیم خامسک
عزیزیدر النجیسی قدم عبسی اوزرینه در که اقلیم سادسک روحی در
بدنجیسی قدم آدم اوزرینه در که اقلیم سابعک ضابطی در بوندن فهم
اولندیکه وجه ارض کواکب سبعة سیاره نك سیری اوزرینه تقسیم
اولنوبیدی حصه قلمشدر که هر حصه سنه برا اقلیم دیرلر قلمن اخذ
اولمشدر قطع معناسنه زیر ارض مقطوعه در پس اقلیم اول کوکب
زحله منسوبدر که بلاد هند در و اقلیم ثانی نجم مشتری به منسوبدر که
بلاد صین در و اقلیم ثالث سیاره مریخ منسوبدر که بلاد ترکدر
و اقلیم رابع نیر اعظم اولان شمس منسوبدر که بلاد خراسان در و اقلیم
خامس زهره بلدز نه منسوبدر که ماوراء النهر در و اقلیم سادس جرم
منیر عطارد منسوبدر که بلاد الروم در و اقلیم سابع خلیفه شمس اولان
طالع قره منسوبدر که بلاد بلغر در قرطی و زنی اوزره و عند العامه بلغار
دینلور بلغر مدینه الصقالیه در که طرف شمالیه شدیدة البرد بر بلده در
صقالیه اصناف خلقدن بر صنف مخصوص صدر اول دیارده اقصر

لیالی سنده هنوز شفق غائب اولدن فجر طلوع ایدر بوسیدن اول دیار
اهالیسی اوزرینه صلوة العشاء والوتر واجب اولماز زیرا سبب وجوب
اولان وقت مفقود در و وقت اداء صلاته شرط اولدیغی کی وجوب
صلاته دخی سببدر الحاصل الله تعالی حضرتلری اقالیم سبعة به
ابدال سبعة یوزندن نظر ایدر انکیچون هر بدل کندویه منسوب
اولان اقلیم اموریه واقف و اسرارنه عارفدر و علمی اسم الهیسنک
شمول واحاطه سنه کوره در و بونلرک دور دینک اسملری اوتاد اربعه نك
اسما سیدر که عبد الحی و عبد المرید و عبد العلیم و عبد القادر در
و خامسک اسمی عبد السمیع و سادسک اسمی عبد البصیر و سابعک
اسمی عبد الشکور در زیرا آخر صفات سبع کلامدر کلام و شکرک ایسه
لسانه تعلقی زیاده در و بوندن ظاهر اولور که اوتاد اربعه فی الحقیقه
ابدال سبعة دندر تکیم اسمانک اتحدادی اکا دالدر و بعضیلر دیرلر که
اوتاد ابدال دن خارجدر و قول اوله کوره امامان و قطب ابدالده داخل
اولوب عدد ابدال انلرله مستکمل اولور و قول ثانی به کوره خارجدر
تکیم اسمانک اختلافی دخی اکا دالدر زیرا امام یمینک اسمی عبد الرب
و یسارک اسمی عبد الملک و قطبک اسمی عبد الله در تکیم مرور ایلدی
و دیمشدر که زمان رسوله علیه الصلوة والسلام امام المؤمنین بلال
الحبشی ابدال سبعة دن ایدی و اول وقتده قطب ابدال او یس القرن نك
عمی اولان عصام الدین القرنی اولوق اوزره مصر حدر عصام الدین
متوفی اولدقده مقامنه احدین عطا قائم اولدی که مکّه و یمن اراسنده
برقریه دندر و بو ابن عطه ادر که قرآنه متعلق اولان رموز و اشارات
و معارفی ممدو حدر و اندن محکبدر که راکب اولدیغی جلاک ایاغی رمله
غوص ایتد که جل الله دیدی جل دخی لسانه کلوب جل الله ان یحصره
معرفتک دیدی یعنی ابن عطا حق تعالی پی نزول تسفلدن تنزیه ایتدی
و حقه جلال و علونه اشارت قلمدی جل دخی ابن عطه ای قصور
معرفته نسبت ایلدی و دیمک استدی که هر سنه من القرن الی القدم
طالب حقدر بنم دخی عضو مخصوص اولان ایاغیمک رمله غوص ایتمکدر

مرادی طلب رب و سجده حقد که هر شب بک حقیتنه کوره بر طلبی
و بر سجده سی وارد بر بس یا بن عطا بویابده سوز سنک اولسه حق
تعالی حافظ سفل اولمق لازم کلور حافظ علو اولدیغی کی بوضورتده
ایاق طلب و سجده حقدن محروم اولمق اقتضا ایدر زیرا ایاق باش کی
دکلدر و حدیثه کلور (لودلیم بحبل لوقع علی الله اوقال لهبط علی الله)
الحاصل بر کیمسه سجده ایلمسه حقه مقرب اولور تنکیم قرآنده کلور
(واسجد واقرب) بس سجده سنده جناب علی عظیمی مشاهد
انکیچون سجده سنده سبحان ربی الاعلی دیر و صورت سفلده حقد
علونه نظر ایدر و حق تعالی بی یارمکان و یار زمان و یار غیری
وجهله تقید ایتکدن تنزیه ایدر و بوسجده نک سریله متحقق اولان
کیمسه حق تعالی نک جانب عرشدن سماء دنیا به نزولنک معناسنی فهم
ایدر زیرا عید سجده سنده حق تعالی بی طلب ایتدو کی کی حق تعالی دخی
نزولنده عبدی طلب ایدر و نزولی صورت سجده اولور بس بو تقریردن
متغیر اولوب حق تعالی ایچون جهت و طلب و سجده و نزول و صعود
اثبات ابتدی دیمه سن زیرا مقصود حقد عبده تقریبی تمثیل و مرآتینی
بیان و نصوصده وارد اولان معانی بی ایضاح و تقریردر (والا لبس
کمله شیء) اولدیغی ظاهر (والله غنی عن العالمین) استغناء تامی بیاننده
امر باهردر و دیمشدر که قطب ارشاد قلب محمد اوزرینه در و نظری
جدی در جدی بنات نعلله دور ایدن بلدزدر که اوچ بلدیزک انور ایدر
یعنی بنات نعلش کبری بدی عدد سیاره در که دوردی نعلش و اوچی
بناتدر و بنات نعلش صغری اصلنده درت عدد بلدزدر که ایکبسی
انورددر که فرقدان دیرل و ایکبسی خفیدر و بودرت عدد بلدزه اوچ
بلدز دخی تابعدر که انوری جدیدر و بنات نعلش کبریه تشبیها بویدی
عده دخی بنات نعلش صغری دیدیلر و اول سیاره لک اجتماعی سریر
میت هیئتده اولمقله نعلش اطلاق اولندی و قطب ابدال کوکب
سهیلک نظردر و سهیل طرف یمندن طوغرو بر بلدزدر که انک طلوعنده
فواکه کالسه کلور و حرارت هوا منقضی اولور انکیچون سهیل یعنی

دیرل که یمنده عقبی و دیار بلغرده صغری دیدیلر جلدک تربیه سی
اکامضادر و شام تر بایه منسوبدر که اصلنده اون ایکی و نظرده دیدر
زیرا محل کوندری یعنی مکان کثرتدر انکیچون انهار و اشجار و نباتین
و امثالنی مشتملدر و مدینه منوره ارض شامنددر دیدیلر اعتبار ایدر
زیرا مکه و مدینه ارض مجازده داخل و شام خارجدر بلکه شام اسفل
نجد بلده در عراق کی و بعضیلر که ابدال فرق عدد در تنکیم حدیثه
کلور (لن تخلو الارض من اربعین رجلا مثل خلیل الرحمن فبهیم
تسقون و بهیم تصرون مامات احد منهم الا ابدل الله مکانه آخر) ذکره
الطبرانی فی الاوسط پس بوندن فهم اولندی که ابدال تسمیه اولندیغی
بری وفات ایتدکه آخر انک بدلی اولدیغی ایچوندروا آخر قول صبعه
اوزرینه اربعین دن مأخوذ در و قول اربعین اوزرینه اوچوزدندر
و اوچوزدخی مؤمنلرک صالحلرندن و اول رتبه به متهیئلرندن تکمیل
اولنور و بعضیلر وجه تسمیه ده دیدیلر که ابدالده اولقدر قوت واردر که
کندی مقاملرینه بر بدل ترک ایدوب حاجتلی اولان موضعه
کیدر لر و بوقوت دخی اوصاف مذمومه بی محمودیه تبدیلدن حاصل
اولور تفصیلی بودر که طریق الهیده درت ارکان واردر که معرفت
باری تعالی حضرتلری و معرفت نفس و معرفت دنیا و معرفت شیطان
انک اوزرینه دور ایدر و اول ارکان اربعه صمت و عزالت و جوع و سهردر
پس بجن انسان خلقدن و کندی نفسندن اعتزال ایدوب ایکبسنک
دخی ذکرندن صامت و ذکر الله ایلله ناطق اولسه و غداء جسمانیدن
اعراض قلسه و منامی ترک ایلمسه بودرت خصلنک اجتماعی سبیلله
بشریتی ملکیت و عبودیتی سیادته و عقلی حسه و غیبی شهادته و باطنی
ظاهره تبدل ایدر و بوتیدلک اثری بودر که بر موضعدن رحلت مراد
ایلمسه اول موضعه انک بدلنه بر حقیقت روحانیه نزول ایدر که اول
موضع اهل اول حقیقت اوزرینه مجتمع اولور و صحبت قیلور
زیرا اول حقیقت انلره اول ولینک هیئت جسمانیه سی اوزرینه مثل
و تجسد ایدر و اول موضعک خلقی جسد مذکور اول ولینک شخصی

اولیٰ نخیل ایدرل مع هذا شخصی اول موضع دن غایبدر اشته بومعی
 اهل موضعك بحالسه و محاده به شوق شدیدی اولدیغی صورتده در
 وگاه اولور که شوق ولی طرفندن اولور شول جهندنکه کندی مقامه
 تعلق همینی واردر پس تجسد ایدوب اول موضعده ظاهر اولور و بومقامی
 زیارت ایلر ابو یزید بسطامی نك بیت الی رازی و جنید بغدادی نك
 مسجد شونیزیده زاویه سی و ابراهیم بن ادھمك عمارتی و سائر اماکن
 صلحا کی که کندیلری دنیادن مفقود و همتاری مقاملرنده موجوددر
 و ذکر اولنان ترك بدل تاركان علمه مقارندری یعنی اورادن رحلت
 ابتدوی وقتده بلور که کندی یرینه بدل ترك ایلشددر بس اول کیمسه که
 انك بدلی قالور ولکن کندینك بومعنايه و قوفی یوقدر اول کیمسه بومقام
 اهلندن دکلدر بلکه یا صلحادن و یا افراددن در شول جهندنکه ذکر
 اولنان خصال اربعه اهلی دکلدر و الاوقوف و اطلاع حاصل اولوردی
 فاطم و وقف و دیملردر که ابدال بر یرده اقامت ایتزل مکر که حسته
 اوله لر و مرضلرینه معالجه ایدرل و تناول طعام ایدرل و لباس کیرل
 و ابدال اولزدن مقدم متزوج دخی اولورل صکره اول حال اوزرینه
 قالورل زیرا ابدال اولق شرعا و طریقه مفارقتی اقتضا ایلز مکر که
 ابدال اولدیغی حالده مجرد بولنه بوسورتده اختیار تجرد ایدر زیرا
 مسافرت دائمه تعلق اهل و عیالی منافیدر نتکیم روشندر (*فصل*)
 بوفصل نقبا بیانده در که عددلری اون ایکدر نتکیم قرآنده کلور
 (و بعثنا منهم اثني عشر نقیبا) یعنی بنی اسرائیل ایچنده اون ایکی نقیب
 و عریف تعیین و نصب اولندی تا که سفرده و حضرده تحت اللوالنده
 اولان عسکر و جماعتك احوالندن تنقیب و تنقیش ایده لر پس بوندن
 قائده نقسابت معلوم اولدی یعنی جن بر طائفه کندی اوزرینه
 رئیس نقیب و ضابط تعیین اولندیغی و مقنن حواله قلندیغی بلسلر
 حالری استقامته اقرب اولور زیرا ناس بالطبع رؤسادن تهیب ایدرل
 وسطوتلندن خوف ایدوب زجرل یله متزجر اولورل زیرا زد کیر ایچون
 غیره تعاضد ایده جکلرن بلورل و میدان جلالتده ناصب العلم سلطان

العالم علیه الصلاه والسلام حضرتلری لیلۃ عقبهده حضرت انصاری
 ایچون اولان اون ایکی نقیب کار آزموده نصب ایتدکلری کتب سیرده
 مسطوردر و تخصیص عددك سری پروج اثنی عشر در زیر هر برج
 ایچون بر نقیب تعیین اولمشدر اون نقیب اول بر جك خاصینه واقف
 و اسرار و تأثیراته مطلع و كذلك اول برجه نزول ایدن کواکب سیاره
 و ثوابك احوال و مقتضیاتندن خبردار در زیر اسرار کبی ثوابك
 دخی حرکات و قطع بروجی واردر اگرچه زیاده بطونندن و تدرجندن
 حسته ظهوری یوقدر زیرا نیچه بیلک سنه دور سیره محتاجدر اهل
 رصدك اعماری ایسه انی مشاهده دن قاصره در و نقباء مذکوره اسم
 باطن ایله متحقق اولدکلری ایچون بواطن ناسه مشرف اولورل و وجوه
 سر ائردن سناری کشف ایدوب خفایای ضماری استخراج ایدرل
 و وسائس نفس و مکر و الدامق و خداعنی بلورل حتی ابللسك کندی
 نفسندن بلدوی امور واقف اولورل و علملری بر مرتبهده در که بر کیمسه نك
 وجه ارضده ایزینی کورسه لر اول ائردن انتقال ایدوب صاحبك سعید
 و یاشتی اولدیغی فهم ایدرل و ایمانله و یا کفرله کیدر دیو حکم ایلرل
 نتکیم ظاهرده بعض طائفه که تتبع آثار آیندر بر شخصی کورسه
 بوشخص بوايزك صاحبیدر دیو حکم ایدر پس اولیادن معدود اولیانك
 علوم آئارده حالی بو اولیحق نظر حقله ناظر اولان فراست حقیقه
 اهلنك حالینه اولق کر کدر قیاس اولنه) * فصل * (بوفصل نجباء
 بیانده در انلك هر عصرده عددلری سکر در زائد و ناقص اولماز
 اصلی بودر که انلك مقاملری کرسیدر کرسی ایسه سکر نی فلکدر
 و افلاك ثمانیه محل کواکبدر یعنی سیارات اولسون و ثوابت اولسون
 بوسکر فلکده دور ایدرل بوجهندن نجباء احوال نجومه واقفلر
 و اسرار سیرودوره عارفلدر و لکن اطلاعاتلری کشف یوزدنددر یوخسه
 علماء نجوم کی کسب و تعلم ایله دکلدر نقبا بونلرک فوقنده در که فلک
 ناسعه ترقی ایلشدر و افلاك ثمانیه نك ماوراستده اولان اسرارل بلسلر
 و عرش مجید اهلی اولمشدر پس بونلرک احوال نجباء اطلاعاتلری

وارد در زیر اعدا انا و زیننه حاکم را ما بحیا احوال نقبایه واقف دکلرد
 بناء علی هذا نقبایه و زیننه و بحیا سائر و کلا کی اولدی لر اشته نقابت و نجابت مرتبه
 سنده اولدجه حاللری بودر و لکن اهل مراتب گاه اوور که استعدادلری
 حسبیه ترقیات جلیله بولورلر و مرتبده اولکیدن اعلی اوورلر که
 غایتی قطیت کبری در وکلا و زرا اولدقلری کی و مرتبده تفاوت
 اولدیغی کی علمده دخی وارد و لکن مقامات و مراتب نهایت بولور
 علم بالله ایسه ابدی غایت بولماز زیرا مقاماتک صور جسمانیه ده امثله سی
 وارد در مرتبه سلطنت و مرتبه وزارت کی اجسام ایسه منتهیه در
 علم بالله ایسه بویله دکلدر انکی چون سیر بسیطه قائل اولدی لر که انده
 اصلا ملاحظه ترکیب و تعین یوقدر و بومعنی شان کلددر که عالم اکواندن
 عالم وجوبه داخل اولمشلردر و نجبا تسمیه سنه وجه بودر که نجیب کریم
 و حسب اولانه دبار نجباده ایسه خلق اوزرینه وفور شفقت و مزید
 رحمت فطریه اولمغله کندی نفسلرنده تصرفی ترک ایدوب خلقک اتقانی
 جمله مشغول اولمشلر و غیرک امور یله مقید اولوب قضاء حوائجه قوت
 قاهره بولمشلردر شویله که غیرک طاقت بشریه سی و فایده کی معنی
 انلرله صورت بولور و اقدار حقله هر نسنه اللرندن کلور و انلرک ترقیلری
 بو خدمت و شغل بوزندن و بولمشلر مع هذا مصالح غیره سعی ایتک
 افضل اعمالدر که انده نفسنده نجات واردر شوقدر وارد که سعی
 مقابله سنده ملاحظه نفسانیه دن احتراز لازمدر تا که اجیر اولیه بلکه
 عبد محض اوله عبد محض ایسه صفت سیدایله متصفدر سید ایسه
 غنی و کریم و جواد و وهابدر و خضر علیه السلام آب حیات و وصول
 مذکور سیله در یعنی عسکر اسکندره مسوطلی ایچون مقدمه الجیش
 اولوب مصلحت مسلمین ده بولندیغی ایچون (الجزء من جنس العمل)
 موجب فیض ابدی و عمر جاودانی بولدی پس ای مؤمن سن دخی
 طریق خضری یانکده و بدنکده قدر قوتور وار ایسه دخی خدمتدن
 قائم زیرا بویولده مسافر سن و مسافر حرکتدن قالسه منزلی
 بولماز و آخر وصول مرامله شاذ کام اولماز) * فصل * (بوفصل

حواری امتی بیان ایدر حواری صافی و خالص معناسنه در و حواریون
 اصحاب اصفیادر که تردد و تلوندن عقیده لری صافی و سیف سنانه
 اقامت دین ایتکه همملری وافی و الزام منکرین ایچون حجت و برهانلری
 کافیدر حضرت عبسانک علیه السلام حواریسی اونیکی نفر کیمسه
 ایدی که اصحابدن سلمان الفارسی رضی الله تعالی عنه طویل العمر اولمغله
 انلرک بعضلرینه ایرشمش ایدی و بوامتک حواریسی برفرددر که زبیر
 بن العوامدر زبیر رسول اللهک عمی سی اوغلبدر تکیم حدیثده کلور
 (الزبیر بن عمی و حواریسی) و حضرت عایشه ک همشیره سی اسمائک زوجی
 و عبادله ار بعدهن برینک والدی در اوغلی عبدالله بن الزبیر والی مکه
 ایکن حجاج لعین انده مصلوب اولدیغی معروفدر و عشره مبشره دندر
 بوفصلده حواری ایله مراد من هر عصرده مشرب زبیر اوزرینه اولان
 ولی خاصدر که واحده منحصردر قطب الاقطاب کی بردن زاید و ناقص
 اولماز پس دنیادن انتقال ایدیچک برینه برکلور ایکی کلز میویدر که یوم
 الاحزابده رسول الله علیه الصلاه والسلام بکا خبر قومی کیم کنور دیو
 پیورد قدده زبیر انبار رسول الله دیدی اوراده لسان نبوتدن صادر اولدیکه
 (ان لکل نبی حواریا و حواری الزبیر) سؤال اولنورسه که حواری خالص
 و صافی معناسنه اولیچق مقتضای حال واحده عدم انحصار ایدی
 انکی چون امام سهیلی حضرات انصاری و قریشیدن خلفاء ار بعدهی
 وزبیری و عثمان بن مظعون و حذره بن عبدالمطلب و جعفر بن ابی طالبی
 و بونلرک امثالنی حواریون عدایلدی جواب بودر که زبیری تخصیصده
 بوجه وجه مرعیدر که هر عالم اکا مهندی اولماز تکیم اشارت اولندی
 الحاصل حواری اودر که نصرت دینده ایکی خصاتی جمع ایلیه که
 اولکبسی سیف و سنان و شجاعت و اقدامدر و ایکنجیبسی حجت و برهان
 و علم و عبادتدر و رسول الله زمانلرنده کرچه سیفله انصار دین چوق
 ایدی و لکن دین مشروعک صحتی اوزرینه اقامت دلیل ایله قیام
 و اول معناده تصلب و اهتمامک زبیره من بداختصاصی وار ایدی الحاصل
 رسول اللهک سر معجزه سی زبیره میراث کی ایدی یعنی رسول الله

مجازات قاهره و یدیات باهره لاسیما آیات قرآن ظاهره ایله تحدی ایلوب
صدق دعواسی اوزرینه یننه و حجت بالغه اراز ایلدوکی کبی زبردخی
اهل نکاری ردایدوب صدق شرع مبین اوزرینه برهان اظهار ایلدی
و بو خصوصده کرم اولوب تحدی و طلب معارضه قلدی و هر کیم
رسول اللهدن صکره بومقامک اهلی و بومیراثک صاحبی اولورسه اول
کیمسه حواری امت اولوب خصوص ولایت ایله سرافراز اولور
و بومعنائک نظارتی وارد در تکیم حدیقه ایمانی رسول اللهک صاحب
سری اولدی مع هذا خلفاء اربعه دن افضل دکل ایدی حتی شوبله
مرویدر که رسول اللهک روضه قدسه حرام و کلشن سرای ملکوتده
آراملرندن صکره نفاقی مظنون اولنان کیمسه لوفات ایتدکده حدیقه ده
مترقب اولورل ایدی اگر حدیقه انلرک نمازلرینه حاضر اولورسه موافقت
ایدلر والا اکثر اصحاب روکردان اولوردی زیر بلورلر دیکه رسول الله
منافق و مخلص اولنلر اسماسبله حدیقه بلدرمش ایدی و برنظیری
دخی تخصیص امانتدر تکیم حدیقه کلور (ان لکل امة امینا وان
امیننا ایها الامه ابو عبیده بن الجراح) و ابو عبیده عشره مبشره دندر
بوراده امانت ایله مراد سائر افراده نسبتله در یوخسه ابو عبیده نک
سائر صفاتنه کوره دکلدر یعنی انک صفت امانتی صفات سائر سینه کوره
غالبه ایدی معنائنه دکل تکیم امام ترمذی و هم ایلدی زیرا امیننا
لفظنده اولان اضافت و کذا لفظ ایها الامه غیر یلره کوره غلبه سینه
ناظر در و برنظیری دخی حدیث مبایعهده واقع اولان نهی سؤال در
تکیم کلور (واسروا کلمه خفیة ولا تسألوا الناس) یعنی اصحابدن برنفره
مبایعهده عبادت و عدم اشراک و اقامت صلوات و اطاعت حق و الرسول
و اولی الامر ایله توصیه دن صکره اسرار کله ایدوب و کیمسه دن برنسنه
استنبه سز دیو بیوردیلر و انلر بومعنایه زیاده مستأهل اولمغله تخصیص
اولندیلر بو جهندن عقد و بیعتی شویله محافظه ایتدیلر که الارندن
عصاری و یا حال رکوبده سوطلری ساقط اولسه شونی بکاالبور دیو
کیمسه دن استزدی بوصفت ایله انصافده خود زیاده صعوبت وارد

انکیچون هر کسه مبسر اولدی و من الله الاعانة) * فصل * (بر فصل
رجیون بیاننده در و قرآنده کلور) اناسنای علیک قولا ثقیلا) الله تعالی
قرآنده قول ثقیل ایله تعبیر ایلدی زیر امشتمل اولدیغی تکالیف الهیه
اهل شرائ و نفاق اوزرینه ثقیلدر و کذلک اهل تزکیه اولیلره کران کلور
خصوصا که تهجد بوجهتنددر که اهل نفاق حقنده کلور (واذا قاموا
الی الصلوة قاموا کسالی) زیرا کسلنک اولیق ثقلت طبع بدندندر
و غیر یلر حقنده کلور (انفروا خفافا و ثقیلا) یعنی طبعده کرک ثقلت
و کراهت و کرک خفت و نشاط اولسون ایکی صورتده دخی امر الهی به
امثال لازمدر اگر چکه نشاطله افضلدر زیر نشاط طبعی تزکیه دن
و قلبی تصفیه دن و روحی تجلیه دن نشأت ایدر و کمال معرفت موجب
اقدام امر در و بردخی محمولک ثقلی حاملک لطف طبعنه دادر در
رسول الله ایسه خلقا و خلقا انبیانک الطیفی و مزاجا و طبعما اعدلی در و
روحانیه و روحانیه اکلی و نشأه و فطره افضلی و استعداد اوقابلیه اشملیدر
و بردخی قرآن حقایق الهیه جهتندن کتب الهیه نک اجمعیدر اجمع ایسه
اثقلدر و بردخی قرآن کندی نفسنده کلام الهی اولدیغی وجهله قول
ثقیلدر انکیچون رسول الله بعض حالات اخذده استلقا ایدر لر و هوا
نقدر بارد اولسه کلبرک رخسار لری عرق رز اولور دی و حج و داعده
صخرات سود قربنده وقفده ایکن (الیوم اکملت لکم دینکم الایة)
نزولنده ثقل و حیدن ناقه عضبانک بروی معروفدر بوحالنده بعض
اصحابک زانوسنه مستند اولسه زانوی صحابی اول ثقلندن شکسته لک
حدنه قریب اولور بعد ذاکرا اولنان رجیونکه هر زمانده فرق نفر در
زائد و نقصان اولماز و بعضیلری نساجنسندن دخی اولور انلرک
حاللری بودر که عظمت حقله قائم اولورلر و وجود لرنده هیبت عظیمه
یو لورلر و انلرده قول ثقیلک سری وارد زیر رجیون ایله تسمیه
اولندیلرینک وجهی بودر صکره شهر رجیک غره سده وجود لرنده
ثقلت حاصل اولور بر مرتبه ده که کویا سما اوزرلرینه یقلوب تحننده
قالورلر و اصلاحر کته محاللری قالماز یعنی اللرن و یا قلرن و کوز قه اقلرن

تحریرك اتمكه قیام وقوعه وسائر معاملات قادر اولماز وابتدا كونكه
بوحالت انلره واقع اولور اوزرلرینه برنسه اوزرلر وشو یله مسیحی
اخشامه دك یاتورلر ایکیچی و اوچنچی کون بر مقدار خفت بولمغه وتکلم
ایتمكه باشلرلر وشهرلر جبك ابتدا سندن غره شعبانه دك بوحیرت
و ثقلت ایچنده مستر اولورلر و بواشاده انلره چوق درلو کشف
وتجلیات حاصل اولور و بعض مغیباته و عجائب کائناته اطلاع کلور
وغره شعبانه بندری چوز یلور کی نشاط بولورلر و بوحال اوزرلرندن
زائل اولور ونظر الهی کسلور وسنه آتیه رجبه دك بردخی بوحالی
واطلاع و کشف و ندایی بولازلر و صحوه کلورلر ولکن بعضیلرنده جزئی
غمه سی قالور و بالکلیه مسلوب اولماز یعنی اول سکر دن کرچه صحو بولورلر
فاما کیمی صحو کلی بولور و کیمینده سکر جزئی قالور و هر بری اولدن
صناعت و تجارتی نه ایسه اکامش قول اوور و کسب قلوور و اهل طریقتدن
بونلری ییلنلر قلیلدنر و بونلر متفرقلر در یعنی کیمی بمنده و کیمی شامده
و کیمی دیار بکرده ساکن اولورلر ابدال شام کی شام و شاماته و یاغیری
دیاره اختصاصلری بوقدر و دیمش لدر بونلرک حاللری حال غریبدر که
مجهول السبب در یعنی ذکر اولنان حال نه معنادن اتوری هلال رجبه
مخصوصدر و انقضاء شهره دك مستر اولور و اربابنک نه مقوله حالی
معنای مذکور ی اقتضا ایشدر الله تعالی بلور و بوفقیه ظاهر اولان
تاویل و لاأخ اولان معنای جلیل بودر که اشهر حرمک عددی درندر
و هر بری ادنی الامر عشره به معادل اولیحق که سر تضا بقدر عدد
رجبین فرق اولق لازم کلدی زیر اهر شهر بحسب الدور اکامل بر انسان
کامل حقیقی حقیقتدر و اشهر حرمک دردی بله معناده محرمدر اگرچه
بحسب الصوره اسماسی مختلفدر تکم قرآنده کلور (منها اربعه حرم)
و شهر رجب اشهر حرمک ابتدایی و فردیت ایله منصف و حقه
مضاف اولدی حقك ابتدا صفتی ایسه جلال و تنزیه ذات مقدسه در
و مقتضای جلال ارواح مسمیه کی دمیسته و لال و بی شعور و مغلوب
الحال اولق در چونکه نفر مذکورک نشاء رنده حکم وجوب حکم

امكانه غالب و تجلی جلال ادراك ماسوایی سالب ایدی اول وقت
هیبت شعار و عظمت اشعارده انفعال عظیم ظهور ایدوب انقضاء
شهره دك افاقت مسلوب و حس و حرکت معدوم اولق لازم کلدی
و بوندن فهم اولندیکه امکانده کعبه و مکه و زمزمده شهر الله رجب
مزید فنایه اشارت اولدی انکیچون اصم دینلدی زیرا انده عالم بقانک
قبل و قال مسموع دکلدر و بلکه مغفور و مستهلکدر و الحمد لله تعالی
* فصل * بوفصل ختم الاولیاء اولنلری بیان ایدر *

انلر اوج عدد در اولکبسی حضرت عیسا در علیه السلام که حضرت
آدم دن دور آخره دك خلافت عامه و ولایت شامله انکله ختم اولنور
انکیچون قیامتده کا ایکی حشر واردر که بری انبیائله و بری امت محمدیه
ایله در وانک ختمینده ختم الانبیایی تعظیم واردر زیرا عیسی علیه السلام
صاحب الکتاب و کلمه جناب و هایدر مع هذا بحسب الزمان اقرب الانبیا
و حکما و لایا کبره رسول کبر یادرزیرا جنتده والده سی مریم اعز خاندان
و حرم اولسه کرکدر (ایکیچبسی حضرت محمد مهدی منتظر در
خلافت خاصه محمدیه انکله مختوم اولسه کرکدر و اصح اولان نسل
فاطمه زهرا دن اولمقدنر و کنز کعبه بی او اخراج ایسه کرکدر و ظهوری
بنوا الاصفرك ظهورند نصیره و حضرت عیسی نک نزول و دجالک
خروجندن اولدر و ظهورنده حجر اسود یاننده تقلید سیف ایدوب منتهای
حد کفره دك فتح ایلوب عالمی دارالاسلام ایلسه کرکدر تکم قرآنده کلور
(لیظه ره علی الدین کاه) و اوچببسی ختم اکبردر که دور محمدینک
اواسطنده کلشدر که شیخ محی الدین العربیدر و اولیاء محمدیه اراستنده
اندن اکبر اولماغله شیخ اکبر دیوشایع اولشدر و حق تعالی اکا (انت
مرآی و انت بیتی و انت اکبر مشاهدی) دیو خطاب عزت ایلشدر
مشهد مقام شهود و محل تجلی به دیرلر و بعض قبور صلحایه مشهد
دیدلری حضور ملائکه و نزول انوار دن اوتوریدر و حضرت شیخ
ختم خاسدر که اول مشرب اوزرینه برولی کلشدر و الی یوم القیام
کلر زرا کلک جائز اولسه ختمی متافی اولور پس ختم اولیا ختم انبیا کبیدر

و بقیة تفصیلی فصلانده کدر ایلشدر و بعضی لرینه (انت الولد الاکبر)
 دیو خطاب وارد اولدیغی حضرت شیخک اعظم انقاس قدسیه سی
 اولغه محمولدر زیرا بر صغیر که کبرک نفس نفیسندن جان بواسه کبیر
 اولور و کبیر دخی اکبره کوره بویلددر پس سعی ایدوب دائره به دخول
 و فیض نفسه وصول و مقصد صدقه حلول لازمدر) * فصل *
 بوفصل اوجبوزلر بیاننده در اهل الیهدن اوجبوز نفر وارددر که هر
 عصرده زائد و ناقص اولمازلر و اول عدد اوزرینه کلورلر و انلرک دعاری
 بودر (ربنا ظلمنا انفسنا و ان لم تغفر لنا و رحمتنا لکن کون من الخاسرین) زیرا
 انلر قلب آدم اوزرینه در انکیچون دعاء آدمه مشغوللردر یعنی هر علم که
 قلب آدم اوزرینه وارد اولمشدر انک قلبی اوزرینه اولان قلوبه وادر اولان
 علم دخی اول علمدر و فلان علی قدم فلان دیدکری بومعنایه در و بوندن ولی
 بی به مساوی اولمق لازم کلر زیرا انینک نبوتی مرتبه سی فارقدر و آدم بالفعل
 مبداء کثرت انسانیه اولغله بدن شجره کبی اولدی یعنی فردانیت اولای
 جامعه الهیه که ذات وصفات و افعالدر و فردانیت ثانیة محیطة کونیه
 که جسم و روح و حقیقت جامعه در ظاهریت و مظهریت اعتبار یله
 هر بری اسماء حسنی و انواع رحمت عدد نیجه بوزه تقسیم اولنوب اوجبوز
 اولغله ورثه آدم دخی اوجبوز اولدی و انلرله کثرت فعلیه غایت بولدی
 (* فصل *) بوفصل قلب نوح اوزرینه اولان قرق شخصی بیان
 ایدر (بونلر دخی عدد مذکوردن زائد و ناقص اولمازلر زیرا خبر نبویه
 (ان فی امتی اربعین شخصاً علی قلب نوح) دیو مخصوص و مصر حدر
 یعنی بونلرک علوم و مشاربی علوم و مشرب نوح اوزرینه در زیرا
 بوامتده هر پیغمبرک وارثی وارددر که اول پیغمبر ایله مأخذ ده برادر
 ائم سالفه ایسه بویله دکلدر بلکه انلرک کندی متبوعلرینک باطنندن
 و متبوعلری دخی مشکوة نبوتدن اخذ ایدرلر پس انلرک اخذاری
 بالواسطه و امت مرحومه نک بلا واسطه در انکیچون قیامتده ائم
 اوزرینه شهادتده انبیائله برابرلر نیکیم قرآنده کلور (انکونوا شهداء
 علی الناس) و رسل حقنده کلور (و یوم نبعث فی کل امت شهیداً علیهم

من انفسهم) و قلب نوح اوزرینه اولان اولیانک صفقی قبضدر نیکیم
 صفت نوحده کلور (لاتذر علی الارض من الکافرین دیارا) و انلرک
 دعاری دعاء نوحدر (رب اغفر لی و لوالدی و لمن دخل بیتی مؤمناً و للمؤمنین
 و المؤمنات و لا تزد الظالمین الا تباراً) و بوی دعانک آخری لاتذر الی آخرها
 آتی کبی صفت قبضی اشعار ایدر که صفت نبویه علیه السلام اولان
 (اللهم اهد قومی فانهم لا یعلمون) بی اشعار ایلدی کبی کمال بسطه مقابلدر
 و طائفة مذکوره نک مقاملری مقام غیرت دینه در زیرا حضرت نوحک
 هلاک قوم و اسنیصال ظلمه ایچون ایتدوکی دعاء دین حق خصوصنده
 زیاده غیرتندن ایدی و اکا غیرة فی الحق دیرلر که غیرک تعدی حدود
 ایتدوسی سبیلده در پس حقت غیرتی معاصیدن منع و عبدک غیرتی غیرک
 شرکتی و خلقت غیره تعلقی کراهددر و حدیثده کلور که (انی اثار
 و ان المؤمنین یغارون و ان غیرة الله ان یأتی المؤمن ما حرم الله علیه) پس
 یعنی عبد امر و نهیه التفات ایتبویب هر نه مر ادا ایدر سه فعله کتور سه
 حق تعالی به مشارک اولور مع هذا صفت حق اطلاق و صفت عبد تقبییددر
 بوسیددن فواحش اوزرینه اقدامدن منع اولندی * فصل * بوفصل قلب
 خلیل علیه السلام اوزرینه اولان سبعة بی بیان ایدر (بوامت ایچنده
 یدی عدد اولیادخی وارددر که انلر علم و مشرب و صفتده قلب خلیل علیه
 السلام اوزرینه در و بونلر ایدال سبعة دن غیریدر و ایدال سبعة کبی
 یدیدن زائد و ناقص اولمازلر زیرا خبر نبوی ده سبعة تخصیص و تصریح
 اولمشدر و بونلرک دعاری دعاء خلیل اوزرینه در نیکیم قرآنده کلور
 (رب هب لی حکماً و الحقنی بالصالحین) و مقاملری ریب و شکدن سلامت
 و کمال تمکین و اطمینان ایلله اتصافدر و بر کیمسه نک حقنده کین طوعنقدن
 صدرلری سالمدر زیرا جنت معنویه روحانیه اهلیدر و اهل جنت حقنده
 کلور (و نزعنا ما فی صدورهم من غل) انکیچون خلقه حلم و اخوت ایلله
 معالیه ایدرلر نیکیم حق خلیلده کلور (ان ابراهیم لاواه حلیم) و بوی
 مقوله صفاته مقام ابراهیم دیرلر و سلامت صدر اریچون خلق انلرک
 سوء ظنندن سالم اولمشدر زیرا انلرده سوء ظن دکل بلکه نفس ظن یله

یوقدر شول جهت دنکه قلبی علم صحیح ایله معهود در وانلر خالق انجق
خیرلینه نظر ایدرلر شروزله ارارینه حجاب چکلمشدر تنکیم حضرت
ابراهیم چکمدی زیر ابراهیم مقدم احوال عصائی مکاشفه ایتدکه
هلاکری ایچون دعا ایلدی صکره عتاب الهی وارد اولوب حلیم و ستار
اسملری ایله تسترقلدی پس حال ورثه ابراهیم اولنلرک خلقدن مشهودلری
تصریف حقدر من حیث هو وجود یوخسه بر حکمک اکاتعلقی
جهتدن دکل زیر وجود من حیث هو خیر محضدر خیر صورتنده
اولسون شر صورتنده اولسون شو معنادنکه خلق وایجاد وجود
حقیقی به مضافدر پس وجود حقیقینک تصرفه نظر اولنسه مشهود
اولان فعل حق اولور و بلکه فعل ذات فاعلده فنا بولوب تصرفده
مصرفدن غیری مشهود قالماز پس خیر وشر دیمک زده قالدور خیر
وشر اوزرینه ثواب و عقاب ترتیبک ملاحظه می نیجه وجوده
کلور والحمد لله تعالی علی کل حال وهو المحسن المفضل) * فصل *
(بوفصل قلب جبرائیل اوزرینه اولان خسه بی بیان ایدر) یعنی بوامت
ایچنده هر عصرده اولادن بش عدد کیمسه وارددر که انلر قلب جبرائیل
اوزرینه در وجبرائیل ملک ملوک الارواح اولوب نفخ نفس و فیض علمندن
حیات قلوب حاصل اولدیغی کی طائفه مذکوره دخی اهل طریقک
(هم ملوک تحت الاطمار) موجبجه ملوک و سلاطینیدر وانلرک علومی
قوای جبرائیلده عدد نیجه در که اول قوادن اجنجه ایله تعبیر اولمشدر
تنکیم قرآنده کلور ملائکه حقنده (اولی اجنجه مثنی و ثلاث و رباع)
یعنی الله تعالی ملائکه ایچون قوای الهیهده اوج مرتبه قلمشدر انکیچون
بعضیلرینه ایکی قوت و بعضیلرینه اوج قوت و بعضیلرینه درت قوت
اعطا ایتشدر و درت غایت قوادر زیر وجود ده سرتر بیع اوزرینه
قائمدر شوقدر وارددر که هر بر قوت قوای کثیره بی متضمنه در که عددنی
الله تعالی حضرتلری بلور انکیچون رسول الله علیه الصلاة والسلام
لیله معراجده جبرائیلی النبوز قنادینی آجش کوردیکه هرایکی قنادی
مشرق و مغرب اراستی سد ایدردی پس بوندن فهم اولندیکه آیت

مذکوره دن مراد تعیین مرتبه در یوخسه تخصیص عدد دکلدر الحاصل
ملائکه ککرچه اجسام نوریه در ولکن اجسام اولدقلری جهتدن
مرکبلر در ترکیب ایسه قوای کثیره بی مشتملدر انکیچون صاحب
انوتین اولان ملک ترکیب نبات و صاحب الثالث اولان ترکیب انسان
اوزرینه در و موالات تمام اولیجق قوای ملائکه دخی متتهیه اولدی
سؤال اولنورسه که اجنجه ملائکه دن مراد صفات ملکیه و قوای
روحانیه اولیجق ظاهر دن عـ دول لازم کلور جواب بوددر که ملائکه
ایچون اجنجه صوریه وارددر که انکله صعود و نزول ایدرلر ولکن
جناحلری جناح طیر کی دکلدر بلکه کندی حقیقتلرینه مناسب اولان
وجنهله در بومعنی ایسه قوای مذکوره بی منافی دکلدر و جناح قوت طیر
اولدیغی ظاهر در الحاصل جبریل اول بش عددلی به غیـ دن
امداد ایتدکه در وانلرک علی مقام جبریلی تجاوز ایتز و جبریل یوم
حشرده انلرله واقف اولور مناسبت امدادیه دن اوترو * فصل * بوفصل
قلب میکائیل اوزرینه اولان ثلثه بی بیان ایدر) یعنی امت مرحومه نک
خواصندن معهود اوجلردن غیری اوج کیمسه دخی وارددر که
هر عصرده بوعدد دن زائد و ناقص اولمازلر وانلر اعطا اولنسان
علوم الهیه میکائیله احسان اولنان قوای ملکیه عدد نیجه در
و بوطائفه به غالب اولان صفات فاضله بسط و تبسم ولین الجانب
و شفقت مفرطه در انکیچون دائماً خلقت خیرنی مشاهده ایدر که موجب
شفقت و سبب رحمتدر زیر شوره نظر ایتک غالباً سلب مرجه
باعثدر پس تصرف میکائیل یوزندن حاصل اولان رزق نیجه مؤمن
و کافر عام ایسه بونلرک دخی حسن خلق و لطف و کرملری مطیع
و عاصی به شاملدر تنکیم مقتضای جبلت اولیاء محمدیه در
* فصل * بوفصل قلب اسرافیل علیه السلام
اوزرینه اولان واحدی بیان ایدر) یعنی قطب الاقطابدن غیری
بر فرد دخی وارددر که هر عصرده بر اولور ایکی اولماز و اسرافیلک علی
کی اکاعلم اعطا اولمشدر ابو یزید بسطامی بومشرب و علم اوزرینه

ایدی و قبض و بسطی جامع در اسرافیل کی زیر اسرافیل نفخ اول ایله
قبض و ثانی ایله بسط ایدر بعد از اسرافیل میکائیل و میکائیل دخی
جبرائیل و افضل اولدیغی کی خلیل نوح و نوح دخی امدن
افضل در انکیچون مشرب اسرافیل و خلیل اوز رینه اولان اقل
و مشرب میکائیل و نوح اوز رینه کان اوسط و مشرب جبرائیل و آدم
اوز رینه بولنان اکثر اولدی نتکیم فصل اوردن متبییند زیر افضل مشرب
اوز رینه کلک و حالیه تحقیق اولق اعز من فح البعوض مقوله سیدر
* فصل * بوفصل

رجال الغیب اطلاق اولنان مردان غیبک بیانده در) انلر هر عصرده
اون نفر در که زیاده و نقصان قبول ایتزل و صفتری خشوعدر که
صوت خفی ایله تکلم ایدر و سائر خلق کی جهر ایتزل زیر تجلی رحانی
دائم اوزر رینه غلبه ایلشدر نتکیم قرآنده کلور (و خشعت الاصوات
للرحن فلا تسمع الا همسا) پس انلر همسه تکلمی تجلی مذکور در
وانک ایرات اندوکی حیادندر بناء علی هذا بر کیمسه بی کلامنده رفع
صوت ایدر اشنسه لوجودی دتر زیر بولر ذاتیلدر و مقام ذاته
وضع مذکور صغیر انکیچون بیت شریفی خشوعله طواف ایدر
و سرذی المقامی مشاهده ایله بورر و قرآنده کلور (یمشون علی
الارض هونا و اذا خاطبهم الجاهلون قالوا سلاما) یعنی تجلی ذاتی
رحانی اهلی اولان عباد الرحمن بر صفتری دخی وجه ارضده سکینت
ورقارله یورومدر و سفهاء ناس انلر کلام قبیح ایله مواجهه ایلشدر
تک تعرض ایدر و جواب و رمز یعنی اگر مقامی متار که اقتضا ایدر سه
والادفع ایدر زیر کامل اودر که هر تجلی ایله وافف اولیه نظر ایله که
مظهر صفت رحانیه اولان جناب نبوت (بعثت بالسیف) پیوردی
و سبقله بعثتی عوام و خواص و موحد و مشر که رحمت عامه سنی منافی
اولدی انکیچون دیدلر که کامل اودر که ناصوری یاره کسکین اوسره
اوله و ذکر اولنان رجال الغیب مستور در که انلری حقندن غیر کیمسه
بلز و انلر دخی حقندن غیر بی بلزل یعنی خلقندن منقطع و فارغ و مناجات

حقه متصل و مشغولدر پس بولر اعین نامدن محجب اولق لازم
کمز بلکه مستور اولان حاللر یدر و کاه اولور که رجال الغیب دیرلر و انلرله
ابصاردن مستور اولان انسی مراد ایدر جنی دکل زیر اولیادن بر طائفه
وارد در که زیاده لطافتلرندن اختفایه قادرلر در حتی کافرستانه واروب
کائسه کیرلر و نماز قلورلر و کفره دن بر کیمسه انلری کورمز و کاه
اولور که جنک مؤمنلرینک صالحلرینه دخی رجال الغیب دیرلر زیر
انسان کوزلندن غایبلدر و کاه اولور که علومی استاذدن و کتبندن
ورزقی حسدن اخذ ایتیموب بلکه عالم غیبندن اخذ ایدنلر اطلاق اولنور
زیر بولر عالم شهادتده اولان اسباب صوریه به تشبث ایتیموب غداء
جسمانی و روحانی خصوصتده بلا سبب معین غیبه نظر ایدر و قبض
و امداد حقه منتظر اولورلر و اسان عامه ده غیب انلری دیدکاری خلقک
ضرورتلرنده و شدتلرنده بولنلر و اعانت و اغانه ایچون حاضر اولنلدر
کر کسه وجودلری مرئی و محسوس اولسون و کرک محجب و مخفی اولسون
ولکن بولر حیاده اولان رجالدر فاما کاه اولور که بعض ارواح یوزندن
دخی امداد الهی کلور کرک تجسد ایدوب محسوس اولسون و کرک
اولسون و رجال الغیبندن مطلقا استمداد ایتک مشر و عدر و حد
شر کردن خار جدر زیر انلر حق تعالی نک اسماء جامعه و کلمات تامه
سیدر و بوامع و کلماته استماده ایتک نصله ثابتدر و مستعاض به کر چه
فی الحقیقه الله تعالی در و لکن مستعید و مستمد موحد اولیق و سائطه
تشبث و وسائله ارتباطی توحیدنی مانع دکلدر و حقک اکثر افعالی
مظاهر یوزندن در و دیمشدر در که حاجتی غنی اولاندن طلب ایله زیر
قضا ایتکه اقدردر یعنی سلطاندن وانک حکمنده اولنلردن دله و کذلک
اگر ظاهرده واکر باطنده امورک ایچون اقطابه مراجعت ایله زیر انلر
فدرت حق و غنائی مطلق ایله ظاهر اولمشدر و مظهریت تامه بولمشدر
(* فصل بوفصل *) اون سکرلر بیساننده در بوامت ایچنده اون
سکرلر دخی وارد در که انلر هر زمان بوعدد دن زائد و ناقص اولمازلر
وانلرک صفاتلنددر که حقوق الله ایله قائملر و امر الله ایله ظاهرلر در

یعنی الله تعالى طرفندن مأ مور اولد قلری جهندن کندی نفسلری
حقنده و غیر یلرخصه و صنده امر الهی نه ایسه انی وجوده کتوررلر
وامثال امرایله مقید اولورلر و انلر اثبات اسباب ایدرلر زیر الله تعالى
وسائطی موحد و مشرکی پری برندن تمیز ایچون نصب ایتشدیر یعنی
حق تعالى بی موحد حقیقی اودر که بر فعلی خلقا و ایجادا حق تعالى به
و توجهها و کسبا واسطه به اسناد ایلر و اول واسطه و سببه رکون ایدوب
عند فقدان قلبی مضطرب اولماز پس شرک جلی و خفیدن خلاص
اولور و اگر رکون واضطراب بولنور سه شرک خفی دن قورتلماز و اگر بر
فعلی واسطه به اضافت ایدوب تأثیری دخی اندن بلور سه کافر بالله
اولور زیرا دیمشلدردر که (لا فاعل الا الله) و انلرک بر صفتلری دخی
بودر که انلردن خرق عوائد صادر اولور یعنی کرامات کونیه ظهور ایدر
شیخ ابومدین مغربی طائفه مذکوره دن اولمغله مغربده انلردن صادر
اولان خارق عادت غیر یلردن صادر اولدی تنکیم شیخ عبدالقادر
الجیلانی دن وجوده کلان کرامات طرف شرقده غیر یلردن کلدی
(* فصل بوفصل *) سکزلر بیاننده در بونلره رجال القوة و رجال
القهر دیرلر قرآنده آیتلری بودر (اشداء علی الکفار) اسماء الهیه دن
اسملری (ذو القوة المتین) و صفتلری (لا تأخذهم فی الله لومة لائم) در
و بونلر هم فعاله اربابنددر یعنی همت و توجه اتسدر نفوسده تأثیری
ظهور ایدر و بومعنا ایله خلق اراسنده شهرتلی واردر یعنی اهل
تصرف اولمغله معروفلردر زیرا مراد ایتد کلری سنه بی وجوده
کتوررلر و توجهلرینک ثمره سی وجود بولور اگرچه فناء فی الله اهلندن
بومقوله سنه صادر اولماز بر امتصرف حقیقی و محیی و ممیت الله تعالى در
پس حتی و کبل اتخاذ ایدوب کندیسی تصرف کوسرتمک اولی و اقوادر
و اول مقوله متصرفلر مجذوب قوی حکمنده در که احترام اولنورلر و لکن
فریندن حذر لازمدر * فصل * بوفصل بشلر بیاننده در) یعنی
اولیادن بش عدد کیمسه دخی واردر که قوت و شدتده فصل سابقده
مذکور اولان ثمانیه تک قدیمی اوزرینه در شوقدر فرق واردر که

بشلقوت زانده لری و متانت غالبه لری و اریکن بعض مواضعده این
ورفقله معامله ایدرلر انکیچون بونلرک عددی انلردن اقل اولدی زیرا
رفق ولین صفات فاضله دندر که هر کس اکامستاهل اولماز و قرآنده
کلور (فبما رحمة من الله لنت لهم) یعنی خلقه این ایله معامله ایتدو کک
رحمت خاصه الهیه دندر (واو کنت فظا غلیظ القلب لانفضوا من
حولک) یعنی ایتدو کک بمحامله تک خلایق و اخلاق حسنه تک ضدی
اوزرینه اولسک خلق دخی سنک چوره یانکده طور مرزل و مجلسکدن
پریشان اولورلر دی * فصل * بوفصل اون بشلر بیاننده اولور یعنی
خواص امتدن اون بش نفر دخی واردر که انلره رجال الحنان و العطف
الالهی دیرلر حنان حاء مهمله ایله سحاب وزنی اوزره رحمت و رأفت
ورقت قلب معناسنده در تنکیم حضرت یحیی علیه السلام و صفتده کلور
(وحنانا من ادنا) و حنان تشدیدله شداد وزنی اوزره اسماء الهیه دندر
رحیم معناسنه و حضرت علی دن کرم الله وجهه مرویدر که
حنان اودر که اندن اعراض ایدنلر اوزرینه اقبال ایدر و منان اودر که
قبل السؤال نوال ایله بدأ ایدر و انلره رجال الحنان دندلر ز بر اعباد اللهک
مؤمن و کافری اوزرینه شفقت غالبه لری واردر خلقه عین وجود
ایله نظر ایدرلر عین قضا و حکم ایله بقمزلر و حق تعالى انلره ولایت
ظاهره و تصرف و حکم و بر ممشدر زیر ادوق و مقاملری ریاست عامه
و قیام بامر الحق کتوررلر شیخ اکبر قدس الله سره الاطهر حضرتلری
اوائلده بوقدم اوزرینه ایدی صکره خسه به انتقال ایدوب واسطه
العقد اولدیلر زیرا رجال خسه بین رجال القوة و رجال الحنان اولمغله
طرفینی جامه لردر و بوجعیت اهلی ظاهرده ولایت احکامه صالحلردر
و بویکی طائفه که رجال القوة و رجال الحناندر بونلردن ایدی ابدال
اولماز و برارینه بدل و استخلاف معناسی امکان بولماز * فصل *
بوفصل دورتلری بیان ایدر بونلره رجال الهیه و الجلال دیرلر
و بونلردر که اوتادار بعده ایدرلر پس بونلر اوتادار بعده تک غیری
درت عدد ولی خاصه در که هر زمانده بوعدد اوزرینه کلورلر زانده

و نقصان اولمازلار و بونلرک غالب احوالی روحانیتدر و قلبلری سما و بدر
و سماده معروف وارضده مجهولالردر انلرک بریسی صعقندن مستثنادر
نتکیم قرأنده کلور (و نفخ فی الصور فصعق من فی السموات و من فی الارض
الامن شاء الله) و ایکنجیسنه علم بما لا یبناهی و یرلمشدر که مقام عزیزدر
و او خنجیسنک ایجاد خصوصه نمده همت فعاله سی واردر و لکن برنسنه
وجود بولماز و درنجیسنک اشیا به تعلقی یوقدر و لکن اندن اشیا وجوده
کلور و لکبسی قلب محمد اوزرینه در و ایکنجیسی قلب شعیب اوزرینه در
و او خنجیسی قدم صالح اوزرینه در و درنجیسی مشرب هو د اوزرینه در
و عالم اعلادن برینه عزرائیل و برینه جبرائیل و برینه میکائیل و برینه
اسرافیل نظر ایدر و بونلره حضرت شیخ اکبر بلاداندلسده ملاقی اولمش
و لکن مقاملری ندر یلمش صکره دمشق الشامده کوروب تعریف
الهی ایله حاللری و مقاملری و ذوقلری ندر معلوم اولمش اللهم بصرتناک
بحرمة احبابک * فصل * بوفصل یکرمی درتلیبیاننده در بونلره رجال
الفتح دیرلر زیر الله تعالی اهل الله قلبونه فتح ایتدوکی معارف
و اسراری بونلرک یوزندن فتح ایدر و بونلر ارتوب اکسملزلر زیر الله
تعالی انلری عدد ساعات اوزرینه قلمش و هر ساعت ایچون انلردن بررجل
تعین ایلشدر پس هر کیمه که ساعات لیل و نهاردن بر ساعتده علوم
و معارفدن برنسنه فتح اوله اول ساعت ایچون متعین اولان رجلاک
طرفندن فتح اولور و انلروجه ارضده متفرقلردر که ابدی مجتمع اولمازلر
و مکانلرینه ملازمت ایدرلر و انلرک ایکنجیسی یمنده و التبسی مغربده
و دردی مشرقده و باقبسی سائرجهانده اولورلر * فصل * بوفصل
یدیلر بیاننده در که ابدال سبعة دن غیریدر و انلره رجال العلی دیرلر
رجال المعارج العلی معناسنه زیر اهر نفسده الله تعالی به معراج ایدوب
علم خاص تحصیل ایدرلر پس انلر نفس صاعدایله دور ایدرلر و انلرک
احوالنه مطلع اولمیان اهل طریق عددلرینه نظرا انلری ابدال
تخیل ایدرنتکیم ابدال قرق نفسدر دینلره کوره بعضیلر جیون عددلری
حسیله ابدالدر قیاس ایدرلر مع هذا رجیون باشقه و ابدال باشقه در

زیرا عددده اشتراک اتحا دی مستلزم دکلدر بلکه فرق ایدن حاللری
و ذوقلریدر * فصل بوفصل *
اون برلری بیان ایدر که انلره رجال التحت الاسفل دیرلر و بعضیلری
نسادن دخی اولور انلردخی هر عصرده عدد مخصوص اوزرینه کلورلر
وجه تسمیه بودر که انلره نفس رجانی نزول ایدر که غداری و سبب
حیات معنویه لر بدر و هر نفس داخلده بونفسی نازل و داخل بولورلر
و کندیلرندن خارج اولان نفسه معرفت و شعورلری یوقدر زیر
امر داخل ایله مقیدلردر و انلر اون بر اولدقلری فیض الهی قلم اعلادن
بری متوجه اولمغله در که اون بر مرتبه در یعنی قلم و لوح و عرش و کرسی
و سموات سبعة در * فصل *

بوفصل اوچلری بیان ایدر بواو جلرک حاللری بودر که حق تعالی دن
استمداد و خلقه امداد ایدرلر و لکن معامله لری رفیق ولین و رحمت ایلده در
عنف و شدت و قهرله دکلدرکویا خلقک بونلر اوزرینه یدلری واردر
و بونلر انلرک ممنولری کی کورینورلر انکیچون افاده و امدادده لطف
و حسن معامله ایدرلر بونلرده رجال اولدیغی کی نسادخی اولور
بوئلشه دن برینک فتحی دائم و غیر منقطعدر یعنی نفس بنفس حقندن
استفاده فیض و خلقه افاده حیات و بقا اوزرینه در زیرامدار عالم
و قطب الکائناتدر و عند الله اسمی عبداللهدر و قدم واحده اوزرینه در که
انکیچون مقاماتده تنوع یوقدر زیرا هرگزک بولمش و دائرة اولیایه
نقطه اولشدر پس دائما حقله واقف و خلقله دخی مشاهده حقله قائمدر
نتکیم فصلنده مفصلا مروایندی و بریسی دخی صاحب الیمیندر عالم
ملکوتیه موکل و جلپس الملائکه در و اسمی عبدالر بدر و مقامات و احوالده
تنوع ایتکده در و صور عالمدن هر در اوصورتده ظاهر اولور زیرا مراد
ایتدوکی و قنده روحنه قادر در یعنی روحانیتی غالب اولمغله ارواح کی
تمثل و تطور ایدر و بریسی دخی صاحب البساردر عالم ملکوتیه حواله
و جلپس الناسدر و اسم الهیسی عبدالملکدر و تنوع مذکور بونلرک ایچون
دخی تابدر و قطبک انتقالنده خلیفه در نتکیم بالاده شرح اولندی

(*) فصل (*)

بوفصل آلهیون رحانیون بیاننده در که انلردخی اوج نفر در
وبعض احوالده ابداله مشایهتلی وارددر و لکن ابدال دکلردر وانلره
القا اولنان وحی الهی بردوز و شدید طاش اوزرنده سور نور زنجیر
اوازی کی استماع اوانور وانلراول صوت شدید دن مقصود الهی نه
ایدوکنی فهم ایدر لر و عمل قلور لر و بو حالت کسلسله علی صفوان
دیر لر که حالات وحیک اشد یدر تنکیم محمده کذر ایلدی
* فصل *

بیاننده در که قطبک غیر یدر زیر اقطب دخی هر عصرده واحد در
و بو واحدک رجاله اختصاصی یوقدر بلکه نسادن دخی اولور فاما قطب
رجالدن اولور و بو واحدک صفتی استطاعتدر که الله تعالی اکا هرشی
اوزرنه قدرت کامله و یرمشدروزی القواد و شجاع و مقدم در و کبر
الدعوی در و لکن دعواسی خلقله در نفسله دکلدر انکیچون حق سوبلر
و عدله حکم ایلر شیخ عبدالقادر جیلانی بغداد ده بو مقامک صاحبی
و بومر تبه نک فرد واحدی ایدی انکیچون کرامات کونیه ده فرید
و وحید ایدی زیر اخارق عاده استطاعتدن حاصلدر صکره تقطب
ایتدی دیو متواتر در و وفاتنه قریب کل اولیا دایره سنه داخل اولوب
بعده اول حال اوزرنه مقبوض اولدی بوفقیقک شیوخ روحانیه
سندندر شیخ اکبر و امشالی کبی قدس الله اسرارهم
* فصل * بوفصل

شول واحد بیاننده در که شبه عیسی در یعنی بر روح و بر بشر دن
تولد ایدوب جنسین مختلفین دن مرکب و مترج اولمشد بلقبس جنله
انساندن تولد ایتدوکی کبی زیر بلقبسک والده سی انسیه و والدی
جنی ایدی اکر عکس اولیدی والده سی یا ننده تولد ایدردی و بشر
صورتنده ظهور ایتدیدی و بوندن انس و جن اراسنده نکاح و علوقک
صحی ظاهر اولدی و لکن احد طرفین کیفیت مخصوصه ایلله تکلیف
موقوفدر فاعرف الحاصل ذکر اولنان واحدک اب بشریسی اولمق

معلوم دکلدر بلکه ایکی مختلف جنسبندن مرکب اولمشد انکیچون
رجل البرزخدر که الله تعالی عالم برزخی انکله حفظ ایدر سؤال
اولنور سه که اهل طبایع ماء مرأه دن ولدتکون ایتز لر دیر پس بلااب والد
اولمق مستبعد و بلکه محالدر جواب بودر که (ان الله علی کل شی قدیر)
پس عیسی علیه السلام نوجهله مریمدن تولد ایلدیه سه سا ر دخی
بویله تولد ایدر تنکیم عهد نبوت محمدیه به قریب وقتده کلن سطح
کا هن ایکی مرأه نک ازدواجندن حاصل اولدیغی مشهوردر انکیچون
لحم پاره ایدیکه کومشدن صحیفه اوزرنه قیوب طاشور لر دی زیرا
دیمشدر در که عظام نطفه ر جلدن تکون ایدر سؤال اولنور سه که
حضرت عیسی به کوره نفخ جبرائیل نطفه ر جل مثابه سنده در
انکیچون عیسی لحم و عظمی مشتمل اولوب تولد ایلدی پس بین الجن
والانس تولد ایدن دخی بویله در که جنک نطفه به بدل اولان ربی
دخی نفخ حکمنده در بلکه مدار علوق اولمقده اظهر در زیرا جن
تولده انسله مشترکدر و نفخدن ریح اکثف واقوادر بناء علی هذا
بین الزوجین المجانسین متولدکی اولور جواب بودر که حقیقت ایلله
حکمک میاننده فرق اولدیغی ظاهر در یعنی ماء حقیقی و ماء حکمی
برابر دکلدر بلکه ماء حکمی ماء حقیقی به وسیله در یعنی جبریلک
نفخندن مریمده و جنک ریچندن محل قابله ماء حقیقی حاصل اولوب
مولود اول ماء حقیقی دن تکون ایدر الحاصل نفخ و نکاح سبب تول
نطفه حقیقه در مستقل و مؤثر دکل و فتوحات مکیه ده کلور که
انسان ماء ر جلدن تکون ایتدوکی کبی ماء مرأه دن دخی تکون ایدر تنکیم
حد یده کلور (اذا علاماء الرجل ماء المرأة اذکرا و اذا علاماء المرأة
ماء الرجل انثا) یعنی اذ کرا و انثاده ضمیری مثنی ایراد ایلدوکی
ماء مرأه نک اذکار و تأ نیثده دخلی اولدیغی اشعار ایدر پس طیه میونک
ماء مرأه نک دخلی یوقدر و اندن برنسنه تکون ایتز دید کلری صحیح
دکلدر و بو مقامده محصل المقال بودر که رجل و مرأه ازدواجلرنده
معا ازال ایلسه لر واحد المائین اخر اوزرنه سابق و عالی اولسه اندن

خنثی مخلوق اولوب بین الذکوره والانوثه خارج اولور و بوضورتده
اگر احد المائین اخردن منصرف اولوب من جميع الجهات على السواء
والاعتدال اولور سه خارج اولان خنثی فرجندن حائض اولور
و ذکرندن امناء یعنی صب منی ایدوب برآق کبی حقیقتین مختلفتینی جمع
ایدراری بودر که هم ناکج وهم منکوح اولوب ظهیرندن تولید و بطنشندن
ولادت ایدر حتی مر ویدر که بر کیمسه نك یا ننده ایکی ولد وار ایدی
سؤال اولند قده بری صلبیدن و بری دخی بطمندن در دیدی واکرماء
اعتدالدن منصرف اولوب و آخر اوزرینه عالی وغالب اولوق مبلغنه
بالغ اولمز سه حکم علوه منصرف اولانکدر یعنی اگر ماء مرأه ایسه
خنثی حبض کورر و لکن امناء ایتمز واکرماء رجل ایسه امناء ایدر و حبض
کورمز اگر احد همدان غلبه بولور سه حدیثده ذکر اولندیغی اوزره
یامذکرو یامؤنث اولوراشته بوجه سنی بش صورت اولور و بوجه دن
قدرت قاهره الهیه ظهور بولور فسبحان القدير الخلاق العليم
* فصل *
بوفصل

شول رجل واحد بیاننده در که انک جميع عوامله رقائق مبتده سی
واتصال معنویسی وار در وگاه اولور که مرأه دخی اولور زیر کمال
انسانی نك رجله اختصاصی بو قدر بلکه مرتبه امامت نسایه دخی
حاصلدر و اول بر شخص غریبه که آنک حائنه واقف اولمیان اهل
طریق هر عصرده وحدیثه نظرا انی قطب الوقت تحویل ایدر
غراتی ایسه دکه عارفه معرفتیه اشغالغه ویرمز و هر وقف
حکک بابنه دخول ایدوب سر نه ایرمز فطوبی لاغریاء
* فصل *
بوفصل

شول رجل واحد بیاننده در که مقامی حسبله اکا سقیط الزفر بن
ساقط العرش دیرلر کبیر الشان عظیم الخالد که شفی کنندی نفسنه
ورینه در یعنی بقاء رسم اهلی در که ایکی شهودله متعم در واکا عالم دیرلر
زیر ایکی مفعوله متعدیدر و بر کیمسه به نظر ایسه و بابر کیمسه انی کورسه
رؤیتندن تأثیر و تأثر حاصل اولوب مزید حاله باعث اولور زیرا نظر

اولیا نظر حقدر و لکن زمان حال و وقت تجلیده اولان نظرك زیاده
تأثیری وار در حتی مصرده اول حالده بر کیمسه حجره سندن چقوب
یا فلان و یا فلان دیو خطاب ایتد کده حاضر اولمد قلرندن عند الباب
بر کلبه یا کلب دیمه سیله اول نظر کلبه تأثیر ایدوب کلاب مصرانک یا ننه
کلوب کندو کی بره بله کیدر دی و چوره سندن مفارقت ایتمز لردی
بر قاج کوندن صکره اول کلبه اخسأ دیدی کلاب دخی باشندن پریشان
اولدیلمر شیخ اکبر حضرتلری بیورمشلردر که بن زمانده اول رجل
واحد قونییه شهرنده راست کلدیم وانی شدید الحیاء وصاحب دل
وانکسار بولدم و معارف الهیده یدطر لاسی و لسان عظیمی و ار ایدی
وانک صفتی بنی اعجاب ایلدی * فصل *
بوفصل

شول رجلان بیاننده در که انلره رجال الغنی بالله دیرلر که الله تعالی
بومقامی انلره حفظ ایلر یعنی کرچه د نیاده اغنیاء نفوس چوقدر
اول اغنیاده نوحاشوب واردر و غناء نفس انلرده کنهی اوزرینه دکلدر
قاما اول ایکی رجلیده کمال اوزرینه در انکیچون صاحب مقام
اولمشلردر و بونلر هر عصرده ایکی اولور و نسادن دخی اولور
وانلرك نه پایتلی بدایتلرنده و بدایتلری دخی نه پایتلیلرنده در یعنی
کشفلری دفعی و عمرلری برابر در وانلرك بری الله تعالی به مضافدر که
اکلدر و بری دخی نفسنه مضافدر که ادنادر و بری عالم شهادته
امداد ایدر پس هر غنا که عالم ملکده حاصلدر انک افاضه سندنر
و بری دخی عالم ملکوته امداد ایدر پس هر غنا که عالم ملکوته واردر
انک یوزندن وجود بولور و بویکی مرد غنا نك دخی استمداد ایتد کلری
بر روح علوی واردر و اول روح علوی نك غناسی غناء الله در غناء بالله
دکلدر زیر احقاله متحققدر انک ایچون اول ایکیسی بوندن استفاضه
ایدرلر اسماء الهیه اسم اعظمیدن استمداد ایتد کلری کبی پس اگر
بور روح علوی بی اول ایکی به اضافت ایدر سک رجال الغنی اوج
اولور و اگر روحك روحانیتنه و بونلرك بشریتنه نظر ایدر سک
رجال الغنا ایکی اولور

(*) فصل (*)

بوفصل شول شخص واحد بیاننده در که قلبنده اصلا فتور یوقدر
وهر نفسده تجددایتمکده در رینه علم ایله ذات رینه علم میانه
تقلب ایدر پروجهله که احد المنزلاتین ده اولق اخرا ده اولمغی
منافی اولماز یعنی حالت واحده ده ایکسینده بیله کورینور شویله که
صفت وزادن بریله مخجب اولماز انکیچون رجال اراسنده حال
جهتندن اندن اعجب واهل معرفت بالله مایبندند اندن اکبر یوقدر
وخشیة الله دن وجودی دائماتره مکده در شیخ اکبر قدس سره
الاطهر حضرتلری زمانلرنده انی کورمش و علمندن استفاده قلمش
وصکره حقیقی ایله متحقق اولمشدر نفعنا الله تعالی بعلومه

(*) فصل (*)

بوفصل شول عشره بیاننده در که انلره رجال عین التحکیم والزوائد
دیر لر یعنی رجال الله دن اون نفر دخی وارد در که انلرک مقاملری دعاده
اسان انبساطه زیاده خصوصیتلریدر یعنی انبساط ورجالیله دعا
ایدلر وغایت ایله ذل وضراعت کوسترلر و حاللری ایمان بالغیبک
زیاده لکیدر یعنی برغیب که انلره شهادت اوله انک ماوراسنده برغیب
آخره دخی ایمانلری زیاده اولور واول غیبی تحصیلده یقینلری ارتار
وبو حال ایله ترقیدن خالی اولمازلر ز بر اقبالیتلری حسبیه قناعت کلز

(*) فصل (*)

بوفصل بدلاء بیاننده در بونلر هر عصرده اون ایکی نفسدر که زائد
وناقص اولزلر بونلر ابدالک غیریدرا کرچکه اسم جهتندن مقار بهلری
واردلر و قبایک دخی غیریدرا کرچه عدد جهتندن مشارکتلری واردلر
واهل طریقندن بعضیلرینه ملتبس اولوب بدلای ابدال ظن ایدلر
وابوبکر الخطیب تاریخ بغدادده کنایدن روایت ایدر که (النقباء
الثمانية والنجباء سبعون والبدالاء بعون والاخیار سبعة والعهد اربعة
والغوث واحد) انتهى ولكن بوروایت ارباب حقایق یانلرنده سدید
و صحیح دکلدر مکر که تأویل ایله تقریب اولنه مثلاً بدلای ابدال معناسنه

اخذایتمک کی وطائفة مذکوره به بدلاء تسمیه سنه وجهه وجیه بودر که
بونلردن بری باقی منابنه نائب اولور یعنی ارالردن غائب اولنلر مقامنه
قائم اولوب جله سی حکمنده اولور و جله ایله وجود بولا جق معنی انکله
وجود بولور نیکیم شعرده کلور (ایس من الله بمسئکر ان یجمع العالم
فی واحد) پس ابدال ایله بدلایک فرقی بو اولدیکه بری برینه بدلدلر
و بدل مبدل اولایک عینیدر نیکیم فصلنده مرور ایلدی بدلایک ایسه
بری بالفرض بیکه بدلدلر نیکیم دیرار که واحد کالاف و بدل
ومبدل منه تشخیص جهتندن بری برینک غیریدر

(*) فصل (*) بوفصل

رجال الاشباق بیاننده در انلر بش نفر در که عین مشاهده ده ایکن
اشباق انلری مضطرب قلمش و حرارت دل جکرلرک کباب ایلشدر زرا
شوقله اشباقک فرقی واردلر شوق اودر که محبوبه ملاقات ایله زائل اولور
اشباق ایسه مطالعة حسن و جمال ایندیکه قوت بولور و بومطالعه به
قادر و بواسطه ایله ظاهر اولنلر اهل طریقک ملوکندن معدوددر
ورجال مذکوره به رجال الصلوات دخی دیرلر زرا هر بری فرائضدن
بر غمازک حقیقته مختصدر انکیچون عددلری بشدر و بونلر ایل ونهارده
صلوة دائمه اوزرینه در که توجهلرینه فتور کلز و مناجاتلری خلل ندر
بلر حتی بعض اهل کشف شویله تخیل ایدلر که اول رجال فی نفس الامر
اعیان دکلدر بلکه هر بروقتده قلنان غماز انلرک برینک صورتیه تجسد
ایتمشدر ولکن بو کشف صحیح دکلدر بلکه خیالندن ناشیدر حقیقتندن
دکلر فاما حقیقت بودر که انلر حقایق ثابتده در و بعض اولبایک تعلقی
افلاک و یاسیاراته و یاغیری به اولدیغی کی بونلره قوام بولور واسراری
بونلره اچیلور زرا هر عین ومعنی وجوه و عرضک خصوص اوزرینه
سری برنامه سه مستنددر که بحسب القابلیه صورت سرانک آینه سنده

(*) فصل (*)

بوفصل رجال الايام السنه بیاننده در که انلر هر زمانده الی عدد
نفسدر که زائد و ناقص اولمازلر و ایام سته دن مراد الله تعالیک عالمی

خلق ابتدوی ایام در که اولی یوم الاحد در یعنی ایامدن ابتدا ظهور
ایدن کون بازار کونی دیدکاری در که صفت سمعدن وجود بولمشدر
انکیچون جمیع اشیا حال عدمده ایکن کن خطابی اشتشدر بعده یوم
الاثنين در که بازار ابرتسی دیدکاری در وانک حرکتی صفت حیادن وجود
بولمشدر انکیچون اجزاء عالمدر بر جزه یوقدر که انده صفت حیات اولیه
بعده (یوم الثالثه در که) صالی کونی دیدکاری در وانک حرکتی صفت
بصردن حاصل اولمشدر انکیچون جمیع اشیا خالقنی مشاهده ایتمکده در
ولکن کنندی عینی جهتنددر یوخسه خالقنک عینی جهتندن دکل
بعده (یوم الرابعه در که) چهارشنبه دیدکاری در وانک حرکتی صفت
ارادتن کلمشدر انکیچون جمیع اجزاء عالم موجودنک تعظیمنی قصد
ایلمر بعده (یوم الخامسه در که) پنجشنبه دیدکاری در وانک حرکتی صفت
قدرته اسناد ایتمشدر انکیچون جمیع افراد عالم خالقنه ثنائیکه قادردر
بعده (یوم الجمعه در که) صفت علمدن موجود کلمشدر انکیچون جمیع
کائنات موجودنی عالمدر ولکن کنندی ذاتی حسبیه یوخسه موجودنک
ذاتی حسبیه دکل بعده (یوم السبت در که) جمعه ابرتسی دیدکاری در
انک حرکتی صفت کلامدن انکیچون جمیع اشیا خالقنی تسبیح ایلمر پس
صفات سبعة مقابله سنده ایام سبعة تعیین اولندی وعالم عموما صفات
حقله ظهرو ایلدی زبراعمل حقدر وهر کسک عملی شاکله سی یعنی کنندی
کالنه مناسب اولان وجه اوزرینه در نیکم قرآنده کلور (قل کل یعمل
علی شاکله) وعالمک عملی النی کونده واقع اولدیکه اولی یوم احد و آخری
یوم جمعه در اول وقتده یوم یکرمی درت ساعتدن عبارت ایلدی صکره
شمس وقر خلق اولندقدن نور وظلمت ظاهر وبری برندن مقبر اولدی
اول ایام اسبوع فی الحقیقه یوم احددر زبرایوم ابتدادر ولکن عرفا
یوم سبت قلندی زیرا آخر ایام الستة اولان جمعه دن صکره در پس
آخر دن صکره وارد اولان اول اولمه مناسب کور یاوب اولینه اختیار
اولندی و افضل ایام اسبوع یوم جمعه در که الله تعالی حضرت تبری اند
نشأه انسانی بی خلق ایلدی بس ارض وسماء وجمیع موجوداتک

خلقنه نشأه مذکوره علت غایبه اولمه کنندی افضل
الموجودات اولدینی کی خلق اولدینی کون دخی افضل ایام
اولدی و دیمشدر در که الله تعالی حضرت تبری ایام سبعة دن برینی
سائر ایام اوزرینه تفضیل ایتد وکنی ام سالفه به تعریف ایتمش ولکن
بخصوصه تعیین ایلمش ایلدی صکره طائفه نصاری زعملر نجه اول یوم
افضل یوم احددر زبرایوم ابتدادر دیو یوم احدی اختیار ایلدیوب
یوم عبد ایتدی لرو اول وقتک دعوتی ایچون متعین اولان بی دخی انلری
اول حال اوزرینه ابقا ایلدیوب سکون ایلدی و طائفه یهود زعم ایتدی لکه
اول کون یوم سبتدر زبرایوم الله تعالی یوم جمعه ده خلق عالمدن فارغ
اولوب جمعه ابرتسی استراحت ایلدی وظهری اوزرینه استلقا ایدوب
احدی الرجلینی آخری اوزرینه وضع ایدوب انا الملک دیدی طائفه
مذکوره نک بووضع تشبیه لرندن ذات مقدسه سی بری اولمه
بو مقابله ده آیت وارد اولدیکه (وما قدر و الله حق قدره) وفي الحديث
(انه) ای یوم الجمعة (اليوم الذي فرض على اليهود والنصارى فاضلته
وهذا كم الله تعالى) یعنی یهود و نصاری افضل ایامی تعیین ایله مأمور
اولمشدر دی ولکن مهندی اولدی لروا کلامت مر حومه ظفر بولدی
زبرایوم ویدر که جبرائیل علیه السلام رسول الله یوم جمعه بی بر مجلی
آینده صورتنده کنوردیکه اول اینده اوزرنده برنکته دخی واریدی
و دیدیکه (هذا یوم الجمعة وهذه النکته ساعة لا یوافقها عبد مسلم
وهو یصلی الا غفر الله له) بوندن فهم اولدیکه یهود و نصاری عقله
تابع اولوب اختلافه دوشدی لرامت مر حومه ایه وحی والهامة پیرو
اولوب حق واحده مهندی اولدی لرو الحمد لله علی ذلك وظاهر
اولدیکه جهات ست وجود انسان سببیه ظهوره کلمشدر انکیچون
الله تعالی جهات ست وایام ست مقابله سنده رجال سته بی خلق
ایدوب هر برینی بر جهت و بر یومک سری اوزرینه تسلیط و حفظی
اوزرینه حواله قیلدی و هرون الرشیدک اوغلی احمد السبکی انلردن
ایلدی صکره تقطاب ایلدی و سستی یوم سبته نسبتدر زبرایوم کون

اول هفتۀ اولیاء احمد مذکورانده کسب مشغول اولوب ایام
باقیه ده تعبد ایدردی و بوندن زعم یهود دخی حاصل اولور زیرا انلر
سابقا ذکر اولیان معنادن اوتری یوم سبتده هر عملدن منقطع ملردر
وصاحب الشفا قاضی عیاض بونک خلافت ایدوب یوم سبتده خانه سندن
طشره چقمز و منقطع اولوردی انکی چون زمانده یهود بته نسبت
اولندی و خلقدن چوق در لوازی و جفا چکدی ظاهر بودر که ظاهر
سرعه مخالفت ایدنک حالی بودر زیر قاضی مذکور ارباب رسوم دندر
پس عقل قاص را بیه تعیین و تخصیص ایتدوی معنی عند اولی الالباب
معتبر دکلر و رجال سته هجیر لاندن معلومدر و هجیر کسرها و تشدید
جیم ایله دأب و شاندر و اول هجیر بو آیتدر که ذکر اوانور (ولقد خلقنا
السموات والارض وما بینهما فی ستة ایام و ما منامن لغوب) و بالجملة
بو عالمده بر امر یوقدر که عدد معینه محصور اوله الا انک مقابله سنده الله
تعالینک رجالی وارد که هر عصرده اول امری حفظ ایچون
تعین اولمشلر در فاما بوندن جمیع رجال محصور اولیق لازم
کلمن یعنی امر محصور اوزرینه محصور اولان رجال هر زمانده
زائد و ناقص اولمازلر فاما بو عالمده دخی رجال وارد که انلر ایچون عدد
معین یوقدر انکی چون هر عصرده زائد و ناقص اولور پس اولیاء الله
طبقات متعدده و اصناف متفاوته در

* فصل *
بو فصل ملامیه دید کلری طائفه بیانده در انلر اول قوم در که
باطنلرنده اولان حالک اثری ظاهر لرنده اصلا ظاهر اولمشدر بلکه
حفظ اسرار و ضبط احوال ایلایوب اهل سرا و لشددر انکی چون بونلر
اولیانک سادات و ائمه سی در و سید العالم طائفه مذکوره معامله سی
اوزره جاری ایدی انکی چون اکثر امورده رموزله اکتفا ایلدی و ضرورت
قویه اولدجه اظهار مجزه قیلدی و واقع اولان ابتلاری دخی معنای
مذکوره دائر ایدی و بوسرله عمل ایدوب معنای مذکوره محل اولنله
حکماء الهیه دیدیلر زیرا امورده عمللرندن صکره مواضعنه وضع احکام
ایلدیلر و اسباب ظاهره بی محل اثباتده اثبات ایدوب اما کنده مقرر

قلیدیلر و نفی لازم کلن موضعده نفی ایتدیلر و حق تعالی نک خلق ارا سنده
بحسب الحکمة ترتیب ایتدوی اموردن بر نسنهیه خلل کتور مدیلر زیرا
رسپی که الله تعالی بر موضعده وضع ایتش اوله آتی رفع ایتک واضعی
تسفیة و قدرنی جهلدر و بر کیمسه سبب اوزرینه اعتماد ایلسه مشرک
و ملحد و ارض طبیعتده اخلاص ایتش اولور تنکم بالاده مفصلا ذکر اولندی
پس طائفه ملامیه مجهوله الاقدار در که انلری اول مقامه تخصیص
ایدن سید لرندن غیری کیمسه بلز و بونلرک حقنده کلور (اولیائی تحت
قبای لا یعرفهم غیری) زیرا بوراده اولیا ایله مراد اولیاء اکملین در که
انلری حقندن غیری یعنی حقنه اغیار اولنلر بلزلر بلکه شوب غیر بندن
خالص اولنلر بلورلر پس لا یعرفهم الا الله سری بوندن ظاهر اولور
و فتوحات مکیده کلور که ملامیه ابو بکر الصدیق قدیمی اوزرینه در که
انلردن کرامات کونیه ظاهر اولماز و انلر صلوات خمس و رواتب اوزرینه
زیاده قمازلر و خلقندن بر حالت زانده ایله تمیز بولوب آنکله معروف
اولمزلر اسواقده کززلر و ناسله کلام عامه سوبلرلر که قلبلری الله ایله
و بدنلری عبودیت مشغولدر و انلرده طعم و ذوق ریاست بوقدر زیرا
قلبلی اوزرینه بوییت مستولی اولمشدر عبودیت ایله ریاست ایسه
بر برده مجتمع اولماز پس بونلر اقصای درجات ولایتده در که انک
فوقنده انجق در جه نبوت وارد و انلرک قرأندن آیتلری بودر (حور
مقصورات فی الخیام) زیرا بونده نساء جنت و حال حور ایله نفوس
رجال الله و احوال خواص اوزرینه تنبیه وارد در زیرا الله تعالی حوری
در و جواهردن خیمه لر ایچنده ابصار اهل جشندن ستر ایتدوی کبی
نفوس رجالی دخی عادات و عبادات خیمه لری ایچنده اعین اهل دنیادن
حفظ ایتشددر و بو خیمه لره غیرت الهیه دیرلر که زوایای کونده
قورلشددر بو جهتدن انلرده خارق عادات اولماز که خلقک انلره تعظیمه
سبب اوله و صلاح و زهد ایله دخی مشار اولمازلر و بعض رجال انلرک
صفتنده دیمشددر (مسود الوجه فی الدنیا والاخرة) یعنی وجهله مراد
حقیقت انسان و سواد دن مقصود سیاد تدر سواد ایله تعبیرک سری

بود که انسان بحسب الظاهر اکواندن بر کوندر کون ایسه نور حق
 یاننده ظلمتدر انکیچون ظاهرده مشاهده اولسان سواد کوندر مع هذا
 دارینده اهل سیادتدر ولکن رسل ایله اولیانک فرقی بود که رسل تشریع
 و تبلیغ ایچون ظهوره مضطرر در اولیاده ایسه بواضطرار یوقدر زیر
 اهل دعوت دکلردر و بویله دیمک دخی وجهدر که رسل مصلمت تبلیغ
 ایچون ادنای مراتبه تنزل ایدرر اولیا ایسه بویله دکلدر و طائفه جلیله
 مذکور به ملامیه دید کلری ایکی وجه اوزرینه در که بری کنندی
 نفسلرندن خارج و بری دخی داخلدر وجه خارج بود که ملامت اول
 طائفه نك تلامذه سنه و توابعنه راجعدر زیر احق یاننده تفصیلرینه
 نظر ایدوب کنندی نفسلرنی لوم ایدرر و عملده اهل اخلاص اولدق
 دیومحزون اولورلر زیر فرحناك اولق بعد القبولدر قبول عمل ایسه
 انلردن غائبدر و بولوم کرچه هر بر اهل نفس اوامده اولور ولکن
 انلرك اصحابنه زیاده اختصاصی اولغله ملامیه دنلدی کویا اهل ملام
 اولان کندی لریدر باخصوص که کندی لری دخی طریق ملامتدن
 کلشردر پس بدایتلرنده اولان حاله وصف قیلندن اولور و وجه داخل
 بودر که انلر عندالله مرتبه و مکانت صاحب لریدر بر وجهله که اگر مرتبه لری
 خلقه ظاهر اولسه خلق انلری اله افتخاز ایدرلردی و سجده قیامورلر
 ایدی و اول مرتبه وجه حقیقه محاذات نامهلریدر چونکه عامه ناسدن
 و ادراك محجوب بین دن تلبس عادات و اختیار بعض مباحات ایله محجوب
 اولدی لری عامه کی محل ملامت اولدی لری و بر دخی کویا مرتبه لری کندی لرنی
 لوم ایدرر شول معناد که عزت رتبه و سلطان مکانت ظاهر اولدی زیر
 اگر باطنلری حالی صورته کلیدی رتبه لری کی کندی لری دخی بین الناس
 عزیز و محترم و رفیع القدر اولورلردی جهلا و سفها انلره چوب جفا ایله
 طوفانلردی ولکن مجهول اولدقارندن عامه دخی انلری نفسلرینه
 قیاس ایدوب سوء معامله دن خالی اولمازلر تکیم زمانمرده بعض کامل
 ناسه واقع اولان احوال هائله مشاهده اولمشدر اگرچه تعرض سوء
 قصدی مالایندخی ایدرلر آخر سر نگون جاه غضب و مطرود درگاه

رب اولمشدر در ومن الله العصمة من معادات الاولیاء و موالات الاعداء
 * فصل * بوفصل

رجال الماء یاننده در انلر بر طائفه در که دریالر و ایرمقلرك قعرلرنده ساکن
 اولوب حقه عبادت ایدرلر و خلق انلرك حاللرینه مطلع دکلردر نتکم
 طریقت اهل الله سده امام الوقت اولان شیخ ابوالسعود بن الشبل
 البغدادی قدس سره بیورر که بردفعه نکاز دجله ده ایدم خاطریمه کلدی که
 عجب اصول ایچنده دخی تعبد ایدر عباد الله وارمیدر دیدم بنم خاطریمه کلان
 هنوز تمام اولدن کوردیمکه نهره نشق اولوب ایچندن بر کیمسه ظهور
 ایلدی دیدیمکه نعم یا ابالسعود الله تعالی نك قوللری واردر که قعر آیده
 عبادت ایدرلر و بن انلردنم و بن بلده تکریتدنم و تکریت کسرله بغداد
 اولمده اوتوز فرسخ برده نهر دجله کنارنده بر بلده کبیره در که قلعه
 حصینه سی واردر و اول قلعه بی ثانی ملوک الفرس اولان شایور بن
 اردشیر بن بابک بنا ایلشدر الحاصل شهرمدن هجرت ایدوب بوصو
 دینده ساکن اولدم و باعث بو اولدی که فلان زمانده اوراده بعض
 حوادث ظهور ایلسه کرکدر بن دخی قهر الهییدن لطفنه صغوب
 کلدم دیدی وینه صویه طالیدی شیخ بیورر که اول کیمسه نك تعیین ایتدوکی
 مدت منقضیه اولدقده اخبار ایتدوکی اوزره اول شهرده آثار غضب
 الهی ظاهر اولدی بوندن فهم اولنور که اول کیمسه نك روحانی غلب
 اولغله صوابیچنده نفسی منجس اولماز نفسنده ثقلت و کدورات بولمازدی
 و كذلك رمز واردر که (الفرار بما لا یطاق من سنن المرسلین) و فقیمه
 عقوبت الهییدن معافاته التجا ایلک و خوف سطوتدن اشرار
 اراستندن هجرت ایتک امر مشر و عذر و اولیانک بعض مغیباته اطلاعی
 تعریف الهی ایله در انکیچون صبح صادق کی نوری باهر و اثری
 ظاهر در والحمد لله تعالی * فصل * بوفصل افراد یاننده در
 بونلرك حقنده شیخ اکبر قدس سره الاظهر حضرته لری بیورر لکه
 (ولا عدد یحصرهم) یعنی انلرك عدد معینی یوقدر بلکه ایکی و اوج
 والی و اون اولورلر نتکیم بعض مکاشفین ذاهب اولمشدر و حضرت

خضر علیه السلام و حضرت علی رضی الله عنه و عبد الله بن عباس رضی الله عنهما افراددن اولق اوزره مصر حدر و لکن صکره حضرت علی اول مرتبه دن ترقی ایدوب زمان خلافتده قطیبت کبری ایلده دخی محقق اولمشدر خلفاء ثلثه متقدمه کبی و رسول الله علیه السلام مقام نبوته مقام افراددن ارتقا ایلدیلر و فنادن صکره بقا بولدیلر نتکیم عالم بشریته مرتبه عقل اولدن تنزل قلدیلر پس عقل اول تبلیغ احکام و دعوت انام ایچون مرتبه تهیم دن اقصای مراتب وجوده تنزل ایتدوکی کبی قطب الاقطاب دخی مرتبه افراد دن تدبیر و تصرف ایچون اختیار اولندی زیرا افراد ملائکه مهمیه مشربنده در و مظاهر اسماء ذاتیه سلویه در که بونلرک سکرلری صحورینه غالبدر نتکیم اقطاب انبیا و رسل مشربنده و مظاهر اسماء ذاتیه نبویه در که بونلرک صحوری سکرلرینه غالبدر بناء علی هذا کر چه ملائکه مهمیه و طائفه افراد مرتبه و مکانت جهندن اعلادر زیر بحر فنا و شهوده مستقر قلددر فاما قلم اعلی و اقطاب جمعیت و احاطه بوزندن اولادر زیر مقام بقا و حساب نازلدر در که بوجساب رتبه اوادنادن صکره قاب قوسین برده سیدر که اصحابی لذت دائمه نظر اهلیدر فافهم جدا و خدام سلطان نظیر افراد و وزرا نظیر اقطابدر بوسیددن دیملر در که وزرا خدامه مداخله ایتدکلری کبی اقطاب دخی افراد مداخله ایتدزلر زیرا افراد ملائکه مهمیه کبی مباحثه قطبه داخل دکلر در و افرادک کشف خاص و علوم غریبه سی اولق من کل الوجوه ماعد الاوزرینه فضلارنی موجب دکلدر بلکه من وجهه فاعلار در و من وجهه فاضل اولان من وجهه مفضول اولور (قال الله تعالی تلك الرسل فضلنا بعضهم علی بعض فی الحدیث) اتم اعلم بامور دنیاکم و افراددن بعضیلر علم بالله ده کر چه اکبر اولق جائدر تدبیر مملکتده و زیردناحق و اعلم بعض خدام اولق کبی و لکن وزیر صفت سلطان و قطب صورت الهیه اوزرینه ظاهر اولمعله سر وحدت شرفی انلره بسدر و افرادک تلامذه سی اولماز زیرا مقام ارشاد و تعلیم تنزل ایتدملر در وحدتده کلور (خبرکم من تعال

القرآن و علمه) وصفات افراددن در که مشاهدده کامله لری جهتیه کمپسه اوزرینه انکار و اعتراض ایتدزلر نظر ایلکه سجده ایلده مأمور اولان ملائکه مقدمات (اتجعل فیها من یفسد فیها و یسفک الدماء) دیملر یله صورت اعتراض اشعار ایتدیلر زیرا ملائکه عالیه دائره سندن خارجلر و حجاب ملکیه ایلده محتجب لدر و کذلک حضرت موسی خضره علیهما السلام اعتراض ایلدی زیر امر سل به اولدیغی شریعت اعتراض اقتضا ایدردی شول جهندنکه فعل خضر ظاهر اکا مخالف ایدی اکر موسی علیه السلام خضری امتحان ایدیدی خضر اکا اعتراض ایتدزدی زیرا دائره ولایت خضریه واسعه در و بوندن (العلم حجاب) مقاله سنک سری نمایان اولدی زیر شریعت موسی حقیقت خضره حجاب ایدی و افراد تصرفی ترک ایلشلر و سرادقات فنایه داخل اولمشلر و تصرف حقله اکتفا قلملر در و انلر (بی یتکلم) موجب حجه احکام شرعیه سو بلرلر مع هذا احکامه علملری سبق ایتدملر در و انلر حق تعالی بی شرعده واقع اولان اسمائله ذکر ایدرلر هر لفظی اطلاق ایتدزلر و حال منامده بوزلرن ستر ایدرلر و موارد الهیه بی تلقیدن اوتوری ظهلری اوزرینه او یوزلر و هر کیجه بلکه هر منامده بر معراج روحانیلری وارد و اکثر ازمان و احوالده اسانلرینه جاری اولان (ما شاء الله کان) کلمه سیدر و کتم اسرار ایدرلر شول مرتبه ده که انلری پاره پاره ایلشلر و یا منشار ایلده قطع اتسه لرافشاء راز ایتدزلر و انلرک الله تعالی حضرت تباری ایلده کندی ارالنده قدم رسول الله مدن غیری قدم یوقدر سائرلرک ایسه قدم بنی دن ماعد اقدم قطب دخی وارد یعنی اگر اتمه دن ایسه و اگر اوتاددن ایسه اوج و اگر ایدال دن ایسه درت قدم وارد و هکذا زیرا حیر اتباعده اولنلرک حالی بودرو بعض اکابر افراد وارد که اماملرنده اصلا قدم یوقدر ملائکه مهمیه کبی و افراددن معدود اولان محمد بن قائد الاوائی دیملدر که عالم معنایه عروجده او کوحجه بر قدم کوردم و اندن بکا زیاده غیرت غلبه ایلدی او راده دنلدیکه امام کده اولان قدم نبیدر پس بنم اضطرابم زائل اولدی و شیخ اکبر بیوردیلر که ابن قائد تخیل ایلدیکه

انی کیمسه تقدم ایتمشدر وانك فوقنده نبیدن خبری یوقدر زیراکندی
 طریق مخصوصندن غیر یسن مشاهده ایتمش ایدی واکا دیدیلر که
 شیخ عبد القادری حضرتده کوردکی اول دیدیکه کورمدم و بوکلام
 عبد القادری عکس ایتدکه دیدیکه صدق ابن قائد یعنی ابن قائدنی اول
 مقامده کورمدی زیراین مخدعه ایدم مخدع کسرله قطبک افراددن
 نستر ایتدیکی موضعدر که خزانه الخلددر وانك خازنی قطبدر یعنی قطب
 اول موضعده قیام ایدوب اولیایه خلع الهیه اورادن چقر وانك دیدیلر
 ویریلور الحاصل عبد القادر دیدیکه بن خزانه خلعه ایدم واکا بنم
 المندن شو صفیلو خلعت چقدی دیدی و خلعتک رنگنی و کیفیتی
 تعریف ایتدی بعده ابن قائده صفت خلعتدن سؤال اولندقدده عبد
 القادر ک دیدوی کی وصف ایتدی و بلدیکه اوراده کندی قدیمی
 فوقنده قدم قطب واردر واکا الباس اولنان خلعت الهیه عبد القادر
 الیانددر که اول وقتده واسطه حق و قطب مطلق ایدی پس بو
 ایکسنگ بری اهل خلوتدن و بری دخی اهل جلوتدن اولدی و جلوت
 جیم ایله نعوت الهیه ایله خلوتدن خروجه دیرلر و خلوت حقه محادثه
 سردر شول وجهله که ارارنده اغیار یوقدر

(*) فصل (*)

بو فصل محدثون پیاننده در قتح دال ایله حضرت عمر الفاروق رضی
 الله تعالی عنه بو طائفه دن ایدی تنکیم حدیثده کلور (انه کان فی ما
 مضی قبلکم من الامم محدثون فانه ان کان فی امتی هذه فانه عمر بن الخطاب)
 و بو طائفه ایکی صنفدر اولکبسی انلره حق تعالی خلف مجاهدین تحدیث
 ایدر حضرت موسی علیه السلامه شجره دن تکلم ایتدوی کی
 تنکیم قرآنده کلور (وما کان لبشر ان یکلمه الله الا وحیا او من وراء
 حجاب) و ایکجیبسی ارواح ملکیه انلرک قبلرینه و احیاناً قوافلرینه
 تحدیث ایلر بو جهندن هر نه که لسانلرینه کله صادق اولور زیرا الله
 تعالی ده و ملائکه ده کذب اولماز حاشا و تحدیث الهی و تحدیث
 ملکی ظن اولنوب واقعه مطابق اولیان امر خیالی و بالقاء نفسانی

و شیطانیدر که صاحبک اندن خبری یوقدر و نیجهلر بو مقامده حقه
 اسناد کذب و یاغز یق و صحف ایتکله کافر اولمشدر و العیاذ بالله (وصنف
 ثانیکنک طریق ریاضات نفسیه و مجاهدات بدنیه در زیر نفوس طبعله
 وقوف کدورتندن صافییه اولسه کندویه مناسب اولان عالمه
 ملتحقه اولور و ارواح اعلانک عالم ملکوت و اسرار دن ادراک
 ایتدوی اموری ادراک ایدر و عالمده اولان انک معانی صحیفه سنده
 منقشه اولور و غیبیه اطلاع کلور و هر روح ایچون مقام معلوم واردر
 انکیچون هر کس استعدادی مرتبه سنی تجاوز ایتز و حدندن برخطوه
 ایلری کتمز * فصل * بو فصل خضر علیه
 السلامک شرح و بیاننده در خضر کبد و کبد وزنی اوزرینه نحر یکله
 و سکونله لقبدر زیر ابرارض یابسه اوزرینه جلوس ایتدکه قدرت
 الهیه ایله مخضره اولوردی یعنی تازه اوت بتوب بمیشل اولوردی نماز
 قلدیغی زمان دخی چوره سی کبیه اوت سبز له تازه لئوردی جبرائیلک
 را کب اولدوغی فرس الحیوتک بصدیغی بریشلاندوی کی زیر احیانک
 اثری دخی حیاتدر و عامه نک روز خضر دیدوی بو مقامدندر زیر اول
 کونلرده وجه ارض نباتاتله حیات نو بولور و خضرک جلوس ایتدوی
 موضعه دوز و جبالک ایام صیف و شتاده تر و تازه لکی اولیانک نظر
 و کدرنددر زیر ابر جبال ثبات و رسو خله صورت اولیاده اولغله اولیا
 نظر کاھی اولمش و قدیمدن معابد و صوامع کثیره اوراده هیکل بولمشدر
 وانك کنیه سی ابو العباس و اسمی بلیادر باء موحده مفتوحه و اندن
 لام ساکنه و باء مثانله و پدر بنک اسمی ملکندر میم مفتوحه و اسکان
 لامله و بعضیلر خضرک نامی ملککان بن بلیان بن کلیان بن سمعان بن
 سام بن نوح در دیدیلر و سیوطی تفسیر سوره کهفده ابن عباسدن
 روایت ایدر که خضر حضرت آدمک صلی اوغلبدر آخر زمانده دجالی
 تکذیب ایچون عمری تطویل اولمشدر و دجالک قتل ایدوب بعده
 حیات بولان جوان خضردر دیدکلری زعم دجاله کوره در فی نفس الامر
 ایسه خضر دکلدر و اصحاب کهفدن بری اولمق روایتی دخی بویله در

یعنی نخیل دجاله کوره اصحاب کهفدن بریدر یو خسه فی الحقیقه د کل
 وانی عساکر دیمشدر که آدمه موت حاضر اولدقده اولادنه وصیت
 ایلدیکه بعد الوفات جسدی انلرک ساکن اولد قلمی مغاره ده بله اوله
 صکره طوفان اولد قده جسدنی مغاره دن چیقاروب سفینه یه الدیلر
 بعده نوح علیه السلام سفینه دن خروج ایتدکده اوغلارینه دیدیکه
 اولاد آدمدن هر کیم آدمی دفن ایدرسه آدم اکا طول عمرله ده ایلشدر
 پس اولادی دفنه قیام کوستر دکلرند خضر ارا زنده بله ایدی و جمله دن
 اول دفنه تولی و مباشرت ایلدی حق تعالی دخی انجاسز وعد ایدوب
 اکاحیات باقیه و یردی بو صورتده دخی خضر آدمک اولاد صلیبه سندن
 اولور و بعضیلر انی ملائکه دندر دیدی یعنی متروحن اولدیغی
 جهتندن یو خسه فی نفس الامر دکل و بعضیلر دیدیلر که اصلنده
 ابناء ملوکدن ایدی صکره ابرهیم بن ادهم واحد بن هرون الرشید السبکی
 وامثالی کی اختیار زهد ایدوب تارک دنیا اولدی و بعضیلر دیدیلر که
 خضر حوالی شیراز ده تولد ایتشدر و الباس انک جدینک عمی در
 و بعضیلر دیدیلر که خضر فرعونک اوغلی در که موسی یه ایمان کتور
 مشدر و بعضیلر دیدیلر که ذوالقرنینک خاله سی اوغلیدر که سفر ظلماتده
 انک مقدمه الجبشی اولوب عسکری ایچون صوتبع ایدردی آب حیاته
 مصادفه ایدوب شرب و اغتسال ایتمه سیله حیات ایدی بولدی تنکیم
 قول مشهور و معول علیه در و بعضیلر دیدیلر که خضر ایکیدر بری
 خضر ذوالقرنین و بری دخی خضر موسی در که اولیاء بنی اسرائیلدندر
 و خضرک نبوت و حیاتی عند ارباب الحقایق متفق علیه در و مضاف
 اولدیغی ذوالقرنین دن مراد ذوالقرنین اولدر که اکا اسکندر یونانی
 دیرل حضرت خلیله ملاقی اولان و سدی بنا ایلین و ظلماته دخول ایدن
 بو اسکندر در که قرأ نده مذکور و نبوتی مختلف فیه در یو خسه
 ذوالقرنین ثانی دکلدر که اکا اسکندر رومی دیرل اسکندر یه ده
 صاحب میل و آینه بو اسکندر که کافر در و انک وزیر ارسططالپس
 دیدکدری حکیم مشهور در و اکثر علما و شعرا بو باده خطا ایدوب یونانی بی

رومی ظن ایلشدر و خضر ی صاحب آینه ایله ذکر ایتشدر در
 و دیمشدر که خضرک موتنه اصلا دلیل یوقدر و الافلان پادشاه
 کوننده و فلان شهرده و فلان وقتده وفات ایتشدر دیوشایع اولور دی
 تنکیم سائرلی شیوع بولشدر زیر ارباب تواریح و اصحاب سیر اهل نوادری
 صحائف بیانه ثبت ایده کیشلر و حقارنده اهتمام ایلشدر و شیخ اکبر
 خضر تلری و ابوطالب مکی و حکیم ترمذی و سائر سادات امت قدس
 الله اسرارهم حیاتنه ذاهب اولدقلمی دلیل قاطع در زیر اهل کشف
 صحیح خطا اوزرینه مقرر اولق ممنوعدر و امام سخاوی دیمشدر که
 رحمه الله (اخی الخضر لوکان حیا لزارنی) حدیث مرفوع دکلدر
 بلکه حیات خضر ی انکار ایدن بعض سلفک کلامیدر سؤال اولنور سه که
 امام بخاری دن خضر و الباسک حیاتلری سؤال اولندقده استبعاد
 ایدوب (وما جعلنا لبشر من قبلك الخلد) آیت کریمه سی و (ارائتم
 ایلنکم هذه فانه لا یبقی علی رأس المأة من هو الیوم علی وجه الارض
 نفس تنطق) حدیث شریفی ایله استشهاد ایدوب خضرک مماتنه
 ذاهب اولدیغی ندر جواب بودر که آیت کریمه دنیا نك عدم بقا سنده
 دائر در پس فانیده اولان دخی فانیدر اگر فانی تأخیرا و اندیسه دیمکدر
 تنکیم ابلبس حقنده (انک من المنظرین) دندلی مع هذا عاقبت میتدر
 و ابلبس یوز یکرمی سنده بر کره تجدید اولندیغی کی خضر حقنده دخی
 مصر حدر زیرا یوز یکرمی سنه عمر طبیعیدر پس عمر طبیعی نهایتنه
 ایرد کده تکرار وجودی بحسب الحکمة نازه نور و حدیث مذکور دن قادر
 مقوله سی مستثنادر زیرا اکثر احکام و اخبار غالبه کوره در مع هذا خضر
 متروحن مقوله سی اولمغه مضمون حدیثدن خروجی اظهر در انکیچون
 بعض اقوالده ملائکه دن اولمغه ذاهب اولدیلر ملائکه ایسه الی یوم
 القیام منظرین دندر سؤال اولنور سه که (لا بی بعدی) خضرک عدم
 بقا سنده الدر زیر ایددر جواب بودر که انک نبوتی نبوت عیسی علیه السلام
 کی منقضیه در پس حالا اگر خضر و الباس و اگر عیسی علیهم السلام
 ولایت مرتبه سیله قائملدر خضر و عیسی بو امتدن اولق اوزره نمی

ایتمش لردی لاجرم خواص حق اولغله د عالی مستجابدر وصحت
 وروایتی عند اهل الحدیث ثابتدر وکتب کلامیه ده مصر حدیث که
 (ذهب العظماء من العلماء الى ان اربعة من الانبياء في زمرة الاحياء الخضر
 والياس في الارض وعيسى وادريس في السماء) ودمش لردی که خضر
 قره ده والیاس دریاده اولور یعنی بحسب الغالب حالری بودر والا
 خضر دریاده دخی بعض اولیایه ظاهر و سقیفه به داخل و بعض صلحایه
 معاونتی باهر در زیر ایکبسی حقیقت واحده کبیدر اسحق و اسماعیل
 کی انکیچون ذبیحه اختلاف اولندی پس هر قنغیسنه نسبت اولنورسه
 صحیحدر زیر اصف تسلیحه اشتراکری وارددر خضر والیاسک صفت
 تروحن و امداد و اعانده اشتراکری اولدیغی کی سؤال اولنورسه که
 خضر بسطدن والیاس قبضدن کما به در دید کوری ندر جواب بودر که
 بو کلام خضر والیاسک وجود لرنی نفی ایتمز اگر چه اعلم المشایخ شیخ
 صدرالدین القنوی دن صادر اولمشدر زیر اکلام شیخ مأولدر والاشیخ
 شیخ اکبر واکله مخالفت لازم کلور زیر اشیا کبر بالاده اشارت اولندیغی
 وزره وجود و حیات باقیه لینه ذاهب اولمشدر صدرک ایسه شیخه
 مخالفت ایتمک دأبی دکلدر زیر اینجه مخالفت ایدر که شیخه خطاب
 الهی وارد اولوب (انت مسکنی و خزانه غیبی و مستقر علمی) دنمشدر
 انکیچون شیخ اکبر علمندن خارج رغیرک علمندن داخل نسنه یوقدر
 بس صدرک مرادی بودر که خضرک کرچه حباتی ثابتدر و لکن بحسب
 الغالب ظاهر اولان راتی تک صفت غالبه سیدر و یاخودار واحندن
 بر روحک صورتیدر و بسط دید کوری خضرک قوای مزاجیه و روحانیه سی
 عالم شهادت و غیبیه مبسوط اولدیغیدر و سالکک خضری عین بسطیدر
 تکیم البیاسی عین قبضیدر زیر الباسکه حقیقت ادر یسیدر عالم
 روحانی به ارتفاعی سیدله قوای مزاجیه سی غیبیه مستهلکه و مقبوضه
 اولمشدر و قبض مابه قوام الامر ی استرسال و انبساطدن اخذ و منعدر
 شجره ایله قائم اولان آب و هوایی اجزاء شجره استرسالدن اخذ کی
 و بسط انک تقبضیدر که ارسالدر بس قبض و بسط عارف احوال

قلیه سندندر که قبض وحشت و عتاب و تأدیب ایراث ایدر و بسط
 انس و لطف و قبول اقتضا ایدر سؤال اولنورسه که الباس حقیقت
 ادر یسیدر عبارت اولیحق ارضده دریاه موکل اولیق نوجهله در
 جواب بودر که الباس ادر یسک صورت مثالیه سیدر نواحی شامده
 بعلمک نام قصیه به مبعوث اولمش ایدی بو اعتبار ایله وجه ارضده قرار
 ایلدی تکیم موسی علیه السلام لیلده معراجده سماء سادسه ده ظاهر اولدی
 مع هذا قبری اوزرنده نماز قیلردی فافهم بس بو تقریر اتدن خضرک
 وجودی و نبیاده بقاء حیاتی و مواضع ضرورنده ظهور و امدادی
 مقرر اولدی و بو فقیر حتی به اراه الله آیاته الکبری طریق حجه و مکة
 مکرمه ده خصوصاً حجر اسماعیلده و عند باب الیتم المکرم برقاج
 دفعه ظاهر اولوب ضمیری کشف و مشکلمی حل و خیرله دعا ایلوب
 جعلک الله من الانفاس دیوتشرف ایلدی و کندینک خضر اولدیغی
 تعریف قبلدی و تعریف فلدیغی برده تعینی ایچون تعریف الهی
 وارد اولدی و حقنده اصلاً شبهه مقلما دی و دعاسنده ذکر ایتدوکی
 انفاس فتوحات مکیه ابوابندن بر بایدر اورایه نظر اولسه اگر سؤال
 اولنورسه که حضرت موسی علیه السلام و خضر دن قنغیسی اعلمدر
 جواب بودر که هر بری من وجه اعلمدر مطلقاً دکل اگر چه (ان عبداً
 من عبادي بمجمع البحرين هو اعلم منك) حدیثی خضرک اعلمینی اقتضا
 ایدر و لکن مقید و مخصصدر تکیم موساتک (هل اتبعك على ان تعلمن
 مما علمت رشداً) بیوردیغی و خضرک (انا على علم علمه الله وانت على
 علم علمك الله) دیدوکی اکادالدر زیر موسی تک خضره متابعتی خضر دن
 اسم باطن اقتضا ایلدوکی بعض اسرار ولایتی تعلم ایچون ایدی بوندن
 خود خضرک مطلقاً افضلیتی لازم کلز زیر موسی دخی اسم باطنیه
 مظهر در شول معنادنکه نبینک نبوتی ولایت ایله مسبوقدر یعنی نبی
 ابتدا ملکوت سموات و ارضه یعنی معارف و حکم و اسرارنه مطلع اولوب
 دأره ولایتیه قدم بصمدقه مقام نبوتیه ارتقا ایتمز پس بو تقریرله قیل وقال
 ارباب دعاوی منقطع اولور و حدیث مذکورده بحرین بحرك تنبيه سیدر

و مجمع البحرين بحر فارس ايله بحر هند اراسنده موضع معروف در که
جزیره عربیه مقار بدر و جزیره عرب طولایم شده عدن شهرندن
عراقه دك و عرضا جده محروسه دن شام شریفه دكدر و خضرده
صورت سر آب حیات و معنی فیض اقدس خالق الكائنات اولغله اکثر یا
دهاسی بوایدی که ذکر اولنور (یا حی یا قیوم یا من لا اله الا انت استلک ان
تحي قلبی بنور معرفتک) انکیچون یا حی یا قیوم اوراد بحردندر سؤال
اولنور سه که یدی یوز بکرمی ایکی تاریخنده مدینه منوره ده دوه جیلر
میاننده عربیه واقع اولوب بر برلینه طاش اتوب جنک ایدر کن
خضر علیه السلام اوراده بولمغله باشنه طاش طوقنوب شکسته واج
آی قدر زمان اندن ورمناک اولدیغی ندر جواب بودر که مجمع البحرين
سریدر زیرا انسان کامل بحر وجوب و بحرامکاتک حقایقی جمع
ایلمشدر مرتبه امکانک حکمی ایسه ابتلا در تکیم غزوه احدده رسول الله
واقع اولدی پس ورته یه دخی ابتلاء صوری دن میراث وارد اوسترحاله
مدار و اختیار ناسه دائر اولدیغی خود ظاهر در * فصل * بو فصل
ائمه اربعه بیاننده در امام اعظم و امام شافعی و امام اعظم اجد و امام
مالک در رضی الله عنهم معلوم اوله که بودرت امام اصل فضل و حقیقه
کمالده کالحلقه المفرغه لایدری این طرفاها قییلندندر فاما ترتیب مراتب
اعتبار یله تفاوت اوزرینه در خلفاء اربعه نك تفاوتلری کی انکیچون
امام اعظم حسن بصر بدن خضر دن موسی منزله سنده در که بونلرک
کرجه هر بری مراتب اربعه ده کاملر شریعت و طریقت و معرفت
و حقیقتده احمللر ایدی ولکن امام اعظمک نشاء سنده غالب اولان
شریعت و علم ظاهر ایدی موسی کی و حسن بصرینک نشاء سنده
غالب اولان حقیقت و علم باطن ایدی خضر کی انکیچون امام شمس
المشرب اولوب سراج الامه دندلی و مذهبی آفاقه منشیر اولدی
و نبوت انبیا نبوت محمدیه ايله ختم اولندیغی کی مذاهب دخی انک مذهبیله
مختم اولسه کرکدر و حسن قری المشرب اولدی و شمسک فلکی واسع
اولغله امام مظهر اسم رحمن و حسن مظهر اسم رحیم اولدی و قرأنده

کلور (و جعل فیها سراجا و قرا منیرا) یعنی سراجک قراوزرینه
تقدیمنده امامک حسن اوزرینه تقدیمنه اشارت وارد در زیرا امام
مظهر اسم اول و ظاهر و حسن مظهر اسم آخر و باطن در اسمین اولین
ایسه تقدیم الهی ايله مقدملر در تکیم قرأنده کلور (هو الاول والاخر
والظاهر والباطن) و بروسه ده متواری خاك اولوب مراتب اربعه ده
کمال بولان کمال ده ده بیور مشدر امام اعظم ایچون توجه ایتدکده کورد مکه
بردر یا ایچنده غوص ایدر اورادن کلوب انی چقاردیلر و قراده لازم
سن دیو ساحله قود یئر یعنی عالم حقیقتده ایکن اجتهاد مرتبه سنه
تنزیل ایتدیلر تا که نفی عام اوله انبیا کی و امام شافعی نك اوناداربعه دن
اولدیغی متفق علیه در ولکن اسم الهی سی وارکان اربعه بیندن قنقی
رکنه ناظر اولدیغی معلوم دکلدر و امام احمد حقه خضر علیه السلام
صدیق در دیو شهادت ایلمشدر صدیق ایسه مخلص در فتح لامله
مخلص عند الصوفیه شوب غیریتدن خلاص اولندر که مرتبه سی مرتبه
نبوته مقار بدر و شیخ اکبر حضرتلری فتوحات مکبه ده اجد بن حنبل
مشرب عمر رضی الله عنه اوزرینه کلان اقطابنددر دیمشدر امام
مالکک کالنه خود شیخ مزبوك انک مذهبی اوزرینه انتشاسی اظهار
دلیل در زیر متبوع و صاحب المذهب کامل اولسه تابع و مقلد دخی
کامل اولماز و بوتقریردن فهم اولندیکه ائمه مذکوره حقه عشقدن
درس و یرمشلر و مجلس سکارایه کریمشدر در دبد کلری مأولدر یعنی
اجتهاد و استنباطه اشتغاللری سبیلله عامه ايله ذوقه متعلق صحبت
ایتمدیلر و خاصه خصوصنده رمز و ایمانله اکتفا ایلدیلر و اسرکار مقامنده
کورنمد کلری زیاده تمکین ايله تلبسلرندن و رداء بقا و صحو له مرتدی
اولدقلرنددر زیرا هر واصلک بر مقامی و هر سالک بر طریق مخصوصی
وار در انکیچون کندی طریق اوزرینه کور مدیکی سالکی طریقتدن
اجنبی قیاس ایدر و بومقامک بعض اسرار و امثله سی بالاده ابراد
اولمشدر جعلنا الله وایاکم من الواصلین الی ذروه التحقيق دون
الواقفین فی وسط الطريق وقد انجز الله وعده بانمام هذا الكتاب

الذي سماه كتاب الخطاب على ما اشير اليه في الديباجة فله
 الحمد شكرا وله المنحة فضلا وعلى روح سيدنا سيد العالم
 صلوات لا يحصرها القلم وعلى آله واصحابه
 ومن تبعهم من الافراد
 والاقطاب الى يوم
 الحساب

ولله الحمد على نعمة اتمام الطبع * مع التصحيح بحسب الطاقة والوسع *
 وذلك بمطبعة كرسى الخلافة الخاقانية * مقر السلطنة قسطنطينية *
 في رونق الدولة المجيدية * تحت ظلال التنظيمات العديلية *
 في نوبة نظارة مصطفى السامي الى مرضاة الدولة
 العلية * مورخا (است و خسين)
 بعد الالف ١٢٥٦
 والمائتين